

Khuddakanikāye Vinayapiṭake

Bhadantamahābuddhaghosattherena katā

# PĀRĀJIKAKAṄḌA-AṬṬHAKATHĀ

(Dutiyo bhāgo)

---



Buddhavasse 2552

Marammavasse 1370

AD. 2008

Romanized from Myanmar version published in 1975

© Buddhasāsana Society

Aṭṭhakathā Series 02

First published in 2008 by Ministry of Religious Affairs

Yangon, Myanmar

THE PĀLI ALPHABET  
IN BURMESE AND ROMAN CHARACTERS

VOWELS

အ a      အာ ā      ဣ i      ဤ ī      ဥ u      ဦ ū      ဧ e      ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṅa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya      ရ ra      လ la      ဝ va      သ sa      တ ha      ဠ ḷa      ၵ ṁ

VOWELS IN COMBINATION

-၁ ၵ = ā      ၵ = i      ၵ = ī      ၵ - ၵ = u      ၵ - ၵ = ū      - = e      -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခုူ khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဠ cca	ဏှ န္ဓha	ဠှ သ္ဃa	ဠှ ပာ	လျ လာ
ကျ kya	ဠ ccha	ဏှ န္ဓha	ဠှ န္ဓa	ဠှ ဗ္ဃa	လှ လာ
ကြ kri	ဠ jja	ဏှ န္ဓha	ဠှ န္ဓva	ဠှ ဗျa	ဂှ ဖာ
ကလ kla	ဠ jjha	တ္တ tta	ဠှ န္ဓha	ဠှ ဗာ	တ္တံ တာ
ကွာ kva	ည ṅṅha	တ္တ ttha	ဠှ န္ဓa	ဠှ မ္ဗာ	တ္တံ တာ
ချ ကျာ	ည ṅṅha	တ္တ tva	ဠှ န္ဓra	ဠှ မ္ဗာ	တ္တံ တာ
ခွ ကျာ	ည ṅṅha	တ္တ tya	ဠှ န္ဓha	ဠှ မ္ဗာ	တ္တံ တာ
ဂွ ဂ္ဂာ	ဠ ṅṅcha	တြ tra	ဠှ န္ဓa	ဠှ မ္ဗာ	သံ သာ
ဠှ ဂ္ဂာ	ည ṅṅja	ဠှ သ္ဓa	ဠှ န္ဓa	ဠှ မ္ဗာ	သံ သာ
ချ ဂျာ	ည ṅṅjha	ဠှ သ္ဓha	ဠှ န္ဓa	ဠှ မျာ	သံ သာ
ဂြ ဂ္ဂာ	ဠှ တ္တa	ဠှ သျာ	ဠှ ပ္ဗာ	ဠှ မျာ	တ္တံ တာ
ကံ န္ကာ	ဠှ တ္တha	တြ သ္ဓra	ဠှ ပ္ဗာ	ဠှ ယျာ	တ္တံ တာ
ခံ န္ကျာ	ညှ သ္ဓha	ဠှ သ္ဓa	ဠှ ပျာ	ဠှ ယျာ	တ္တံ တာ
ဂံ န္ဂာ					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

# Pārājikakaṇḍa-aṭṭhakathā

## Dutiyabhāga

Mātikā

Piṭṭhaṅka

### 1. Pārājikakaṇḍa

3. Tatiyapārājika paṭhamapaññattinidānavaṇṇanā	...	...	1
Ānāpānassatisamādhikathā	...	...	9
Padabhājanīyavaṇṇanā	...	...	37
Pakiṇṇakakathāvaṇṇanā	...	...	60
Vinītavatthuvaṇṇanā	...	...	60
4. Catutthapārājika Vaggumudātīriyabhikkhuvatthuvaṇṇanā	...	...	73
Adhimānavatthuvaṇṇanā	...	...	79
Savibhaṅgasikkhāpadavaṇṇanā	...	...	80
Padabhājanīyavaṇṇanā	...	...	84
Suddhikavāarakathāvaṇṇanā	...	...	87
Vattukāmaṅgavāarakathā	...	...	90
Paccayaapaṭisaṃyuttavāarakathā	...	...	91
Anāpattibhedakathā	...	...	92
Vinītavatthuvaṇṇanā	...	...	92
Nigamanavaṇṇanā	...	...	103

### 2. Saṃghādisesakaṇḍa

1. Sukkavissaṭṭhisikkhāpadavaṇṇanā	...	...	105
2. Kāyasāmsaggasikkhāpadavaṇṇanā	...	...	119
3. Duṭṭhullavācāsikkhāpadavaṇṇanā	...	...	132
4. Attakāmapāricariyasikkhāpadavaṇṇanā	...	...	136

Mātikā			Piṭṭhaṅka
5. Sañcarittasikkhāpadavaṇṇanā	...	...	139
6. Kuṭikārasikkhāpadavaṇṇanā	...	...	147
7. Vihārakārasikkhāpadavaṇṇanā	...	...	160
8. Paṭhamaduṭṭhadosasikkhāpadavaṇṇanā	...	...	161
9. Dutiyaduṭṭhadosasikkhāpadavaṇṇanā	...	...	183
10. Paṭhamasaṅghabhedasikkhāpadavaṇṇanā	...	...	187
11. Dutiyasaṅghabhedasikkhāpadavaṇṇanā	...	...	196
12. Dubbacasikkhāpadavaṇṇanā	...	...	196
13. Kuladūsakasikkhāpadavaṇṇanā	...	...	198
Nigamanavaṇṇanā	...	...	212

### 3. Aniyatakaṇḍa

1. Paṭhama-aniyatasikkhāpadavaṇṇanā	...	...	214
2. Dutiya-aniyatasikkhāpadavaṇṇanā	...	...	217

### 4. Nissaggiyakaṇḍa

#### 1. Cīvaravagga

1. Paṭhamakathinasikkhāpadavaṇṇanā	...	...	219
2. Udositasikkhāpadavaṇṇanā	...	...	232
3. Tatiyakathinasikkhāpadavaṇṇanā	...	...	238
4. Purāṇacīvarasikkhāpadavaṇṇanā	...	...	240
5. Cīvarapaṭiggahaṇasikkhāpadavaṇṇanā	...	...	243
6. Aññātakaviññattisikkhāpadavaṇṇanā	...	...	245
7. Tatuttarisikkhāpadavaṇṇanā	...	...	248
8. Paṭhama-upakkhaṭasikkhāpadavaṇṇanā	...	...	250
9. Dutiya-upakkhaṭasikkhāpadavaṇṇanā	...	...	252
10. Rājasikkhāpadavaṇṇanā	...	...	252

Mātikā

Piṭṭhaṅka

**2. Kosiyavagga**

1. Kosiyasikkhāpadavaṇṇanā	...	...	263
2. Suddhakāḷakasikkhāpadavaṇṇanā	...	...	263
3. Dvebhāgasikkhāpadavaṇṇanā	...	...	263
4. Chabbassasikkhāpadavaṇṇanā	...	...	264
5. Nisīdanasanthasikkhāpadavaṇṇanā	...	...	264
6. Eḷakalomasikkhāpadavaṇṇanā	...	...	266
7. Eḷakalomadhovāpanasikkhāpadavaṇṇanā	...	...	268
8. Rūpiyasikkhāpadavaṇṇanā	...	...	268
9. Rūpiyasamvohārasikkhāpadavaṇṇanā	...	...	275
10. Kayavikkayasikkhāpadavaṇṇanā	...	...	278

**3. Pattavagga**

1. Pattasikkhāpadavaṇṇanā	...	...	281
2. Ūnapañcabandhanasikkhāpadavaṇṇanā	...	...	286
3. Bhesajjasikkhāpadavaṇṇanā	...	...	288
4. Vassikasāṭikasikkhāpadavaṇṇanā	...	...	297
5. Cīvara-acchindanasikkhāpadavaṇṇanā	...	...	301
6. Suttaviññattisikkhāpadavaṇṇanā	...	...	302
7. Mahāpesakārasikkhāpadavaṇṇanā	...	...	305
8. Accekacīvarasikkhāpadavaṇṇanā	...	...	306
9. Sāsāṅkasikkhāpadavaṇṇanā	...	...	307
10. Pariṇatasikkhāpadavaṇṇanā	...	...	310

**Pārājīkakaṇḍa-aṭṭhakathāya dutiyabhāge mātikā niṭṭhitā.**

# Vinayapiṭaka

## Pārājikakaṇḍa-aṭṭhakathā

Namo tassa Bhagavato Arahato Sammāsambuddhassa.

### 3. Tatiyapārājika

Tatiyaṃ tīhi suddhena, yaṃ Buddhena vibhāvitam.  
Pārājikaṃ tassa dāni, patto saṃvaṇṇanākkamo.

Yasmā tasmā suviññeyyaṃ, yaṃ pubbe ca pakāsitam.  
Taṃ vijjayitvā assāpi, hoti saṃvaṇṇanā ayaṃ.

### Paṭhamapaññattinidānavāṇṇanā

162. Tena samayena Buddho Bhagavā Vesāliyaṃ viharati Mahāvane Kūṭāgārasālāyanti ettha Vesāliyaṃ evaṃnāmake itthilingavasena pavattavohāre nagare. Tañhi nagaraṃ tikkhattuṃ pākāraparikkhepavaḍḍhanena visālībhūtattā “Vesālī”ti vuccati. ( )<sup>1</sup> idampi ca nagaraṃ sabbaññutappatteyeva Sammāsambuddhe sabbākārena vepullaṃ<sup>2</sup> pattanti veditabbaṃ. Evaṃ gocaragāmaṃ dassetvā nivāsataṭṭhāna<sup>3</sup>māha “Mahāvane Kūṭāgārasālāyan”ti. Tattha Mahāvanaṃ nāma sayamjātaṃ aropimaṃ saporicchedaṃ mahantaṃ vanam. Kapilavatthusāmantā pana Mahāvanaṃ Himavantaṃ saha ekābaddhaṃ aparicchedaṃ hutvā mahāsamuddaṃ āhacca ṭhitaṃ. Idam tādisaṃ na hoti, saporicchedaṃ mahantaṃ vananti Mahāvanaṃ. Kūṭāgārasālā pana

1. (Ayametta saṅkhepo. Vitthāro panassa anupubbikathaṃ icchantehi Paramatthajotikāya Khuddakaṭṭhakathāya 135 piṭṭhe Ratanasuttavaṇṇanāto gahetabbo) (Syā)

2. Sabbākāro vepullataṃ (Ka), sabbākārovepullataṃ (Syā) (Saṃ-Ṭṭha 3. 296)

3. Nivāsanaṭṭhāna (Ka)

Mahāvanam nissāya kate ārame Kūṭāgāram anto katvā  
hamśavaṭṭakacchadanena<sup>1</sup> katā sabbākārasampannā Buddhassa Bhagavato  
Gandhakuṭi veditabbā.

**Anekapariyāyena asubhakatham kathetīti** anekehi kāraṇehi  
asubhākārasandassanappavattam kāyavicchandaniyakatham katheti.  
Seyyathidam? Atthi imasmim kāye kesā lomā -pa- muttanti. Kim vuttam  
hoti—bhikkhave imasmim byāmamatte kaḷevare sabbākārenapi<sup>2</sup> vicinanto  
na koci kiñci muttam vā maṇim vā veḷuriyam vā agarum vā candanam vā  
kuṅkumam vā kappūram vā vāsacuṇṇādīni<sup>3</sup> vā aṇumattampi sucibhāvam  
passati, atha kho paramaduggandham jeguccham assirīkadassanam  
kesalomādinānappakāram asucimyeva passati. Tasmā na ettha chando vā  
rāgo vā karaṇīyo. Yepi hi uttamaṅge sirasmim jātā kesā nāma, tepi asubhā  
ceva asucino ca paṭikkulā ca<sup>4</sup>. So ca nesam asubhāsucipaṭikkulabhāvo  
vaṇṇatopi saṅghānatopi gandhatopi āsayatopi okāsatopīti pañcahi kāraṇehi  
veditabbo. Evam lomādīnanti. Ayamettha saṅkhepo, vitthāro pana  
**Visuddhimagge**<sup>5</sup> vuttanayena veditabbo. Iti Bhagavā ekamekasmim koṭṭhāse  
pañcapañcappahedena anekapariyāyena asubhakatham katheti.

**Asubhāya vaṇṇam bhāsati**ti uddhumātakādivasena asubhamātikam  
nikkhipitvā padabhājanīyena tam vibhajanto vaṇṇento samvaṇṇento  
asubhāya vaṇṇam bhāsati. **Asubhabhāvanāya vaṇṇam bhāsati**ti yā ayam  
kesādīsu vā uddhumātakādīsu vā ajjhatabhiddhāvattḥūsu asubhākāram  
gahetvā pavattassa cittassa bhāvanā vaḍḍhanā phātikammam, tassā  
asubhabhāvanāya ānisaṃsam dassento vaṇṇam bhāsati guṇam parikitteti.  
Seyyathidam? Asubhabhāvanābhīyutto bhikkhave bhikkhu kesādīsu vā  
vatthūsu, uddhumātakādīsu vā pañcaṅgavippahīnam pañcaṅgasamannāgataṃ  
tividhakalyāṇam dasalakkhaṇasampannam paṭhamam jhānam paṭilabhati, so  
tam paṭhamajjhānasaṅkhātam cittamañjūsam nissāya vipassanam vaḍḍhetvā  
uttamattham arahattam pāpuṇāti.

1. Hamśavaṭṭakacchannena (Ka)

3. Vāsacuṇṇādīm (Sī), vāsacuṇṇādīnam (Syā)

5. Visuddhi 1. 241 piṭṭhe.

2. Sabbādarenapi (Sī, Syā)

4. Paṭikkulā ca (Ka)



Tatrimāni paṭhamassa jhānassa dasa lakkhaṇāni pāripanthikato<sup>1</sup> citta-visuddhi, majjhimassa samādhinimittassa paṭipatti, tattha citta-pakkhandanaṃ, visuddhassa cittaassa ajjupekkhanaṃ, samathappaṭipannaṃ ajjupekkhanaṃ, ekattupaṭṭhānassa ajjupekkhanaṃ, tattha jātānaṃ dhammānaṃ anativattanaṭṭhena sampahaṃsanā, indriyānaṃ ekarasaṭṭhena, tadupagavīriyavāhanaṭṭhena, āsevanaṭṭhena sampahaṃsanāti.

**Tatrāyaṃ Pāli**—“paṭhamassa jhānassa ko ādi, kiṃ majjhe, kiṃ pariyosānaṃ? Paṭhamassa jhānassa paṭipadāvisuddhi ādi, upekkhānubrūhanā majjhe, sampahaṃsanā pariyosānaṃ. Paṭhamassa jhānassa paṭipadāvisuddhi ādi, ādissa kati lakkhaṇāni? Ādissa tīṇi lakkhaṇāni. Yo tassa paripantho, tato cittaṃ visujjhati, visuddhattā cittaṃ majjhimāṃ samathanimittam<sup>2</sup> paṭipajjati, paṭipannattā tattha cittaṃ pakkhandati. Yaṅca paripanthato cittaṃ visujjhati, yaṅca visuddhattā cittaṃ majjhimāṃ samathanimittam paṭipajjati, yaṅca paṭipannattā tattha cittaṃ pakkhandati. Paṭhamassa jhānassa paṭipadāvisuddhi ādi, ādissa imāni tīṇi lakkhaṇāni. Tena vuccati paṭhamam jhānaṃ ādikalyāṇaṅceva hoti tilakkhaṇasampannaṅca<sup>3</sup>.

Paṭhamassa jhānassa upekkhānubrūhanā majjhe, majjhassa kati lakkhaṇāni? Majjhassa tīṇi lakkhaṇāni. Visuddham cittaṃ ajjupekkhati, samathappaṭipannaṃ ajjupekkhati, ekattupaṭṭhānaṃ ajjupekkhati. Yaṅca visuddham cittaṃ ajjupekkhati, yaṅca samathappaṭipannaṃ ajjupekkhati, yaṅca ekattupaṭṭhānaṃ ajjupekkhati. Paṭhamassa jhānassa upekkhānubrūhanā majjhe, majjhassa imāni tīṇi lakkhaṇāni. Tena vuccati paṭhamam jhānaṃ majjhekalyāṇaṅceva hoti tilakkhaṇasampannaṅca<sup>3</sup>.

Paṭhamassa jhānassa sampahaṃsanā pariyosānaṃ, pariyosānassa kati lakkhaṇāni? Pariyosānassa cattāri lakkhaṇāni. Tattha jātānaṃ dhammānaṃ anativattanaṭṭhena sampahaṃsanā, indriyānaṃ ekarasaṭṭhena sampahaṃsanā, tadupagavīriyavāhanaṭṭhena sampahaṃsanā, āsevanaṭṭhena sampahaṃsanā, paṭhamassa jhānassa sampahaṃsanā pariyosānaṃ, pariyosānassa imāni cattāri lakkhaṇāni. Tena vuccati paṭhamam jhānaṃ pariyosānakalyāṇaṅceva hoti catulakkhaṇasampannaṅca<sup>3</sup>. Evaṃ tividdhattagataṃ<sup>4</sup> cittaṃ tividdhakalyāṇakam

1. Pāribandhakato (Ka)

2. Samādhinimittam (Sī, Syā, Ka)

3. Lakkhaṇasampannaṅca (167 piṭṭhe Paṭisambhidāmagge)

4. Tividdhattagataṃ (167 piṭṭhe Paṭisambhidāmagge)

dasalakkhaṇasampannaṃ vitakkasampannañceva hoti vicārasampannañca pītisampannañca sukhasampannañca cittassa adhiṭṭhānasampannañca saddhāsampannañca vīriyasampannañca satisampannañca samādhisampannañca paññāsampannañcā”ti<sup>1</sup>.

**Ādissa ādissa asubhasamāpattiyā vaṇṇaṃ bhāsatī** “evampi itthampī”ti punappunam<sup>2</sup> vavatthānaṃ katvā ādisanto asubhasamāpattiyā vaṇṇaṃ bhāsatī, ānisaṃsaṃ katheti, guṇaṃ parikitteti. Seyyathidaṃ—  
“asubhasaññāpariciteṇa bhikkhave bhikkhuno cetasā bahulaṃ viharato methunadhammasamāpattiyā cittaṃ patilīyati patikuṭati pativattati na sampasāriyati, upekkhā vā pāṭikulyatā vā saṅghāti. Seyyathāpi bhikkhave kukkuṭapattaṃ vā nhārudaddulaṃ vā aggimhi pakkhittaṃ patilīyati patikuṭati pativattati na sampasāriyati. Evamevaṃ kho bhikkhave bhikkhuno asubhasaññāpariciteṇa cetasā bahulaṃ viharato methunadhammasamāpattiyā cittaṃ patilīyati patikuṭati pativattati na sampasāriyatī”ti<sup>3</sup>.

**Icchāmahaṃ bhikkhave addhamāsaṃ paṭisallīyitunti** ahaṃ bhikkhave ekaṃ addhamāsaṃ paṭisallīyituṃ nilīyituṃ ekova hutvā viharituṃ icchāmīti attho. **Namhi kenaci upasaṅkamitabbo aññatra ekena piṇḍapātānīhāra kenāti** yo attanā payuttavācaṃ akatvā mamatthāya saddhesu kulesu paṭiyattaṃ piṇḍapātaṃ nīharitvā mayhaṃ upanāmeti, taṃ piṇḍapātānīhāra kaṃ ekaṃ bhikkhuṃ ṭhapetvā namhi aññena kenaci bhikkhunā vā gahaṭṭhena vā upasaṅkamitabboti.

Kasmā pana evamāhāti? Atīte kira pañcasatā migaluddakā mahatīti daṇḍavāgurāhi araññaṃ parikkhipitvā haṭṭhatuṭṭhā ekatoyeva yāvajīvaṃ migapakkhighātakammaṇa jīvikam<sup>4</sup> kappetvā niraye upapannā, te tattha paccitvā pubbe katena kenacideva kusalakammaṇa manussesu upapannā, kalyāṇūpanissayavasena sabbepi Bhagavato santike pabbajjañca upasampadañca labhiṃsu, tesam tato mūlākusalakammato avipakkavipākā aparāparacetanā tasmim addhamāsabbhantare attūpakkamena ca parūpakkamena ca jīvitupacchedāya okāsamakāsi, taṃ Bhagavā addasa. Kammavipāko nāma na sakkā kenaci paṭibāhituṃ. Tesu ca bhikkhūsu puthujjanāpi atthi sotāpannasakadāgāmi-anāgāmikhīṇāsavāpi. Tattha khīṇāsavā appaṭisandhikā, itare

1. Khu 9. 167 Paṭisambhidāmagge.

3. Am 2. 433 piṭṭhe.

2. Punappuna (Sī)

4. Jīvitam (Syā, Ka)

ariyasāvakaṃ niyatagatikā sugatiparāyaṇā, puthujjanānaṃ pana gati aniyatā. Atha Bhagavā cintesi “ime attabhāve chandarāgena maraṇabhayabhītā na sakkhissanti gatiṃ visodhetuṃ, handa nesaṃ chandarāgappahānāya asubhakathaṃ kathemi, taṃ sutvā attabhāve vigatacchandarāgatāya gativisodhanaṃ katvā sagge paṭisandhiṃ gaṇhissanti, evaṃ nesaṃ mama santike pabbajjā sātthikā bhavissatī”ti.

Tato tesāṃ anuggahāya asubhakathaṃ kathesi kammaṭṭhānasīsenā, no maraṇavaṇṇasaṃvaṇṇanādhippāyena. Kathetvā ca panassa etadahosi “sace maṃ imaṃ addhamāsaṃ bhikkhū passissanti, ‘ajja eko bhikkhu mato, ajja dve -pa- ajja dasā’ti āgantvā āgantvā ārocessanti, ayañca kammavipāko na sakkā mayā vā aññena vā paṭibāhituṃ, svāhaṃ taṃ sutvāpi kiṃ karissāmi, kiṃ me anattakena anayabyasanena sutena, handāhaṃ bhikkhūnaṃ adassanaṃ upagacchāmi”ti. Tasmā evamāha “icchāmahaṃ bhikkhave addhamāsaṃ paṭisalliyituṃ, namhi kenaci upasaṅkamatabbo aññatra ekena piṇḍapātānīhārakena”ti.

Apare panāhu “parūpavādavivajjanatthaṃ evaṃ vatvā paṭisallīno”ti. Pare kira Bhagavantaṃ upavadissanti “ayaṃ ‘sabbaññū ahaṃ saddhammavaracakkavattī’ti paṭijānamāno attanopi sāvake aññamaññaṃ ghātente nivāretuṃ na sakkoti, kimaññaṃ sakkhissatī”ti. Tattha paṇḍitā vakkhanti “Bhagavā paṭisallānāmanuyutto nayimaṃ pavattiṃ jānāti, kocissa ārocayitāpi natthi, sace jāneyya, addhā nivāreyyā”ti. Idaṃ pana icchāmattaṃ, paṭhamamevettha kāraṇaṃ. **Nāssudhāti** ettha **assudhāti** padapūraṇamatte, avadhāraṇatthe vā nipāto, neva koci Bhagavantaṃ upasaṅkamatīti attho.

Anekehi vaṇṇasaṅghānādīhi kāraṇehi vokāro assāti **anekākāravokāro**, **anekākāravokiṇṇo**, **anekakāraṇasammissoti** vuttaṃ hoti. Ko so? Asubhabhāvanānuyogo, taṃ **anekākāravokāraṃ asubhabhāvanānuyogaṃ**. **Anuyuttā viharantīti** yuttappayuttā<sup>1</sup> viharanti. **Aṭṭiyantīti** sakena kāyena aṭṭā dukkhitā

---

1. Yuttapayuttā (Ka), yuttā payuttā (Syā)

honti. **Harāyantīti** lajjanti. **Jigucchantīti** sañjātajigucchā honti. **Daharoti** taruṇo. **Yuvāti** yobbanena samannāgato. **Maṇḍanakajātikoti** maṇḍanakapakatiko. **Sīsammhātoti** sīsena saddhim nhāto. **Daharo yuvāti** cettā daharavacanena paṭhamayobbanabhāvaṃ dasseti. Paṭhamayobbane hi sattā visesena maṇḍanakajātikā honti, “sīsammhāto”ti iminā maṇḍanānuyogakālaṃ, yuvāpi hi kiñci kammaṃ katvā saṃkiliṭṭhasarīro na maṇḍanānuyutto hoti, sīsammhāto pana so maṇḍanamevānuyuyñjati, ahikuṇapādīni daṭṭhumpi na icchati, so tasmim̐ khaṇe ahikuṇapena vā kukkurakuṇapena vā manussakuṇapena vā kaṇṭhe āsattena kenacideva paccathikena ānetvā kaṇṭhe baddhena paṭimukkena yathā aṭṭiyeyya harāyeyya jiguccheyya, evameva te bhikkhū sakena kāyena aṭṭiyantā harāyantā jigucchantā so viya puriso taṃ kuṇapaṃ vigatacchandarāgatāya attano kāyaṃ pariccajitukāmā hutvā satthaṃ ādāya attanāpi attānaṃ jīvitā voropenti. “Tvam̐ maṃ jīvitā voropehi, ahaṃ taṃ”ti evaṃ aññamaññampi jīvitā voropenti.

**Migalaṇḍikampi samaṇakuttakanti migalaṇḍikoti** tassa nāmaṃ. **Samaṇakuttakoti** samaṇavesadhārako. So kira sikhāmatthaṃ ṭhapetvā sīsam̐ muṇḍetvā ekaṃ kāsāvaṃ nivāsetvā ekaṃ amse katvā vihāraṃyeva upanissāya vighāsādabhāvena jīvati, tampi migalaṇḍikaṃ samaṇakuttakaṃ upasaṅkamitvā evaṃ vadanti. **Sādhūti** āyācanatthe nipāto. **Noti** upayogabahuvacanam̐, sādhū āvuso amhe jīvitā voropehīti vuttaṃ hoti. Ettha ca ariyā neva pāṇātipātāṃ karim̐su, na samādapesuṃ, na samanūññā ahesuṃ. Puthujjanā pana sabbamaṃsu. **Lohitakanti** lohitamakkhitaṃ. **Yena Vaggumudā nadīti** vaggumatā lokassa puññasammatā nadī. Sopi kira “taṃ pāpaṃ tattha pavāhessāmī”ti saññāya gato, nadiyā ānubhāvena appamattakampi pāpaṃ pahīnaṃ nāma natthi.

163. **Ahudeva kukkucanti** tesu kira bhikkhūsu kenacipi kāyavikāro vā vacīvikāro vā na kato, sabbe satā sampajānā dakkhiṇena passena nipajjimsu, taṃ anussarato tassa kukkucam̐ ahoṣiyeva. **Ahu vippaṭisāroti** tasseva kakkuccassa sabhāvaniyamanatthametam̐

vuttaṃ, vippaṭṭisāraṅkukkuccaṃ ahoṣi, na vinayakukkuccanti. **Alābhā vata meti**-ādi kukkuccassa pavatti-ākāradassanattamaṃ vuttaṃ. Tattha **alābhā vata meti** āyatimaṃ dāni mama hitasukhalābhā nāma natthi anuttunāti. “**Na vata me lābhā**”ti-iminā pana tamevatthamaṃ daḷhamaṃ karoti. Ayaṃ hettha adhippāyo—sacepi koci “lābhā te”ti vadeyya, taṃ micchā, na vata me lābhāti. **Dulladdham vata meti** kusalānubhāvena laddhampi idamaṃ manussattaṃ dulladdham vata me. “**Na vata me suladdham**”ti iminā pana tameva atthamaṃ daḷhamaṃ karoti. Ayaṃ hettha adhippāyo—sacepi koci “suladdham te”ti vadeyya, taṃ micchā, na vata me suladdhamti. **Apuññaṃ pasutanti** apuññaṃ upacitaṃ, janitaṃ vā. Kasmāti ce, **yohaṃ bhikkhū -pavoropesinti**. Tassattho—yo ahaṃ sīlavante tāya eva sīlavantatāya kalyāṇadhamme uttamadhamme seṭṭhadhamme bhikkhū jīvitā voropesinti.

**Aññatarā mārakāyikā**ti nāmasena apākaṭṭā ekā bhummadevatā micchādīṭṭhikā mārapakkhikā mārasānuvattikā “evamayamaṃ mārādheyyamaṃ māraṅvissayaṃ nātikkamissati”ti cintetvā sabbābharaṅgavibhūsitā hutvā attano ānubhāvaṃ dassayamānā abhijjamāne uduke pathavitale caṅkamamānā viya āgantvā migalaṅḍikaṃ samaṅakuttakaṃ etadavoca. **Sādhu sādhu**ti sampamaṅsanatthe nipāto, tasmā eva dvivacanaṃ kataṃ. **Atiṅṅe tāresī**ti saṃsārato atiṅṅe iminā jīvitāvoropanena tāresi parimocesī<sup>1</sup>. Ayaṃ kira etissā devatāya bālāya dummedhāya laddhi “ye na matā, te saṃsārato na muttā. Ye matā, te muttā”ti. Tasmā saṃsāramocakamilakkhā viya evaṃladdhikā hutvā tampi tattha niyojenti evamāha. Atha kho migalaṅḍiko samaṅakuttako tāva bhusaṃ uppannavippaṭṭisāropi taṃ devatāya ānubhāvaṃ disvā “ayaṃ devatā evamāha, addhā iminā atthena evameva bhavitabban”ti niṭṭhamaṃ gantvā “**lābhā kira me**”ti-ādīni parikittayanto. **Vihārena vihāraṃ pariveṇena pariveṇamaṃ upasaṅkamitvā evamaṃ vadeti**ti taṃ taṃ vihāraṅca pariveṇaṅca upasaṅkamitvā dvāraṃ vivaritvā anto pavasitvā bhikkhū evamaṃ vadati “ko atiṅṅo, kaṃ tāremi”ti.

---

1. Parimocesī (?)

**Hotiyeva bhayanti** maraṇaṃ paṭicca cittutrāso hoti. **Hoti chambhitattanti** hadayamaṃsaṃ ādiṃ katvā sarīracalanāṃ hoti, atibhayena thaddhasarīrattanti eke, thambhitattāṃ hi “chambhitattan”ti vuccati. **Lomahaṃsoti** uddhamṭhitalomatā. khīṇāsavā pana sattasuññatāya sudiṭṭhattā maraṇakasattameva na passanti, tasmā tesāṃ sabbampetaṃ nāhosīti veditabbaṃ. **Ekampi bhikkhuṃ dvepi -pa- saṭṭhimpī bhikkhū ekāhena jīvitā voropesīti** evaṃ gaṇanavasena sabbānīpi tāni pañca bhikkhusatāni jīvitā voropesi.

164. **Paṭisallānā vuṭṭhitoti** tesāṃ pañcannaṃ bhikkhusatānaṃ jīvitakkhayappattabhāvaṃ nātvā tato ekībhāvato vuṭṭhito jānantopi ajānanto viya kathāsamuṭṭhāpanatthaṃ āyasmantaṃ Ānandaṃ āmantesi. **Kim nu kho Ānanda tanubhūto viya bhikkhusaṃgho**ti Ānanda ito pubbe bahū bhikkhū ekato upaṭṭhānaṃ āgacchanti, uddesaṃ paripucchāṃ gaṇhanti sajjhāyanti, ekapajjoto viya ārāmo<sup>1</sup> dissati, idāni pana addhamāsamattassa accayena tanubhūto viya tanuko mando appako viraḷaviraḷo viya jāto bhikkhusaṃgho, kim nu kho kāraṇaṃ, kim disāsu pakkantā bhikkhūti.

Athāyasmā Ānando kammavipākena tesāṃ jīvitakkhayappattim asallakkhento asubhakammaṭṭhānānuyogapaccayā pana sallakkhento “**tathā hi pana bhante Bhagavā**”ti-ādiṃ vatvā bhikkhūnaṃ ārahattappattiyā aññaṃ kammaṭṭhānaṃ yācanto “**sādhu bhante Bhagavā**”ti-ādimāha. Tassattho— sādhu bhante Bhagavā aññaṃ kāraṇaṃ ācikkhatu, yena bhikkhusaṃgho arahatte patiṭṭhaheyya, mahāsamuddaṃ orohaṇatitthāni viya hi aññānīpi dasānussati dasakasiṇa catudhātuvavatthāna brahmavihārānāpānassatippabhedāni bahūni nibbānorohaṇakammaṭṭhānāni santi, tesu Bhagavā bhikkhū samassāsetvā aññataraṃ kammaṭṭhānaṃ ācikkhatūti adhippāyo.

Atha Bhagavā tathā kātukāmo therāṃ uyyojento “**tenahānandā**”ti-ādimāha. Tattha **Vesālim upanissāyāti** Vesālim upanissāya<sup>2</sup> samantā gaṇvutepi adḍhajojanepi yāvatikā bhikkhū

1. Anto-ārāmo (Ka)

2. Vesāliyaṃ upanissāya (Saṃ-Ṭṭha 3. 300 piṭṭhe)

viharanti, te sabbe sannipātehīti attho. **Te sabbe upaṭṭhānasālāyaṃ sannipātetvā**ti attanā gantum yuttaṭṭhānaṃ sayam gantvā aññattha daharabhikkhū pahiṇitvā muhutteneva anavasese bhikkhū upaṭṭhānasālāyaṃ samūhaṃ katvā. **Yassa dāni bhante Bhagavā kālaṃ maññatīti** ettha ayamadhippāyo—Bhagavā bhikkhusaṅgho sannipatito<sup>1</sup>, esa kālo bhikkhūnaṃ dhammakathaṃ kātuṃ, anusāsaniṃ dātuṃ, idāni yassa tumhe kālaṃ jānātha, taṃ kattabbanti.

### Ānāpānassatisamādhikathā

165. Atha kho Bhagavā -pa- bhikkhū āmantesi **“ayampi kho bhikkhave”**ti. Āmantetvā ca pana bhikkhūnaṃ arahattappattiyā pubbe ācikkhita-asubhakammaṭṭhānato aññaṃ pariyāyaṃ ācikkhanto **“ānāpānassatisamādhi”**ti āha.

Idāni yasmā **Bhagavatā** bhikkhūnaṃ santapaṇītakammaṭṭhānadassanattameva ayaṃ Pāli vuttā, tasmā aparihāpetvā atthayojanākkamaṃ ettha vaṇṇanaṃ karissāmi. Tatra **“ayampi kho bhikkhave”**ti imassa tāva padassa ayaṃ yojanā—bhikkhave na kevalaṃ asubhabhāvanāyeva kilesappahānāya saṃvattati, apica ayampi kho ānāpānassatisamādhi -pa- vūpasametīti.

Ayaṃ panettha atthavaṇṇanā—**ānāpānassatīti** assāsapassāsapariggāhikā sati. Vuttañhetam **Paṭisambhidāyaṃ**—

**“Ānanti** assāso, no passāso. **Apānanti** passāso, no assāso.

Assāsavasena upaṭṭhānaṃ **sati**, passāsavasena upaṭṭhānaṃ **sati**. Yo assasati, tassupaṭṭhāti. Yo passasati, tassupaṭṭhātī”<sup>2</sup>.

**Samādhīti** tāya ānāpānapariggāhikāya satiyā saddhiṃ uppannā cittekaggatā. Samādhisīsenā cāyaṃ desanā, na satisīsenā, tasmā ānāpānassatiyā yutto samādhī ānāpānassatisamādhi, ānāpānassatiyaṃ vā samādhī ānāpānassatisamādhīti evamettha attho veditabbo. **Bhāvitoti** uppādito, vaḍḍhito ca. **Bahulīkatoti**

1. Sannipātito (Sī)

2. Khu 9. 170 piṭṭhe.

punappunam kato. **Santo ceva paṇīto cāti** santo ceva paṇīto ceva, ubhayattha evasaddena niyamo veditabbo. Kim vuttam hoti—ayam hi yathā asubhakammaṭṭhanam kevalam paṭivedhavasena santañca paṇītañca, oḷārikārammaṇattā, pana paṭikkūlārammaṇattā ca ārammaṇavasena neva santam na paṇītam, na evam kenaci pariyāyena asanto vā appaṇīto vā, apica kho ārammaṇasantatāyapi santo vūpasanto nibbuto, paṭivedhasaṅkhāta-aṅgasantatāyapi, ārammaṇappaṇītatāyapi paṇīto atittikaro, aṅgappaṇītatāyapīti. Tena vuttam “santho ceva paṇīto cā”ti.

**Asecanako ca sukho ca vihāro**ti ettha pana nāssa secananti **asecanako**, anāsittako abbokiṇṇo pāṭiyekko āveṇiko, natthettha parikammena vā upacārena vā santatā, ādimanasikārato<sup>1</sup> pabhuti attano sabhāveneva santo ca paṇīto cāti attho. Keci pana “**asecanakoti** anāsittako ojavanto sabhāveneva madhuro”ti vadanti. Evamayam asecanako ca appitappitakkhaṇe kāyikacetasikasukhappaṭilābhāya samvattanato sukho ca vihāroti veditabbo.

**Uppannuppanneti** avikkhambhite avikkhambhite. **Pāpaketi** lāmake. **Akusale dhammeti** akosallasambhūte dhamme. **Ṭhānaso antaradhāpetīti** khaṇeneva antaradhāpeti vikkhambheti. **Vūpasametīti** suṭṭhu-upasameti, nibbedhabhāgiyattā vā anupubbena ariyamaggavuddhippatto samucchindati paṭippassambhetītipi attho.

**Seyyathāpīti** opammanidassanametaṃ. **Gimhānam pacchime māseti** āsāḷhamāse<sup>2</sup>. **Ūhatam**<sup>3</sup> **rajojallanti** aṭṭha māse<sup>4</sup> vātātapasukkhāya gomahimsādipādappahārasambhinnāya pathaviyā uddham hatam ūhatam ākāse samuṭṭhitam rajañca reṇuñca. **Mahā akālameghoti** sabbam nabham ajjhottharivā uṭṭhito āsāḷhajuṇhapakkhe<sup>5</sup> sakalam addhamāsam vassanakamegho, so hi asampatte vassakāle uppannattā akālameghoti idhādhippeto. **Ṭhānaso antaradhāpeti vūpasametīti**

1. Ādisamannāhārato (Sam-Ṭṭha 3. 301; Vajira-Ṭṭi 149 piṭṭhesu) 2. Āsāḷhīmāse (Ka)

3. Uhatam (Ka)

4. Addhamāse (Ka) Sam-Ṭṭha 3. 301 piṭṭhe passitabbam.

5. Āsāḷhijuṇhapakkhe (Ka)



khaṇeneva adassanaṃ neti pathaviyaṃ sannisīdāpeti. **Evameva khoti** opammasampañjādanametam. Tato param vuttanayameva.

Idāni **katham bhāvito ca bhikkhave ānāpānassatisamādhī**ti-ettha **kathanti** ānāpānassatisamādhībhāvanam nānappakāro vitthāretukamyatāpucchā.

**Bhāvito ca bhikkhave ānāpānassatisamādhī**ti nānappakāro vitthāretukamyatāya puṭṭhadhammanidassanaṃ. Esa nayo dutiyapadepi. Ayaṃ panettha saṅkhepattho—bhikkhave kena pakārena kenākārena kena vidhinā bhāvito ānāpānassatisamādhī kena pakārena bahulīkato santo ceva -pa- vūpasametīti.

Idāni tamattham vitthārento “**idha bhikkhave**”ti-ādimāha. Tattha **idha bhikkhave bhikkhū**ti bhikkhave imasmim sāsane bhikkhu. Ayaṃ hettha idhasaddo sabbappakāra-ānāpānassatisamādhinibbattakassa puggalassa sannissayabhūtasāsanaparidīpano, aññasāsanassa tathābhāvapaṭisedhano ca. Vuttañhetam “idheva bhikkhave samaṇo -pa- suññā parappavādā samaṇebhi aññehī”ti<sup>1</sup>. Tena vuttam “imasmim sāsane bhikkhū”ti.

**Araññagato vā -pa- suññāgāragato vā**ti idamassa ānāpānassati samādhībhāvanānurūpasenāsanapariggahaparidīpanam. Imassa hi bhikkhuno dīgharattam rūpādīsu ārammaṇesu anuvisaṭam cittam ānāpānassatisamādhī-ārammaṇam abhiruhitum na icchatī, kūṭagoṇayuttaratho viya uppathameva dhāvati. Tasmā seyyathāpi nāma gopo kūṭadhenuyā sabbam khīram pivivā vaḍḍhitam kūṭavaccham dametukāmo dhenuto apanetvā ekamante mahantam thambham nikhaṇitvā tattha yottena bandheyya, athassa so vaccho ito cito ca vipphanditvā palāyitum asakkonto tameva thambham upanīsideyya vā upanipajjeyya vā, evameva imināpi bhikkhunā dīgharattam rūpārammaṇādirasapānavaḍḍhitam duṭṭhacittam dametukāmena rūpādī-ārammaṇato apanetvā araṇṇam vā -pa- suññāgāram vā pavevetvā tattha assāsapassāsathambhe satiyottena bandhitabbam. Evamassa tam cittam ito cito ca vipphanditvāpi pubbe āciṇṇārammaṇam alabhamānam satiyottam chinditvā palāyitum asakkontam tamevārammaṇam upacārappanāvasena upanīdati ceva upanipajjati ca. Tenāhu porāṇā—

---

1. Ma 1. 92 piṭṭhe.

“Yathā thambhe nibandheyya, vacchaṃ damaṃ naro idha.

Bandheyyevaṃ sakaṃ cittaṃ, satiyārammaṇe daḥhan”<sup>1</sup>.

Evamassetam senāsanam bhāvanānurūpaṃ hoti. Tena vuttaṃ “idamassa ānāpānassatisamādhībhāvanānurūpasenāsanapariggahaparidīpanan”<sup>2</sup>ti.

Atha vā yasmā idam kammaṭṭhānappabhede muddhabhūtam Sabbaññubuddhapaccekabuddhabuddhasāvakanam visesādhigamadiṭṭhadhammasukhavihārapadaṭṭhānam ānāpānassatikammaṭṭhānam itthipurisahatthi-assādisaddasamākulam gāmantam apariccajivā na sukaram sampādetum, saddakaṇṭakattā jhānassa. Agāmake pana araṇṇe sukaram yogāvarena idam kammaṭṭhānam pariggahetvā ānāpānacatutthajjhānam nibbattetvā, tadeva ca pādakam katvā, saṅkhāre sammasivā aggaphalam arahattam sampāpuṇitum, tasmāssa anurūpasenāsanam dassento Bhagavā “araṇṇagato vā”<sup>3</sup>ti-ādimāha.

Vatthuvijjācariyo viya hi Bhagavā, so yathā vatthuvijjācariyo nagarabhūmiṃ passivā suṭṭhu upaparikkhitvā “ettha nagaram māpethā”<sup>4</sup>ti upadisati, sotthinā ca nagare niṭṭhite rājakulato mahāsakkāram labhati, evameva yogāvacarassa anurūpasenāsanam upaparikkhitvā “ettha kammaṭṭhānam anuyuñjitabban”<sup>5</sup>ti upadisati, tato tattha kammaṭṭhānam anuyuttana yoginā kamena **arahatte** patte “Sammāsambuddho vata so Bhagavā”<sup>6</sup>ti mahantam sakkāram labhati. Ayaṃ pana bhikkhu “dīpisadiso”<sup>7</sup>ti vuccati. Yathā hi<sup>8</sup> mahādīpirājā araṇṇe tiṇagahanam vā vanagahanam vā pabbatagahanam vā nissāya niliyivā vanamahimsagokaṇṇasūkarādayo mige gaṇhāti, evamevāyam araṇṇādīsu kammaṭṭhānam anuyuñjanto bhikkhu yathākkamena sotāpattisakadāgāmi-anāgāmi-arahattamagge ceva ariyaphalaṅca gaṇhātīti veditabbo. Tenāhu porāṇā—

“Yathāpi dīpiko nāma, niliyivā gaṇhate mige.

Tathevāyam Buddhaputto, yuttayogo vipassako.

Araṇṇam pavisitvāna, gaṇhāti phalamuttaman”<sup>9</sup>ti<sup>3</sup>.

1. Visuddhi 1. 261; Dī-Ṭṭha 2. 353; Ma-Ṭṭha 1. 252; Paṭisam-Ṭṭha 2. 88 piṭṭhesu.

2. Yathāpi (Sī, Ka)

3. Khu 11. 352 piṭṭhe Milindapañhe.

Tenassa parakkamajavayoggabhūmiṃ araṇṇasenāsanam dassento Bhagavā “araṇṇagato vā”ti-ādimāha.

Tattha **araṇṇagato vāti** “araṇṇanti<sup>1</sup> nikkhamitvā bahi indakhilā sabbametaṃ araṇṇaṃ”ti<sup>2</sup> ca “āraṇṇakaṃ nāma senāsanam pañcadhanusatikaṃ pacchiman”ti<sup>3</sup> ca evaṃ vuttalakkhaṇesu araṇṇesu anurūpaṃ<sup>4</sup> yaṃkiñci pavivekasukhaṃ araṇṇaṃ gato. **Rukkhamūlagato vāti** rukkkhasamīpaṃ gato. **Suñṇāgāragato vāti** suñṇaṃ vivittokāsaṃ gato. Ettha ca ṭhapetvā araṇṇaṅca rukkkhamūlaṅca avasesasattavidhasenāsanam gatopi suñṇāgāragatoti vattum vaṭṭati. Evamassa ututtayānukūlam, dhātucariyānukūlaṅca ānāpānassatibhāvanānurūpaṃ senāsanam upadisitvā alīnānuddhaccapakkhikaṃ santamiriyaṃpatham upadisanto “**nisīdati**”ti āha. Athassa nisajjāya daḷhabhāvam, assāsapassāsānam pavattanasukhataṃ, ārammaṇapariggahūpāyaṅca dassento “**pallaṅkaṃ ābhujitvā**”ti-ādimāha.

Tattha **pallaṅkanti** samantato ūrubaddhāsanam. **Ābhujitvāti** ābandhitvā. **Ujūm kāyam paṇidhāyāti** uparimaṃ sarīraṃ ujukaṃ ṭhapetvā, aṭṭhārasa piṭṭhikaṅtake koṭiyā koṭim paṭipādetvā. Evañhi nisinnassa cammamaṃsanhārūni na paṇamanti. Athassa yā tesam paṇamanappaccayā khaṇe khaṇe vedanā uppajjeyyūm, tā na uppajjanti. Tāsu anuppajjamānāsu cittaṃ ekaggaṃ hoti, kammaṭṭhānam na paripatati, vuḍḍhim phātim upagacchati.

**Parimukhaṃ satim upaṭṭhapetvāti** kammaṭṭhānābhimukhaṃ satim ṭhapayitvā. Atha vā “**parīti** pariggahaṭṭho. **Mukhanti** niyyānaṭṭho. **Satīti** upaṭṭhānaṭṭho. Tena vuccati parimukhaṃ satim upaṭṭhapetvā”ti evaṃ **Paṭisambhidāyam**<sup>5</sup> vuttanayenapettha attho daṭṭhabbo. Tatrāyam saṅkhepo “pariggahitaniyyānam satim<sup>6</sup> katvā”ti. **So satova assasati** so bhikkhu evaṃ nisīditvā evaṅca satim upaṭṭhapetvā taṃ satim avijahanto sato eva assasati, sato passasati, satokārī hotīti vuttaṃ hoti.

Idāni yehākārehi satokārī hoti, te dassento “**dīgham vā assasanto**”ti-ādimāha. Vuttaṅhetam **Paṭisambhidāyam** “so satova assasati sato passasati”ti etasseva **Vibhaṅge**—

1. Araṇṇam nāma (sabbattha)

2. Abhi 2. 260 piṭṭhe.

3. Vi 1. 377 piṭṭhe.

4. Idam padam Sī-Syā-potthakesu natthi.

5. Khu 9. 174 piṭṭhe.

6. Pariggahitaniyyānasatim (Ka)

“Bāttimsāya ākārehi satokārī hoti. Dīghaṃ assāsavasena cittassa ekaggataṃ avikkhepaṃ pajānato sati upaṭṭhitā hoti, tāya satiyā tena ñāṇena satokārī hoti. Dīghaṃ passāsavasena -pa-. Paṭinissaggānupassī assāsavasena. Paṭinissaggānupassī passāsavasena cittassa ekaggataṃ avikkhepaṃ pajānato sati upaṭṭhitā hoti, tāya satiyā tena ñāṇena satokārī hoti”<sup>1</sup>.

Tattha **dīghaṃ vā assasantoti** dīghaṃ vā assāsaṃ pavattento. **Assāsoti** bahi nikkhamanavāto. **Passāsoti** anto pavisanavāto. Suttantaṭṭhakathāsu pana uppaṭipāṭiyā āgataṃ.

Tattha sabbesampi gabbhaseyyakānaṃ mātukucchito nikkhamanakāle paṭhamam abhantaravāto bahi nikkhamati, pacchā bāhiravāto sukhumam rajaṃ gahetvā abhantaram pavisanto tālum āhacca nibbāyati. Evaṃ tāva assāsapassāsā veditabbā. Yā pana tesam dīgharassatā, sā addhānavasena veditabbā. Yathā hi okāsaddhānaṃ pharivā ṭhitaṃ udakaṃ vā vālikā vā “dīghamudakaṃ dīghā vālikā, rassamudakaṃ rassā vālikā”<sup>ti</sup> vuccati, evaṃ cuṇṇavicuṇṇāpi assāsapassāsā hatthisarīre, ahisarīre ca tesam attabhāvasaṅkhātā dīghaṃ addhānaṃ saṇikaṃ pūretvā saṇikameva nikkhamanti, tasmā dīghāti vuccanti. Sunakhasasādīnaṃ attabhāvasaṅkhātā rassam addhānaṃ sīghaṃ pūretvā sīghameva nikkhamanti, tasmā rassāti vuccanti. Manussesu pana keci hatthi-ahi-ādayo viya kāladdhānavasena dīghaṃ assasanti ca passasanti ca. Keci sunakhasasādayo viya rassam. Tasmā tesam kālavasena dīghamaddhānaṃ nikkhamantā ca pavisantā ca te dīghā, ittaramaddhānaṃ nikkhamantā ca pavisantā ca rassāti veditabbā. Tatrāyaṃ bhikkhu navahākārehi dīghaṃ assasanto, passasanto ca “dīghaṃ assasāmi passasāmi”<sup>ti</sup> pajānāti. Evaṃ pajānato cassa ekenākārena kāyānupassanāsatiṭṭhānabhāvanā sampajjatīti veditabbā. Yathāha **Paṭisambhidāyaṃ—**

“Kathaṃ dīghaṃ assasanto ‘dīghaṃ assasāmi’<sup>ti</sup> pajānāti? Dīghaṃ passasanto ‘dīghaṃ passasāmi’<sup>ti</sup> pajānāti? Dīghaṃ assāsaṃ

---

1. Khu 9. 174 piṭṭhe.

addhānasaṅkhāte assasati, dīghaṃ passāsāṃ addhānasaṅkhāte passasati,  
dīghaṃ assāsapassāsāṃ addhānasaṅkhāte assasatipi passasatipi. Dīghaṃ  
assāsapassāsāṃ addhānasaṅkhāte assasatopi passasatopi chando  
uppajjati, chandavasena tato sukhumataraṃ dīghaṃ assāsāṃ  
addhānasaṅkhāte assasati, chandavasena tato sukhumataraṃ dīghaṃ  
passāsāṃ addhānasaṅkhāte passasati, chandavasena tato sukhumataraṃ  
dīghaṃ assāsapassāsāṃ addhānasaṅkhāte assasatipi passasatipi.  
Chandavasena tato sukhumataraṃ dīghaṃ assāsapassāsāṃ  
addhānasaṅkhāte assasatopi passasatopi pāmojjaṃ uppajjati,  
pāmojjasena tato sukhumataraṃ dīghaṃ assāsāṃ addhānasaṅkhāte  
assasati, pāmojjasena tato sukhumataraṃ dīghaṃ passāsāṃ -pa-  
dīghaṃ assāsapassāsāṃ addhānasaṅkhāte assasatipi passasatipi.  
Pāmojjasena tato sukhumataraṃ dīghaṃ assāsapassāsāṃ  
addhānasaṅkhāte assasatopi passasatopi dīghaṃ assāsapassāsā cittaṃ  
vivattati upekkhā saṅṭhāti. Imehi navahi ākārehi dīghaṃ assāsapassāsā  
kāyo, upaṭṭhānaṃ sati, anupassanā ñāṇaṃ, kāyo upaṭṭhānaṃ no sati, sati  
upaṭṭhānañceva sati ca. Tāya satiyā tena ñāṇena taṃ kāyaṃ anupassati.  
Tena vuccati kāyekaṃ anupassanāsati paṭṭhānabhāvanā”ti<sup>1</sup>.

Eseva nayo rassapadepi. Ayaṃ pana vireso—yathā ettha “dīghaṃ  
assāsāṃ addhānasaṅkhāte”ti vuttaṃ, evamidha “rassāṃ assāsāṃ  
ittarasaṅkhāte assasatī”ti āgataṃ. Tasmā tassa vasena yāva “tena vuccati  
kāye kāyānupassanāsati paṭṭhānabhāvanā”ti, tāva yojetabbaṃ. Evamayaṃ  
addhānavasena, ittaravasena ca imehākārehi assāsapassāsā pajānanto dīghaṃ  
vā assasanto “dīghaṃ assasāmī”ti pajānāti -pa- rassāṃ vā passasanto  
“rassāṃ passasāmī”ti pajānātīti veditabbo.

---

1. Khu 9. 175 piṭṭhe.

Evam pajānato cassa—

Dīgho rasso ca assāso,  
 Passāsopi ca tādiso.  
 Cattāro vaṇṇā vattanti,  
 Nāsikagge va bhikkhunoti<sup>1</sup>.

**Sabbakāyappaṭisaṃvedī assasissāmī -pa- passasissāmīti sikkhatī** sakalassa assāsakāyassa ādimajjhapariyosānaṃ viditaṃ karonto pākaṭaṃ karonto “assasissāmī”ti sikkhati. Sakalassa passāsakāyassa ādimajjhapariyosānaṃ viditaṃ karonto pākaṭaṃ karonto “passasissāmī”ti sikkhati. Evam viditaṃ karonto pākaṭaṃ karonto nāṇasampayuttacittena assasati ceva passasati ca. Tasmā “assasissāmī passasissāmī”ti sikkhatīti vuccati. Ekassa hi bhikkhuno cuṇṇavicuṇṇaviṣaṭe assāsakāye, passāsakāye vā ādi pākaṭo hoti, na majjhapariyosānaṃ. So ādimeva pariggahetuṃ sakkoti, majjhapariyosāne kilamati. Ekassa majjhaṃ pākaṭaṃ hoti, na ādipariyosānaṃ. So majjhameva pariggahetuṃ sakkoti, ādipariyosāne kilamati. Ekassa pariyosānaṃ pākaṭaṃ hoti, na ādimajjhaṃ. So pariyosānaṃyeva pariggahetuṃ sakkoti, ādimajjhe kilamati. Ekassa sabbampi pākaṭaṃ hoti, so sabbampi pariggahetuṃ sakkoti, na katthaci kilamati, tādisena bhavitabbanti dassento āha “sabbakāyappaṭisaṃvedī assasissāmī -pa- passasissāmīti sikkhatī”ti.

Tattha **sikkhatī**ti evam ghaṭati vāyamati. Yo vā tathābhūtaṃ saṃvaro, ayamettha adhisīlasikkhā. Yo tathābhūtaṃ samādhi, ayam adhicittasikkhā. Yā tathābhūtaṃ paññā, ayam adhipaññāsikkhāti imā tisso sikkhāyo tasmim ārammaṇe tāya satiyā tena manasikārena sikkhati āsevati bhāveti bahulīkarotīti evamettha attho daṭṭhabbo. Tattha yasmā purimanaye kevalaṃ assasitabbaṃ, passasitabbameva ca, na aññaṃ kiñci kātabbaṃ, ito paṭṭhāya pana nāṇuppādanādīsu yogo karaṇīyo, tasmā tattha “assasāmīti pajānāti passasāmīti pajānāti”ceva vattamānakālavasena Pāḷim vatvā ito paṭṭhāya kattabbassa nāṇuppādanādino

1. Visuddhi 1. 265; Paṭisaṃ-Ṭṭha 2. 90 piṭṭhesu.

ākārassa dassanattham “sabbakāyappaṭisaṃvedī assasissāmī”ti-ādinā nayena anāgatavacanavasena Pāli āropitāti veditabbā.

**Passambhayam kāyasaṅkhāram assasissāmī -pa- passasissāmīti sikkhatīti** oḷārikam kāyasaṅkhāram passambhento paṭippassambhento nirodhento vūpasamento assasissāmī passasissāmīti sikkhati.

Tatrevam oḷārikasukhumatā ca passaddhi ca veditabbā—imassa hi bhikkhuno pubbe apariggahitakāle kāyo ca cittaṅca sadarathā honti. Oḷārikānam kāyacittānam oḷārikatte avūpasante assāsapassāsāpi oḷārikā honti, balavatarā hutvā pavattanti, nāsikā nappahoti, mukhena assasantopi passasantopi tiṭṭhati. Yadā panassa kāyopi cittampi pariggahitā honti, tadā te santā honti vūpasantā. Tesu vūpasantesu assāsapassāsā sukhumā hutvā pavattanti, “atthi nu kho natthī”ti vicetabbākārappattā honti. Seyyathāpi purisassa dhāvitvā pabbatā vā orohitvā, mahābhāram vā sisato oropetvā ṭhitassa oḷārikā assāsapassāsā honti, nāsikā nappahoti, mukhena assasantopi passasantopi tiṭṭhati. Yadā panesa tam parissamaṃ vinodetvā nhatvā ca pivitvā ca allasātakam hadaye katvā sītāya chāyāya nipanno hoti, athassa te assāsapassāsā sukhumā honti, “atthi nu kho natthī”ti vicetabbākārappattā. Evameva imassa bhikkhuno pubbe apariggahitakāle kāyo ca -pa- vicetabbākārappattā honti. Tam kissa hetu? Tathā hissa pubbe apariggahitakāle “oḷārikoḷārike kāyasaṅkhāre passambhemī”ti ābhogasamannāhāramanasikārapaccavekkhaṇā natthi, pariggahitakāle pana atthi. Tenassa apariggahitakālate pariggahitakāle kāyasaṅkhāro sukhumo hoti. Tenāhu porāṇā—

“Sāraddhe kāye citte ca, adhimattam pavattati.

Asāraddhamhi kāyamhi, sukhumam sampavattati”ti<sup>1</sup>.

Pariggahepi oḷāriko, paṭhamajjhānūpacāre sukhumo. Tasmimpi oḷāriko, paṭhamajjhāne sukhumo. Paṭhamajjhāne ca dutiyajjhānūpacāre ca oḷāriko, dutiyajjhāne sukhumo. Dutiyajjhāne ca tatiyajjhānūpacāre

---

1. Visuddhi 1. 267; Paṭisaṃ-Ṭṭha 2. 92 piṭṭhesu.

ca oḷāriko, tatiyajjhāne sukhumo. Tatiyajjhāne ca catutthajjhānūpacāre ca oḷāriko, catutthajjhāne atisukhumo, appavattimeva pāpuṇāti. Idaṃ tāva **Dīghabhāṇakasamīyuttabhāṇakānaṃ** matam.

**Majjhimbhāṇakā** pana “paṭhamajjhāne oḷāriko, dutiyajjhānūpacāre sukhumo”ti evaṃ heṭṭhimahēṭṭhimajjhānato uparūparijjhānūpacārepi sukhumataraṃ icchanti, sabbesaṃyeva pana matena apariggahitakāle pavattakāyasaṅkhāro pariggahitakāle paṭippassambhati, pariggahitakāle pavattakāyasaṅkhāro paṭhamajjhānūpacāre -pa- catutthajjhānūpacāre pavattakāyasaṅkhāro catutthajjhāne paṭippassambhati. Ayaṃ tāva samathe nayo.

Vipassanāyaṃ pana apariggahe pavatto kāyasaṅkhāro oḷāriko, mahābhūtapariggahe sukhumo. Sopi oḷāriko, upādārūparariggahe sukhumo. Sopi oḷāriko, sakalarūparariggahe sukhumo. Sopi oḷāriko, arūparariggahe sukhumo. Sopi oḷāriko, rūpārūparariggahe sukhumo. Sopi oḷāriko, paccayarariggahe sukhumo. Sopi oḷāriko, sappaccayanāmarūparariggahe sukhumo. Sopi oḷāriko, lakkhaṇārammaṇikavipassanāya sukhumo. Sopi dubbalavipassanāya oḷāriko, balavavipassanāya sukhumo. Tattha pubbe vuttanayeneva purimassa purimassa pacchimena pacchimena passaddhi veditabbā. Evamettha oḷārikasukhumatā ca passaddhi ca veditabbā.

**Paṭisambhidāyaṃ** panassa saddhiṃ codanāsodhanāhi evamattho vutto—  
“kathaṃ passambhayaṃ kāyasaṅkhāraṃ assasissāmi -pa- passasissāmīti sikkhati. Katame kāyasaṅkhārā? Dīghaṃ assāsā kāyikā ete dhammā kāyappaṭibaddhā kāyasaṅkhārā, te kāyasaṅkhāre passambhento nirodhento vūpasamento sikkhati. Dīghaṃ passāsā kāyikā ete dhammā -pa-. Rassaṃ assāsā -pa-. Rassaṃ passāsā. Sabbakāyappaṭisaṃvedī assāsā. Sabbakāyappaṭisaṃvedī passāsā kāyikā ete dhammā kāyappaṭibaddhā kāyasaṅkhārā, te kāyasaṅkhāre passambhento nirodhento vūpasamento sikkhati.

Yathārūpehi kāyasaṅkhārehi yā kāyassa ānāmanā vināmanā sannāmanā paṇāmanā iñjanā phandaṇā calanā kammaṇā, passambhayaṃ kāyasaṅkhāraṃ



assasissāmīti sikkhati, passambhayaṃ kāyasaṅkhāraṃ passasissāmīti sikkhati.

Yathārūpehi kāyasaṅkhārehi yā kāyassa na ānamanā na vinamanā na sannamanā na paṇamanā aniñjanā aphananā acalanā akampanā, santaṃ sukhumaṃ passambhayaṃ kāyasaṅkhāraṃ assasissāmīti sikkhati, passambhayaṃ kāyasaṅkhāraṃ passasissāmīti sikkhati.

Iti kira passambhayaṃ kāyasaṅkhāraṃ assasissāmīti sikkhati, passambhayaṃ kāyasaṅkhāraṃ passasissāmīti sikkhati. Evaṃ sante vātūpaladdhiyā ca pabhāvanā na hoti, assāsapassāsānaṅca pabhāvanā na hoti, ānāpānassatiyā ca pabhāvanā na hoti, ānāpānassatisamādhissa ca pabhāvanā na hoti, na ca naṃ taṃ samāpattiṃ paṇḍitā samāpajjantipi vuṭṭhantipi.

Iti kira passambhayaṃ kāyasaṅkhāraṃ assasissāmi -pa- passasissāmīti sikkhati. Evaṃ sante vātūpaladdhiyā ca pabhāvanā hoti, assāsapassāsānaṅca pabhāvanā hoti, ānāpānassatiyā ca pabhāvanā hoti, ānāpānassatisamādhissa ca pabhāvanā hoti, taṅca naṃ samāpattiṃ paṇḍitā samāpajjantipi vuṭṭhantipi.

Yathā kathaṃ viya? Seyyathāpi kaṃse ākoṭite paṭhamāṃ oḷārikā saddā pavattanti, oḷārikānaṃ saddānaṃ nimittaṃ suggahitattā sumanasikatattā sūpadhāritattā niruddhepi oḷārike sadde atha pacchā sukhumakā saddā pavattanti, sukhumakānaṃ saddānaṃ nimittaṃ suggahitattā sumanasikatattā sūpadhāritattā niruddhepi sukhumake sadde atha pacchā sukhumasaddanimittārammaṇatāpi cittaṃ pavattati. Evameva paṭhamāṃ oḷārikā assāsapassāsā pavattanti, oḷārikānaṃ assāsapassāsānaṃ nimittaṃ suggahitattā sumanasikatattā sūpadhāritattā niruddhepi oḷārike assāsapassāsē atha pacchā sukhumakā assāsapassāsā pavattanti, sukhumakānaṃ assāsapassāsānaṃ nimittaṃ suggahitattā sumanasikatattā sūpadhāritattā niruddhepi sukhumake assāsapassāsē atha pacchā sukhuma- assāsapassāsanimittārammaṇatāpi cittaṃ na vikkhepaṃ gacchati.

Evam̄ sante vātūpaladdhiyā ca pabhāvanā hoti, assāsapassāsānañca pabhāvanā hoti, ānāpānassatiyā ca pabhāvanā hoti, ānāpānassatisamādhissa ca pabhāvanā hoti, tañca nam̄ samāpattim̄ paṇḍitā samāpajjantipi vuṭṭhantipi.

Passambhayam̄ kāyasaṅkhāranti assāsapassāsā kāyo, upaṭṭhānam̄ sati, anupassanā nāṇam̄. Kāyo upaṭṭhānam̄, no sati, sati upaṭṭhānañceva sati ca, tāya satiyā tena nāṇena tam̄ kāyam̄ anupassati, tena vuccati ‘kāye kāyānupassanā satipaṭṭhānabhāvanā’<sup>1</sup>.

Ayam̄ tāvettha kāyānupassanāvasena vuttassa paṭhamacatukkassa anupubbapadavaṇṇanā.

Yasmā panettha idameva catukkam̄ ādikammikassa kammaṭṭhānavasena vuttam̄, itarāni pana tīṇi catukkāni ettha pattajjhānassa<sup>2</sup> vedanācittadhammānupassanāvasena vuttāni, tasmā idam̄ kammaṭṭhānam̄ bhāvetvā ānāpānassaticatutthajjhānapadaṭṭhānāya vipassanāya saha paṭisambhidāhi arahattam̄ pāpuṇitukāmena Buddhaputtena yam̄ kattabbam̄, tam̄ sabbam̄ idheva tāva ādikammikassa kulaputtassa vasena ādito pabhuti evam̄ veditabbam̄—catubbidham̄ tāva sīlam̄ visodhetabbam̄. Tattha tividhā visodhanā anāpajjanam̄, āpannavuṭṭhānam̄, kilesehi ca appaṭipīlanam̄. Evam̄ visuddhasīlassa hi bhāvanā sampajjati. Yampidam̄ cetiyaṅgaṇavattam̄ bodhiyaṅgaṇavattam̄ upajjhāyavattam̄ ācariyavattam̄ jantāgharavattam̄ uposathāgāravattam̄ dve-asīti khandhakavattāni cuddasavidham̄ mahāvattanti imesam̄ vasena ābhisamācārikasīlam̄ vuccati, tampi sādhu kam̄ paripūretabbam̄. Yo hi “aham̄ sīlam̄ rakkhāmi, kim̄ ābhisamācārikena kamman”<sup>3</sup>ti vadeyya, tassa sīlam̄ paripūressatīti netam̄ ṭhānam̄ vijjati. Ābhisamācārikavatte pana paripūre sīlam̄ paripūراتi, sīle paripūre samādhi gabbham̄ gaṇhāti. Vuttañhetam̄ Bhagavatā “so vata bhikkhave bhikkhu ābhisamācārikam̄ dhammam̄ aparipūretvā sīlāni paripūressatīti netam̄ ṭhānam̄ vijjati”<sup>3</sup>ti vitthāretabbam̄. Tasmā tena yampidam̄ cetiyaṅgaṇavattādi ābhisamācārikasīlam̄ vuccati, tampi sādhu kam̄ paripūretabbam̄. Tato—

1. Khu 9. 183, 184 piṭṭhesu.

2. Paṭhamajjhānassa (Ka)

3. Am̄ 2. 12 piṭṭhe.

“Āvāso ca kulam lābho, gaṇo kammaṇca<sup>1</sup> pañcamam.  
Addhānam nāti ābādho, gantho iddhīti te dasā”ti—

Evam vuttesu dasasu palibodhesu yo palibodho atthi, so upacchinditabbo.

Evam upacchinnapalibodhena kammaṭṭhānam uggahetabbam. Tampi duvidham hoti sabbatthakakammaṭṭhānaṇca pārihāriyakammaṭṭhānaṇca. Tattha sabbatthakakammaṭṭhānam nāma bhikkhusamghādisu mettā maraṇassati ca, asubhasaññātipi eke. Kammaṭṭhānikena hi bhikkhunā paṭhamam tāva paricchinditvā sīmaṭṭhakabhikkhusamghe mettā bhāvetabbā, tato sīmaṭṭhakadevatāsu, tato gocaragāme issarajane, tato tattha manusse upādāya sabbasattesu. So hi bhikkhusamghe mettāya sahaṇāsīnam muducittam janeti, athassa sukhasamvāsātā hoti. Sīmaṭṭhakadevatāsu mettāya mudukatacittāhi devatāhi dhammikāya rakkhāya samvihitārakkho hoti. Gocaragāme issarajane mettāya mudukatacittasantānehi issarehi dhammikāya rakkhāya surakkhitaparikkhāro hoti. Tattha manussesu mettāya pasāditacittehi tehi aparibhūto hutvā vicarati. Sabbasattesu mettāya sabbattha appaṭihatacāro hoti.

Maraṇassatiyā pana “avassam maritabba cintento anesam pahāya uparūparivaḍḍhamānasamvego anolīnavuttiko hoti. Asubhasaññāya dibbesupi ārammaṇesu taṇhā nuppajjati. Tenassetam tayaṁ evam bahūpakārattā sabbattha atthayitabbam icchitabbanti katvā adhippetassa ca yogānuyogakammasa padaṭṭhānattā **sabbatthakakammaṭṭhānanti** vuccati.

Aṭṭhatimsārammaṇesu pana yaṁ yassa caritānukūlam, tam tassa niccam pariharitabbattā yathāvutteneva nayena **pārihāriyakammaṭṭhānanti** vuccati, idha pana idameva ānāpānassatikammaṭṭhānam “pārihāriyakammaṭṭhānan”ti vuccati. Ayamettha saṅkhepo, vitthāro pana sīlavisodhanakatham palibodhupacchedakathaṇca icchantena **Visuddhimaggato** gahetabbo.

Evam visuddhasīlena, pana upacchinnapalibodhena ca idam kammaṭṭhānam uggahantena imināva kammaṭṭhānena catutthajjhānam nibbattetvā vipassanam vaḍḍhetvā arahattam pattassa Buddhaputtassa santike uggahetabbam, tam alabhantena anāgāmissa.

---

1. Kammena (Sī, Syā) Visuddhi 1. 86 piṭṭhe passitabbam.

tampi alabhantena sakadāgāmissa. Tampi alabhantena sotāpannessa. Tampi alabhantena ānāpānecatutthajjhānalābhissa. Tampi alabhantena Pāḷiyā, Aṭṭhakathāya ca asammūḷhassa vinicchayācariyassa santike uggahetabbaṃ. Arahantādayo hi attanā adhigatamaggameva ācikkhanti, ayaṃ pana gahanapadese mahāhatthipathaṃ nīharanto viya sabbattha asammūḷho sappāyāsappāyaṃ paricchinditvā katheti.

Tatrāyaṃ **anupubbikathā**<sup>1</sup>—tena bhikkhunā sallahukavuttinā vinayācārasampanna vuttappakāramācariyaṃ upasaṅkamtivā vattaṭṭhiyā ārādhitacittassa tassa santike pañcasandhikaṃ kammaṭṭhānaṃ uggahetabbaṃ. Tatrime pañca sandhaya uggaho, paripucchā, upaṭṭhānaṃ, appanā, lakkhaṇanti. Tattha **uggaho** nāma kammaṭṭhānaṃ uggahaṇaṃ. **Paripucchā** nāma kammaṭṭhānaṃ paripucchānaṃ. **Upaṭṭhānaṃ** nāma kammaṭṭhānaṃ upaṭṭhānaṃ. **Appanā** nāma kammaṭṭhānaṃ appanā. **Lakkhaṇaṃ** nāma kammaṭṭhānaṃ lakkhaṇaṃ, “evaṃlakkhaṇamidaṃ kammaṭṭhānaṃ”ti kammaṭṭhānasabhāvūpadhāraṇanti vuttaṃ hoti.

Evaṃ pañcasandhikaṃ kammaṭṭhānaṃ uggahaṇanto attanāpi na kilamati, ācariyaṃ na viheṭheti, tasmā thokaṃ uddisāpetvā bahukālaṃ sajjhāyitvā evaṃ pañcasandhikaṃ kammaṭṭhānaṃ uggahetvā sace tattha sappāyaṃ hoti, tattheva vasitabbaṃ. No ce tattha sappāyaṃ hoti, ācariyaṃ āpucchitvā sace mandapañño yojanaparamaṃ gantvā, sace tikkhapañño dūrampi gantvā aṭṭhārasasenāsanadosavivajjitaṃ pañcasenāsaṅgasamannāgataṃ senāsaṅgaṃ upagamma tattha vasantena upacchinnakhuddakapalibodhena katabhattakiccena bhattachasammadaṃ paṭivinodetvā ratanattayaguṇānussaraṇena cittaṃ sampahaṃsetvā ācariyuggahato ekapadampi asammussantena<sup>2</sup> idaṃ ānāpānassatikammaṭṭhānaṃ manasikātabbaṃ. Ayamettha saṅkhepo, vitthāro pana imaṃ kathāmaggaṃ icchantena **Visuddhimaggato**<sup>3</sup> gahetabbo.

Yaṃ pana vuttaṃ “idaṃ ānāpānassatikammaṭṭhānaṃ manasikātabbaṃ”ti, tatrāyaṃ **manasikāravidhi**—

Gaṇanā anubandhanā, phusanā ṭhapanā sallakkhaṇā.  
Vivaṭṭanā pārisuddhi, tesaṅca paṭipassanā<sup>4</sup>.

1. Anupubbakathā (Sī)

2. Apammussantena (Sī), appammussantena (Syā)

3. Visuddhi 1. 120 piṭṭhe.

4. Visuddhi 1. 270; Paṭisaṃ-Ṭṭha 2. 94 piṭṭhesu.

**Gaṇanā**ti gaṇanāyeva. **Anubandhanā**ti anuvahanā<sup>1</sup>. **Phusanā**ti phuṭṭhaṭṭhānaṃ. **Ṭhapanā**ti appanā. **Sallakkhaṇā**ti vipassanā. **Vivaṭṭanā**ti maggo. **Pārisuddhī**ti phalaṃ. **Tesaṇca paṭipassanā**ti paccavekkhaṇā. Tattha iminā ādikammikakulaputtana paṭhamāṃ gaṇanāya idaṃ kammaṭṭhānaṃ manasikātabbaṃ. Gaṇentena<sup>2</sup> ca pañcannaṃ heṭṭhā na ṭhapetabbaṃ, dasannaṃ upari na netabbaṃ, antare khaṇḍaṃ na dassetabbaṃ. Pañcannaṃ heṭṭhā ṭhapentassa hi sambādhe okāse cittuppādo vipphandati sambādhe vaje sanniruddhagoṇa viya. Dasannaṃ upari nentassa gaṇanānissitova cittuppādo<sup>3</sup> hoti. Antarā khaṇḍaṃ dassentassa “sikhāppattaṃ nu kho me kammaṭṭhānaṃ, no”ti cittaṃ vikampati, tasmā ete dose vajjetvā gaṇetabbaṃ.

Gaṇentena ca paṭhamāṃ dandhagaṇanāya **dhaññamāpakagaṇanāya** gaṇetabbaṃ. Dhaññamāpakā hi nāḷiṃ pūretvā “ekaṃ”ti vatvā okirati, puna pūrento kiñci kacavaraṃ disvā taṃ chaḍḍento “ekaṃ ekaṃ”ti vadati, esa nayo “dve dve”ti-ādīsu. Evameva imināpi assāsapassāsesu yo upaṭṭhāti, taṃ gahetvā “ekaṃ ekaṃ”ti-ādīṃ katvā yāva “dasa dasā”ti pavattamānaṃ pavattamānaṃ upalakkhetvāva gaṇetabbaṃ. Tassevaṃ gaṇayato nikkhamantā ca pavisantā ca assāsapassāsā pākaṭā hontī.

Athānena taṃ dandhagaṇanaṃ dhaññamāpakagaṇanaṃ pahāya sīghagaṇanāya **gopālakagaṇanāya** gaṇetabbaṃ. Cheko hi gopālako sakkharāyo ucchaṅgena gahetvā rajjudāṇḍahattho pātova vajaraṃ gantvā gāvo piṭṭhiyaṃ paharitvā palighatthambhamatthake nisinno dvāraṃ pattamā pattamyeva gāvamaṃ<sup>4</sup> “eko<sup>5</sup>, dve”ti sakkharaṃ khipitvā khipitvā gaṇeti. Tiyaṃarattiṃ sambādhe okāse dukkhaṃ vutthagogaṇo nikkhamanto aññamaññaṃ upanighamaṃsanto vegena vegena puñjo puñjo<sup>6</sup> hutvā nikkhamati. So vegena vegena<sup>7</sup> “tīṇi cattāri pañca dasā”ti gaṇetiyeva. Evamimassāpi purimanayena gaṇayato assāsapassāsā pākaṭā hutvā sīghamaṃ<sup>8</sup> punappunaṃ sañcaranti, tato tena “punappunaṃ sañcaranti”ti ṇatvā anto ca bahi ca aggahetvā dvārappattaṃ dvārappattaṃveva gahetvā “eko dve tīṇi cattāri

1. Anupadahanā (Ka)

2. Gaṇayantena (Sī)

3. Vikkhittacittuppādo (Ka)

4. Gāviṃ (Sī, Syā)

5. Ekā (Sī, Syā), ekaṃ (Visuddhimagge)

6. Puñjapuñjo (Sī, Syā)

7. Vegavegena (Sī, Syā)

8. Sīghasīghamaṃ (Sī)

pañca, eko dve tīṇi cattāri pañca cha, eko dve tīṇi cattāri pañca cha satta -pa- aṭṭha. Nava. Dasā”ti sīghaṃ sīghaṃ gaṇetabbameva. Gaṇanāpaṭibaddhe hi kammaṭṭhāne gaṇanābaleneva cittaṃ ekaggaṃ hoti arittūpatthambhanavasena caṇḍasote nāvāṭhapanamiva.

Tassevaṃ sīghaṃ sīghaṃ gaṇayato kammaṭṭhānaṃ nirantarappavattaṃ viya hutvā upaṭṭhāti, atha “nirantaraṃ pavattati”ti ṇatvā anto ca bahi ca vātaṃ apariggahetvā purimanayeneva vegena vegena gaṇetabbaṃ. Antopavisanavātena hi saddhiṃ cittaṃ pavesayato abbhantaram vātabbhāhataṃ medapūritaṃ viya hoti, bahinikkhamanavātena saddhiṃ cittaṃ nīharato bahiddhā puthuttārammaṇe cittaṃ vikkhipati. Phuṭṭhokāse pana satim ṭhapetvā bhāventasseva bhāvanā sampajjati. Tena vuttaṃ “anto ca bahi ca vātaṃ apariggahetvā purimanayeneva vegena vegena gaṇetabbaṃ”ti.

Kīva ciraṃ panetaṃ gaṇetabbanti? Yāva vinā gaṇanāya assāsapassāsārammaṇe sati santiṭṭhati. Bahi visaṭavittakkavicchedaṃ katvā assāsapassāsārammaṇe sati saṅṭhapanatthaṃyeva hi gaṇanāti.

Evam gaṇanāya manasikatvā anubandhanāya manasikātabbaṃ, anubandhanā nāma gaṇanaṃ paṭisaṃharitvā satiyā nirantaraṃ assāsapassāsānaṃ anugamaṇaṃ, tañca kho na ādimajjhapariyosānānugamanavasena. Bahinikkhamanavātassa hi nābhi ādi, hadayaṃ majjhaṃ, nāsikaggaṃ pariyosānaṃ. Abbhantarapavisanavātassa nāsikaggaṃ ādi, hadayaṃ majjhaṃ, nābhi pariyosānaṃ. Tañcassa anugacchato vikkhepagataṃ cittaṃ sāraddhāya<sup>1</sup> ceva hoti iñjanāya ca. Yathāha—

“Assāsādimajjhapariyosānaṃ satiyā anugacchato ajjhattaṃ vikkhepagatena cittena kāyopi cittampi sāraddhā ca honti iñjitā ca phanditā ca. Passāsādimajjhapariyosānaṃ satiyā anugacchato bahiddhā vikkhepagatena cittena kāyopi cittampi sāraddhā ca honti iñjitā ca phanditā ca”ti<sup>2</sup>.

Tasmā anubandhanāya manasikarontena na ādimajjhapariyosānavasena manasikātabbaṃ, apica kho phusanāvasena ca ṭhapanāvasena ca manasikātabbaṃ.

1. Sārambhāya (Sī, Syā)

2. Khu 9. 165 piṭṭhe.

Gaṇanānubandhanāvasena viya hi phusanāṭṭhapanāvasena visum manasikāro natthi. Phuṭṭhaphuṭṭhaṭṭhāneyeva pana gaṇento gaṇanāya ca phusanāya ca manasi karoti, tattheva gaṇanam paṭisamharitvā te satiyā anubandhanto appanāvasena ca cittaṃ ṭhapento “anubandhanāya ca phusanāya ca ṭhapanāyaca manasi karoti”ti vuccati. Svāyamattho **Aṭṭhakathāyaṃ** vuttapaṅguḷadovārikopamāhi, **Paṭisambhidāyaṃ** vuttakakacopamāya ca veditabbo.

Tatrāyaṃ **paṅguḷopamā**—seyyathāpi paṅguḷo dolāya kīlatam mātāputtānam dolam khipitvā tattheva dolatthambhamūle nisinno kamena āgacchantassa ca gacchantassa ca dolāphalakassa ubho koṭiyo majjhañca passati, na ca ubhokoṭimajjhānam dassanattam byāvaṭo hoti. Evamevāyaṃ bhikkhu sativasena upanibandhanatthambhamūle ṭhatvā assāsapassāsadolam khipitvā tattheva nimitte satiyā nisinno kamena āgacchantānañca gacchantānañca phuṭṭhaṭṭhāne assāsapassāsānam ādimajjhapariyosānam satiyā anugacchanto tattha ca cittaṃ ṭhapento passati, na ca tesam dassanattam byāvaṭo hoti. Ayaṃ paṅguḷopamā.

Ayaṃ pana **dovārikopamā**—seyyathāpi dovāriko nagarassa anto ca bahi ca purise “ko tvaṃ, kuto vā āgato, kuhiṃ vā gacchasi, kiṃ vā te hatthe”ti na vīmaṃsati, na hi tassa te bhārā. Dvārappattam dvārappattāmyeva pana vīmaṃsati. Evameva imassa bhikkhuno anto pavitṭhavātā ca bahi nikkhantavātā ca na bhārā honti, dvārappattā dvārappattāyeva bhārāti. Ayaṃ dovārikopamā.

**Kakacopamā** pana ādito pabhuti evaṃ veditabbā. Vuttañhetam—

“Nimittam assāsapassāsā, anārammaṇamekacittassa.

Ajānato ca tayo dhamme, bhāvanānupalabbhati.

Nimittam assāsapassāsā, anārammaṇamekacittassa.

Jānato ca<sup>1</sup> tayo dhamme, bhāvanā upalabbhatīti.

Katham ime tayo dhammā ekacittassa ārammaṇam<sup>2</sup> na honti, na cime tayo dhammā aviditā honti, na ca cittaṃ vikkhepaṃ gacchati, padhānañca paññāyati, payogañca sādheti, visesamadhigacchati? Seyyathāpi rukkho

1. Jānato va (Ka) Khu 9. 169 piṭṭhe passitabbam.

2. Ārammaṇā (Ka)

same bhūmibhāge nikkhitto, tamenam puriso kakacena chindeyya, rukkhe phuṭṭhakakacadantānam vasena purisassa sati upaṭṭhitā hoti, na āgate vā gate vā kakacadante manasi karoti, na āgatā vā gatā vā kakacadantā aviditā honti, padhānañca paññāyati, payogañca sādheti.

Yathā rukkho same bhūmibhāge nikkhitto, evam upanibandhananimittam. Yathā kakacadantā, evam assāsapassāsā. Yathā rukkhe phuṭṭhakakacadantānam vasena purisassa sati upaṭṭhitā hoti, na āgate vā gate vā kakacadante manasi karoti, na āgatā vā gatā vā kakacadantā aviditā honti, padhānañca paññāyati, payogañca sādheti, evamevam bhikkhu nāsikagge vā mukhanimutte vā satim upaṭṭhapetvā nisinnō hoti, na āgate vā gate vā assāsapassāsā manasi karoti, na āgatā vā gatā vā assāsapassāsā aviditā honti, padhānañca paññāyati, payogañca sādheti, visesamadhigacchati.

Padhānanti katamam **padhānam**, āraddhavīriyassa kāyopi cittampi kammaniyaṃ hoti, idaṃ padhānam. Katamo **payogo**, āraddhavīriyassa upakkilesā pahīyanti, vitakkā vūpasammanti, ayaṃ payogo. Katamo **viseso**, āraddhavīriyassa saññōjanā pahīyanti, anusayā byantīhonti, ayaṃ viseso. Evam ime tayo dhammā ekacittassa ārammaṇā na honti, na cime tayo dhammā aviditā honti, na ca cittaṃ vikkhepaṃ gacchati, padhānañca paññāyati, payogañca sādheti, visesamadhigacchati.

Ānāpānassati yassa, paripuṇṇā subhāvitā.

Anupubbaṃ paricitā, yathā Buddhena desitā.

So imaṃ lokaṃ pabhāseti, abbhā muttova candimā”ti<sup>1</sup>.

Ayaṃ kakacopamā. Idha panassa āgatāgatavasena amanasikāramattameva payojananti veditabbaṃ. Idaṃ kammaṭṭhānam manasikaroto kassaci nacireneva nimittañca uppajjati, avasesajjhānaṅgapaṭimaṇḍitā appanāsaṅkhātā ṭhapanā ca sampajjati. Kassaci pana gaṇanāvaseneva manasikārakālato pabhuti anukkamoto oḷārika assāsapassāsā nirodhavasena kāyadarathe vūpasante kāyopi cittampi lahukam hoti, sarīram ākāse

---

1. Khu 9. 169, 170 piṭṭhesu.



laṅghanākārappattaṃ viya hoti. Yathā sāraddhakāyassa mañce vā piṭṭhe vā nisīdato mañcapīṭhaṃ onamati vikūjati, paccattharaṇaṃ valim̃ gaṇhāti. Asāraddhakāyassa pana nisīdato neva mañcapīṭhaṃ onamati na vikūjati, na paccattharaṇaṃ valim̃ gaṇhāti, tūlapicupūritaṃ viya mañcapīṭhaṃ hoti. Kasmā? Yasmā asāraddho kāyo lahuko hoti, evameva gaṇanāvasena manasikārakālato pabhuti anukkamato oḷārika-assāsapassāsanirodhavasena kāyadarathe vūpasante kāyopi cittampi lahukaṃ hoti, sarīraṃ ākāse laṅghanākārappattaṃ viya hoti.

Tassa oḷārike assāsapassāse niruddhe sukhumassa-  
assāsapassāsanimittārammaṇaṃ cittaṃ pavattati, tasmimpi niruddhe  
aparāparaṃ tato sukhumatarasukhumatanimittārammaṇaṃ<sup>1</sup> pavattatiyeva.  
Katham? Yathā puriso mahatiyā lohasalākāya kaṃsatālaṃ ākoṭeyya,  
ekappahārena mahāsaddo uppajjeyya, tassa oḷārikasaddārammaṇaṃ cittaṃ  
pavatteyya, niruddhe oḷārike sadde atha pacchā  
sukhumasaddanimittārammaṇaṃ, tasmimpi niruddhe aparāparaṃ tato  
sukhumatarasukhumatamasaddanimittārammaṇaṃ cittaṃ pavattateva, evanti  
veditabbaṃ. Vuttampi cetāṃ “seyyathāpi kaṃse ākoṭite”<sup>2</sup>ti vitthāro.

Yathā hi aññāni kammaṭṭhānāni uparūpari vibhūtāni honti, na tathā  
idaṃ. Idaṃ pana uparūpari bhāventassa bhāventassa sukhumattaṃ gacchati,  
upaṭṭhānampi na upagacchati. Evaṃ anupaṭṭhahante pana tasmim̃ na tena  
bhikkhunā uṭṭhāyāsanaṃ cammakhaṇḍaṃ papphoṭetvā gantabbaṃ. Kim̃  
kātabbaṃ? “Ācariyaṃ pucchissāmi”<sup>2</sup>ti vā “natṭhaṃ dāni me kammaṭṭhānaṃ”<sup>2</sup>ti  
vā na vuṭṭhātabbaṃ, iriyāpathaṃ vikopetvā gacchato hi kammaṭṭhānaṃ  
navanavameva hoti. Tasmā yathānisinneneva desato āharitabbaṃ.

Tatrāyaṃ āharaṇūpāyo—tena hi bhikkhunā kammaṭṭhānassa  
anupaṭṭhahanabhāvaṃ ñatvā iti paṭisañcikkhitabbaṃ “ime assāsapassāsā  
nāma kattha atthi, kattha natthi, kassa vā atthi, kassa vā natthi”<sup>2</sup>ti. Athevaṃ  
paṭisañcikkhatā ime antomātukucchiyaṃ natthi, udake nimuggānaṃ natthi,  
tathā asaṅgābhūtānaṃ, matānaṃ, catutthajjhānasamāpannānaṃ,  
rūpārūpabhavasamaṅgīnaṃ,

1. Sukhumatarasukhumataranimittārammaṇaṃ (Syā, Ka)

2. Khu 9. 184 piṭṭhe.

nirodhasamāpannānanti ñatvā evaṃ attanāva attā paṭicodetabbo “nanu tvaṃ paṇḍita neva mātukucchigato, na uduke nimuggo, na asaṅṅibhūto, na mato, na catutthajjhānasamāpanno, na rūpārūpabhavasamaṅgī, na nirodhasamāpanno, atthiyeva te assāsapassāsā, mandapaññatāya pana pariggahetuṃ na sakkosī”ti. Athānena pakatiphuṭṭhavaseneva cittaṃ ṭhapetvā manasikāro pavattetabbo. Ime hi dīghanāsikassa nāsāpuṭaṃ ghaṭṭentā pavattanti, rassanāsikassa uttaroṭṭhaṃ. Tasmānena imaṃ nāma ṭhānaṃ ghaṭṭentīti nimittaṃ paṭṭhapetabbaṃ. Imameva hi atthavasam paṭicca vuttaṃ Bhagavatā “nāhaṃ bhikkhave muṭṭhassatissa asampajānassa ānāpānassatibhāvanaṃ vadāmi”ti<sup>1</sup>. Kiñcāpi hi yaṃkiñci kammaṭṭhānaṃ satassa sampajānasseva sampajjati, ito aññaṃ pana manasikarontassa pākaṭaṃ hoti. Idaṃ pana ānāpānassatikammaṭṭhānaṃ garukaṃ garukabhāvanaṃ Buddhapaccekabuddhabuddhaputtānaṃ mahāpurisānameva manasikārabhūmibhūtaṃ, na ceva ittaraṃ, na ca ittarasattasamāsevitāṃ. Yathā yathā manasi karīyati, tathā tathā santañceva hoti sukhumañca. Tasmā ettha balavatī sati ca paññā ca icchitabbā.

Yathā hi maṭṭhasātakassa<sup>2</sup> tunnakaraṇakāle sūcipi sukhumā icchitabbā, sūcipāsavedhanampi tato sukhumataṃ, evameva maṭṭhasātakasadisassa imassa kammaṭṭhānassa bhāvanākāle sūcipaṭibhāgā satipi sūcipāsavedhanapaṭibhāgā taṃsampayuttā paññāpi balavatī icchitabbā. Tāhi ca pana satipaññāhi samannāgatena bhikkhunā na te assāsapassāsā aññaṃtra pakatiphuṭṭhokāsā pariyesitabbā.

Yathā pana kassako kasim kasitvā balībadde muñcitvā gocarābhimukhe katvā chāyāya nisinno vissameyya, athassa te balībaddā vegena aṭaviṃ paviseyyuṃ. Yo hoti cheko kassako, so puna te gahetvā yojetukāmo na tesam anupadaṃ gantvā aṭaviṃ āhiṇḍati, atha kho rasmiñca patodañca gahetvā ujukameva tesam nipātatiṭṭhaṃ gantvā nisīdati vā nipajjati vā. Atha te goṇe divasabhāgaṃ caritvā nipātatiṭṭhaṃ otarivā nhatvā ca pivitvā ca paccuttarivā ṭhite disvā rasmiyā bandhitvā patodena vijjhanto ānetvā yojetvā puna kammaṃ karoti. Evameva tena bhikkhunā na te assāsapassāsā

1. Ma 3. 127; Saṃ 3. 294 piṭṭhesu.

2. Paṭṭhasātakassa (Sī)

aññatra pakatiphuṭṭhokāsā pariyesitabbā, satirasmiṃ, pana paññāpatodañca gahetvā pakatiphuṭṭhokāse cittaṃ ṭhapetvā manasikāro pavattetabbo. Evañhissa manasikaroto nacirasseva te upaṭṭhahanti nipātatiṭṭhe viya goṇā. Tato tena satirasmiyā bandhitvā tasmimyeva ṭhāne yojetvā paññāpatodena vijjhantena puna kammaṭṭhānaṃ anuyuñjitaḥṭṭhaṃ, tassevamanuyuñjato nacirasseva nimittaṃ upaṭṭhāti. Taṃ panetaṃ na sabbesaṃ ekasadisāṃ hoti, apica kho kassaci sukhasamphassaṃ uppādayamāno tūlapicu viya, kappāsapicu viya, vātadhārā viya ca upaṭṭhātīti ekacce āhu.

Ayaṃ pana **Aṭṭhakathāvinicchayo**—idañhi kassaci tārakarūpaṃ viya, maṇiguḷikā viya, muttāguḷikā viya ca kassaci kharasamphassaṃ hutvā kappāsatti viya, sārādārusūci viya ca kassaci Dīghapāmaṅgasuttaṃ viya, kusumadāmaṃ viya, dhūmasikhā viya ca kassaci Vitthatamakkaṭakasuttaṃ viya, valāhakaṭālaṃ viya, padumapupphaṃ viya, rathacakkaṃ viya, candamaṇḍalaṃ viya, sūriyamaṇḍalaṃ viya ca upaṭṭhāti, tañca panetaṃ yathā sambahulesu bhikkhūsu suttantaṃ sajjhāyitvā nisinnesu ekena bhikkhunā “tumhākaṃ kīdisāṃ hutvā idaṃ suttaṃ upaṭṭhātī”ti vutte eko “mayhaṃ mahatī pabbateyyā nadī viya hutvā upaṭṭhātī”ti āha. Aparo “mayhaṃ ekā vanarāji viya”. Añño “mayhaṃ sītaccchāyo sākhasampanno phalabhārabharitarukkho viyā”ti. Tesañhi taṃ ekameva suttaṃ saññānānatāya nānato upaṭṭhāti. Evaṃ ekameva kammaṭṭhānaṃ saññānānatāya nānato upaṭṭhāti. Saññajāṃ hi etaṃ saññānidānaṃ saññāppabhavaṃ, tasmā saññānānatāya nānato upaṭṭhātīti veditaḥṭṭhaṃ.

Ettha ca aññaṃeva assāsārammaṇaṃ cittaṃ, aññaṃ passāsārammaṇaṃ, aññaṃ nimittārammaṇaṃ. Yassa hi ime tayo dhammā natthi, tassa kammaṭṭhānaṃ neva appanaṃ na upacāraṃ pāpuṇāti. Yassa panime tayo dhammā atthi, tasseva kammaṭṭhānaṃ appanañca upacārañca pāpuṇāti. Vuttañhetāṃ—

“Nimittaṃ assāsapassāsā, anārammaṇamekacittassa.

Ajānato ca tayo dhamme, bhāvanānupalabbhati.

Nimittaṃ assāsapassāsā, anārammaṇamekacittassa.

Jānato ca tayo dhamme, bhāvanā upalabbhati”ti.

Evam upaṭṭhite pana nimitte tena bhikkhunā ācariyasantikam gantvā ārocetabbam “mayham bhante evarūpam nāma upaṭṭhātī”ti. Ācariyena pana “etaṃ nimittan”ti vā na nimittan”ti vā na vattabbam, “evam hoti āvuso”ti vatvā pana “punappunam manasi karohī”ti vattabbo. “Nimittan”ti hi vutte vosānam āpajjeyya, “na nimittan”ti vutte nirāso visīdeyya. Tasmā tadubhayampi avatvā manasikāreyeva niyojetabboti. Evam tāva **Dīghabhāṇakā. Majjhimbhāṇakā** panāhu “nimittamidam āvuso, kammaṭṭhānam punappunam manasi karohi sappurisāti vattabbo”ti. Athānena nimittyeva cittaṃ ṭhapetabbam, evamassāyam ito pabhuti ṭhapanāvasena bhāvanā hoti. Vuttañhetam porāṇehi—

“Nimitte ṭhapyam cittaṃ, nānākāram vibhāvayam.

Dhīro assāsapassāse, sakam cittaṃ nibandhatī”ti<sup>1</sup>.

Tassevam nimittupaṭṭhānato pabhuti nīvaraṇāni vikkhambhitāneva honti, kilesā sannisinnāva, sati upaṭṭhitāyeva, cittaṃ samāhitameva. Idañhi dvihākārehi cittaṃ samāhitam nāma hoti upacārabhūmiyam vā nīvaraṇappahānena, paṭilābhabhūmiyam vā aṅgapātubhāvena. Tattha **upacārabhūmī**ti upacārasamādhi. **Paṭilābhabhūmī**ti appanāsamādhi. Tesam kiṃ nānākaraṇam, upacārasamādhi kuslavīthiyam javitvā bhavaṅgam otarati, appanāsamādhi divasabhāge appetvā nisinnassa divasabhāgampi kuslavīthiyam javati, na bhavaṅgam otarati. Imesu dvīsu samādhīsu nimittapātubhāvena upacārasamādhinā samāhitam cittaṃ hoti. Athānena taṃ nimittam neva vaṇṇato manasikātabbam, na lakkhaṇato paccavekkhitabbam. Apica kho khattiyamahesiyā cakkavattigabbho viya, kassakena sāliyavagabbho viya ca appamattena rakkhitabbam, rakkhitam hissa phaladam hoti.

Nimitam rakkhato laddha-parihāni na vijjati.

Ārakkhamhi asantamhi, laddham laddham vinassatīti.

Tatrāyam **rakkhaṇūpāyo**—tena bhikkhunā āvāso gocaro bhassam puggalo bhojanam utu iriyāpathoti imāni satta asappāyāni vajjetvā tāneva satta sappāyāni sevantena punappunam taṃ nimittam manasikātabbam.

1. Visuddhi 1. 278; Paṭisaṃ-Ṭṭha 2. 99 piṭṭhesu.

Evam sappāyasevanena nimittam thiram katvā vuḍḍhim virūlhim gamayitvā vatthuvisadakiriyā, indriyasamattapaṭipādanatā, nimittakusalatā, yasmim samaye cittaṃ paggahetabbaṃ tasmim samaye cittaṃ paggaṇhanā, yasmim samaye cittaṃ niggaṇhetabbaṃ tasmim samaye cittaṃ niggaṇhanā, yasmim samaye cittaṃ sampahaṃsetabbaṃ tasmim samaye cittaṃ sampahaṃsanā, yasmim samaye cittaṃ ajjhupekkhitabbaṃ tasmim samaye cittaṃ ajjhupekkhanā, asamāhitapuggalaparivajjanā, samāhitapuggalasevanā, tadadhimuttatāti imāni dasa appanākosallāni avijahantena yogo karaṇīyo.

Tassevaṃ anuyuttassa viharato “idāni appanā uppajjissatī”ti bhavaṅgam vicchinditvā nimittārammaṇam manodvārāvajjanam uppajjati, tasmīṃca niruddhe tadevārammaṇam gahetvā cattāri, pañca vā javanāni, yesam paṭhamam parikammaṃ, dutiyam upacāram, tatiyam anulomaṃ, catuttham gotrabhu, pañcamam appanācittam. Paṭhamam vā parikammaṃceva upacāraṃca, dutiyam anulomaṃ, tatiyam gotrabhu, catuttham appanācittanti vuccati. Catutthameva, hi pañcamam vā appeti, na chaṭṭham, sattamam vā āsannabhavaṅgapātattā.

**Ābhidhammikagodattatthero** panāha “āsevanapaccayena kusalā dhammā balavanto honti, tasmā chaṭṭham, sattamam vā appeti”ti. Tam **Aṭṭhakathāsu** paṭikkhittam. Tattha pubbhāgacittāni kāmāvacarāni honti, appanācittam pana rūpāvacaram. Evamanena pañcaṅgavippahīnam pañcaṅgasamannāgataṃ dasalakkhaṇasampannam tividhakalyāṇam paṭhamajjhānam adhigataṃ hoti. So tasmimyevārammaṇe vitakkādayo vūpasamtvā dutiyatatiyacatutthajjhānāni pāpuṇāti. Ettāvata ca ṭhapanāvasena bhāvanāya pariyosānappatto hoti. Ayamettha saṅkhepakathā, vitthāro pana icchantena **Visuddhimaggato** gahetabbo.

Evam pattacatutthajjhāno panettha bhikkhu sallakkhaṇāvivaṭṭanāvasena kammaṭṭhānam vaḍḍhetvā pārisuddhim pattukāmo tadeva jhānam āvajjanasamāpajjana-adhiṭṭhānavuṭṭhānapaccavekkhaṇasaṅkhātehi pañcahākārehi vasippattam paṇaṇam katvā arūpapubbaṅgamaṃ vā rūpam, rūpapubbaṅgamaṃ vā arūpanti rūpārūpam pariggahetvā vipassanam paṭṭhappeti. katham? So hi jhānā vuṭṭhahitvā jhānaṅgāni pariggahetvā tesam nissayam hadayavatthum, tamnissayāni ca bhūtāni, tesaṃca nissayam

sakalampi karajakāyaṃ passati, tato “jhānaṅgāni arūpaṃ, vatthādīni rūpaṃ”ti rūpārūpaṃ vavatthapeti.

Atha vā samāpattito vuṭṭahitvā kesādīsu koṭṭhāsesu pathavīdhātu-ādivasena cattāri bhūtāni, taṃnissitarūpāni ca pariggahetvā yathāpariggahitarūpārammaṇaṃ, yathāpariggahitarūpavatthudvārārammaṇaṃ vā sasampayuttadhammaṃ viññāṇaṃca passati, tato “bhūtādīni rūpaṃ, sasampayuttadhammaṃ viññāṇaṃ arūpaṃ”ti vavatthapeti.

Atha vā samāpattito vuṭṭahitvā assāsapassāsānaṃ samudayo karajakāyo ca cittaṅcāti passati. Yathā hi kammāragaggariyā dhamamānāya bhastaṅca purisassa ca tajaṃ vāyāmaṃ paṭicca vāto saṅcarati, evameva kāyaṅca cittaṅca paṭicca assāsapassāsāti. Tato assāsapassāse ca kāyaṅca rūpaṃ, cittaṅca taṃsampayuttadhamme ca arūpanti vavatthapeti.

Evam nāmarūpaṃ vavatthapetvā tassa paccayaṃ pariyesati, pariyesanto ca taṃ disvā tīsupi addhāsu nāmarūpassa pavattiṃ ārabha kaṅkhaṃ vitarati, vitiṅṅakāṅkho kalāpasammasanavasena tilakkhaṇaṃ āropetvā udayabbayānupassanāya pubbhāge uppanne obhāsādayo dasa vipassanupakkilese pahāya upakkilesavimuttaṃ paṭipadāññaṃ “maggo”ti vavatthapetvā udayaṃ pahāya bhaṅgānupassanaṃ patvā nirantaraṃ bhaṅgānupassanena bhayato upaṭṭhitesu sabbasaṅkhāresu nibbindanto virajjanto vimuccanto yathākkamaṃ cattāro ariyamagge pāpuṇitvā arahattaphale patiṭṭhāya ekūnavīsatiḥhedassa paccavekkhaṇāññaṃ pariyantappatto sadevakassa lokassa aggadakkhiṇeyyo hoti. Ettāvataṃ cassa gaṇanaṃ ādīṃ katvā vipassanāpariyosānā ānāpānassatisamādhībhāvanā ca samattā hotīti.

Ayaṃ sabbākārato paṭhamacatukkavaṇṇanā.

Itaresu pana tīsu catukkesu yasmā visuṃ kammaṭṭhānabhāvanānayo nāma natthi, tasmā anupadavaṇṇanāyeneva tesāṃ attho veditabbo.

**Pitippaṭisaṃvedīti** pītiṃ paṭisaṃviditaṃ karonto pākaṭaṃ karonto assasissāmi passasissāmīti sikkhati. Tattha dvīhākārehi pīti paṭisaṃviditā hoti ārammaṇato ca asammoḥato ca.

Katham ārammaṇato pīti paṭisaṁviditā hoti? Sappīṭike dve jhāne samāpajjati, tassa samāpattikkhaṇe jhānapaṭilābhena ārammaṇato pīti paṭisaṁviditā hoti ārammaṇassa paṭisaṁviditattā.

Katham asammoḥato?—sappīṭike dve jhāne samāpajjitvā vuṭṭhāya jhānasampayuttakapītim khayato vayato sammasati, tassa vipassanākkhaṇe lakkhaṇapaṭivedhena asammoḥato pīti paṭisaṁviditā hoti. Vuttañhetam **Paṭisambhidāyam**—

Dīgham assāsavasena cittassa ekaggatam avikkhepam pajānato sati upaṭṭhitā hoti, tāya satiyā tena nāṇena sā pīti paṭisaṁviditā hoti. Dīgham passāsavasena -pa-. Rassam assāsavasena. Rassam passāsavasena. Sabbakāyappaṭisaṁvedī assāsavasena. Sabbakāyappaṭisaṁvedī passāsavasena. Passambhayam kāyasaṅkhāram assāsavasena. Passambhayam kāyasaṅkhāram passāsavasena cittassa ekaggatam avikkhepam pajānato sati upaṭṭhitā hoti, tāya satiyā tena nāṇena sā pīti paṭisaṁviditā hoti, āvajjato sā pīti paṭisaṁviditā hoti, jānato. Passato. Paccavekkhato. Cittam adhiṭṭhahato. Saddhāya adhimuccato. Vīriyam paggaṇhato. Satim upaṭṭhāpayato. Cittam samādahato. Paññāya pajānato. Abhiññeyyam abhi jānato. Pariññeyyam parijānato. Pahātabbam pajahato. Bhāvetabbam bhāvayato. Sacchikātabbam sacchikaroto sā pīti paṭisaṁviditā hoti. Evaṁ sā pīti paṭisaṁviditā hoti”<sup>1</sup>.

Eteneva nayena avasesapadānipi atthato veditabbāni. Idam panettha visesamattam—tiṇṇam jhānānam vasena sukhaṭisaṁveditā, catunnampi vasena cittasaṅkhārapaṭisaṁveditā veditabbā. **Cittasaṅkhāro**ti vedanādayo dve khandhā. **Sukhappaṭisaṁvedī**pade cetta vipassanābhūmidassanattam “sukhanti dve sukhāni kāyikaṅca sukham cetasikaṅcā”<sup>1</sup> **Paṭisambhidāyam** vuttam. **Passambhayam cittasaṅkhāram**ti oḷārikam oḷārikam cittasaṅkhāram passambhento nirodhentoti attho. So vitthārato kāyasaṅkhāre vuttanayeneva veditabbo. Apicettha **pītipade** pītisīsenā vedanā vuttā. **Sukhapade** sarūpeneva

1. Khu 9. 185 piṭṭhe.

vedanā. Dvīsu cittasaṅkhārapadesu “saññā ca vedanā ca cetasikā etc dhammā cittaṭṭhābhādhā cittaasaṅkhārā”<sup>1</sup>ti vacanato saññāsampayuttā vedanāti. Evaṃ vedanānupassanāyena idaṃ catukkaṃ bhāsitaṃ veditabbaṃ.

Tatiyacatukkepi catunnampi jhānānaṃ vasena cittaṭṭhāsaṃveditā veditabbā. **Abhippamodayaṃ cittanti** cittaṃ modento pamodento hāsento paḥāsento assasissāmi passasissāmīti sikkhati. Tattha dvīhākārehi abhippamodo hoti samādhivasena ca vipassanāvasena ca.

Kathaṃ **samādhivasena?** Sappīṭike dve jhāne samāpajjati, so samāpattikkhaṇe sampayuttāya pītiyā cittaṃ āmodeti pamodeti. Kathaṃ **vipassanāvasena?** Sappīṭike dve jhāne samāpajjitvā vuṭṭhāya jhānasampayuttakapītiṃ khayato vayato sammasati. Evaṃ vipassanākkhaṇe jhānasampayuttakapītiṃ ārammaṇaṃ katvā cittaṃ āmodeti pamodeti. Evaṃ ṭṭhāsaṃveditāya cittaṃ assasissāmi passasissāmīti sikkhati”ti vuccati.

**Samādahaṃ cittanti** paṭhamajjhānādivasena ārammaṇe cittaṃ samaṃ ādahanto samaṃ ṭṭhāsaṃveditāya, tāni vā pana jhānāni samāpajjitvā vuṭṭhāya jhānasampayuttakacittaṃ khayato vayato sammasato vipassanākkhaṇe lakkhaṇaṭṭhāsaṃveditāya uppajjati khaṇikacittekaggatā, evaṃ uppānāya khaṇikacittekaggatāya vasenapi ārammaṇe cittaṃ samaṃ ādahanto samaṃ ṭṭhāsaṃveditāya cittaṃ assasissāmi passasissāmīti sikkhati”ti vuccati.

**Vimocayaṃ cittanti** paṭhamajjhānena nīvaraṇehi cittaṃ mocento vimocento, dutiyena vitakkavicārehi, tatiyena pītiyā, catutthena sukhadukkhehi cittaṃ mocento vimocento. Tāni vā pana jhānāni samāpajjitvā vuṭṭhāya jhānasampayuttakacittaṃ khayato vayato sammasati. So vipassanākkhaṇe aniccānupassanāya nīvaraṇāto cittaṃ mocento vimocento, dukkhānupassanāya sukhasaññāto, anattānupassanāya attasaññāto, nibbidānupassanāya nandito, virāgānupassanāya rāgato, nirodhānupassanāya samudayato, paṭinissaggānupassanāya ādānato cittaṃ mocento vimocento assasati ceva passasati ca. Tena

---

1. Khu 9. 187; Ma 1. 376 piṭṭhesu.



vuttaṃ “vimocayaṃ cittaṃ assasissāmi passasissāmīti sikkhatī”ti. Evaṃ cittaṇupassanāvasena idaṃ catukkaṃ bhāsitaṃ veditabbaṃ.

Catutthacatukke pana **aniccānupassīti** ettha tāva aniccaṃ veditabbaṃ, aniccatā veditabbā, aniccānupassanā veditabbā, aniccānupassī veditabbo. Tattha **aniccanti** pañcakkhandhā. Kasmā? Uppādavayaññathattabhāvā. **Aniccatāti** tesaññeva uppādavayaññathattaṃ, hutvā abhāvo vā, nibbattānaṃ tenevākārena aṭṭhatvā khaṇabhaṅgena bhedoti attho. **Aniccānupassanāti** tassā aniccatāya vasena rūpādīsu “aniccaṃ”ti anupassanā. **Aniccānupassīti** tāya anupassanāya samannāgato. Tasmā evaṃbhūto assasanto ca passasanto ca idha “aniccānupassī assasissāmi passasissāmīti sikkhatī”ti veditabbo.

**Virāgānupassīti** ettha pana dve virāgā khayavirāgo ca accantavirāgo ca. Tattha **khayavirāgoti** saṅkhārānaṃ khaṇabhaṅgo. **Accantavirāgoti** nibbānaṃ. **Virāgānupassanāti** tadubhayadassanavasena pavattā vipassanā ca maggo ca. Tāya duvidhāyapi anupassanāya samannāgato hutvā assasanto ca passasanto ca “virāgānupassī assasissāmi passasissāmīti sikkhatī”ti veditabbo. **Nirodhānupassīpadepe** eseva nayo.

**Paṭinissaggānupassīti** etthāpi dve paṭinissaggā pariccāgapaṭinissaggo ca pakkhandanapaṭinissaggo ca, paṭinissaggoyeva anupassanā paṭinissaggānupassanā, vipassanāmaggānametaṃ adhivacanaṃ. **Vipassanā** hi tadaṅgavasena saddhiṃ khandhābhisaṅkhārehi kilese pariccajati, saṅkhatadosadassanena ca tabbiparīte nibbāne tanninnaṭṭhāya pakkhandatīti **pariccāgapaṭinissaggo** ceva **pakkhandanapaṭinissaggo** cāti vuccati. **Maggo** samucchēdavasena saddhiṃ khandhābhisaṅkhārehi kilese pariccajati, ārammaṇakaraṇena ca nibbāne pakkhandatīti **pariccāgapaṭinissaggo** ceva **pakkhandanapaṭinissaggo** cāti vuccati. Ubhayampi pana purimapurimaññānaṃ anu-anupassanato anupassanāti vuccati. Tāya duvidhāya paṭinissaggānupassanāya samannāgato hutvā assasanto ca passasanto ca “paṭinissaggānupassī assasissāmi passasissāmīti sikkhatī”ti veditabbo. **Evaṃ bhāvitoti** evaṃ soḷasahi ākārehi bhāvito. Sesāṃ vuttanayameva.

Ānāpānassatisamādhikathā niṭṭhitā.

167. **Atha kho Bhagavā**ti-ādimhi pana ayaṃ saṅkhepattho. Evaṃ **Bhagavā** ānāpānassatisamādhikathāya bhikkhū samassāsetvā, atha yaṃ taṃ tatiyapārājikapaññattiyā nidānañceva pakaraṇaṅca uppannaṃ bhikkhūnaṃ aññamaññaṃ jīvitā voropanaṃ, etasmim̐ nidāne etasmim̐ pakaraṇe bhikkhusaṅghaṃ sannipātetvā paṭipucchitvā vigarahitvā ca yasmā tattha attanā attānaṃ jīvitā voropanaṃ, migalaṇḍikena ca voropāpanaṃ pārājikavatthu na hoti, tasmā taṃ ṭhapetvā pārājikassa vatthubhūtaṃ aññamaññaṃ jīvitā voropanaṃeva gahetvā pārājikaṃ paññapento “**yo pana bhikkhu sañcicca manussaviggahan**”ti-ādimāha. Ariyapuggalamissakattā panettha “moghapurisā”ti avatvā “**te bhikkhū**”ti vuttaṃ.

Evaṃ mūlacchejjasena dalhaṃ katvā tatiyapārājike paññatte aparampi anupaññattathāya maraṇavaṇṇasaṃvaṇṇanavatthu udapādi, tassuppattidīpanatthaṃ “**evañcidaṃ Bhagavatā**”ti-ādi vuttaṃ.

168. Tattha **paṭibaddhacittā**ti chandarāgena paṭibaddhacittā, sārattā apekkhavantoti attho. **Maraṇavaṇṇaṃ saṃvaṇṇemā**ti jīvite ādīnaṃ dassetvā maraṇassa guṇaṃ vaṇṇema, ānisaṃsaṃ dassemāti. **Katakalyāṇoti-**ādīsu ayaṃ padattho—kalyāṇaṃ sucikammaṃ kataṃ tayāti tvaṃ kho asi **katakalyāṇo**. Tathā kusalaṃ anavajjakammaṃ kataṃ tayāti **katakusalo**. Maraṇakāle sampatte yā sattānaṃ uppajjati bhayaṣaṅkhātā bhīrutā, tato tāyanaṃ rakkhaṇakammaṃ kataṃ tayāti **katabhīruttāṇo**. Pāpaṃ lāmakakammaṃ akataṃ tayāti **akatapāpo**. Luddaṃ dāruṇaṃ dussīlyakammaṃ akataṃ tayāti **akataluddo**. Kibbisāṃ sāhasikakammaṃ lobhādikilesussadaṃ akataṃ tayāti **akatakibbisso**. Kasmā idaṃ vuccati, yasmā sabbappakārampi kataṃ tayā kalyāṇaṃ, akataṃ tayā pāpaṃ, tena taṃ vadāma “kiṃ tuyhaṃ iminā rogābhībhūtattā lāmakena pāpakena dukkhabahulattā dujjīvitena”<sup>1</sup>. **Mataṃ te jīvitā seyyoti** tava maraṇaṃ jīvitā sundaratarāṃ. Kasmā? Yasmā ito tvaṃ kālaṅkato katakālo hutvā kālaṃ katvā, maritvāti attho. Kāyassa bheda -pa- upapajjissasi. Evaṃ upapanno ca tattha dibbehi

1. Dukkheṇa jīvitena. (Syā, Ka)

devaloke uppannehi pañcahi kāmagaṇehi manāpiyarūpādikehi pañcahi vatthukāmakotṭhāsehi samappito samaṅgībhūto paricarissasi, sampayutto samodhānagato hutvā ito cito ca carissasi vicarissasi, abhiraṃssasi vāti<sup>1</sup> attho.

169. **Asappāyānī**ti ahitāni avuḍḍhikarāni yāni khippameva jīvitakkhayaṃ pāpentī.

### Padabhājanīyavaṇṇanā

172. **Sañciccā**ti ayaṃ “sañcicca manussaviggahan”ti mātikāya vuttassa sañciccapadassa uddhāro. Tattha **santi** upasaggo, tena saddhiṃ ussukkavacanametam sañciccāti, tassa sañcetevā suṭṭhu cetevāti attho. Yasmā pana yo sañcicca voropeti, so jānanto sañjānanto hoti, tañcassa voropanam cecca abhivāritvā vītikkamo hoti. Tasmā byañjane ādaram akatvā atthameva dassetuṃ “**jānanto sañjānanto cecca abhivāritvā vītikkamo**”ti evamassa padabhājanam vuttam. Tattha **jānantoti** “pāṇo”ti jānanto. **Sañjānantoti** “jīvitā voropemī”ti sañjānanto, teneva pāṇajānanākārena saddhiṃ jānantoti attho. **Ceccā**ti vadhakacetanāvasena cetevā pakappetvā. **Abhivāritvā**ti upakkamavasena maddanto nirāsaṅkacittam pesetvā. **Vītikkamoti** evam pavattassa yo vītikkamo, ayaṃ sañciccāsaddassa sikhāpatto atthoti vuttam hoti.

Idāni “manussaviggaham jīvitā voropeyyā”ti ettha vuttam manussattabhāvaṃ ādīto paṭṭhāya dassetuṃ “**manussaviggaho nāmā**”ti-ādimāha. Tattha gabbhaseyyakānam vasena sabbasukhuma-attabhāvadassanattam “**yaṃ mātukucchismī**”ti vuttam. **Paṭhamam cittanti** paṭisandhicittam. **Uppannanti** jātam. **Paṭhamam viññāṇam pātubhūtaṃ** idam tasseva vevacanam. “Mātukucchismim paṭhamam cittaṃ”ti vacanena cettha sakalāpi pañcavokārapaṭisandhi dassitā hoti, tasmā tañca paṭhamam cittaṃ, taṃsampayuttā ca tayo arūpakkhandaṃ tena saha nibbattañca kalalarūpanti ayaṃ sabbapaṭhamo manussaviggaho. Tattha **kālalarūpanti** itthipurisānam

---

1. Vicarissasi viharissasi abhiraṃssasi cāti (Sī), carissasi viharissasi abhiraṃssasi vāti (Syā)

kāyavatthubhāvadasakavasena samatimsa rūpāni, napuṃsakānaṃ  
kāyavatthudasakavasena vīsati. Tattha itthipurisānaṃ kalalarūpaṃ jāti-  
uṇṇāya ekena aṃsunā uddhaṭatelaḅindumattam hoti acchaṃ vippasannaṃ.  
Vuttañhetam **Atthakathāyaṃ**—

“Tilatelassa yathā bindu, sappimaṇḍo anāvilo.  
Evaṃvaṇṇappaṭibhāgaṃ, ‘kalalan’ti pavuccatī”ti\*.

Evaṃ parittakaṃ vatthum ādirū katvā pakatiyā vīsavassasatāyukassa<sup>1</sup>  
sattassa yāva maraṇakālā etthantare anupubbena vuḍḍhippatto attabhāvo,  
eso manussaviggaho nāma.

**Jīvitā voropeyyāti** kalalakālepi tāpanamaddanehi vā  
bhesajjasampadānena vā tato vā uddhampi tadanurūpena upakkamena jīvitā  
vijojeyyāti attho. Yasmā pana jīvitā voropanaṃ nāma atthato  
jīvitindriyupacchedanameva hoti, tasmā etassa padabhājane “**jīvitindriyaṃ  
upacchindati uparodheti santatim vikopetī**”ti vuttaṃ. Tattha jīvitindriyassa  
paveṇighaṭanaṃ upacchindanto, uparodhento ca jīvitindriyaṃ upacchindati  
uparodhetīti vuccati, svāyamattho “santatim vikopetī”tipadena dassito.  
**Vikopetīti** vijojeti.

Tattha duvidham jīvitindriyaṃ rūpajīvitindriyaṃ, arūpajīvitindriyaṃca.  
Tesu arūpajīvitindriye upakkamo natthi, taṃ voropetum na sakkā.  
Rūpajīvitindriye pana atthi, taṃ voropetum sakkā. Taṃ pana voropento  
arūpajīvitindriyampi voropeti. Teneva hi saddhim taṃ nirujjhati  
tadāyattavuttito. Taṃ pana voropento kiṃ atītaṃ voropeti, anāgataṃ,  
paccuppananti? Neva atītaṃ, na anāgataṃ, tesu hi ekaṃ niruddham ekaṃ  
anuppananti ubhayampi asantaṃ, asantattā upakkamo natthi, upakkamassa  
natthitāya ekampi voropetum na sakkā. Vuttampi cetam—

“Atīte cittakkhaṇe jīvittha, na jīvati, na jīvissati. Anāgate  
cittakkhaṇe jīvissati, na jīvittha, na jīvati. Paccuppanne cittakkhaṇe  
jīvati, na jīvittha, na jīvissatī”ti<sup>2</sup>.

\* Abhi-Ṭṭha 2. 21; Sam-Ṭṭha 1. 274 piṭṭhesu.

1. Vīsavassasatāyukassa (Sī)

2. Khu 7. 32 piṭṭhe.

Tasmā yattha jīvati, tattha upakkamo yuttoti paccuppannaṃ voropeti.

Paccuppannañca nāmetaṃ khaṇapaccuppannaṃ, santatipaccuppannaṃ, addhāpaccuppannanti tividham. Tattha **khaṇapaccuppannaṃ** nāma uppādajarābhaṅgasamaṅgi, taṃ voropetuṃ na sakkā. Kasmā? Sayameva nirujjhanato. **Santatipaccuppannaṃ** nāma sattaṭṭhajavanavāramattaṃ sabhāgasantativasena pavattitvā nirujjhanakaṃ, yāva vā<sup>1</sup> uṇhato āgantvā ovarakaṃ pavisitvā nisinnassa andhakāraṃ hoti, sītato vā āgantvā ovarake nisinnassa yāva visabhāga-utupātubhāvena purimako utu nappaṭippassambhati, etthantare santatipaccuppannanti vuccati. Paṭisandhito pana yāva cuti, etaṃ **addhāpaccuppannaṃ** nāma. Tadubhayampi voropetuṃ sakkā. Kathaṃ? Tasmīṃhi upakkame kate laddhupakkamaṃ jīvitanaṃ nirujjhamānaṃ dubbalassa parihīnavegassa santānassa paccayo hoti, tato santatipaccuppannaṃ vā addhāpaccuppannaṃ vā yathāparicchinnaṃ kālaṃ apatvā antarāva nirujjhati. Evaṃ tadubhayampi voropetuṃ sakkā, tasmā tadeva sandhāya “santatiṃ vikopeti”ti idaṃ vuttanti veditabbaṃ.

Imassa panatthassa āvibhāvattamaṃ pāṇo veditabbo, pāṇātipāto veditabbo, pāṇātipātī veditabbo, pāṇātipātassa payogo veditabbo. Tattha **pāṇoti** vohārato satto paramatthato jīvitindriyaṃ. Jīvitindriyaṃhi atipātentō “pāṇaṃ atipātetī”ti vuccati, taṃ vuttappakārameva. **Pāṇātipātoti** yāya cetanāya jīvitindriyupacchedakaṃ payogaṃ samuṭṭhāpeti, sā vadhakacetanā “pāṇātipāto”ti vuccati. **Pāṇātipātīti** vuttacetanāsamaṅgi puggalo datṭhabbo. **Pāṇātipātassa payogoti** pāṇātipātassa cha payogā sāhatthiko āṇattiko nissaggiyo thāvaro vijjāmayo iddhimayoti.

Tattha **sāhatthikoti** sayam mārentassa kāyena vā kāyappaṭibaddhena vā paharaṇaṃ. **Āṇattikoti** aññaṃ āṇāpentassa evaṃ vijjhitvā vā paharivā vā mārehīti āṇāpanaṃ. **Nissaggiyoti** dūre ṭhitaṃ māretukāmassa kāyena vā kāyappaṭibaddhena vā ususattiyantapāsāṇādīnaṃ nissajjanaṃ. **Thāvaroti** asaṅcārimena upakaraṇena māretukāmassa opāta-apassena-upanikkhipanaṃ bhesajjasamvidhānaṃ. Te cattāropi parato **Pāḷivaṇṇanāyameva** vitthārato āvibhavissanti.

---

1. Yāvata (Sī, Syā)

Vijjāmaya-iddhimayā pana Pāliyaṃ anāgatā, te evaṃ veditabbā. Saṅkhepato hi māraṇatthaṃ vijjāparijappanaṃ **vijjāmayo** payogo, **Aṭṭhakathāsu** pana “katamo vijjāmayo payogo. Āthabbaṇikā āthabbaṇaṃ payojenti, nagare vā ruddhe, saṅgāme vā paccupaṭṭhite paṭisenāya paccatthikesu paccāmittesu ītiṃ uppādentī, upaddavaṃ uppādentī, rogaṃ uppādentī, pajjaraṃ uppādentī, sūcikaṃ karonti, visūcikaṃ karonti, pakkhandiyaṃ karonti. Evaṃ āthabbaṇikā āthabbaṇaṃ payojenti. Vijjādharaṃ vijjāṃ parivattetvā nagare vā ruddhe -pa- pakkhandiyaṃ karonti”ti evaṃ vijjāmayaṃ payogaṃ dassetvā āthabbaṇikehi ca vijjādharehi ca māritānaṃ bahūni vatthūni vuttāni, kiṃ tehi. Idañhettha lakkhaṇaṃ māraṇāya vijjāparijappanaṃ vijjāmayo payogoti.

Kammavipākajāya iddhiyā payojanaṃ **iddhimayo** payogo. Kammavipākajiddhi ca nāmesā nāgānaṃ nāgiddhi, supaṇṇānaṃ supaṇṇiddhi, yakkhānaṃ yakkhiddhi, devānaṃ deviddhi, rājūnaṃ rājiddhīti bahuvidhā. Tattha diṭṭhadaṭṭhaphuṭṭhavisānaṃ nāgānaṃ disvā ḍamsitvā phusitvā ca parūpaghātakaraṇe **nāgiddhi** veditabbā. Supaṇṇānaṃ mahāsamuddato dvattibyāmasatappamaṇaṅguddharaṇe **supaṇṇiddhi** veditabbā. Yakkhā pana neva āgacchantā na paharantā dissanti, tehi pahataṣattā pana tasmīnyeva ṭhāne maranti, tatra nesāṃ **yakkhiddhi** daṭṭhabbā. Vessavaṇassa sotāpannakālate pubbe nayanāvudhena olokitakumbhaṅḍānaṃ maraṇe, aññesaṅca devānaṃ yathāsakaṃ iddhānubhāve **deviddhi** veditabbā. Rañño cakkavattissa sapaṭṭhāssa ākāsaḍḍhānaṃ maraṇe, Asokassa heṭṭhā uparī ca yojane āṇāpavattanādīsū, Piturañño ca Sīhaṇarindassa dāṭṭhakoṭṭānaṃ maraṇe **rājiddhi** daṭṭhabbāti.

Keci pana—“puna caparaṃ bhikkhave samaṇo vā brāhmaṇo vā iddhimā cetovasippatto aññissā kucchigataṃ gabbhaṃ pāpakena manasā anupekkhitā<sup>1</sup> hoti ‘aho vatāyaṃ kucchigato gabbho<sup>2</sup> na sotthinā abhinikkhameyyā’ti. Evampi bhikkhave kulumbassa upaghāto hoti”ti—  
ādikāni suttāni dassetvā bhāvanāmayiddhiyāpi parūpaghātakammaṃ vadanti, saha parūpaghātakaraṇena ca ādittagarūpari

1. Anupekkhako (Abhi-Ṭṭha 1. 133 piṭṭhe.)

2. Aho vata yaṃ taṃ kucchigataṃ gabbhaṃ (sabbattha)

khittassa udakaghaṭassa bhedanamiva iddhivināsañca icchanti, taṃ tesam icchāmattameva. Kasmā? Yasmā kusalavedanāvitakkaparittattikehi na sameti. Katham? Ayañhi bhāvanāmayiddhi nāma kusalattike kusalā ceva abyākatā ca, pāṇātipāto akusalo. Vedanāttike adukkhamasukhasampayuttā, pāṇātipāto dukkhasampayutto. Vitakkattike avitakkāvicārā, pāṇātipāto savitakkasavicāro. Parittattike mahaggaṭā, pāṇātipāto parittoti.

**Satthahāraṇam vāssa pariyeṣeyyāti** ettha haratīti **hāraṇam**. Kim harati? Jīvitam. Atha vā haritabbanti hāraṇam, upanikkhipitabbanti attho. Satthañca taṃ hāraṇaṇcāti **satthahāraṇam**. **Assāti** manussaviggahassa. **Pariyeṣeyyāti** yathā labhati, tathā kareyya, upanikkhipeyyāti attho. Etena thāvarappayogaṃ dasseti. Itarathā hi pariyaṭṭhamatteneva pārājiko bhaveyya, na cetam vuttam. **Pāliyaṃ** pana sabbam byañjanam anādiyivā yaṃ ettha thāvarappayogasaṅgahitam sattham, tadeva dassetuṃ “**asim vā -pa- rajjum vā**”ti padabhājanam vuttam.

Tattha **satthanti** vuttāvesam yaṃkiñci samukham veditabban. Lagulapāsānavisarajjūnañca jīvitavināsanabhāvato satthasaṅgaho veditabbo. **Maraṇavaṇṇam vāti** ettha yasmā “kim tuyhiminā pāpakena dujjīvitena, yo tvaṃ na labhasi paṇṭāni bhojanāni bhuñjitun”ti-ādinā nayena jīvite ādīnavam dassentopi, “tvaṃ khosi upāsaka katakalyāṇo -pa- akatam tayā pāpam, matam te jīvitā seyyo, ito tvaṃ kālakato<sup>1</sup> paricarissasi accharāparivuto Nandanavane sukhappatto viharissasi”ti-ādinā nayena maraṇe vaṇṇam bhaṇantopi maraṇavaṇṇameva saṃvaṇṇeti. Tasmā dvidhā bhinditvā padabhājanam vuttam “**jīvite ādīnavam dasseti, maraṇe vaṇṇam bhaṇatī**”ti.

**Maraṇāya vā samādapeyyāti** maraṇatthāya<sup>2</sup> upāyam gāhāpeyya. **Sattham vā āharāti**-ādīsu ca yampi na vuttam “sobbhe vā narake vā papāte vā papatā”ti-ādi, taṃ sabbam parato vuttanayattā atthato vuttamevāti veditabban. Na hi sakkā sabbam sarūpeneva vuttam.

1. Kālakato (Sī, Syā)

2. Maraṇatthāya vā (Sī)

**Iti cittamanoti** iticitto itimano, “mataṃ te jīvitā seyyo”ti ettha vuttamaraṇacitto maraṇamanoti attho. Yasmā panettha mano cittasaddassa<sup>1</sup> atthadīpanatthaṃ vutto, atthato panetaṃ ubhayampi ekameva, tasmā tassa atthato abhedam dassetum “**yaṃ cittaṃ taṃ mano, yaṃ mano taṃ cittaṃ**”ti vuttaṃ. Itisaddam pana uddharitvāpi na tāva attho vutto. **Cittasaṅkappoti** imasmim pade adhikāravasena itisaddo āharitabbo. Idañhi “Iti cittasaṅkappo”ti evaṃ avuttampi adhikārato vuttameva hotīti veditabbaṃ. Tathā hissa tameva atthaṃ dassento “**maraṇasaññī**”ti-ādimāha. Yasmā cettha “saṅkappo”ti nayidaṃ vitakkassa nāmaṃ, atha kho saṃvidahanamattassetam adhivacanam. Tañca saṃvidahanam imasmim atthe saññācetanādhīppāyehi saṅgahaṃ gacchati. Tasmā citto nānappakārako saṅkappo assāti cittasaṅkappoti evamattho daṭṭhabbo. Tathā hissa padabhājanampi saññācetanādhīppāyavasena vuttaṃ. Ettha ca **adhippāyoti** vitakko veditabbo.

**Uccāvacehi ākārehi**ti mahantāmahantehi upāyehi. Tattha maraṇavaṇṇasaṃvaṇṇane tāva jīvite ādīnavadassanavasena avacākāratā, maraṇe vaṇṇabhaṇanavasena uccākāratā veditabbā. Samādapane pana muṭṭhi jānupphoṭanādīhi maraṇasamādapanavasena uccākāratā, ekato bhūñjantassa nakhe visaṃ pakkhipitvā maraṇādisamādapanavasena avacākāratā veditabbā.

**Sobbhe vā narake vā papāte vāti** ettha **sobbho** nāma samantato chinnataṭo gambhīro āvāṭo. **Narako** nāma tattha tattha phalantiyā bhūmiyā sayameva nibbattā mahādārī, yattha hatthīpi patanti corāpi nilīnā tiṭṭhanti. **Papātoti** pabbatantare vā thalantare vā ekato chinno hoti. **Purime upādāyāti** methunaṃ dhammaṃ paṭisevitvā adinnañca ādiyitvā pārājikam āpattim āpanne puggale upādāya. Sesam pubbe vuttanayattā, uttānatthattā ca pākaṭamevāti.

174. Evaṃ uddiṭṭhasikkhāpadaṃ padānukkamena vibhajitvā idāni yasmā heṭṭhā padabhājanīyamhi saṅkhepeneva manussaviggahapārājikam dassitam, na vitthārena āpattim āropetvā tanti ṭhapitā. Saṅkhepadassite ca atthe na

---

1. Cittassa (Sī, Syā)



sabbākārenea bhikkhūnaṃ gahetuṃ sakkonti, anāgate ca pāpappuggalānampi okāso hoti. Tasmā bhikkhūnaṃca sabbākārenea nayaggahaṇatthaṃ, anāgate ca pāpappuggalānaṃ okāsapatiḥāhanatthaṃ puna “**sāmaṃ, adhiṭṭhāyā**”ti-ādinā nayena mātikaṃ ṭhapetvā vitthārato manussaviggahapārājikaṃ dassento “**sāmanti sayam hanati**”ti-ādimāha.

Tatrāyaṃ anuttānapadavaṇṇanāya saddhim vinicchayakathā. **Kāyenāti** hatthena vā pādena vā muṭṭhinā vā jāṇunā vā yena kenaci aṅgapaccaṅgena. **Kāyapaṭibaddhenāti** kāyato amocitena asi-ādinā paharaṇena. **Nissaggiyenāti** kāyato ca kāyapaṭibaddhato ca mocitena ususatti-ādinā. Ettāvata sāhatthiko ca<sup>1</sup> nissaggiyo cāti dve payogā vuttā honti.

Tattha ekameko uddissānuddissabhedato duvidho. Tattha uddesike yaṃ uddissa paharati, tasseva maraṇena kammunā bajjhati. “Yo koci maratū”ti evaṃ anuddesike<sup>2</sup> pahārappaccayā yassa kassaci maraṇena kammunā bajjhati. Ubhayathāpi ca paharitamatte vā maratu, pacchā vā teneva rogena, paharitamatteyeva kammunā bajjhati. Maraṇādhippāyena ca pahāraṃ datvā tena amatassa puna aññacittena pahāre dinne pacchāpi yadi paṭhamappahārenea marati, tadā eva kammunā baddho. Atha dutiyappahārenea marati, natthi pāṇātipāto. Ubhayehi matepi paṭhamappahārenea kammunā baddho. Ubhayehi amate nevatthi pāṇātipāto. Esa nayo bahūhipi ekassa pahāre dinne. Tatrāpi hi yassa pahārenea marati, tasseva kammunā baddho hotīti.

Kammāpattibyattibhāvattāñcetta **eḷakacattukampi** veditabbaṃ. Yo hi eḷakaṃ ekasmiṃ ṭhāne nipannaṃ upadhāreti “rattim āgantvā vadhissāmī”ti. Eḷakassa ca nipannokāse tassa mātā vā pitā vā arahā vā paṇḍukāsavaṃ pārupitvā nipanno hoti. So rattibhāge āgantvā “eḷakaṃ māremī”ti mātaraṃ vā pitaraṃ vā arahantaṃ vā māreti. “Imaṃ vatthuṃ māremī”ti cetanāya atthibhāvato ghātako ca hoti, anantariyakammaṃca phusati, pārājikaṃca āpajjati. Añño koci āgantuko nipanno

---

1. Sāhatthiyo ca (Ka)

2. Anuddesike (Syā)

hoti, “eḷakaṃ māremī”ti taṃ māreti, ghātako ca hoti, pārājikañca āpajjati, ānantariyaṃ na phusati. Yakkho vā peto vā nipanno hoti, “eḷakaṃ māremī”ti taṃ<sup>1</sup> māreti, ghātakova hoti, na cānantariyaṃ phusati, na ca pārājikaṃ āpajjati, thullaccayaṃ pana hoti. Añño koci nipanno natthi, eḷakova hoti, taṃ māreti. Ghātako ca hoti, pācittiyañca āpajjati. “Mātāpitu-arahantānaṃ aññataraṃ māremī”ti tesāmyeva aññataraṃ māreti, ghātako ca hoti, ānantariyañca phusati, pārājikañca āpajjati. “Tesā<sup>2</sup> aññataraṃ māressāmī”ti aññaṃ āgantukaṃ māreti, yakkhaṃ vā petāṃ vā māreti, eḷakaṃ vā māreti, pubbe vuttanayena veditabbaṃ. Idha pana cetanā dāruṇā hotīti.

Aññānīpi ettha **palālapuñjādivatthūni** veditabbāni—yo hi “lohitakaṃ asiṃ vā sattim vā puñchissāmī”ti palālapuñje pavesento tattha nipannaṃ mātaraṃ vā pitaraṃ vā arahantaṃ vā āgantukapurisaṃ vā yakkhaṃ vā petāṃ vā tiracchānagataṃ vā māreti. Vohāravasena ghātakoti vuccati, vadhakacetanāya pana abhāvato neva kammaṃ phusati, na āpattim āpajjati. Yo pana evaṃ pavesento sarīrasamphassaṃ sallakkhetvā “satto maññe abbhantaragato maratū”ti pavesetvā māreti, tassa tesāṃ vatthūnaṃ anurūpena kammabaddho ca āpatti ca veditabbā. Esa nayo tattha nidahanatthaṃ pavesentassāpi vanappagumbādīsu khipantassāpi.

Yopi “coraṃ māremī”ti coravesena gacchantaṃ pitaraṃ māreti, ānantariyañca phusati, pārājiko ca hoti. Yo pana parasenāya aññañca yodhaṃ, pitarañca kammaṃ karonte disvā yodhassa usuṃ khipati, “etaṃ vijjhivā mama pitaraṃ vijjhissatī”ti, yathādhippāyaṃ gate pitughātako hoti. “Yodhe viddhe mama pitā palāyissatī”ti khipati, usu ayathādhippāyaṃ gantvā pitaraṃ māreti, vohāravasena pitughātakoti vuccati, ānantariyaṃ pana natthīti.

**Adhiṭṭhahitvā**ti samīpe ṭhatvā. **Āṇāpetī**ti uddissa vā anuddissa vā āṇāpeti. Tattha parasenāya paccupaṭṭhitāya anuddisseva “evaṃ

---

1. Te (Ka)

2. Tesāmyeva (Sī, Syā)

vijjha, evaṃ pahara, evaṃ ghātehī”ti āṇatte yattake āṇatto ghātetī, tattakā ubhinnam pāṇātipātā. Sace tattha āṇāpakassa mātāpitaro hontī, ānantariyampi phusati. Sace āṇattasseva mātāpitaro, sova ānantariyam phusati. Sace arahā hotī, ubhopī ānantariyam phusanti. Uddisitvā pana “etaṃ dīgham, rassam, rattakañcukam, nilakañcukam, hatthikkhandhe nisinnam, majjhe nisinnam vijjha, pahara, ghātehī”ti āṇatte sace so tameva ghātetī, ubhinnampi pāṇātipāto, ānantariyavattumhi ca ānantariyam. Sace aññam māreti, āṇāpakassa natthi pāṇātipāto. Etena āṇattiko payogo vutto hotī, tattha—

Vatthum kālañca okāsam, āvudham iriyāpatham.  
Tulayitvā pañca ṭhānāni, dhāreyyattham vicakkhaṇo.

Aparo nayo—

Vatthu kālo ca okāso, āvudham iriyāpatho.  
Kiriyāvisesoti ime, cha āṇattiniyamakā.

Tattha **vatthū**ti māretabbo satto. **Kāloti** pubbaṇhasāyanhādikālo ca yobbanathāviriyādikālo ca<sup>1</sup>. **Okāsoti** gāmo vā vanaṃ vā gehadvāraṃ vā gehamajjham vā rathikā vā siṅghātakam vāti evamādi. **Āvudhanti** asi vā usu vā satti vāti evamādi. **Iriyāpathoti** māretabbassa gamanam vā nisajjā vāti evamādi. **Kiriyāvisesoti** vijjhanam vā chedanam vā bhedanam vā saṅkhamuṇḍakam vāti evamādi.

Yadi hi vatthum visamvādetvā “yam mārehī”ti āṇatto, tato aññam māreti. “Purato paharivā mārehī”ti vā āṇatto pacchato vā passato vā aññasmim vā padese paharivā māreti. Āṇāpakassa natthi kammabaddho, āṇattasseva kammabaddho. Atha vatthum avisaṃvādetvā yathāṇattiyā māreti, āṇāpakassa āṇattikkhaṇe, āṇattassa ca māraṇakkhaṇeti ubhayesampi kammabaddho. Vatthuvisesena panettha kammaviseso ca āṇattiviseso ca hotīti. Evaṃ tāva vatthumhi saṅketavisaṅketatā vedītabbā.

---

1. Yobbanathāviriyādikālo ca (Sī, Syā)

**Kāle** pana yo “ajja sve”ti aniyamtvā “pubbaṅhe mārehi”ti āṇatto yadā kadāci pubbaṅhe māreti, natthi visaṅketo. Yo pana “ajja pubbaṅhe”ti vutto majjhanhe vā sāyanhe vā sve vā pubbaṅhe māreti, visaṅketo hoti, āṇāpakassa natthi kammabaddho. Pubbaṅhe māretum vāyamantassa majjhanhe jātepi eseva nayo. Etena nayena sabbakālappabhedesu saṅketavisaṅketatā veditabbā.

**Okāsepi** yo “etaṃ gāme ṭhitaṃ mārehi”ti aniyamtvā āṇatto taṃ yattha katthaci māreti, natthi visaṅketo. Yo pana “gāmeyevā”ti niyamtvā āṇatto vane māreti, tathā “vane”ti āṇatto gāme māreti. “Antogehadvāre”ti āṇatto gehamajjhe māreti, visaṅketo. Etena nayena sabbokāsabhedesu saṅketavisaṅketatā veditabbā.

**Āvudhepi** yo “asinā vā usunā vā”ti aniyamtvā “āvudhena mārehi”ti āṇatto yena kenaci āvudhena māreti, natthi visaṅketo. Yo pana “asinā”ti vutto usunā, “iminā vā asinā”ti vutto aññena asinā māreti. Etasseva vā asissa “imāya dhārāya mārehi”ti vutto itarāya vā dhārāya, talena vā tuṇḍena vā tharunā vā māreti, visaṅketo. Etena nayena sabba-āvudhabhedesu saṅketavisaṅketatā veditabbā.

**Iriyāpathe** pana yo “etaṃ gacchantam mārehi”ti vadati, āṇatto ca nam sace gacchantam māreti, natthi visaṅketo. “Gacchantameva mārehi”ti vutto pana sace nisinnam māreti. “Nisinnameva vā mārehi”ti vutto gacchantam māreti, visaṅketo hoti. Etena nayena sabba-iriyāpathabhedesu saṅketavisaṅketatā veditabbā.

**Kiriyāvisesepi** yo “vijjhivā mārehi”ti vutto vijjhivāva māreti, natthi visaṅketo. Yo pana “vijjhivā mārehi”ti vutto chindivā māreti, visaṅketo. Etena nayena sabbakiriyāvisesabhedesu saṅketavisaṅketatā veditabbā.

Yo pana liṅgavasena “dīgham, rassam, kālam, odātam, kisaṃ, thūlam mārehi”ti aniyamtvā āṇāpeti, āṇatto ca yaṃkiñci

tādisaṃ māreti, natthi visaṅketo<sup>1</sup>, ubhinnaṃ pārājikaṃ. Atha pana so attānaṃ sandhāya āṇāpeti, āṇatto ca “ayameva īdiso”ti āṇāpakameva māreti, āṇāpakassa dukkaṭaṃ, vadhakassa pārājikaṃ. Āṇāpako attānaṃ sandhāya āṇāpeti, itaro aññaṃ tādisaṃ māreti, āṇāpako muccati, vadhakasseva pārājikaṃ. Kasmā? Okāsassa aniyamittā. Sace pana attānaṃ sandhāya āṇāpentopi okāsaṃ niyameti “asukasmiṃ nāma rattiṭṭhāne vā divāṭṭhāne vā therāsane vā navāsane vā majjhimāsane vā nisinnaṃ evarūpaṃ nāma mārehi”ti. Tattha ca añño nisino hoti, sace āṇatto taṃ māreti, neva vadhako muccati na āṇāpako. Kasmā? Okāsassa niyamittā. Sace pana niyamitokāsato aññatra māreti, āṇāpako muccatīti ayam nayo **Mahā-aṭṭhakathāyaṃ** suṭṭhu daḷhaṃ katvā vutto. Tasmā ettha na anādariyaṃ kātābbanti.

“Adhiṭṭhāyā”ti mātikāvasena āṇattikapayogakathā niṭṭhitā.

Idāni ye **dūtenāti** imassa mātikāpadassa niddesadassanattānaṃ “**bhikkhu bhikkhuṃ āṇāpeti**”ti-ādayo cattāro vārā vuttā. Tesu so taṃ maññaṃānoti so āṇatto yo āṇāpakena “itthannāmo”ti akkhāto, taṃ maññaṃāno tameva jīvitā voropeti, ubhinnaṃ pārājikaṃ. **Taṃ maññaṃāno aññanti** “yam jīvitā voropehi”ti vutto taṃ maññaṃāno aññaṃ tādisaṃ jīvitā voropeti, mūlaṭṭhassa anāpatti. **Aññaṃ maññaṃāno tanti** yo āṇāpakena vutto, tassa balavasahāyaṃ samīpe ṭhitāṃ disvā “imassa balenāyaṃ gajjati<sup>2</sup>, imaṃ tāva jīvitā voropemi”ti paharanto itarameva parivattitvā tasmim ṭhāne ṭhitāṃ “sahāyo”ti maññaṃāno jīvitā voropeti, ubhinnaṃ pārājikaṃ. **Aññaṃ maññaṃāno aññanti** purimanayeneva “imaṃ tāvassa sahāyaṃ jīvitā voropemi”ti sahāyameva voropeti, tasseva pārājikaṃ.

Dūtaparamparāpadassa niddesavāre **itthannāmassa pāvadāti**-ādīsu eko ācariyo tayo Buddharakkhitadhammarakkhitasamgharakkhitanāmakā

1. Visaṅketoti (Ka)

2. Gacchati (Sī), tajjati (Syā)

antevāsikā daṭṭhabbā. Tattha **bhikkhu bhikkhum āṇāpetī**ti ācariyo kañci puggalaṃ mārāpetukāmo tamatthaṃ ācikkhitvā Buddharakkhitaṃ āṇāpeti. **Itthannāmassa pāvadā**ti gaccha tvaṃ Buddharakkhita etamatthaṃ Dhammarakkhitassa pāvada. **Itthannāmo itthannāmassa pāvadatū**ti Dhammarakkhitopi Saṃgharakkhitassa pāvadatu. **Itthannāmo itthannāmaṃ jīvitā voropetū**ti evaṃ tayā āṇattena Dhammarakkhitena āṇatto Saṃgharakkhito itthannāmaṃ puggalaṃ jīvitā voropetu, so hi amhesu vīrajātiko paṭibalo imasmiṃ kammeti. **Āpatti dukkaṭassā**ti evaṃ āṇāpentassa ācariyassa tāva dukkaṭaṃ. **So itarassa ārocetī**ti Buddharakkhito Dhammarakkhitassa, Dhammarakkhito ca Saṃgharakkhitassa “amhākaṃ ācariyo evaṃ vadati ‘itthannāmaṃ kira jīvitā voropehi, tvaṃ kira amhesu vīrapuriso’ti” āroceti, evaṃ tesampi dukkaṭaṃ. **Vadhako paṭiggaṇhātī** “sādhu voropessāmī”ti Saṃgharakkhito sampaṭicchati. **Mūlaṭṭhassa āpatti thullaccayassā**ti Saṃgharakkhitena paṭiggahitamatte ācariyassa thullaccayaṃ. Mahājano hi tena pāpe niyojototi. **So tanti** so ce Saṃgharakkhito taṃ puggalaṃ jīvitā voropeti, sabbesaṃ catunnampi janānaṃ pārājikaṃ. Na kevalaṅca catunnaṃ, etenūpāyena visaṅketaṃ akatvā paramparāya āṇāpentaṃ samaṇasataṃ samaṇasahassaṃ vā hotu sabbesaṃ pārājikameva.

Visakkiyadūtapadaniddese **so aññaṃ āṇāpetī**ti so ācariyena āṇatto Buddharakkhito Dhammarakkhitaṃ adisvā vā avattukāmo vā hutvā Saṃgharakkhitameva upasaṅkamitvā “amhākaṃ ācariyo evamāha ‘itthannāmaṃ kira jīvitā voropehī’ti” visaṅketaṃ karonto āṇāpeti. Visaṅketakaraṇeneva hi esa “**visakkiyadūto**”ti vuccati. **Āpatti dukkaṭassā**ti āṇattiyā tāva Buddharakkhitassa dukkaṭaṃ. **Paṭiggaṇhātī āpatti dukkaṭassā**ti Saṃgharakkhitena sampaṭicchite mūlaṭṭhasseva dukkaṭanti veditabbaṃ. Evaṃ sante paṭiggahaṇe āpattiyeva na siyā, sañcaritapaṭiggahaṇamaraṇābhinandanesupi ca āpatti hoti, maraṇapaṭiggahaṇe kathaṃ na siyā, tasmā paṭiggaṇhantassevetāṃ dukkaṭaṃ, tenevettha “mūlaṭṭhassā”ti na vuttaṃ. Purimanayepi cetāṃ paṭiggaṇhantassa veditabbameva, okāsābhāvena pana na vuttaṃ. Tasmā yo

yo paṭiggaṇhāti, tassa tassa tappaccayā āpattiyevāti ayamettha amhākaṃ khanti. Yathā cettha, evaṃ adinnādānepīti.

Sace pana so taṃ jīvitā voropeti, āṇāpakassa ca Buddharakkhitassa, voropakassa ca Saṃgharakkhitassāti ubhinnampi pārājikaṃ. Mūlaṭṭhassa pana ācariyassa visaṅketattā pārājikena anāpatti. Dhammarakkhitassa ajānanatāya sabbena sabbam anāpatti. Buddharakkhito pana dvinnam sotthibhāvaṃ katvā attanā naṭṭhoti.

Gatapaccāgatadūtaniddese **so gantvā puna paccāgacchatī**ti tassa jīvitā voropetabbassa samīpaṃ gantvā susaṃvihitārakkhattā taṃ jīvitā voropetuṃ asakkonto āgacchati. **Yadā sakkosi, tadāti** kiṃ ajjeva mārito mārito hoti, gaccha, yadā sakkosi, tadā naṃ jīvitā voropehīti. **Āpatti dukkaṭassāti** evaṃ puna āṇattiyāpi dukkaṭameva hoti. Sace pana so avassaṃ jīvitā voropetabbo hoti, atthasādhikacetanā<sup>1</sup> maggānantaraphalasadisā, tasmā ayaṃ āṇattikkhaṇeyeva pārājiko. Sacepi vadhako saṭṭhivassātikkamena taṃ vadhati<sup>2</sup>, āṇāpako ca antarāva kālaṃ karoti, hīnāya vā āvattati, assamaṇova hutvā kālaṅca karissati, hīnāya vā āvattissati. Sace āṇāpako gihikāle mātaraṃ vā pitaraṃ vā arahantaṃ vā sandhāya evaṃ āṇāpetvā pabbajati, tasmim pabbajite āṇatto taṃ māreti, āṇāpako gihikāleyeva mātughātaḥ, pitughātaḥ, arahantaghātaḥ vā hoti, tasmā nevassa pabbajjā, na upasampadā ruhati. Sacepi māretabbapuggalo āṇattikkhaṇe puthujjano, yadā pana naṃ āṇatto māreti, tadā arahā hoti, āṇattato vā pahāraṃ labhitvā dukkhamūlikaṃ saddhaṃ nissāya vipassanto arahantaṃ patvā tenevābādheṇa kālaṃ karoti, āṇāpako āṇattikkhaṇeyeva arahantaghātaḥ. Vadhako pana sabbattha upakkamakaraṇakkhaṇeyeva pārājikoti.

Idāni ye sabbesuyeva imesu dūtavasena vuttamātikāpadesu saṅketavisāṅketadassanattam vuttā tayo vārā, tesu paṭhamavāre tāva yasmā taṃ saṅikaṃ vā bhaṇanto tassa vā badhiratāya “mā

1. Atthasādhakacetanā (Ka)

2. Vadheti (Sī, Syā)

ghātehi”ti etaṃ vacanaṃ na sāveti, tasmā mūlaṭṭho na mutto. Dutiyavāre sāvitattā mutto. Tatiyavāre pana tena ca sāvitattā, itarena ca “sādhū”ti sampaṭicchitvā oratattā<sup>1</sup> ubhopi muttāti.

Dūtakathā niṭṭhitā.

175. Araho rahosaññīniddeśādīsu **arahoti** sammukhe. **Rahoti** parammukhe. Tattha yo upaṭṭhānakāle veribhikkhumhi bhikkhūhi saddhim āgantvā purato nisinneyeva andhakāradosena tassa āgatabhāvaṃ ajānanto “aho vata itthannāmo hatto assa, corāpi nāma taṃ na hananti, sappo vā na ḍaṃsati, na satthaṃ vā visaṃ vā āharatī”ti tassa maraṇaṃ abhinandanto īdisāni vacanāni ullapati, ayaṃ **araho rahosaññī ullapati** nāma, sammukheva tasmim parammukhasaññīti attho. Yo pana taṃ purato nisinnaṃ disvā puna upaṭṭhānaṃ katvā gatehi bhikkhūhi saddhim gatepi tasmim “idheva so nisinno”ti saññī hutvā purimanayeneva ullapati, ayaṃ **raho arahosaññī ullapati** nāma. Etenevupāyena araho arahosaññī ca raho rahosaññī ca veditabbo. Catunnampi ca etesaṃ vācāya vācāya dukkaṇṭanti veditabbaṃ.

Idāni maraṇavaṇṇasaṃvaṇṇanāya vibhāgadassanattaṃ vuttasu pañcasu kāyena saṃvaṇṇanādīmātikāniddeśesu **kāyena vikāraṃ karotīti** yathā so jānāti “satthaṃ vā āharitvā visaṃ vā khāditvā rajjuyā vā ubbandhitvā sobbhādisu vā papatitvā yo marati, so kira dhanāṃ vā labhati, yasaṃ vā labhati, saggaṃ vā gacchatīti ayamatto etena vutto”ti, tathā hatthamuddādīhi dasseti. **Vācāya bhaṇatīti** tamevatthaṃ vākyabhedāṃ katvā bhaṇati. Tatiyavāro ubhayavasena vutto. Sabbattha saṃvaṇṇanāya payoge payoge dukkaṇṭaṃ. Tassa dukkhuppattiyaṃ saṃvaṇṇakassa thullaccayaṃ. Yaṃ uddissa saṃvaṇṇanā katā, tasmim mate saṃvaṇṇanakkhaṇeyeva saṃvaṇṇakassa pārājikaṃ. So taṃ na jānāti añño ñatvā “laddho vata me sukhuppatti-upāyo”ti tāya saṃvaṇṇanāya marati, anāpatti. Dvinnāṃ uddissa saṃvaṇṇanāya katāya eko ñatvā marati, pārājikaṃ. Dvepi maranti, pārājikaṃca akusalarāsi ca. Esa nayo sambahulesu.

---

1. Oramitattā (Syā)



Anuddissa<sup>1</sup> maraṇaṃ saṃvaṇṇento āhiṇḍati, yo yo taṃ saṃvaṇṇanaṃ ñatvā marati, sabbo tena mārito hoti.

Dūtena saṃvaṇṇanāyaṃ “asukaṃ nāma gehaṃ vā gāmaṃ vā gantvā itthannāmassa evaṃ<sup>2</sup> maraṇavaṇṇaṃ saṃvaṇṇehī”ti sāsane ārocitamatte dukkaṭaṃ. Yassatthāya pahito, tassa dukkhuppattiyā mūlaṭṭhassa thullaccayaṃ, maraṇena pārājikaṃ. Dūto “ñāto dāni ayaṃ saggamaggo”ti tassa anārocetvā attano ñātissa vā sālohitassa vā āroceti, tasmim̐ mate visaṅketo hoti, mūlaṭṭho muccati. Dūto tatheva cintetvā sayam̐ saṃvaṇṇanāya vuttaṃ katvā marati, visaṅketova. Anuddissa<sup>3</sup> pana sāsane ārocite yattakā dūtassa saṃvaṇṇanāya maranti, tattakā pāṇātipātā. Sace mātāpitaro maranti, ānantariyampi hoti.

176. Lekhāsaṃvaṇṇanāyaṃ **lekhaṃ chindatī**ti paṇṇe vā potthake vā akkharāni likhati “yo satthaṃ vā āharitvā papāte vā papatitvā aññehi vā aggippavesana-udakappavesanādīhi upāyehi marati, so idañcīdañca labhatī”ti vā “tassa dhammo hotī”ti vāti, etthāpi dukkaṭathullaccayā<sup>4</sup> vuttanayeneva veditabbā. Uddissa likhite pana yaṃ uddissa likhitaṃ, tasseva maraṇena pārājikaṃ. Bahū uddissa likhite yattakā maranti, tattakā pāṇātipātā. Mātāpitūnaṃ maraṇena ānantariyaṃ. Anuddissa likhitepi eseva nayo. “Bahū marantī”ti vipaṭṭisāre uppanne taṃ potthakaṃ jhāpetvā vā, yathā vā akkharāni na paññāyanti, tathā katvā muccati. Sace so parassa potthako hoti uddissa<sup>5</sup> likhito vā hoti anuddissa likhito vā, gahitaṭṭhāne ṭhapetvā muccati. Sace mūlena kīto hoti, potthakassāmikānaṃ potthakaṃ, yesaṃ hatthato mūlaṃ gahitaṃ, tesam̐ mūlaṃ datvā muccati. Sace sambahulā “maraṇavaṇṇaṃ likhissāmā”ti ekajjhāsayaṃ hutvā eko tālarukkhaṃ<sup>6</sup> ārohitvā paṇṇaṃ chindati, eko āharati, eko potthakaṃ karoti, eko likhati, eko sace kaṇṭakalekhā hoti, masim̐ makkheti. Masim̐ makkhetvā taṃ potthakaṃ sajjetvā

1. Anodissa (Ka)

2. Eva (Sī, Syā)

3. Anudissa (Syā)

4. Dukkaṭathullaccayapārājikā (Syā)

5. Odissa (Ka)

6. Rukkhaṃ (Ka)

sabbeva sabhāyaṃ vā āpaṇe vā yattha vā pana lekhādassanakotūhalakā bahū sannipatanti, tattha ṭhapenti. Taṃ vācetvā sacepi eko marati, sabbesaṃ pārājikaṃ. Sace bahukā maranti, vuttasadisova nayo. Vipphaṇṣāre pana uppanne taṃ potthakaṃ sacepi mañjūsāyaṃ gopenti, añño ca taṃ disvā nīharitvā puna bahūnaṃ dasseti, neva muccanti. Tiṭṭhatu mañjūsā, sacepi taṃ potthakaṃ nadiyaṃ vā samudde vā khipanti dhovanti vā, khaṇḍākhaṇḍaṃ vā chindanti, aggimhi vā jhāpenti, yāva saṅghaṭṭitepi duddhote vā dujjhāpīte vā patte akkharāni paññāyanti, tāva na muccanti. Yathā pana akkharāni na paññāyanti, tatheva kate muccantīti.

Idāni thāvarapayogassa vibhāgadassanatthaṃ vuttesu opātādimātikāniddeesu **manussaṃ uddissa opātaṃ khanatīti** itthannāmo patitvā marissatīti kañci manussaṃ uddisitvā yattha so ekako vicarati, tattha āvāṭaṃ khanati, khanantassa tāva sacepi jātapathaviyā<sup>1</sup> khanati, pāṇātipātassa payogattā payoge payoge dukkaṭaṃ. Yaṃ uddissa khanati, tassa dukkhuppattiyā thullaccayaṃ, maraṇena pārājikaṃ. Aññasmiṃ patitvā mate anāpatti. Sace anuddissa “yo koci marissatī”ti khato hoti, yattakā patitvā maranti, tattakā pāṇātipātā. Ānantariyavatthūsu ca ānantariyaṃ, thullaccayapācittiyavatthūsu thullaccayapācittiyāni.

Bahū tattha cetanā, katamāya pārājikaṃ hotīti? **Mahā-aṭṭhakathāyaṃ** tāva vuttaṃ “āvāṭaṃ gambhīrato ca āyāmavittārato ca khanitvā pamāṇe ṭhapetvā tacchetvā puñchitvā paṃsupacchiṃ uddharantassa sanniṭṭhāpikā atthasādhikacetanā<sup>2</sup> maggānantaraphalasadisā. Sacepi vassasatassa accayena patitvā avassaṃ maraṇakasatto hoti, sanniṭṭhāpikacetanāyameva pārājikan”ti. **Mahāpaccariyaṃ**, pana **Saṅkhepaṭṭhakathāyaṃ** “imasmiṃ āvāṭe patitvā marissatīti ekasmimpi kudālapahāre dinne sace koci tattha pakkhalito patitvā marati, pārājikameva. **Suttantikatherā** pana sanniṭṭhāpikacetanaṃ<sup>3</sup> gaṇhantī”ti vuttaṃ.

---

1. Jātapathaviṃ (Syā, Ka)

2. Atthasādhakacetanā (Syā, Ka)

3. Sanniṭṭhāpakacetanaṃ (Syā)

Eko “opātaṃ khanitvā asukaṃ nāma ānetvā idha pātetvā māreyī”ti aññaṃ āṇāpeti, so taṃ pātetvā māreti, ubhinnaṃ pārājikaṃ. Aññaṃ pātetvā māreti, sayam patitvā marati, añño attano dhammatāya patitvā marati, sabbattha visaṅketo hoti, mūlaṭṭho muccati. “Asuko asukaṃ ānetvā idha māressatī”ti khatēpi eśeva nayo. Maritukāmā idha marissantīti khanati, ekassa maraṇe pārājikaṃ. Bahūnaṃ maraṇe akusalarāsi. Mātāpitūnaṃ maraṇe ānantariyaṃ, thullaccayapācittiyavathūsu thullaccayapācittiyāni.

“Ye keci māretukāmā, te idha pātetvā māressantī”ti khanati, tattha pātetvā mārenti, ekasmiṃ mate pārājikaṃ, bahūsu akusalarāsi, ānantariyādivathūsu ānantariyādīni. Idheva arahantāpi saṅghaṃ gacchanti, purimanaye pana “tesaṃ maritukāmatāya patanaṃ natthī”ti te na saṅgayhanti. Dvīsupi nayesu attano dhammatāya patitvā mate visaṅketo. “Ye keci attano verike ettha pātetvā māressantī”ti khanati, tattha ca verikā verike pātetvā mārenti, ekasmiṃ mārite pārājikaṃ, bahūsu akusalarāsi. Mātari vā pitari vā arahante vā verikehi ānetvā tattha mārite ānantariyaṃ. Attano dhammatāya patitvā matesu visaṅketo.

Yo pana “maritukāmā vā amaritukāmā vā māretukāmā vā amāretukāmā vā ye keci ettha patitā vā pātītā vā marissantī”ti sabbathāpi anuddisēva khanati. Yo yo marati, tassa tassa maraṇena yathānurūpaṃ kammaṅca phusati, āpattiṅca āpajjati. Sace gabbhinī patitvā sagabbhā marati, dve pāṇātipātā. Gabbhoyeva vinassati, eko. Gabbho na vinassati, mātā marati, ekoyeva. Corehi anubaddho patitvā marati, opātakhanakasseva pārājikaṃ. Corā tattha pātetvā mārenti, pārājikameva. Tattha patitaṃ bahi nīharitvā mārenti, pārājikameva. Kasmā? Opāte patitappayogena gahitattā. Opātato nikkhamitvā teneva ābādhena marati, pārājikameva. Bahūni vassāni atikkamitvā puna kupitena tenevābādhena marati, pārājikameva. Opāte patanappaccayā uppannarogena gilānasēva añño rogo uppajjati, opātarogo

balavataro hoti, tena matepi opātakhanako na muccati. Sace pacchā uppannarogo bala vā hoti, tena mate muccati. Ubhohi mate na muccati. Opāte opapātikamanusso nibbattivā uttaritum asakkonto marati, pārājikameva. Manussam uddissa khate yakkhādīsu pativā matesu anāpatti. Yakkhādayo uddissa khate manussādīsu marantesupi eseva nayo. Yakkhādayo uddissa khanantassa pana khananepi tesam dukkhappattiyampi dukkaṭameva. Maraṇe vatthuvāsena thullaccayam vā pācittiyam vā. Anuddissa khate opāte yakkarūpena vā petarūpena vā patati, tiracchānarūpena marati. Patanarūpam pamāṇam, tasmā thullaccayanti **Upatissatthero**. Maraṇarūpam pamāṇam, tasmā pācittiyanti **Phussadevatthero**. Tiracchānarūpena pativā yakkhapetarūpena matepi eseva nayo.

Opātakhanako opātam aññassa vikkiṇāti vā, mudhā vā deti, yo yo pativā marati, tappaccayā tasseva āpatti ca kammabaddho ca. Yena laddho, so niddoso. Atha sopi “evam patitā uttaritum asakkontā na nassissanti, su-uddharā<sup>1</sup> vā na bhavissanti”ti tam opātam gambhīrataram vā uttānataram vā dīghataram vā rassataram vā vitthatataram vā sambādhataram vā karoti, ubhinnampi āpatti ca kammabaddho ca. “Bahū maranti”ti vippaṭisāre uppanne opātam paṃsunā pūreti, sace koci paṃsumhi pativā marati, pūretvāpi mūlaṭṭho na muccati. Deve vassante kaddamo hoti, tattha laggitvā matepi<sup>2</sup>. Rukkho vā patanto, vāto vā vassodakam vā paṃsum harati, kandamūlattham vā pathavimkhanantā tattha āvāṭam karonti. Tattha sace koci laggitvā vā pativā vā marati, mūlaṭṭho na muccati. Tasmim pana okāse mahantam taḷākam vā pokkharānim vā kāretvā cetiyam vā patiṭṭhāpetvā, bodhim vā ropetvā, āvāsam vā sakaṭamaggam vā kāretvā muccati. Yadāpi thiram katvā pūrite opāte rukkhādīnam mūlāni mūlehi saṃsibbitāni honti, jātapathavī<sup>3</sup> jātā, tadāpi muccati. Sacepi nadī āgantvā opātam harati, evampi muccatīti. Ayam tāva opātakathā.

Opātasseeva pana anulomesu pāsādīsopi yo tāva pāsam oḍḍeti “ettha bajjhitvā sattā marissanti”ti, avassam bajjhanakasattānam

---

1. Su-uddharā (?)

2. Matepi pārājikameva (Ka)

3. Jātapathavī vā (Si)

vasena hatthā muttamatte pārājikānantariyathullaccayapācittiyāni  
veditabbāni. Uddissa kate yaṃ uddissa oḍḍito, tato aññesaṃ bandhane  
anāpatti. Pāse mūlena vā mudhā vā dinnepi mūlaṭṭhasseva kammabaddho,  
sace yena laddho, so uggaḷitaṃ vā pāsāṃ saṅṭhapeti, passena vā gacchante  
disvā vatim katvā sammukhe paveseti, thaddhataraṃ vā pāsayaṭṭhim ṭhapeti,  
dalhataraṃ vā pāsarajjūṃ bandhati, thirataraṃ vā khāṇukaṃ ākoṭeti, ubhopi  
na muccanti. Sace vippaṭisāre uppanne pāsāṃ uggaḷāpetvā gacchati, taṃ  
disvā puna aññe saṅṭhapenti, baddhā baddhā maranti, mūlaṭṭho na muccati.

Sace pana tena pāsayaṭṭhi sayāṃ akatā hoti, gahitaṭṭhāne ṭhapetvā  
muccati, tatthajātakayaṭṭhim chinditvā muccati. Sayāṃkatayaṭṭhim pana  
gopentopi na muccati. Yadi hi taṃ añño gaṇhitvā pāsāṃ saṅṭhapeti,  
tappaccayā marantesu mūlaṭṭho na muccati. Sace taṃ jhāpetvā alātaṃ katvā  
chaḍḍeti, tena alātena pahāraṃ laddhā marantesupi na muccati. Sabbaso  
pana jhāpetvā vā nāsetvā vā muccati. Pāsarajjūpi aññehi ca vaṭṭitaṃ  
gahitaṭṭhāne ṭhapetvā muccati. Rajjūke labhitvā sayāṃ vaṭṭitaṃ ubbaṭṭetvā,  
vāke labhitvā vaṭṭitaṃ hīraṃ hīraṃ katvā muccati. Araññato pana sayāṃ  
vāke āharitvā vaṭṭitaṃ gopentopi na muccati. Sabbaso pana jhāpetvā vā  
nāsetvā vā muccati.

Adūhalaṃ sajjento catūsu pādesu adūhalamañcaṃ ṭhapetvā pāsāṇe  
āropeti, payoge payoge dukkaṭaṃ. Sabbasajjāṃ katvā hatthato muttamatte  
avassaṃ ajjhottharitabbakasattānaṃ vasena uddissakānuddissakānurūpena  
pārājikādīni veditabbāni. Adūhale mūlena vā mudhā vā dinnepi  
mūlaṭṭhasseva kammabaddho. Sace yena laddhaṃ, so patitaṃ vā ukkhipati,  
aññepi pāsāṇe āropetvā garukataraṃ vā karoti, passena vā gacchante disvā  
vatim katvā adūhale paveseti, ubhopi na muccanti. Sacepi vippaṭisāre  
uppanne adūhalaṃ pātetvā gacchati, taṃ disvā añño saṅṭhapeti, mūlaṭṭho na  
muccati. Pāsāṇe pana gahitaṭṭhāne ṭhapetvā, adūhalapāde ca pāsayaṭṭhiyaṃ  
vuttanayena gahitaṭṭhāne vā ṭhapetvā, jhāpetvā vā muccati.

Sūlaṃ ropentassāpi sabbasajjāṃ katvā hatthato muttamatte sūlamukhe  
patitvā avassaṃ maraṇakasattānaṃ vasena uddissānuddissānurūpato

pārājikādīni veditabbāni, sūle mūlena vā mudhā vā dinnepi mūlaṭṭhasseva kammabaddho, sace yena laddham, so “ekappahāreneva marissantī”ti tikhiṇatarām vā karoti, “dukkham marissantī”ti kuṇṭhataram vā karoti, “uccan”ti sallakkhetvā nīcataram vā “nīcan”ti sallakkhetvā uccataram vā puna ropeti, vaṅkam vā ujukam, ati-ujukam vā īsakam poṇam karoti, ubhopi na muccanti. Sace pana “aṭṭhāne ṭhitan”ti aññasmiṃ ṭhāne ṭhapeti, tam ce māraṇatthāya ādito pabhuti pariyesitvā kataṃ hoti, mūlaṭṭho na muccati. Apariyesitvā pana katameva labhitvā ropite mūlaṭṭho muccati. Vipphaṇṣāre uppanne pāsayaṭṭhiyam vuttanayena gahitaṭṭhāne vā ṭhapetvā, jhāpetvā vā muccati.

177. Apassene **sattham vāti** ettha **apassenam** nāma niccaparibhogo mañco vā pīṭham vā apassenaphalakaṃ vā divaṭṭhāne nisīdantassa<sup>1</sup> apassenakatthambho vā tatthajātakarukkho vā caṅkame apassāya tiṭṭhantassa ālambanarukkho vā ālambanaphalakaṃ vā, sabbametaṃ<sup>2</sup> apassaniyāṭṭhena<sup>3</sup> apassenam nāma, tasmim apassene yathā apassayantaṃ vijjhati vā chindati vā, tathā katvā vāsipharasusatti-ārakaṇṭakādīnaṃ aññatarām sattham ṭhapeti, dukkaṭam. Dhuvaparibhogaṭṭhāne nirāsaṅkassa nisīdato vā nipajjato vā apassayantassa vā satthasamphassapaccayā dukkhuppattiyā thullaccayaṃ, maraṇena pārājikaṃ. Tam ce aññopi tassa veribhikkhu vihāracārikaṃ caranto disvā “imassa maññe maraṇatthāya idaṃ nikkhattam, sādhu suṭṭhu maratū”ti abhinandanto gacchati, dukkaṭam. Sace pana sopi tattha “evaṃ kate sukataṃ bhavissati”ti tikhiṇatarādikaraṇena<sup>4</sup> kiñci kammaṃ karoti, tassāpi pārājikaṃ. Sace pana “aṭṭhāne ṭhitan”ti uddharitvā aññasmiṃ ṭhāne ṭhapeti, tadatthameva katvā ṭhapite mūlaṭṭho na muccati. Pākatikaṃ labhitvā ṭhapitaṃ hoti, muccati. Tam apantvā aññaṃ tikhiṇatarām ṭhapeti, mūlaṭṭho muccateva.

Visamakṅhanepi yāva maraṇābhinandane dukkaṭam, tāva eseva nayo. Sace pana sopi “khuddakaṃ visamaṇḍalan”ti sallakkhetvā mahantatarām vā<sup>5</sup>

1. Nisinnassa (Ka) 2. Sabbametaṃ (Ka) 3. Apassaniyāṭṭhena (Syā)

4. Tikhiṇadhārādikaraṇena (Ka)

5. Mahantatarām (Si), mahantaṃ (Syā)

karoti, mahantaṃ vā “atirekaṃ hoti”ti khuddakaṃ karoti, tanukaṃ vā bahalaṃ, bahalaṃ vā tanukaṃ karoti, agginā tāpetvā heṭṭhā vā upari vā sañcāreti, tassāpi pārājikaṃ. “Idaṃ aṭṭhāne ṭhitan”ti sabbameva tacchetvā puñchitvā aññasmiṃ ṭhāne ṭhāpeti. Attanā bhesajjāni yojetvā kate mūlaṭṭho na muccati, attanā akate muccati. Sace pana so “idaṃ visaṃ atiparittan”ti aññampi ānetvā pakkhipati, yassa visena marati, tassa pārājikaṃ. Sace ubhinnampi santakena marati, ubhinnampi pārājikaṃ. “Idaṃ visaṃ nibbisan”ti<sup>1</sup> taṃ apanetvā attano visameva ṭhāpeti, tasseva pārājikaṃ, mūlaṭṭho muccati.

**Dubbalaṃ vā karotīti** mañcapīṭhaṃ aṇaniyā heṭṭhābhāge chinditvā, vidalehi vā rajjukehi vā yehi vītaṃ hoti, te vā chinditvā appāvasesameva katvā heṭṭhā āvudhaṃ nikkhipati “ettha patitvā marissatī”ti. Apassenaphalakādīnampi caṅkame ālambanarukkaphalakapariyosānānaṃ parabhāgaṃ chinditvā heṭṭhā āvudhaṃ nikkhipati, sobbhādīsu mañcaṃ vā pīṭhaṃ vā apassenaphalakaṃ vā ānetvā ṭhāpeti, yathā tattha nisinnamatto vā apassitamatto vā patati, sobbhādīsu vā sañcaraṇasetu hoti, taṃ dubbalaṃ karoti, evaṃ karontassa karaṇe dukkaṭaṃ. Itarassa dukkhuppattiyā thullaccayaṃ, maraṇe pārājikaṃ. Bhikkhuṃ ānetvā sobbhādīnaṃ taṇe ṭhāpeti “disvā bhayena kampento patitvā marissatī”ti, dukkaṭaṃ. So tattheva patati, dukkhuppattiyā thullaccayaṃ, maraṇe pārājikaṃ. Sayāṃ vā pāpeti, aññena vā pātāpeti, añño avutto vā attano dhammatāya pāpeti, amanusso pāpeti, vātappahārena patati, attano dhammatāya patati, sabbattha maraṇe pārājikaṃ. Kasmā? Tassa payogena sobbhādītaṇe ṭhitattā.

**Upanikkhipanaṃ** nāma samīpe nikkhipanaṃ. Tattha “yo iminā asinā mato, so dhanāṃ vā labhati”ti-ādīnā nayena maraṇavaṇṇaṃ vā samvaṇṇetvā “iminā maraṇatthikā marantu, māraṇatthikā mārentū”ti vā vatvā asim upanikkhipati, tassa upanikkhipane dukkaṭaṃ. Maritukāmo vā tena attānaṃ

---

1. Nibbiriyaṇṭi (Sī, Syā)

paharatu, māretukāmo vā aññaṃ paharatu, ubhayathāpi parassa dukkhuppattiyā upanikkhepakassa thullaccayaṃ, maraṇe pārājikāṃ. Anuddissa nikkhitte bahūnaṃ maraṇe akusalarāsi. Pārājikādivatthūsu pārājikādīni. Vipphaṇṇāre uppanne asinā gahitaṭṭhāne ṭhapetvā muccati. Kiṇitvā gahito hoti, asisāmikānaṃ asinā, yesaṃ hatthato mūlaṃ gahitaṃ, tesaṃ mūlaṃ datvā muccati. Sace lohapiṇḍim vā phālaṃ vā kudālaṃ vā gahetvā asi kārāpito hoti, yaṃ bhaṇḍaṃ gahetvā kārīto, tadeva katvā muccati. Sace kudālaṃ gahetvā kārītaṃ vināsetvā phālaṃ karoti, phālena pahāraṃ labhitvā marantesupi pāṇātipātato na muccati. Sace pana lohaṃ samuṭṭhāpetvā upanikkhipanattameva kārīto hoti, arena<sup>1</sup> ghaṃsitvā cuṇṇavicuṇṇaṃ katvā vippakiṇṇe muccati. Sacepi samvaṇṇanāpotthako viya bahūhi ekajjhāsayehi kato hoti, potthake vuttanayeneva kammabaddhavinicchayo veditabbo. Esa nayo **sattibheṇḍīsu**<sup>2</sup>. **Lagule**<sup>3</sup> pāsayaṭṭhisadiso vinicchayo. Tathā **pāsāṇe**. **Satthe** asisadisova. **Visaṃ vāti** visaṃ upanikkhipantassa vatthuvaseṇa uddissānuddissānurūpato pārājikādivatthūsu pārājikādīni veditabbāni. Kiṇitvā ṭhapite purimanayena paṭipākatikaṃ katvā muccati, sayāṃ bhesajjehi yojite avisaṃ katvā muccati. **Rajjuyā** pāsarajjusadisova vinicchayo.

**Bhesajje** yo bhikkhu veribhikkhussa pajjarake vā visabhāgaroge vā uppanne asappāyānīpi sappi-ādīni sappāyānīti maraṇādhīppāyo deti, aññaṃ vā kiñci kandaṃulaphalaṃ, tassa evaṃ bhesajjadāne dukkaṭaṃ. Parassa dukkhuppattiyāṃ, maraṇe ca thullaccayaṃpārājikāni, ānantariyavatthumhi ānantariyanti veditabbaṃ.

178. Rūpūpahāre **upasaṃharatīti** param vā amanāparūpaṃ tassa samīpe ṭhapeti, attanā vā yakkhapetādivesaṃ gahetvā tiṭṭhati, tassa upasaṃhāramatte dukkaṭaṃ. Parassa taṃ rūpaṃ disvā bhayuppattiyāṃ thullaccayaṃ, maraṇe pārājikāṃ. Sace pana tadeva rūpaṃ ekaccassa manāpaṃ hoti, alābhakena ca sussitvā marati, visaṅketo. **Manāpiyepi** eseva nayo. Tattha pana

1. Ārena (Syā)

2. Sattibhindīsu (Syā)

3. Sūlalaguḷesu (Syā)



visesena itthīnaṃ purisarūpaṃ purisānañca itthirūpaṃ manāpaṃ, taṃ alaṅkaritvā upasaṃharati, diṭṭhamattakameva karoti, aticiraṃ passitumpi na deti. Itaro alābhakena sussitvā marati, pārājikaṃ. Sace uttasitvā marati, visanketo. Atha pana uttasitvā vā alābhakena vāti avicāretvā “kevalaṃ passitvā marissatī”ti upasaṃharati, uttasitvā vā sussitvā vā mate pārājikameva. Etenevūpāyena **saddūpahārādayo**pi veditabbā. Kevalañhettha amanussasaddādayo utrāsajanakā amanāpasaddā, purisānaṃ itthisadda madhuragandhabbasaddādayo cittassādakarā manāpasaddā. Himavante visarukkhānaṃ mūlādigandhā, kuṇapagandhā ca amanāpagandhā, kālānusārīmūlagandhādayo manāpagandhā. Paṭikkūlamūlarasādayo amanāparasā, appaṭikkūlamūlarasādayo manāparasā. Visaphassamahākacchuphassādayo amanāpaphoṭṭhabbā, cīnapaṭahaṃsapupphatūlikaphassādayo manāpaphoṭṭhabbāti veditabbā.

Dhammūpahāre **dhammoti** desanādhammo veditabbo. Desanāvasena vā niraye ca sagge ca vipattisampattibhedāṃ dhammārammaṇameva. **Nerayikassāti** bhinnasaṃvarassa katapāpassa niraye nibbattanārahassa sattassa pañcavidhabandhanakammakāraṇādinirayakathaṃ katheti. Taṃ ce sutvā so uttasitvā marati, kathikassa pārājikaṃ. Sace pana so sutvāpi attano dhammatāya marati, anāpatti. “Idaṃ sutvā evarūpaṃ pāpaṃ na karissati oramissati viramissatī”ti nirayakathaṃ katheti, taṃ sutvā itaro uttasitvā marati, anāpatti. **Saggakathanti** devanāṭakādīnaṃ, Nandanavanādīnañca sampattikathaṃ, taṃ sutvā itaro saggādhimutto sīghaṃ taṃ sampattim pāpuṇitukāmo satthāharaṇa visakhādāna āhārupaccheda assāsapassāsasannirundhanādīhi dukkhaṃ uppādeti, kathikassa thullaccayaṃ. Marati, pārājikaṃ. Sace pana so sutvāpi yāvatāyukaṃ ṭhatvā attano dhammatāya marati, anāpatti. “Imaṃ sutvā puññāni karissatī”ti katheti, taṃ sutvā itaro adhimutto kālaṃ kārōti, anāpatti.

179. Ācikkhanāyaṃ **puṭṭho bhaṇatīti** “bhante kathaṃ mato dhanāṃ vā labhati, sagge vā upapajjati”ti evaṃ pucchito bhaṇati.

Anusāsaniyaṃ **apuṭṭhoti** evaṃ apucchito sāmaññeva bhaṇati.

**Saṅketakammanimittakammāni** adinnādānakathāyaṃ vuttanayeneva veditabbāni.

Evam nānappakārato āpattibhedam dassetvā idāni anāpattibhedam dassento “**anāpatti asaṅciccā**”ti-ādimāha. Tattha **asaṅciccā**ti “iminā upakkamena imam māremi”ti acetetvā. Evam hi acetetvā katena upakkamena pare matepi anāpatti, vakkhati ca “anāpatti bhikkhu asaṅciccā”ti. **Ajānantassāti** “iminā ayam marissati”ti ajānantassa upakkamena pare matepi anāpatti, vakkhati ca visagatapiṇḍapātavattusmiṃ “anāpatti bhikkhu ajānantassā”ti. **Namaraṇādhippāyassāti** maraṇam anicchantassa. Yena hi upakkamena paro marati, tena upakkamena tasmiṃ māritepi namaraṇādhippāyassa anāpatti, vakkhati ca “anāpatti bhikkhu namaraṇādhippāyassā”ti. **Ummattakā**dayo pubbe vuttanayā eva. Idha pana ādikammikā aññamaññaṃ jīvitā voropitabhikkhū, tesam anāpatti, avasesānam maraṇavaṇṇasamvaṇṇanakādīnam āpattiyevāti.

Padabhājanīyavaṇṇanā niṭṭhitā.

### **Pakiṇṇakakathāvaṇṇanā**

Samuṭṭhānādīsu idam sikkhāpadam tisamuṭṭhānam, kāyacittato ca vācācittato ca kāyavācācittato ca samuṭṭhāti. Kiriyaṃ<sup>1</sup>, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedanam. Sacepi hi sirisayanam ārūḷho rajjasampattisukham anubhavanto rājā “coro deva ānīto”ti vutte “gacchatha nam mārethā”ti hasamānova bhaṇati, domanassacitteneva bhaṇatīti veditabbo. Sukhavokiṇṇattā, pana anuppabandhābhāvā ca dujjānametaṃ puthujjanchīti.

### **Vinītavatthuvaṇṇanā**

180. Vinītavatthukathāsu paṭhamavatthusmiṃ **kāruṇṇenāti** bhikkhū tassa mahantaṃ gelaññadukkham disvā kāruṇṇam uppādetvā “sīlavā tvaṃ katakusalo kasmā mīyamāno bhāyasi, nanu sīlavato saggo nāma<sup>2</sup> maraṇamattapaṭibaddhoyevā”ti evam maraṇatthikāva hutvā

1. Kiriya (Sī, Syā)

2. Saggo nāma na dullabho (Ka)

maraṇatthikabhāvaṃ ajānantā maraṇavaṇṇaṃ saṃvaṇṇesuṃ. Sopi bhikkhu tesāṃ saṃvaṇṇanāya āhārupacchedaṃ katvā antarāva kālamakāsi. Tasmā āpattiṃ āpannā. Vohāravasena pana vuttaṃ “kāruṅṅena maraṇavaṇṇaṃ saṃvaṇṇesuṃ”ti. Tasmā idānipi paṇḍitena bhikkhunā gilānassa bhikkhuno evaṃ maraṇavaṇṇo na saṃvaṇṇetabbo. Sace hi tassa saṃvaṇṇanaṃ sutvā āhārupacchedādīnā upakkamena ekajavanavārāvasesepi āyusmiṃ antarā kālaṃ karoti, imināva mārito hoti. Iminā pana nayena anusitṭhi dātabbā “sīlavato nāma anacchariyā maggaphaluppatti, tasmā vihārādīsu āsattiṃ akatvā Buddhagataṃ, dhammagataṃ, saṃghagataṃ, kāyagataṃca satim upaṭṭhapetvā manasikāre appamādo kātabbo”ti. Maraṇavaṇṇe ca saṃvaṇṇitepi yo<sup>1</sup> tāya saṃvaṇṇanāya kañci upakkamaṃ akatvā attano dhammatāya yathāyunā yathānusandhināva<sup>2</sup> marati, tappaccayā saṃvaṇṇanako āpattiyā na kāretabboti. (1)

Dutiyavatthusmiṃ **na ca bhikkhave appaṭivekkhitvā**ti ettha kīdisaṃ āsanaṃ paṭivekkhitabbaṃ, kīdisaṃ na paṭivekkhitabbaṃ? Yaṃ suddhaṃ āsanaṃ eva hoti apaccattharaṇakaṃ, yañca āgantvā ṭhitānaṃ passatāmyeva attharīyati, taṃ nappaccavekkhitabbaṃ, nisīdituṃ vaṭṭati. Yampi manussā sayāṃ hatthena akkamitvā “idha bhante nisīdathā”ti denti, tasmimpi vaṭṭati. Sacepi paṭhamamevāgantvā nisinnā pacchā uddhaṃ vā adho vā saṅkamanti, paccavekkhaṇakiccaṃ natthi. Yampi tanukena vatthena yathā talaṃ dissati, evaṃ paṭicchannaṃ hoti, tasmimpi paccavekkhaṇakiccaṃ natthi. Yaṃ pana paṭikacceva<sup>3</sup> pāvārakojavādīhi atthataṃ hoti, taṃ hatthena parāmasitvā sallakkhetvā nisīditabbaṃ. **Mahāpaccariyaṃ** pana “ghanasāṭakenāpi atthate yasmim vali na paññāyati, taṃ nappaṭivekkhitabbaṃ”ti vuttaṃ. (2)

Musalavatthusmiṃ **asañciccoti** avadhakacetano, viraddhapayogo hi so. Tenāha “asañcicco ahan”ti. **Udukkhalavatthu** uttānameva. **Vuḍḍhapabbajitavatthūsu** paṭhamavatthusmiṃ “bhikkhusaṃghassa paṭibaddham<sup>4</sup> mā akāsi”ti paṇāmesi. Dutiyavatthusmiṃ saṃghamajjhepi gaṇamajjhepi “Mahallakattherassa putto”ti vuccamāno tena vacanena aṭṭiyamāno “maratu ayan”ti paṇāmesi. Tatiyatthusmiṃ tassa dukkhuppādanena thullaccayaṃ. (3-7)

---

1. So (Sī)

3. Paṭigacceva (Sī)

2. Yathānusandhinā ca (Sī, Syā)

4. Paṭibandhaṃ paṭibuddhaṃ (Sī, Syā)

181. Tato parāni tīṇi vatthūni uttānatthāneva.

**Visagatapinḍapātavatthusmim** sāraṇīyadhammapūraḷo so bhikkhu, aggaṇiḍaṃ sabrahmacārīnaṃ datvāva bhuṅjati. Tena vuttaṃ “aggakārikāṃ adāsī”ti. **Aggakārikanti** aggakiriyaṃ, paṭhamaṃ laddhapinḍapātaṃ, aggaḡaṃ vā paṇītaṇītaṃ piṇḍapātanti attho. Yā pana tassa dānaśāṅkhātā aggakiriya, sā na sakkā dātuṃ. Piṇḍapātaṃ hi so therāśanato paṭṭhāya adāsī. **Te bhikkhūti** te therāśanato paṭṭhāya pariḡuttapiṇḍapātā bhikkhū, te kira sabbeṇi kālamakaṃsu. Sesameṭṭha uttānameva. Assaddhesu pana micchādīṭṭhikesu kulesu sakkaccaṃ paṇītabhojanaṃ labhitvā anupaparikkhitvā neva attanā pariḡbhūṅjitabbaṃ, na paresaṃ dātabbaṃ. Yampi ābhidosikaṃ bhattaṃ vā khajjakaṃ vā tato labhati, tampi na pariḡbhūṅjitabbaṃ. Apihitavatthumpi hi sappavicchikādīhi adhisayitaṃ chaḍḍaṇīyadhammaṃ, tāni kulāni denti. Gandhahaliddādimaṅkhitopi tato piṇḍapāto na gaḡetabbo. Saṛīre rogaṭṭhānāni puṅchitvā ṭhapitabhattampi hi tāni dātabbaṃ maṅṅantīti. (8-11)

**Vīmaṃśanavatthusmim** vīmaṃśamaṅo dve vīmaṃśati “sakkoti nu kho idaṃ māretuṃ, no”ti viśaṃ vā vīmaṃśati, “mareyya nu kho ayaṃ imaṃ viśaṃ khādītvā, no”ti puḡḡalaṃ vā. Ubhayathāpi vīmaṃśadhīppāyena dinne maratu vā mā vā, thullaccayaṃ. “Idaṃ viśaṃ etaṃ māretū”ti vā “imaṃ viśaṃ khādītvā ayaṃ maratū”ti vā evaṃ dinne pana saḡe marati, pārājikaṃ, no ce, thullaccayaṃ. (12)

182-3. Ito parāni tīṇi silāvatthūni, tīṇi iṭṭhakavāśiḡopānaśivvatthūni ca uttānatthāneva. Na kevalaṅca silādīnaṃyeva vaśena ayaṃ āpattāṇāpattībhedo ḡoti, daṇḍamuggaraṅikhādanavemādīnaṃpi vaśena ḡotīyeva, tasmā Pāḷiyaṃ aṅāḡatampi āḡatanayeneva veditabbaṃ. (13-24)

Aṭṭakavatthūsu **aṭṭakoti** vehāśamaṅco vuccati, yaṃ setakammaṃālākammaḷatākammaḍīnaṃ atthāya bandhanti. Tattha **āvuso atratṭhito bandhāhīti** maraṅādhīppāyo yattha ṭhito patītvā khāṇuṇā vā bhījjeyya, sobbhapaṇātādīsu vā mareyya, tādiśaṃ ṭhānaṃ sandhāyāha. Ettha ca koci upari ṭhānaṃ niyāmeti “īto patītvā marīśatī”ti, koci ḡeṭṭhā ṭhānaṃ “īdha patītvā marīśatī”ti, koci ubhayampi “īto īdha

patitvā marissatī”ti. Tatra yo upari niyamitaṭṭhānā apatitvā aññato patati, heṭṭhā niyamitaṭṭhāne vā apatitvā aññattha patati, ubhayaniyāme vā yaṃkiñci ekam virādhethvā patati, tasmim mate visañketattā anāpatti.

**Vihāracchādanavatthusmimpi** eseva nayo. (25-30)

**Anabhirativatthusmim** so kira bhikkhu kāmavitakkādīnam samudācāraṃ disvā nivāretum asakkonto sāsane anabhirato gihbhāvābhimukho jāto. Tato cintesi “yāva silabhedam na pāpuṇāmi, tāva marissāmī”ti. Atha tam pabbataṃ abhiruhitvā papāte papatanto aññataram vilivakāraṃ ottharivā māresi. **Vilivakāraṃ** veṇukāraṃ. **Na ca bhikkhave attānaṃ pātetabbanti** na attā pātetabbo. Vibhattibyattayena panetaṃ vuttaṃ. Ettha ca na kevalaṃ na pātetabbaṃ, aññenapi yena kenaci upakkamena antamaso āhārupacchedenapi na māretabbo. Yopi hi gilāno vijjamāne bhesajje ca upaṭṭhākesu ca maritukāmo āhāraṃ upacchindati, dukkaṭameva. Yassa pana mahā-ābādho cirānubandho, bhikkhū upaṭṭhahantā kilamanti jigucchanti, “kadā nu kho gilānato muccissāmā”ti aṭṭiyanti. Sace so “ayaṃ attabhāvo paṭijaggiyamānopi na tiṭṭhati, bhikkhū ca kilamanti”ti āhāraṃ upacchindati, bhesajjaṃ na sevati, vaṭṭati. Yo pana “ayaṃ rogo kharo, āyusaṅkhārā na tiṭṭhanti, ayañca me visesādhigamo hatthappatto viya dissatī”ti upacchindati, vaṭṭatiyeva. Agilānassāpi uppannasamvegassa “āhārapariyesanaṃ nāma papañco, kammaṭṭhānameva anuyuñjissāmī”ti kammaṭṭhānasīsenā upacchindantassa vaṭṭati. Visesādhigamaṃ byākaritvā āhāraṃ upacchindati, na vaṭṭati. Sabhāgānaṃ hi lajjibhikkhūnaṃ kathetum vaṭṭati. (31)

Silāvatthusmim **davāyāti** davena hassena, khiḍḍāyāti attho. **Silāti** pāsāṇo, na kevalaṅca pāsāṇo, aññampi yaṃkiñci dārukhaṇḍaṃ vā iṭṭhakākhaṇḍaṃ vā hatthena vā yantena vā pavijjhitaṃ na vaṭṭati. Cetiyādīnaṃ atthāya pāsāṇādayo hasantā hasantā pavatṭentipi khipantipi ukkhipantipi, kammamayoti vaṭṭati. Aññampi īdisaṃ navakammaṃ vā karontā, bhaṇḍakaṃ vā dhovantā rukkaṃ vā dhovanadaṇḍakaṃ vā ukkhipitvā pavijjhanti, vaṭṭati. Bhattavissaggakālādīsu kāke vā soṇe vā kaṭṭhaṃ vā kathalaṃ vā khipitvā palāpeti, vaṭṭati. (32)

184. **Sedanādivatthūni** sabbāneva uttānatthāni. Ettha ca **aharū** **kukkuccakoti** na gilānupaṭṭhānaṃ na kātabbhaṃ, hitakāmatāya sabbhaṃ gilānassa balābalañca ruciñca sappāyāsappāyañca upalakkhetvā kātabbhaṃ. (33-47)

185-7. Jāragabbhinivatthusmiṃ **pavutthapatikā**ti pavāsaṃ gatapatikā. **Gabbhapātananti** yena paribhuttana gabbho patati, tādisaṃ bhesajjaṃ. Dve **paḍāpatikavatthūni** uttānatthāneva. **Gabbhamaddanavatthusmiṃ** “madditvā pātehi”ti vutte aññena maddāpetvā pātehi, visaṅketaṃ. “Maddāpetvā pātāpehi”ti vuttepi sayamaṃ madditvā pātehi, visaṅketaṃ. Manussaviggahe pariyaṃ nāma natthi, tasmā “gabbho nāma maddite patati”ti vutte sā sayamaṃ vā maddatu, aññena vā maddāpetvā pātehi, visaṅketaṃ natthi, pārājikameva. **Tāpanavatthusmimpi** eveda nayo. (48-66)

Vañjhivavatthusmiṃ **vañjhiti** nāma yā gabbhaṃ na gaṇhāti. Gabbhaṃ agaṇhanaka-itthi nāma natthi, yassā pana gaṇhito gabbho na gaṇhāti, tamyeva sandhāyetaṃ vuttaṃ. Utusamaye kira sabbitthiyo gabbhaṃ gaṇhanti. Yā paṇāyamaṃ “vañjha”ti vuccati, tassā kucchiyamaṃ nibbattasattānaṃ akusalavipāko sampāpuṇāti. Te parittakusalavipākena gaṇhitaṇḍhiyā akusalavipākena abhibhūtaṃ vinassanti. Abhinavapaṇḍhiyamaṃ yeva hi kammānubhāvena dvihākārehi gabbho na gaṇhāti vātena vā paṇakehi vā, vāto sosetvā antaradhāpeti, paṇakā khāditaṃ. Tassa pana vātassa paṇakānaṃ vā paṇḍhiyāya bhesajje kate gabbho gaṇhāyeva, so bhikkhu taṃ akatvā aññaṃ kharabhesajjaṃ adāsi. Tena sā kalamakāsi. Bhagavā bhesajjassa katattā dukkaṇaṃ paṇāpesi. (67)

Dutiyavatthusmimpi eveda nayo. Tasmā āgatāgataṃ paraṇassa bhesajjaṃ na kātabbhaṃ, karonto dukkaṇaṃ āpajjati. Pañcannaṃ pana sahadhammikaṇaṃ kātabbhaṃ bhikkhussa bhikkhuniyā sikkhamānāya sāmaṇerassa sāmaṇeriyāti. Samasīlasaddhāpaññaṇaṃ hi etesaṃ tīsu sikkhāsu uttānaṃ bhesajjaṃ akātuṃ na labbhati, karontena ca sace tesamaṃ atthi, tesamaṃ santakamaṃ gahetvā yojetvā dātabbhaṃ. Sace natthi, attano santakamaṃ kātabbhaṃ. Sace attanopi natthi, bhikkhācāravattena vā nātakaṇḍhiyāya pariyesitabbhaṃ, alabhantaṃ gilānassa atthāya akataviññattiyāpi āharitvā kātabbhaṃ.

Aparesampi pañcannaṃ kātuṃ vaṭṭati mātu pitu tadupaṭṭhākānaṃ attano veyyāvaccakarassa paṇḍupalāsassāti. **Paṇḍupalāso** nāma yo pabbajjāpekkho yāva pattacīvaraṃ paṭiyādiyati, tāva vihāre vasati. Tesu sace mātāpitaro issarā honti na paccāsīsanti, akātuṃ vaṭṭati. Sace pana rajjepi ṭhitā paccāsīsanti, akātuṃ na vaṭṭati. Bhesajjaṃ paccāsīsantānaṃ bhesajjaṃ dātabbaṃ, yojetuṃ ajānantānaṃ yojetvā dātabbaṃ. Sabbesaṃ atthāya sahadhammikesu vuttanayeneva pariyesitabbaṃ. Sace pana mātaraṃ vihāre ānetvā jaggati, sabbaṃ parikammaṃ anāmasantena kātabbaṃ. Khādanīyaṃ bhojanīyaṃ sahatthā dātabbaṃ. Pitā pana yathā sāmaṇero, evaṃ sahatthena nhāpanasambāhanādīni katvā upaṭṭhātabbo. Ye ca mātāpitaro upaṭṭhahanti paṭijagganti, tesampi evameva kātabbaṃ. **Veyyāvaccakaro** nāma yo vetanaṃ gahetvā araṇṇe dārūni vā chindati, aññaṃ vā kiñci kammaṃ karoti, tassa roge uppane yāva ñātakā passanti, tāva bhesajjaṃ kātabbaṃ. Yo pana bhikkhunissitakova hutvā sabbakammāni karoti, tassa bhesajjaṃ kātabbameva. Paṇḍupalāsepi sāmaṇere viya paṭipajjitabbaṃ.

Aparesampi dasannaṃ kātuṃ vaṭṭati jeṭṭhabhātu kaniṭṭhabhātu jeṭṭhabhaviniyā kaniṭṭhabhaginiyā cūḷamātuyā mahāmātuyā cūḷapituno mahāpituno pitucchāya mātulassāti. Tesam̐ pana sabbesampi karontena tesam̐yeva santakaṃ bhesajjaṃ gahetvā kevalaṃ yojetvā dātabbaṃ. Sace pana nappahonti yācanti ca “detha no bhante, tumhākaṃ paṭidassamā”ti, tāvakālikaṃ dātabbaṃ. Sacepi na yācanti, “amhākaṃ bhesajjaṃ atthi, tāvakālikaṃ gaṇhathā”ti vatvā vā “yadā nesaṃ bhavissati, tadā dassanti”ti ābhogaṃ vā katvā dātabbaṃ. Sace paṭidenti, gahetabbaṃ. No ce denti, na codetabbā. Ete dasa ñātake ṭhapetvā aññesaṃ na kātabbaṃ.

Etesam̐ puttaparamparāya pana yāva sattamo kulaparivaṭṭo, tāva cattāro paccaye āharāpentassa akataviññatti vā bhesajjaṃ karontassa vejjakammaṃ vā kuladūsakāpatti vā na hoti. Sace bhātujāyā bhaginisāmiko vā gilānā honti. Ñātakā ce, tesampi vaṭṭati. Aññātakā ce, bhātu ca bhaginiyā ca katvā dātabbaṃ “tumhākaṃ jagganaṭṭhāne dethā”ti. Atha vā tesam̐ puttānaṃ katvā dātabbaṃ “tumhākaṃ

mātāpitūnaṃ dethā”ti. Etenupāyena sabbapadesupi vinicchayo veditabbo.

Tesaṃ atthāya ca sāmaṇerehi araṇṇato bhesajjāṃ āharāpentena ṇātisāmaṇerehi vā āharāpetabbaṃ, attano atthāya vā āharāpetvā dātabbaṃ. Tehipi “upajjhāyassa āharāmā”ti vattasīsena āharitabbaṃ. Upajjhāyassa mātāpitaro gilānā vihāraṃ āgacchanti, upajjhāyo ca disāpakkanto hoti, saddhivihārikaena upajjhāyassa santakaṃ bhesajjāṃ dātabbaṃ. No ce atthi, attano bhesajjāṃ upajjhāyassa pariccajivā dātabbaṃ. Attanopi asante vuttanayena pariyesivā upajjhāyassa santakaṃ katvā dātabbaṃ. Upajjhāyenapi saddhivihārikassa mātāpitūsu evameva paṭipajjitabbaṃ. Esa nayo ācariyantevāsikesupi. Aññopi yo āgantuko vā coro vā yuddhaparājito issaro vā ṇātakehi pariccatto kapaṇo vā gamiyamanusso vā gilāno hutvā vihāraṃ pavisati, sabbesaṃ apaccāsīsentena bhesajjāṃ kātabbaṃ.

Saddhaṃ kulaṃ hoti catūhi paccayehi upaṭṭhāyakaṃ bhikkhusaṃghassa mātāpituṭṭhāniyaṃ, tatra ce koci gilāno hoti, tassatthāya viśāsena “bhesajjāṃ katvā bhante dethā”ti vadanti, neva dātabbaṃ na kātabbaṃ. Atha pana kappiyaṃ ṇatvā evaṃ pucchanti “bhante asukassa nāma rogassa kiṃ bhesajjāṃ karontī”ti, “idañcidañca gahetvā karontī”ti vattum vaṭṭati. “Bhante mayhaṃ mātā gilānā, bhesajjāṃ tāva ācikkhathā”ti evaṃ pucchite pana na ācikkhitabbaṃ. Aññamaññaṃ pana kathā kātābbā “āvuso asukassa nāma bhikkhuno imasmiṃ roge kiṃ bhesajjāṃ karimsūti. Idañcidañca bhante”ti. Taṃ sutvā itaro mātu bhesajjāṃ karoti, vaṭṭateva.

**Mahāpadumattheropi** kira Vasabharaṇṇo deviyā roge uppanne ekāya itthiyā āgantvā pucchito “na jānāmi”ti avatvā evameva bhikkhūhi saddhiṃ samullapesi<sup>1</sup>, taṃ sutvā tassā bhesajjamakaṃsu. Vūpasante ca roge ticivarena, tīhi ca kahāpaṇasatehi saddhiṃ bhesajjacaṅkoṭakaṃ pūretvā



āharitvā therassa pādamūle ṭhapetvā “bhante pupphapūjaṃ karoṭhā”ti āhaṃsu. Thero “ācariyabhāgo nāmāyan”ti kappiyavasena gāhāpetvā pupphapūjaṃ akāsi. Evaṃ tāva **bhesajje paṭipajjitabbaṃ.** (68)

Paritte pana “gilānassa parittaṃ karoṭha bhante”ti vutte na kātabbaṃ, “bhaṇathā”ti vutte pana kātabbaṃ. Sace pissa evaṃ hoti “manussā nāma na jānanti akayiramāne vipphaṇṣārino bhavissanti”ti kātabbaṃ, “parittodakaṃ parittasuttaṃ katvā dethā”ti vuttena pana tesāmyeva udakaṃ hatthena cāletvā suttaṃ parimajjitvā dātabbaṃ. Sace vihārato udakaṃ attano santakaṃ vā suttaṃ deti, dukkaṭaṃ. Manussā udakañca suttañca gahetvā nisīditvā “parittaṃ bhaṇathā”ti vadanti, kātabbaṃ. No ce jānanti, ācikkhitabbaṃ. Bhikkhūnaṃ nisinnānaṃ pādesu udakaṃ ākiritvā, suttañca ṭhapetvā gacchanti “parittaṃ karoṭha, parittaṃ bhaṇathā”ti, na pādā apānetabbā. Manussā hi vipphaṇṣārino honti. Antogāme gilānassatthāya vihāraṃ pesenti “parittaṃ bhaṇantū”ti, bhaṇitabbaṃ. Antogāme rājagehādīsu roge vā upaddave vā uppanne pakkosāpetvā bhaṇāpentī, **Āṭānāṭiyasuttādīni** bhaṇitabbāni. “Āgantvā gilānassa sikkhāpadāni dentu, dhammaṃ kathentu”, “rājantepure vā amaccagehe vā āgantvā sikkhāpadāni dentu, dhammaṃ kathentū”ti pesitepi gantvā sikkhāpadāni dātabbāni, dhammo kathetabbo. “Matānaṃ parivāratthaṃ āgacchantū”ti pakkosanti, na gantabbaṃ. “Sīvathikadassane, asubhadassane ca maraṇassatiṃ paṭilabhissāmi”ti kammaṭṭhānasīsenā gantuṃ vaṭṭati. **Evaṃ paritte paṭipajjitabbaṃ.**

**Piṇḍapāte** pana anāmaṭṭhapiṇḍapāto kassa dātabbo, kassa na dātabbo. Mātāpitūnaṃ tāva dātabbo. Sacepi kahāpaṇagghanako hoti, saddhādeyyavinipātanaṃ natthi. Mātāpitu-upaṭṭhākānaṃ veyyāvaccakarassa paṇḍupalāsassāti etesampi dātabbo. Tattha paṇḍupalāsassa thālake pakkhipitvāpi dātuṃ vaṭṭati. Taṃ ṭhapetvā aññesaṃ āgārikānaṃ mātāpitūnampi na vaṭṭati. **Pabbajitaparibhogo hi āgārikānaṃ cetiyatṭhāniyo.** Apica anāmaṭṭhapiṇḍapāto nāmesa sampattassa dāmarikacorassāpi issarassāpi dātabbo. Kasmā? Te hi adīyamānēpi “na denti”ti, āmasitvā dīyamānēpi “ucchiṭṭhakaṃ denti”ti kujjhanti, kuddhā jīvitāpi voropenti, sāsanassāpi antarāyaṃ karonti.

Rajjam patthayamānassa vicarato coranāgassa vatthu cetha kathetabbam.  
Evam piṇḍapāte paṭipajjitabbam.

**Paṭisanthāro**<sup>1</sup> pana kassa kātabbo, kassa na kātabbo. Paṭisanthāro nāma vihāram sampattassa yassa kassaci āgantukassa vā daliddassa vā corassa vā issarassa vā kātabboyeva. Katham? Āgantukam tāva khīṇaparibbayaṃ vihāram sampattam disvā pānīyaṃ dātabbam, pādamakkhanatelaṃ dātabbam. Kāle āgatassa yāgubhattam, vikāle āgatassa sace taṇḍulā atthi, taṇḍulā dātabbā. Avelāyaṃ sampatto<sup>2</sup> “gacchāhī”ti na vattabbo, sayanaṭṭhānaṃ dātabbam. Sabbam apaccāsīsanteneva kātabbam. “Manussā nāma catupaccayadāyakā, evaṃ saṅgahe kariyamāne punappunaṃ pasīditvā upakāram karissanti”ti cittam na uppādetabbam. Corānam pana saṃghikampi dātabbam.

Paṭisanthārānisamsadīpanatthañca Coranāgavatthu, bhātarā saddhim Jambudīpagatassa Mahānāgarañño vatthu, Piturājassa rajje catunnam amaccānam vatthu, Abhayacoravatthūti evamādīni bahūni vatthūni **Mahā-aṭṭhakathāyaṃ** vitthārato vuttāni.

Tatrāyaṃ ekavatthudīpanā—Sīhaḍadīpe kira **Abhayo** nāma coro pañcasataparivāro ekasmim thāne khandhāvāram bandhitvā samantā tīyojanaṃ ubbāsetvā<sup>3</sup> vasati. Anurādhapuravāsino Kadambanadim<sup>4</sup> na uttaranti, Cetiyaḡirimagge janasañcāro upacchinno. Athekadivasam coro “Cetiyaḡirim vilumpissāmi”ti agamāsi. Ārāmikā disvā Dīghabhāṇaka-abhayattherassa ārocesum. Thero “sappihāṇitādīni atthi”ti pucchi, atthi bhanteti. Corānam detha, taṇḍulā atthīti, atthi bhante saṃghassatthāya āhaṭā taṇḍulā ca pakkasākañca goraso cāti. Bhattam sampādetvā corānam dethāti, ārāmikā tathā karimsu. Corā bhattam bhuñjītvā “kenāyaṃ paṭisanthāro kato”ti pucchimsu, amhākam ayyena Abhayattherenāti. Corā therassa santikam gantvā vanditvā āhamsu “mayam saṃghassa ca

1. Paṭisandhāro (Ka)

2. Sampattosi (Sī, Syā)

3. Uppādetvā (Sī, Syā)

4. Kaḷambanadim (Syā), Kaḷambunadim (Ka)

cetiyaṣṣa ca santakaṃ acchinditvā gahessāmāti āgatā, tumhākaṃ pana iminā paṭisanthārenamha pasannā, ajja paṭṭhāya vihāre dhammikā rakkhā amhākaṃ āyattā hotu, nāgarā āgantvā dānaṃ dentu, cetiyaṃ vandantū”ti. Tato paṭṭhāya ca nāgare dānaṃ dātuṃ āgacchante nadītīreyeva paccuggantvā rakkhantā vihāraṃ nenti, vihārepi dānaṃ dentānaṃ rakkham katvā tiṭṭhanti. Tepi bhikkhūnaṃ bhuttāvasesaṃ corānaṃ denti. Gamanakālepi te corā nadītīraṃ pāpetvā nivattanti.

Athekadivasāṃ bhikkhusaṃghe khīyanakakathā uppunnā “thero issaravatāya saṃghassa santakaṃ corānaṃ adāsī”ti. Thero sannipātāṃ kārapetvā āha “corā saṃghassa pakativattañca cetiyasantakañca acchinditvā gaṇhissāmāti āgamimsu, atha tesaṃ mayā evaṃ ‘na harissanti’ti ettako nāma paṭisanthāro kato, taṃ sabbampi ekato sampiṇḍetvā agghāpetha, tena kāraṇena aviluttāṃ bhaṇḍaṃ ekato sampiṇḍetvā agghāpethā”ti. Tato sabbampi therena dinnakaṃ cetiyaghare ekaṃ varapottakacittattharaṇaṃ na agghati. Tato āhaṃsu “therena katapaṭisanthāro sukato, codetuṃ vā sāretuṃ vā na labbhā, gīvā vā avahāro vā natthī”ti. Evaṃ mahānisamsa paṭisanthāroṭi sallakkhetvā kattabbo paṇḍitena bhikkhunāti.

Aṅgulipatodakavatthusmiṃ **uttantoti** kilamanto. **Anassāsakoti** nirassāso. Imasmiṃ pana vatthusmiṃ yāya āpattiyā bhavitabbaṃ, sā “khuddakesu niddiṭṭhā”ti idha na vuttā. (69)

Tadanantare vatthusmiṃ **ottharivā**ti akkamitvā. So kira tehi ākaḍḍhiyamāno patito. Eko tassa udaraṃ abhiruhitvā nisīdi, sesāpi pannarasa janā pathaviyaṃ ajjhottharivā adūhalapāsāṇā viya migaṃ māresuṃ. Yasmā pana te kammādhippāyā, na maraṇādhippāyā, tasmā pārājikaṃ na vuttaṃ. (70)

Bhūtavejjakavatthusmiṃ **yakkhaṃ māresī**ti bhūtavijjāpāṭhakā yakkhagahitaṃ mocetukāmā yakkhaṃ āvāhetvā “muñcā”ti vadanti. No ce muñcati, piṭṭhena vā mattikāya vā rūpaṃ katvā hatthapādādāni chindanti, yaṃ yaṃ tassa chijjati, taṃ taṃ yakkhassa chinnameva hoti. Sīse chinne yakkhopi

marati, evaṃ sopi māresi, tasmā thullaccayaṃ vuttaṃ. Na kevalaṅca yakkhameva, yopi hi Sakkaṃ devarājanāṃ māreyya, sopi thullaccayameva āpajjati. (71)

Vālayakkhavatthusmiṃ **vālayakkhavihāraṃ**anti yasmim vihare vāḷo caṇḍo yakkho vasati, taṃ vihāraṃ. Yo hi evarūpaṃ vihāraṃ ajānanto kevalaṃ vasanattāya peseti, anāpatti. Yo maraṇādhippāyo peseti, so itarassa maraṇena pārājikaṃ, amaraṇena thullaccayaṃ āpajjati. Yathā ca vālayakkhavihāraṃ, evaṃ yattha vālasīhabyagghādimitigā vā ajagaraṇhasappādayo dīghajātikā vā vasanti, kaṃ vālavihāraṃ pesentassāpi āpattānāpattibhedo veditabbo. Ayaṃ **Pālimuttakanayo**. Yathā ca bhikkhuṃ vālayakkhavihāraṃ pesentassa, evaṃ vālayakkhampi bhikkhusantikaṃ pesentassa āpattānāpattibhedo veditabbo. Esa nayo **vālakantārā**divatthūsupi. Kevalaṅhettha yasmim kantāre vāḷamigā vā dīghajātikā vā atthi, so **vālakantāro**. Yasmim corā atthi, so **corakantāro**ti evaṃ padatthamattameva nānaṃ. Manussaviggahapārājikaṅca nāmetaṃ saṅhaṃ, pariyāyakathāya na muccati, tasmā yo vadeyya “asukasmim nāma okāse coro nisinno, yo tassa sīsaṃ chinditvā āharati, so rājato sakkāravisesaṃ labhatī”ti. Tassa cetāṃ vacanaṃ sutvā koci taṃ gantvā māreti, ayaṃ pārājiko hotīti. (72-80)

188. **Taṃ maññaṃ**ānoti-ādīsu so kira bhikkhu attano veribhikkhuṃ māretukāmo cintesi “imaṃ me divā mārentassa na sukaraṃ bhaveyya sotthinā gantuṃ, rattim naṃ māressāmi”ti sallakkhetvā rattim āgamma bahūnaṃ sayitaṭṭhāne taṃ maññaṃāno tameva jīvitā voropesi, aparo taṃ maññaṃāno aññaṃ, aparo aññaṃ tasseva sahāyaṃ maññaṃāno taṃ, aparo aññaṃ tasseva sahāyaṃ maññaṃāno aññaṃ tassa sahāyameva jīvitā voropesi. Sabbesampi pārājikameva. (81-4)

**Amanussagahitavatthūsu** paṭhame vatthusmiṃ “yakkhaṃ palāpessāmi”ti pahāraṃ adāsi, itaro “na dānāyaṃ virajjhituṃ<sup>1</sup> samattho, māressāmi

---

1. Virujjhituṃ (Ka)

nan”ti. Ettha ca namaraṇādhippāyassa anāpatti vuttāti. Na ettakeneva amanussagahitassa pahāro dātabbo, tālapaṇṇam pana parittasuttam vā hatthe vā pāde vā bandhitabbam, Ratanasuttādīni parittāni bhaṇitabbāni, “mā sīlavantaṃ bhikkhuṃ viheṭhehi”ti dhammakathā kātābbāti. **Saggakathādīni** uttānatthāni. Yam hettha vattabbam, taṃ vuttameva. (85-93)

189. **Rukkhacchedanavatthu** aṭṭabandhanavatthusadisam. Ayam pana viseso, yo rukkhena otthatopi<sup>1</sup> na marati, sakkā ca hoti ekena passena rukkham chetvā pathaviṃ vā khanitvā nikkhamituṃ, hatthe cassa vāsi vā kuṭhārī vā atthi, tena api jīvitaṃ pariccajitabbam, na ca rukkho vā chinditabbo, na pathavī vā khanitabbā. Kasmā? Evaṃ karonto hi pācittiyam āpajjati, Buddhassa āṇam bhaṇjati, na jīvitapariyantaṃ sīlam karoti. Tasmā api jīvitaṃ pariccajitabbam, na ca sīlanti pariggahetvā<sup>2</sup> na evam kātābbam. Aññassa pana bhikkhuno rukkham vā chinditvā pathaviṃ vā khanitvā taṃ nīharituṃ vaṭṭati. Sace udukkhalayantakena rukkham pavatṭetvā nīharitabbo hoti, taṃyeva rukkham chinditvā udukkhalaṃ gahetabbanti **Mahāsumatthero** āha. Aññampi chinditvā gahetuṃ vaṭṭatīti **Mahāpadumatthero**. Sobbhādīsu patitassāpi nisseṇim bandhitvā uttāraṇe eseva nayo. Attanā bhūtagāmaṃ chinditvā nisseṇi na kātābbā, aññesaṃ katvā uddharituṃ vaṭṭatīti. (94-6)

190. Dāyālimpanavatthūsu **dāyam ālimpesunti** vane aggim adamsu. Ettha pana uddissānuddissavasena pārājikānantariyathullaccayapācittiyavatthūnam anurūpato pārājikādīni, akusalarāsibhāvo ca pubbe vuttanayeneva veditabbo. “Allatiṇavanappagumbādayo<sup>3</sup> ḍayhantū”ti ālimpentassa ca pācittiyam. “Dabbūpakaraṇāni vinassantū”ti ālimpentassa dukkaṭam. Khiddādhippāyenāpi dukkaṭanti **Saṅkhepaṭṭhakathāyam** vuttam. “Yamkiñci allasukkham sa-indriyānindriyam ḍayhatū”ti ālimpentassa vatthivasena pārājikathullaccayapācittiyadukkaṭāni veditabbāni.

Paṭaggidānam, pana parittakaraṇaṅca Bhagavatā anuññātam, tasmā araṇṇe vanakammikehi vā dinnam, sayam vā utṭhitam aggim āgacchantam disvā “tiṇakuṭiyō

1. Otthatopi (Sī)

2. Pariggaṇhetvā (Sī)

3. Allatiṇavanappatayo (Syā)

mā vinassantū”ti tassa aggino paṭi-aggim dātuṃ vaṭṭati, yena saddhim āgacchanto aggi ekato hutvā nirupādāno nibbāti. Parittampi kātuṃ vaṭṭati, tiṇakuṭikānaṃ samantā bhūmitacchanāṃ parikhākhananaṃ vā, yathā āgato aggi upādānaṃ alabhitvā nibbāti. Etañca sabbaṃ uṭṭhiteyeva aggismim kātuṃ vaṭṭati, anuṭṭhite anupasampannehi kappiyavohārena kāretabbaṃ. Udakena pana nibbāpentehi appāṇakameva udakaṃ āsiñcitabbaṃ. (97-9)

191. **Āghātanavatthusmim** yathā ekappahāravacane, evaṃ “dvīhi pahārehī”ti-ādivacanesupi pārājikaṃ veditabbaṃ. “Dvīhī”ti vutte ca ekena pahārena māritepi khattameva otiṇṇattā pārājikaṃ, tīhi mārite pana visaṅketam. Iti yathāparicchede vā paricchedabbhantare vā avisaṅketam, paricchedātikkame pana sabbattha visaṅketam hoti, āṇāpako muccati, vadhakasseva doso. Yathā ca pahāresu, evaṃ purisesupi “eko māretū”ti vutte ekeneva mārite pārājikaṃ, dvīhi mārite visaṅketam. “Dve mārentū”ti vutte ekena vā dvīhi vā mārite pārājikaṃ. Tīhi mārite visaṅketanti veditabbaṃ. Eko saṅgāme vegena dhāvato purisassa sīsam asinā chindati, asīsakam kabandham dhāvati, tamañño paharivā pāṭeti, kassa pārājikanti vutte upaḍḍhā therā “gamanupacchedakassā”ti āhaṃsu. **Ābhidhammikagodattatthero** “sīsacchedakassā”ti. Evarūpānipi vatthūni imassa vatthussa atthadīpane vattabbānīti. (100-1)

192. **Takkavatthusmim** aniyamtvā “takkaṃ pāyethā”ti vutte yaṃ vā taṃ vā takkaṃ pāyevā mārite pārājikaṃ. Niyamtvā pana “gotakkaṃ mahimsatakkam ajikātakkan”ti vā “sītam uṇham dhūpitaṃ adhūpitan”ti vā vutte yaṃ vuttam, tato aññaṃ pāyevā mārite visaṅketam. (102)

Loṇasovīrakavatthusmim **loṇasovīrakam** nāma sabbarasābhisāṅkhatam ekaṃ bhesajjaṃ, taṃ kira karontā harītakāmalakavibhītakakasāve, sabbadhaññāni, sabba-aparaṇṇāni, sattannampi dhaññānaṃ odanaṃ kadaliphalādīni sabbaphalāni, vettaketakakhajjūrikaḷīrādayo sabbakaḷīre, macchamaṃsakhāṇḍāni, anekāni ca madhuphāṇitasindhavalonaṭatikaṭukādīni<sup>1</sup> bhesajjāni

---

1. ...loṇakaṭukādīni (Sī)

pakkhipitvā kumbhimukhaṃ limpitvā ekaṃ vā dve vā tīṇi vā saṃvaccharāni  
ṭhapenti, taṃ paripaccitvā jamburasavaṇṇaṃ hoti.

Vātakāsakuṭṭhapaṇḍubhagandarādīnaṃ siniddhabhojanaṃ, bhuttānañca  
uttarapānaṃ bhattajīraṇakabhesajjaṃ tādisaṃ natthi. Taṃ panetaṃ  
bhikkhūnaṃ pacchābhattampi vaṭṭati, gilānānaṃ pākatikameva, agilānānaṃ  
pana udakasambhinnaṃ pānaparibhogenāti. (103)

Samantapāsādikāya Vinayasamvaṇṇanāya

Tatīyapārājikavaṇṇanā niṭṭhitā.

#### 4. Catutthapārājika

Catusaccavidū Sathā, catutthaṃ yaṃ pakāsayaṃ.

Pārājikaṃ tassa dāni, patto samvaṇṇanākkamo.

Yasmā tasmā suviññeyyaṃ, yaṃ pubbe ca pakāsitaṃ.

Taṃ vajjayitvā assāpi, hoti samvaṇṇanā ayaṃ.

#### Vaggumudātīriyabhikkhuvatthuvaṇṇanā

193. Tena samayena **Buddho Bhagavā Vesāliyaṃ viharati -pa- gihīnaṃ  
kammantaṃ adhiṭṭhemāti** gihīnaṃ khettesu ceva ārāmādisu ca  
kattabbakiccaṃ adhiṭṭhāma, “evaṃ kātappaṃ, evaṃ na kātappaṃ”ti  
ācikkhāma ceva anusāsāma cāti vuttaṃ hoti. **Dūteyyanti** dūtakammaṃ.  
**Uttarimanussadhammassāti** manusse uttiṇṇadhammassa, manusse  
atikkamitvā brahmattaṃ vā nibbānaṃ vā pāpanakadhammassāti attho.  
Uttarimanussānaṃ vā seṭṭhapurisānaṃ jhāyīnañca ariyānañca dhammassa.  
**Asuko bhikkhūti-ādīsu** attanā evaṃ mantayitvā pacchā gihīnaṃ bhāsantā  
“Buddharakkhito nāma bhikkhu paṭhamassa jhānassa lābhī,  
Dhammarakkhito dutiyassā”ti evaṃ nāmasaseneva vaṇṇaṃ bhāsimsūti  
veditabbo. Tattha **esoyeva kho āvuso seyyoti** kammantādhiṭṭhānaṃ,  
dūteyyaharaṇaṃ bahuṣapattaṃ mahāsamārambhaṃ, na ca  
samaṇasārappaṃ, tato pana ubhayatopi eso eva seyyo pāsāmsataro  
sundarataro, yo amhākaṃ gihīnaṃ aññamaññassa uttarimanussadhammassa  
vaṇṇo bhāsito. Kiṃ vuttaṃ hoti, iriyāpathaṃ saṅghapetvā nisinnaṃ vā  
caṅkamantaṃ vā pucchantānaṃ vā apucchantānaṃ vā gihīnaṃ

“ayaṃ asuko nāma bhikkhu paṭhamassa jhānassa lābhi”ti evamādinā nayena yo amhākaṃ aññena aññassa uttarimanussadhammassa vaṇṇo bhāsito bhavissati, eso eva seyyoti. Anāgatasambandhe pana asati na etehi so tasmim̄ khaṇe bhāsitova yasmā na yujjati, tasmā anāgatasambandhaṃ katvā “yo evaṃ bhāsito bhavissati, so eva seyyo”ti evamettha attho veditabbo. Lakkhaṇaṃ pana saddasatthato pariyesitabbaṃ.

194. **Vaṇṇavā ahesunti** aññoyeva nesaṃ abhinavo sarīravaṇṇo uppajji, tena vaṇṇena vaṇṇavanto ahesuṃ. **Piṇḍriyāti** pañcahi pasādehi abhiniviṭṭhokāsassa paripuṇṇattā manacchatṭhānaṃ indriyānaṃ amilātabhāvena piṇḍriyā. **Pasannamukhavaṇṇāti** kiñcāpi avisesena vaṇṇavanto, sarīravaṇṇato pana nesaṃ mukhavaṇṇo adhikataṃ pasanno, accho anāvilo parisuddhoti attho. **Vippasannachavivaṇṇāti** yena ca te mahākaṇikārapupphādisadisena<sup>1</sup> vaṇṇena vaṇṇavanto, tādiso aññesampi manussānaṃ vaṇṇo atthi. Yathā pana imesaṃ, evaṃ na tesāṃ chavivaṇṇo vippasanno. Tena vuttaṃ “vippasannachavivaṇṇā”ti. Itiha te bhikkhū neva uddesaṃ na paripucchaṃ na kammaṭṭhānaṃ anuyuñjantā,<sup>2</sup> atha kho kuhakatāya abhūtaguṇasaṃvaṇṇanāya laddhāni paṇitabhojanāni bhuñjitvā yathāsukhaṃ niddārāmataṃ, saṅgaṇikārāmatañca anuyuñjantā imaṃ sarīrasobhaṃ pāpuṇimsu, yathā taṃ bālā bhantamigappaṭibhāgāti.

**Vaggumudātīriyāti** Vaggumudātīravāsino. **Kacci bhikkhave khamanīyanti** bhikkhave kacci tumhākaṃ idaṃ catucakkaṃ navadvāraṃ sarīrayantaṃ khamanīyaṃ sakkā khamituṃ sahituṃ pariharituṃ, na kiñci dukkhaṃ uppādetīti. **Kacci yāpanīyanti** kacci sabbakiccesu yāpetuṃ gametuṃ sakkā, na kiñci antarāyaṃ dassetīti. **Kucchi parikantoti** kucchi parikantito varaṃ bhaveyya, parikattotipi<sup>3</sup> pāṭho yujjati. Evam Vaggumudātīriye anekapariyāyena vigarahitvā idāni yasmā tehi katakammaṃ corakammaṃ hoti, tasmā āyatim̄ aññesampi evarūpassa kammaṃ akaraṇatthaṃ atha kho Bhagavā bhikkhū āmantesi.

1. Kaṇikārapupphādisadisena (Sī, Syā)

2. Anuyuñjanti (Ka)

3. Kucchi parikatthotipi (Syā)



195. Āmantetvā ca pana “**pañcime bhikkhave mahācorā**”ti-ādimāha. Tattha **santo saṁvijjamānā**ti atthi ceva upalabbhanti cāti vuttaṁ hoti. **Idhā**ti imasmim̐ sattaloke. **Evam̐ hotī**ti evam̐ pubbabhāge icchā uppajjati. **Kudāssu nāmāhanti** ettha su-iti nipāto, kudā nāmāti attho. **So aparena samayenā**ti so pubbabhāge evam̐ cintetvā anukkamena parisam̐ vaḍḍhento panthadūhanakammaṁ paccantimagāmaṁ vilopanti evamādīni katvā vepullappattapariso hutvā gāmeṁ agāme, janapadeṁ ajanapade karonto **hananto ghātento chindanto chedāpento pacanto pācento**.

Iti bāhirakamahācoram̐ dassetvā tena sadise sāsane pañca mahācore dassetuṁ “**evameva kho**”ti-ādimāha. Tattha **pāpabhikkhunoti** aññesu ṭhānesu mūlacchinno pārājikappatto “pāpabhikkhū”ti vuccati, idha pana pārājikam̐ anāpanno icchācāre ṭhito khuddānukhuddakāni sikkhāpadāni madditvā vicaranto “pāpabhikkhū”ti adhippeto. Tassāpi bāhirakacorassa viya pubbabhāge evam̐ hoti “**kudāssu nāmāham̐ -pa- parikkhārānan**”ti. Tattha **sakkatoti** sakkārappatto. **Garukatoti** garukārappatto. **Mānitoti** manasā piyāyito. **Pūjitoti** catupaccayābhīhārapūjāya pūjito. **Apacitoti** apacitippatto. Tattha yassa cattāro paccaye sakkāritvā suṭṭhu abhisankhate paṇṭitapaṇṭite katvā denti, so sakkato. Yasmiṁ garubhāvaṁ paṭṭhapetvā denti, so garukato. Yam̐ manasā piyāyanti, so mānito. Yassa sabbampetaṁ karonti, so pūjito. Yassa abhivādanapaccuṭṭhāna-añjalikammādivasena paramanipaccakāram̐ karonti, so apacito. Imassa ca pana sabbampi imam̐ lokāmisam̐ patthayamānassa evam̐ hoti.

**So aparena samayenā**ti so pubbabhāge evam̐ cintetvā anukkamena sikkhāya atibbagārave uddhate unnaḷe capale mukhare vikiṇṇavāce muṭṭhassatī asampajāne pākatindriye ācariyupajjhāyehi pariccattake lābhagaruke pāpabhikkhū saṅgaṇhitvā iriyāpathasaṅṭhapanādīni kuhakavattāni sikkhāpetvā “ayam̐ thero asukasmim̐ nāma senāsane vassam̐ upagamma vattapaṭipattim̐<sup>1</sup> pūrayamāno vassam̐ vasitvā niggato”ti

---

1. Vattapaṭivattam̐ (Sī, Syā)

lokasammatasenāsanasaṁvaṇṇanādīhi upāyehi lokam pāripācetum paṭibalehi jātakādīsu kataparicayehi sarasampannehi pāpabhikkhūhi saṁvaṇṇiyamānaguṇo hutvā **satena vā sahasena vā parivuto -pa-bhesajjaparikkhārānam. Ayaṁ bhikkhave paṭhamo mahācoroti** ayaṁ sandhicchedādicorako viya na ekam kulam, na dve, atha kho mahājanam vañcetvā catupaccayaggahaṇato “**paṭhamo mahācoro**”ti veditabbo. Ye pana suttantikā vā ābhidhammikā vā vinayadharā vā bhikkhū bhikkhācāre asampajjamāne Pāḷim vācentā, Aṭṭhakatham kathentā, anumodanāya dhammakathāya iriyāpathasampattiyā ca lokam pasādentā janapadacārikam caranti sakkatā garukatā mānitā pūjitā apacitā, te “tantipaveṇighaṭanakā sāsana jotakā”ti veditabbā.

**Tathāgatappaveditanti** Tathāgatena paṭividdham paccakkhakatam, jānāpitam vā. **Attano dahatīti** parisamajjhe Pāḷiṅca Aṭṭhakathaṅca saṁsanditvā madhurena sarena pasādanīyam suttantam kathetvā dhammakathāvasena acchariyabbhuta jātena viññujanena “aho bhante Pāḷi ca Aṭṭhakathā ca superisuddhā, kassa santike uggaṇhitthā”ti pucchito “ko amhādise uggaḥpetum samattho”ti ācariyam anuddisitvā attanā paṭividdham sayambhuññādhigatam dhammavinayam pavedeti, ayaṁ Tathāgatena satahasakappādhikāni cattāri asaṅkhyeyyāni pāramiyo pūretvā kicchena kasirena paṭividdhadhammatthenako **dutiyo mahācoro**.

**Suddham brahmacārinti** khīṇāsavabhikkhum. **Parisuddham brahmacariyam carantanti** nirupakkilesam seṭṭhacariyam carantam, aññampi vā anāgāmiṁ ādim katvā yāva silavantam puthujjanam avippaṭisārādivatthukam parisuddham brahmacariyam carantam. **Amūlakena abrahmacariyena anuddhamsetīti** tasmim puggale avijjamānena antimavatthunā anuvadati codeti, ayaṁ vijjamānaguṇamakkhī ariyaguṇatthenako **tatiyo mahācoro**.

**Garubhaṇḍāni garuparikkhārānīti** yathā adinnādāne “caturō janā saṁvidhāya, garubhaṇḍam avāharun”ti<sup>1</sup> ettha pañcamāsakagghanakam “garubhaṇḍan”ti vuccati, idha pana na evaṁ<sup>2</sup>. Atha kho “pañcimāni bhikkhave avissajjiyāni na vissajjetabbāni saṁghena vā gaṇena vā puggalena vā, vissajjitānipi

1. Vi 5. 374 piṭṭhe.

2. Na idha evaṁ (Si), idha na evaṁ (Syā)

avissajjitāni honti, yo vissajjeyya, āpatti thullaccayassa. Katamāni pañca? Ārāmo ārāmaṅgāṇaṃ -pa- dāruvhaṅgaṃ mattikābhāṅgaṃ”ti<sup>1</sup> vacanato avissajjitabbattā garubhaṅgaṇi. “Pañcimāni bhikkhave avebhaṅgiyāni na vibhajitabbāni saṅghena vā gaṇena vā puggalena vā, vibhattānīpi vibhattāni honti, yo vibhajeyya, āpatti thullaccayassa. Katamāni pañca? Ārāmo ārāmaṅgāṇaṃ -pa- dāruvhaṅgaṃ mattikābhāṅgaṃ”ti<sup>2</sup> vacanato avebhaṅgiyattā sādharmaṇaparikkhārahābhāvena garuparikkhārāni. **Ārāmo ārāmaṅgāṇaṃ**ti-ādīsu yaṃ vattaṅgaṃ, taṃ sabbaṃ “pañcimāni bhikkhave avissajjiyāni”ti **Khandhake** āgatasuttavaṇṇanāyameva bhaṇissāma. **Tehi gihim**<sup>3</sup> **saṅgaṇhātī**ti tāni datvā gihim<sup>3</sup> saṅgaṇhātī anuggaṇhātī. **Upalāpetī**ti “aho amhākaṃ ayyo”ti evaṃ lapanake anubandhanake sasnehe<sup>4</sup> karoti. Ayaṃ avissajjiyaṃ, avebhaṅgiyaṃca garuparikkhāraṃ tathābhāvato thenetvā gihisaṅgaṇhanako<sup>5</sup> **catuttho mahācoro**. So ca paṇāyaṃ imaṃ garubhaṅgaṃ kulasaṅgaṇhanatthaṃ vissajjento kuladūsakadukkaṭaṃ āpajjati, pabbājanīyakammāraho ca hoti. bhikkhusaṅghaṃ abhibhavitvā issaravatāya vissajjento thullaccayaṃ āpajjati. Theyyacittena vissajjento bhaṅgaṃ agghāpetvā kāretabboti.

**Ayaṃ aggo mahācoro**ti ayaṃ imesaṃ corānaṃ jeṭṭhacoro, iminā sadiso coro nāma natthi, yo pañcindriyaggahaṇātītaṃ atisaṅhasukhumaṃ lokuttaradhammaṃ theneti. Kim pana sakkā lokuttaradhammo hiraṇṇasuvaṇṇādīni viya vañcetvā thenetvā gahetunti? Na sakkā, tenevāha “**yo asantaṃ abhūtaṃ uttarimanussadhammaṃ ullapati**”ti. Ayañhi attani asantaṃ taṃ dhammaṃ kevalaṃ “atthi mayhaṃ eso”ti ullapati, na pana sakkoti ṭhānā cāvetuṃ, attani vā saṃvijjamānaṃ kātuṃ. Atha kasmā “coro”ti vuttoti?. Yasmā taṃ ullapitvā asantasambhāvanāya uppanne paccaye gaṇhātī, evañhi gaṇhatā te paccayā sukhumena upāyena vañcetvā thenetvā gahitā honti. Tenevāha “**taṃ kissa hetu? Theyyāya vo bhikkhave raṭṭhapiṇḍo bhutto**”ti. Ayañhi ettha attho—yaṃ avocumha “ayaṃ aggo mahācoro, yo asantaṃ abhūtaṃ uttarimanussadhammaṃ

1. Vi 4. 321 piṭṭhe.

2. Vi 4. 323 piṭṭhe.

3. Gihī (Sī, Syā)

4. Sinehe (Syā, Ka)

5. Gihīnaṃ saṅgaṇhako (Ka)

ullapati”ti. **Tam kissa hetūti** kena kāraṇena etaṃ avocumhāti ce. **Theyyāya vo bhikkhave raṭṭhapiṇḍo bhuttoti** bhikkhave yasmā so tena raṭṭhapiṇḍo theyyāya theyyacittena bhutto hoti. Ettha hi **vo-kāro** “ye hi vo ariyā araṇṇavanapatthānī”ti-ādīsu<sup>1</sup> viya padapūraṇamatte nipāto. Tasmā tumhehi bhuttoti evamassa attho na daṭṭhabbo.

Idāni tamevattham gāthāhi vibhūtatarāṃ karonto “**aññathā santan**”ti-ādimāha. Tattha **aññathā santanti** aparisuddhakāyasamācārādikena aññenākārena santam. **Aññathā yo pavedayeti** parisuddhakāyasamācārādikena aññena ākārena yo pavedeyya. “Paramaparisuddho aham, atthi me abbhantare lokuttaradhammo”ti evam jānāpeyya. Pavedetvā ca pana tāya pavedanāya uppannam bhojanam arahā viya bhuñjati. **Nikacca kitavasseva, bhuttam theyyena tassa tanti nikaccāti** vañcetvā, aññathā santam aññathā dassetvā, agumba-agacchabhūtameva sākḥāpalāsapallavādicchādanena gumbamiva, gacchamiva ca attānam dassetvā. **Kitavassevāti** vañcakassa kerāṭikassa gumbagacchasaññāya araṇṇe āgatāgate sakūṇe gahetvā jīvitakappakassa sākūṇikasseva. **Bhuttam theyyena tassa tanti** tassāpi anarahantasseva sato arahantabhāvaṃ dassetvā laddhabhojanam bhuñjato yaṃ tam bhuttam, tam yathā sākūṇikakitavassa nikacca vañcetvā sakūṇaggahaṇam, evam manusse vañcetvā laddhassa bhojanassa bhuttattā theyyena bhuttam nāma hoti.

Imam pana atthavasam ajānantā ye evam bhuñjanti **kāsāvakaṇṭhā -panirayam te upapajjare**. **Kāsāvakaṇṭhāti** kāsāvena veṭhitakaṇṭhā, ettakameva ariyaddhahajāraṇamattam, sesam<sup>2</sup> sāmaññam natthīti vuttam hoti, “bhavissanti kho paṇānanda anāgatamaddhānam gotrabhuno kāsāvakaṇṭhā”ti<sup>3</sup> evam vuttadussilānam etaṃ adhivacanam. **Pāpadhammāti** lāmakadhammā. **Asaññatāti** kāyādīhi asaṇṇatā. **Pāpāti** lāmakapuggalā. **Pāpehi kammehīti** tehi karaṇakāle ādīnavam adisvā katehi paravañcanādīhi pāpakammehi. **Nirayam te upapajjareti** nirassadam duggatim te upapajjanti. Tasmā **seyyo ayoguloti** gāthā. Tassattho—sacāyam **dussilo asaṇṇato** icchācāre

1. Ma 1. 20, 21 piṭṭhādīsu.

2. Yesam (Syā, Ka)

3. Ma 3. 299 piṭṭhe.

ṭhito kuhanāya lokam vañcako puggalo tattam aggisikhūpamam ayogulam **bhuñjeyya** ajjhohareyya, tassa yañcetaṃ raṭṭhapiṇḍam bhuñjeyya, yañcetaṃ ayogulam. Tesu dvīsu **ayogulova bhutto seyyo** sundarataro paṇītatara ca bhaveyya, na hi ayogulassa bhuttattā samparāye sabbaññutaññāṇenāpi dujjānaparicchedam dukkham anubhavati. Evam paṭiladdhassa pana tassa raṭṭhapiṇḍassa bhuttattā samparāye vuttappakāram dukkham anubhoti, ayañhi koṭippatto micchājīvoti.

Evam pāpakiriyāya anādīnavadassāvīnam ādīnavam dassetvā “atha kho Bhagavā Vaggumudātīriye bhikkhū anekapariyāyena vigarahitvā dubbharatāya dupposatāya -pa- imam sikkhāpadaṃ uddiseyyāthā”ti ca vatvā catutthapārājikam paññapento “**yo pana bhikkhu anabhijānan**”ti-ādimāha.

Evam mūlacchejjasena daḷham katvā catutthapārājike paññatte aparampi anupaññattathāya adhimānavatthu udapādi, tassuppattidīpanattham etaṃ vuttam “**evañcidaṃ Bhagavatā bhikkhūnam sikkhāpadaṃ paññattam hotī**”ti.

### Adhimānavatthuvaṇṇanā

196. Tattha **adiṭṭhe diṭṭhasaññinoti** arahatte ñāṇacakkhunā adiṭṭheyeva “diṭṭham amhehi arahattan”ti diṭṭhasaññino hutvā. Esa nayo appattādisu. Ayam pana viseso, **appatteti** attano santāne uppattivaseṇa appatte. **Anadhigateti** maggabhāvanāya anadhigate, appaṭiladdhetipi attho. **Asacchikateti** appaṭividdhe, paccavekkhaṇavasena vā appaccakkhate. **Adhimānenāti** adhigatamānena, “adhigatā mayan”ti evam uppannamānenāti attho, adhikamānena vā, thaddhamānenāti attho. **Aññam byākarimsūti** arahattam byākarimsu, “pattam āvuso amhehi arahattam, katam karaṇīyan”ti bhikkhūnam ārocesum. Tesam maggena appahīnakilesattā kevalam samathavipassanābalena vikkhambhitakilesānam aparena samayena tathārūpapaccayasamayoge **rāgāya cittam namati**, rāgatthāya namatīti attho. Esa nayo itaresu.

**Taṅca kho etaṃ abbohārikanti** taṅca kho etaṃ tesam aññabyākaraṇam abbohārikam āpattipaññāpane vohāram na gacchati, āpattiyā aṅgam na hotīti attho.

Kassa panāyaṃ adhimāno uppajjati, kassa nuppajjatīti? Ariyasāvakaṃssa tāva nuppajjati, so hi maggaphalanibbānapahīnakilesa-  
 avasiṭṭhakilesapaccavekkhaṇena sañjātasomanasso ariyaguṇapaṭivedhe  
 nikkāṅkho. Tasmā sotāpannādīnaṃ “ahaṃ sakadāgāmi”ti-ādivasena  
 adhimāno nuppajjati. Dussīlassa nuppajjati, so hi ariyaguṇādhiḡame  
 nirāsova. Silavatopi pariccattakammaṭṭhānassa niddārāmatādīmanuyuttassa  
 nuppajjati. Suparisuddhasīlassa pana kammaṭṭhāne appamattassa nāmarūpaṃ  
 vavatthapetvā paccayapariggahena vitīṇṇakaṅkhassa tilakkhaṇaṃ āropetvā  
 saṅkhāre sammasantassa āradhaviṇpassakassa uppajjati, uppanno ca  
 suddhasamathalābhiṃ vā suddhaviṇpassanālābhiṃ vā antarā ṭhpeti, so hi  
 dasapi vīsatiṇi tiṃsampi vassāni kilesasamudācāraṃ apassitvā<sup>1</sup> “ahaṃ  
 sotāpanno”ti vā “sakadāgāmi”ti vā “anāgāmi”ti vā maññati.  
 Samathaviṇpassanālābhiṃ pana arahatteyeva ṭhpeti, tassa hi samādhībalena  
 kilesā vikkhambhitā, viṇpassanābalena saṅkhārā supariggahitā. Tasmā  
 saṭṭhiṇi vassāni asītiṇi vassāni vassasatampi kilesā na samudācaranti,  
 khīṇāsavasappa cittaṇāro hoti. So evaṃ dīgharattaṃ kilesasamudācāraṃ  
 apassanto antarā aṭṭhatvāva “arahā ahan”ti maññatīti.

### Savibhaṅgasikkhāpadavaṇṇanā

197. **Anabhiṇānti** na abhiṇānaṃ. Yasmā pana yaṃ anabhiṇānaṃ  
 samudācarati, svassa santāne anuppanno, ṇāṇena ca asacchikatoti abhūto  
 hoti. Tenassa padabhājane “asantaṃ abhūtaṃ asaṃvijjamaṇaṃ”ti vatvā  
 “aṇānto apassanto”ti vuttaṃ.

**Uttarimanussadhammanti** uttarimanussānaṃ jhāyīnaṃceva ariyānaṃca  
 dhammaṃ. **Attupanāyikanti** attani taṃ upaneti, attānaṃ vā tattha upanetīti  
 attupanāyiko, taṃ attupanāyikaṃ, evaṃ katvā samudācareyyatī sambandho.  
 Padabhājane pana yasmā “uttarimanussadhammo nāma jhānaṃ vimokkho  
 samādhī samāpatti ṇāṇadassanaṃ -pa- suññāgāre abhiratī”ti evaṃ jhānādayo  
 anekadhammā vuttā, tasmā tesāṃ sabbesāṃ vasena

---

1. Apassanto (Sī, Syā)

attupanāyikabhāvaṃ dassento “te vā kusale dhamme attani upaneti”ti bahuvacananiddeṣaṃ akāsi. Tattha “ete dhammā mayi sandissanti”ti<sup>1</sup> samudācaranto attani upaneti, “ahaṃ etesu sandissāmi”ti samudācaranto attānaṃ tesu upanetiṭi veditaḅbo.

**Alamariyañāṇadassananti** ettha lokiyalokuttarā paññā jānanaṭṭhena **ñāṇaṃ**. Cakkhunā diṭṭhamiva dhammaṃ paccakkhakaṇḍato dassanaṭṭhena dassananti **ñāṇadassanaṃ**. Ariyaṃ visuddhaṃ uttamaṃ ñāṇadassananti **ariyañāṇadassanaṃ**. Alaṃ pariyaṭṭaṃ kilesavidhamaṃsanasaṃmatthaṃ ariyañāṇadassanamettha jhānādibhede uttarimanussadhamme, alaṃ vā ariyañāṇadassanamassāti alamariyañāṇadassano, taṃ alamariyañāṇadassanaṃ uttarimanussadhammanti evaṃ padatthasambandho veditaḅbo. Tattha yena ñāṇadassanena so alamariyañāṇadassanoti vuccati, tadeva dassetuṃ “ñāṇanti tisso vijjā, dassananti yaṃ ñāṇaṃ, taṃ dassanaṃ, yaṃ dassanaṃ, taṃ ñāṇaṃ”ti vijjāsīsenā padabhājanaṃ vuttaṃ. Mahaggatalokuttarā panettha sabbāpi paññā “ñāṇaṃ”ti veditaḅbā.

**Samudācareyyāti** vuttapakārametaṃ uttarimanussadhammaṃ attupanāyikaṃ katvā āroceyya. **Itthiyā vāti**-ādi pana ārocetabbapuggalanidassanaṃ. Etesaṃ hi ārocite ārocitaṃ hoti, na devamaṃbrahmānaṃ, nāpi petayakkhatiracchānagatānanti. **Iti jānāmi iti passāmi**ti samudācaraṇākāranidassanametāṃ. Padabhājane panassa “jānāmaḥaṃ ete dhamme, passāmaḥaṃ ete dhamme”ti idaṃ tesu jhānādīsu dhammesu jānanaḅpassanānaṃ pavattidīpanaṃ, “atthi ca me ete dhammā”ti-ādi attupanāyikabhāvādīpanaṃ.

**Tato aparena samayenāti** āpattiḅpaṭijānanaṃ samayaḅdassanaḅmetāṃ. Ayaṃ pana ārocitakkhaṇeyeva pārājikaṃ āpaḅjati. Āpattiṃ pana āpanno yasmā parena codito vā acodito vā paṭijānāti, tasmā “**samanuggāhiyamāno vā asamanuggāhiyamāno vā**”ti vuttaṃ.

198. Tattha samanuggāhiyamāne tāva **kiṃ te adhigatanti** adhigamaḅpucchā, jhānavimokkhādīsu, sotāpattimaggādīsu vā kiṃ tayā adhigatanti. **Kinti te adhigatanti** upāyapucchā. Ayaṃ hi etthādhīppāyo—kiṃ tayā

aniccalakkhaṇaṃ dhuraṃ katvā adhigataṃ, dukkhānattalakkhaṇesu aññatarāṃ vā. Kiṃ vā samādhivasena abhinivisitvā, udāhu vipassanāvasena. Tathā kiṃ rūpe abhinivisitvā, udāhu arūpe. Kiṃ vā ajjhataṃ abhinivisitvā, udāhu bahiddhāti. **Kadā te adhigatanti** kālapucchā, pubbaṇhamajjhanhikādīsu katarasmim̐ kāleti vuttaṃ hoti. **Kattha te adhigatanti** okāsapucchā, katarasmim̐ okāse, kiṃ rattiṭṭhāne, divāṭṭhāne, rukkhamūle, maṇḍape, katarasmim̐ vā vihāreti vuttaṃ hoti. **Katame te kilesā pahīnāti** pahīnakilesapucchā, kataramaggavajjhā tava kilesā pahīnāti vuttaṃ hoti. **Katamesaṃ tvaṃ dhammānaṃ lābhīti** paṭiladdhadhammapucchā, paṭhamamaggādīsu katamesaṃ dhammānaṃ tvaṃ lābhīti vuttaṃ hoti.

Tasmā idāni cepi koci bhikkhu uttarimanussadhammādhigamaṃ byākareyya, na so ettāvātava sakkātabbo<sup>1</sup>. Imesu pana chasu ṭhānesu sodhanatthaṃ vattabbo “kiṃ te adhigataṃ, kiṃ jhānaṃ, udāhu vimokkhādīsu aññatarānaṃ”ti. Yo hi yena adhigato dhammo, so tassa pākaṭo hoti. Sace “idaṃ nāma me adhigataṃ”ti vadati, tato “kinti te adhigataṃ”ti pucchitabbo “aniccalakkhaṇādīsu kiṃ dhuraṃ katvā, aṭṭhatimsāya vā ārammaṇesu, rūpārūpa-ajjhatabhiddhādibhedesu vā dhammesu kena mukhena abhinivisitvā”ti, yo hi yassābhiniveso, so tassa pākaṭo hoti. Sace “ayaṃ nāma me abhiniveso, evaṃ mayā adhigataṃ”ti vadati, tato “kadā te adhigataṃ”ti pucchitabbo “kiṃ pubbaṇhe, udāhu majjhanhikādīsu aññatarasmim̐ kāle”ti, sabbesaṃ hi attanā adhigatakālo pākaṭo hoti. Sace “asukasmim̐ nāma kāle adhigataṃ”ti vadati, tato “kattha te adhigataṃ”ti pucchitabbo “kiṃ divāṭṭhāne, udāhu rattiṭṭhānādīsu aññatarasmim̐ okāse”ti, sabbesaṃ hi attanā adhigatokāso pākaṭo hoti. Sace “asukasmim̐ nāma me okāse adhigataṃ”ti vadati, tato “katame te kilesā pahīnā”ti pucchitabbo “kiṃ paṭhamamaggavajjhā, udāhu dutiyādimaggavajjhā”ti, sabbesaṃ hi attanā adhigatamaggena pahīnakilesā pākaṭā honti. Sace “ime nāma me kilesā pahīnā”ti vadati, tato “katamesaṃ tvaṃ dhammānaṃ lābhīti”ti pucchitabbo “kiṃ sotāpattimaggassa, udāhu sakadāgāmimaggādīsu aññatarassā”ti, sabbesaṃ hi attanā

---

1. Sakkāro kātabbo (Ka)



adhigatadhammā pākaṭā honti. Sace “imesaṃ nāmāhaṃ dhammānaṃ lābhī”ti vadati, ettāvataṭṭhānaṃ na saddhātābbaṃ, bahussutā hi uggahaparipucchākusalā bhikkhū imāni cha ṭhānāni sodhetuṃ sakkonti.

Imassa pana bhikkhuno āgamanapaṭipadā sodhetabbā. Yadi āgamanapaṭipadā na sujjhati, “imāya paṭipadāya lokuttaradhammo nāma na labbhatī”ti apanetabbo. Yadi panassa āgamanapaṭipadā sujjhati, “dīgharattaṃ tīsu sikkhāsu appamatto jāgariyamanuyutto catūsu paccayesu alaggo ākāse pāṇisamena cetasā viharatī”ti paññāyati, tassa bhikkhuno byākaraṇaṃ paṭipadāya saddhiṃ saṃsandati. “Seyyathāpi nāma Gaṅgodakaṃ Yamunodakena saddhiṃ saṃsandati sameti, evameva supaññattā tena Bhagavatā sāvakānaṃ nibbānagāminī paṭipadā, saṃsandati nibbānaṅca paṭipadācā”ti<sup>1</sup> vuttasadisā hoti.

Apica kho na ettakenāpi sakkāro kātabbo. Kasmā? Ekaccassa hi puthujjanassāpi sato khīṇāsavapaṭipattisadisā paṭipadā hoti, tasmā so bhikkhu tehi tehi upāyehi uttāsetabbo. khīṇāsavassa nāma asaniyāpi matthake patamānāya bhayaṃ vā chambhitattaṃ vā lomahaṃso vā na hoti. Sacassa bhayaṃ vā chambhitattaṃ vā lomahaṃso vā uppajjati, “na tvam arahā”ti apanetabbo<sup>2</sup>. Sace pana abhīrū acchambhī anutrāsī hutvā sīho viya nisīdati, ayaṃ bhikkhu sampannaveyyākaraṇo samantā rājarājamahāmattādīhi pesitaṃ sakkāraṃ arahatīti.

**Pāpicchoti** yā sā “idhekacco dussīlova samāno ‘sīlavāti maṃ jano jānātū’ti icchatī”ti-ādinā<sup>3</sup> nayena vuttā pāpicchā, tāya samannāgato. **Ichchāpakato**hi tāya pāpikāya icchāya apakato abhibhūto parājito hutvā.

**Visuddhāpekkhoti** attano visuddhiṃ apekkhamāno icchamāno patthayamāno. Ayañhi yasmā pārājikaṃ āpanno, tasmā bhikkhubhāve ṭhatvā abhabbo jhānādīni adhigantuṃ, bhikkhubhāvo hissa saggantarāyo ceva hoti maggantarāyo ca. Vuttañhetāṃ “sāmaññaṃ dupparāmaṭṭhaṃ,

1. Dī 2. 180 piṭṭhe.

2. Vattabbo (Ka)

3. Abhi 2. 364 piṭṭhe.

nirayāyupakaḍḍhatī”ti<sup>1</sup>. Aparampi vuttaṃ “sithilo<sup>2</sup> hi paribbājo, bhiyyo ākirate rajan”ti<sup>3</sup>. Iccassa bhikkhubhāvo visuddhi nāma na hoti. Yasmā pana gihī vā upāsako vā ārāmiko vā sāmaṇero vā hutvā dānasaraṇasīlasaṃvarādīhi saggamaggaṃ vā jhānavimokkhādīhi mokkhamaggaṃ vā ārādhetuṃ bhabbo hoti, tasmāssa gihi-ādibhāvo visuddhi nāma hoti, tasmā taṃ visuddhiṃ apekkhanato visuddhāpekkhoti vuccati. Teneva cassa padabhājane “gihī vā hotukāmo”ti-ādi vuttaṃ.

**Evam vadeyyāti** evaṃ bhaṇeyya. Kathaṃ? **Ajānamevaṃ āvuso avacaṃ jānāmi, apassaṃ passāmi**ti. Padabhājane pana “evaṃ vadeyyā”ti idaṃ padaṃ anuddharitvāva yathā vadanto “ajānamevaṃ āvuso avacaṃ jānāmi, apassaṃ passāmi”ti vadati nāmāti vuccati, taṃ ākāraṃ dassetuṃ “nāhaṃ ete dhamme jānāmi”ti-ādi vuttaṃ. **Tuccham musā vilapinti** ahaṃ vacanattavirahato tuccham, vañcanādhippāyato musā vilapim, abhaṇinti vuttaṃ hoti. Padabhājane panassa aññena padabyañjanena atthamattaṃ dassetuṃ “tucchakaṃ mayā bhaṇitan”ti-ādi vuttaṃ.

**Purime upādāyāti** purimāni tīṇi pārājikāni āpanne puggale upādāya. Sesam pubbe vuttanayattā, uttānatthattā ca pakaṭamevāti.

### Padabhājanīyavaṇṇanā

199. Evaṃ uddiṭṭhasikkhāpadaṃ padānukkamena vibhajitvā idāni yasmā heṭṭhā padabhājanīyamhi “jhānaṃ vimokkho samādhi samāpatti ñāṇadassanaṃ -pa- suññāgāre abhirati”ti evaṃ saṃkhitteneva uttarimanussadhammo dassito, na vitthārena āpattiṃ āropetvā tanti ṭhapitā. Saṅkhepadassite ca atthe na sabbe sabbākārena nayaṃ gahetuṃ sakkonti, tasmā sabbākārena nayaggahaṇatthaṃ puna tadeva padabhājanaṃ mātikāṭhāne ṭhapetvā vitthārato uttarimanussadhammaṃ dassetvā āpattibhedam dassetukāmo “**jhānanti paṭhamam jhānam dutiyam jhānam**”ti-ādīmāha. Tattha paṭhamajjhānādīhi mettājhānādīnipi asubhajjhānādīnipi ānāpānassati samādhijjhānampi lokiyajjhānampi lokuttarajjhānampi saṅgahitameva. Tasmā “paṭhamam jhānam samāpajjintipi -pa- catuttham jhānam mettājhānam upekkhājhānam asubhajjhānam

1. Khu 1. 57 Dhammapade.

2. Sathilo (Sī)

3. Khu 1. 58 Dhammapade.

ānāpānassatisamādhijjhānaṃ lokiyajjhānaṃ lokuttarajjhānaṃ samāpajjin”tipi bhaṇanto pārājikova hotīti veditabbo.

Suṭṭhu mutto, vividhehi vā kilesehi muttoti **vimokkho**, so panāyaṃ rāgadosamohehi suññattā **suññato**, rāgadosamohanimittehi animittattā **animitto**, rāgadosamohapaṇidhīnaṃ abhāvato **appaṇihitoti** vuccati. Cittaṃ samaṃ ādahati ārammaṇe ṭhapeṭīti **samādhi**. Ariyehi samāpajjitabbato **samāpatti**. Sesamettha vuttanayameva. Ettha ca vimokkhattikena ca samādhittikena ca ariyamaggova vutto. Samāpattittikena pana phalasangāhāyāya vutto. Tesu yaṃkiñci ekampi padaṃ gahetvā “ahaṃ imassa lābhīmhi”ti bhaṇanto pārājikova hoti.

**Tisso vijjāti** pubbenivāsānussati, dibbacakkhu, āsavānaṃ khaye ñāṇanti. Tattha ekissāpi nāmaṃ gahetvā “ahaṃ imissā vijjāya lābhīmhi”ti bhaṇanto pārājiko hoti. **Saṅkhepaṭṭhakathāyaṃ** pana “vijjānaṃ lābhīmhiṭi bhaṇantopi, ‘tssannaṃ vijjānaṃ lābhīmhi’ti bhaṇantopi pārājikova”ti vuttaṃ. Maggabhāvanāpadabhājanā vuttā sattatimsa bodhipakkhiyadhammā maggasampayuttā lokuttarāva idhādhippetā. Tasmā “lokuttarānaṃ satipaṭṭhānaṃ sammappadhānaṃ iddhipādānaṃ indriyānaṃ balānaṃ bojjhaṅgānaṃ ariyassa aṭṭhaṅgikassa maggassa lābhīmhi”ti vadato pārājikanti **Mahā-aṭṭhakathāyaṃ** vuttaṃ. **Mahāpaccariyā**disu pana “satipaṭṭhānaṃ lābhīmhi”ti evaṃ ekekakoṭṭhāsavasenaṃpi, ‘kāyānupassanāsatiṭṭhānaṃ lābhīmhi’ti evaṃ tattha ekekadhammavasenaṃpi vadato pārājikamevā”ti vuttaṃ, tampi sameti. Kasmā? Maggakkhaṇuppanneyeva sandhāya vuttattā. Phalasangāhāyāyapi ekekaphalavasena pārājikaṃ veditabbaṃ.

**Rāgassa pahānanti**-ādittike kilesappahānameva vuttaṃ. Taṃ pana yasmā maggena vinā natthi, tatiyamaggena hi kāmarāgadosānaṃ pahānaṃ, catutthena mohassa. Tasmā “rāgo me pahīno”ti-ādīni vadatopi pārājikaṃ vuttaṃ.

**Rāgā cittaṃ vinīvaraṇatāti**-ādittike lokuttaracittameva<sup>1</sup> vuttaṃ. Tasmā “rāgā me cittaṃ vinīvaraṇaṃ”ti-ādīni vadatopi pārājikameva.

---

1. Saha samāpattiyā lokuttaracittameva (Syā)

Suññāgārapadabhājane pana yasmā jhānena aghaṭetvā “suññāgāre abhiramāmī”ti vacanamattena pārājikaṃ nādhippetam, tasmā **“paṭhamena jhānena suññāgāre abhiratī”**ti-ādi vuttam. Tasmā yo jhānena ghaṭetvā “iminā nāma jhānena suññāgāre abhiramāmī”ti vadati, ayameva pārājiko hotīti veditabbo.

**Yā ca nāṇanti** imassa padabhājane **Ambaṭṭhasuttā**disu<sup>1</sup> vuttāsu aṭṭhasu vijjāsu vipassanāñāṇa manomayiddhi iddhividha dibbasota cetopariyañāṇabhedā pañca vijjā na āgatā, tāsu ekā vipassanāva pārājikavatthu na hoti, sesā hontīti veditabbā. Tasmā “vipassanāya lābhīmhi”tipi “vipassanāñāṇassa lābhīmhi”tipi vadato pārājikaṃ natthi. **Phussadevatthero** pana bhaṇati “itarāpi catasso vijjā nāṇena aghaṭitā pārājikavatthū na honti. Tasmā ‘manomayassa lābhīmhi, iddhividhassa, dibbāya sotadhātuyā, cetopariyassa lābhīmhi’ti vadatopi pārājikaṃ natthī”ti. Tam tassa antevāsikeheva paṭikkhittam “ācariyo na ābhidhammiko, bhūmantaram<sup>2</sup> na jānāti, abhiññā nāma catutthajjhānapāḍakova mahaggatadhammo, jhāneneva ijjhati. Tasmā ‘manomayassa lābhīmhi’ti vā ‘manomayañāṇassa lābhīmhi’ti vā yathā vā tathā vā vadatu, pārājikamevā”ti. Ettha ca kiñcāpi nibbānam Pāliya anāgataṃ. Atha kho “nibbānam me pattan”ti vā “sacchikatan”ti vā vadato pārājikameva. Kasmā? nibbānassa nibbaṭṭitalokuttarattā<sup>3</sup>. Tathā “cattāri saccāni paṭivijjhim, paṭividdhāni mayā”ti vadatopi pārājikameva. Kasmā? Saccappaṭivedhoti hi maggassa pariyaṇavacanam. Yasmā pana “tisso paṭisambhidā kāmāvacarakusalato catūsu nāṇasampayuttesu cittuppādesu uppajjanti, kriyato catūsu nāṇasampayuttesu cittuppādesu uppajjanti, atthapaṭisambhidā etesu ceva uppajjati, catūsu maggesu, catūsu phalesu ca uppajjati”ti **Vibhaṅge**<sup>4</sup> vuttam, tasmā “dhammapaṭisambhidāya lābhīmhi”ti vā “nirutti -pa- paṭibhānapaṭisambhidāya lābhīmhi”ti vā “lokiya-atthapaṭisambhidāya lābhīmhi”ti vā vuttepi pārājikaṃ natthi. “Paṭisambhidānam lābhīmhi”ti vuttepi na tāva sīsam otarati. “Lokuttara-atthapaṭisambhidāya lābhīmhi”ti vutte pana pārājikaṃ

1. Dī 1. 72 piṭṭhe.

3. Nibbattitalokuttarattā (Ka)

2. Bhūmantaram (Sī, Syā)

4. Abhi 2. 319 piṭṭhe.

hoti. **Saṅkhepaṭṭhakathāyaṃ** pana “atthapaṭisambhidāppattomhī”ti avisesenāpi vadato pārājikaṃ vuttaṃ. **Kurundiyampi** “na muccati”ti vuttaṃ. **Mahā-aṭṭhakathāyaṃ** pana “ettāvatā pārājikaṃ natthi, ettāvatā sīsaṃ na otarati, ettāvatā na pārājikaṃ”ti vicāritattā na sakkā aññaṃ pamāṇaṃ kātunti.

“Nirodhasamāpattiṃ samāpajjāmi”ti vā “lābhīmhāhaṃ tassā”ti vā vadatopi pārājikaṃ natthi. Kasmā? Nirodhasamāpattiyā neva lokiyattā na lokuttarattāti. Sace panassa evaṃ hoti “nirodhaṃ nāma anāgāmī vā khīṇāsavo vā samāpajjati, tesam māṃ aññataroti jānissati”ti byākaroti, so ca naṃ tathā jānāti, pārājikanti **Mahāpaccarisāṅkhepaṭṭhakathāsu** vuttaṃ. Taṃ vīmaṃsitvā gahetabbaṃ.

“Atītabhave Kassapasammāsambuddhakāle sotāpannomhī”ti vadatopi pārājikaṃ natthi, atītakkhandaṇāṇhi parāmaṭṭhattā sīsaṃ na otaratīti. **Saṅkhepaṭṭhakathāyaṃ** pana “atīte aṭṭhasamāpattilābhīmhīti vadato pārājikaṃ natthi, kuppadhammattā, idha pana atthi, akuppadhammattāti keci vadanti”ti vuttaṃ. Tampi tattheva atītabbhāvaṃ sandhāya kathentassa pārājikaṃ na hoti, paccuppannattabhāvaṃ sandhāya kathentasseva hotīti paṭikkhittaṃ.

### Suddhikavārakathāvaṇṇanā

200. Evaṃ jhānādīni dasa mātīkāpadāni vitthāretvā idāni uttarimanussadhammaṃ ullapanto yaṃ sampajānamusāvādaṃ bhaṇati, tassa aṅgaṃ dassetvā tasseva vitthārassa vasena<sup>1</sup> cakkapeyyālaṃ bandhanto ullapanākāraṇca āpattibhedaṇca dassetuṃ “**tīhākārehi**”ti-ādimāha. Tattha suddhikavāro vattukāmaṃvāro paccayaapaṭisaṃyuttavāroti tayo mahāvārā. Tesu suddhikavāre paṭhamajjhānaṃ ādim katvā yāva **mohā cittaṃ vinīvaraṇapadaṃ**, tāva ekamekasmiṃ pade **samāpajjīm, samāpajjāmi, samāpanno, lābhīmhi, vasīmhi, sacchikataṃ mayāti** imesu chasu padesu ekamekaṃ padaṃ tīhākārehi catūhi pañcahi chahi sattahākārehīti evaṃ pañcakkhattuṃ yojetvā **suddhikanayo** nāma vutto. Tato **paṭhamaṇca jhānaṃ dutiyaṇca jhānanti** evaṃ paṭhamajjhānena saddhiṃ ekamekaṃ padaṃ ghaṭentena sabbapadāni ghaṭetvā teneva vitthārena **khaṇḍacakkaṃ** nāma vuttaṃ. Taṃ hi puna

1. Vitthāranayavasena (Ka)

ānetvā paṭhamajjhānādīhi<sup>1</sup> na yojitaṃ, tasmā “khaṇḍacakkaṃ”ti vuccati. Tato **dutiyañca jhānaṃ tatiyañca jhānanti** evaṃ dutiyajjhānena saddhiṃ ekamekaṃ padaṃ ghaṭetvā puna ānetvā paṭhamajjhānena saddhiṃ sambandhitvā teneva vitthārena **baddhacakkaṃ** nāma vuttaṃ. Tato yathā dutiyajjhānena saddhiṃ, evaṃ tatiyajjhānādīhipi saddhiṃ ekamekaṃ padaṃ ghaṭetvā puna ānetvā dutiyajjhānādīhi saddhiṃ sambandhitvā teneva vitthārena aññānīpi ekūnatiṃsa baddhacakkāni vatvā **ekamūlakanayo** niṭṭhāpito. Pāṭho pana saṅkhepena dassito. So asammuyhantena vitthārato veditabbo.

Yathā ca ekamūlako, evaṃ dumūlakādayopi sabbamūlakapariyosānā catunnaṃ satānaṃ upari pañcatiṃsa nayā vuttā. Seyyathidaṃ, dvimūlakā ekūnatiṃsa, timūlakā aṭṭhavāsa, catumūlakā sattavāsa, evaṃ pañcamūlakādayopi ekekaṃ ūnaṃ katvā yāva tiṃsamūlakā, tāva veditabbā. Pāṭhe pana tesāṃ nāmampi saṅkhipitvā **idaṃ sabbamūlakanti** tiṃsamūlakanayo eko dassito. Yasmā ca suññāgārapadaṃ jhānena aghaṭitaṃ sīsaṃ na otarati, tasmā taṃ anāmasitvā mohācittaṃvinīvaraṇapadapariyosānāyeva sabbattha yojanā dassitāti veditabbā. Evaṃ paṭhamajjhānādīni paṭipāṭiyā vā uppaṭipāṭiyā vā dutiyajjhānādīhi ghaṭetvā vā aghaṭetvā vā samāpajjinti-ādinā nayena ullapato mokkho natthi, pārājikaṃ āpajjatiyevāti.

Imassa atthassa dassanavasena vutte ca panetasmiṃ suddhikamahāvāre ayaṃ saṅkhepato atthavaṇṇanā—**tīhākārehī**ti sampajānamusāvādassa aṅgabhūtehi tīhi kāraṇehi. **Pubbevassa hotīti** pubbabhāgeyeva assa puggalassa evaṃ hoti “musā bhaṇissan”ti. **Bhaṇantassa hotīti** bhaṇamānassa hoti. **Bhaṇitassa hotīti** bhaṇite assa hoti, yaṃ vattabbaṃ, tasmīṃ vutte hotīti attho. Atha vā **bhaṇitassāti** vuttavato niṭṭhitavacanassa hotīti. Yo evaṃ pubbabhāgepi jānāti, bhaṇantopi jānāti, pacchāpi jānāti “musā mayā bhaṇitan”ti, so “paṭhamaṃ jhānaṃ samāpajjin”ti bhaṇanto pārājikaṃ āpajjatīti ayamettha attho dassito. Kiñcāpi dassito, atha kho ayamettha viseso—pucchā tāva hoti “musā bhaṇissan”ti

---

1. Paṭhamajjhānena (Ka)

pubbabhāgo atthi, ‘musā mayā bhaṇitan’ti pacchābhāgo natthi, vuttamattameva hi koci pamussati. Kim tassa pārājikaṃ hoti na hoti”ti. Sā evaṃ **Aṭṭhakathāsu** vissajjitā—pubbabhāge “musā bhaṇissan”ti ca bhaṇantassa “musā bhaṇāmi”ti ca jānato pacchābhāge “musā mayā bhaṇitan”ti na sakkā na bhavitum. Sacepi na hoti, pārājikameva, purimameva hi aṅgadvayaṃ pamāṇaṃ. Yassāpi pubbabhāge “musā bhaṇissan”ti ābhogo natthi, bhaṇanto pana “musā bhaṇāmi”ti jānāti, bhaṇitepi “musā mayā bhaṇitan”ti jānāti, so āpattiyā na kāretabbo, pubbabhāgo hi pamāṇataro. Tasmim̐ asati davā bhaṇitaṃ vā ravā bhaṇitaṃ vā hotīti.

Ettha ca tamñāṇatā ca ñāṇasamodhānaṅca pariccajitabbaṃ. **Tamñāṇatā pariccajitabbāti** yena cittena “musā bhaṇissan”ti jānāti, teneva “musā bhaṇāmi”ti ca “musā mayā bhaṇitan”ti ca jānātīti evaṃ ekacitteneva tisu khaṇesu jānātīti ayaṃ tamñāṇatā pariccajitabbā, na hi sakkā teneva cittena taṃ cittaṃ jānitum, yathā na sakkā teneva asinā so asi chindituntī. Purimaṃ purimaṃ pana cittaṃ pacchimassa pacchimassa cittassa tathā uppattiyā paccayo hutvā nirujjhati. Tenetaṃ vuccati—

“Pamāṇaṃ pubbabhāgo va, tasmim̐ sati na hessati.

Sesadvayanti nattheta-miti vācā tivaṅgikā”ti.

**Ñāṇasamodhānaṃ pariccajitabbanti** etāni tīṇi cittāni ekakkhaṇe uppajjantīti na gahetabbāni, idaṅhi cittaṃ nāma—

Aniruddhamhi paṭhame, na uppajjati pacchimaṃ.

Nirantaruppajjanato, ekaṃ viya pakāsati.

Ito paraṃ pana yvāyaṃ “paṭhamaṃ jhānaṃ samāpajjin”ti sampajānamusā bhaṇati, yasmā so “natthi me paṭhamaṃ jhānaṃ”ti evaṃdiṭṭhiko hoti, tassa hi atthevāyaṃ laddhi. Tathā “natthi me paṭhamaṃ jhānaṃ”ti evamassa khamati ceva rucati ca. Evaṃsabhāvameva cassa cittaṃ “natthi me paṭhamaṃ jhānaṃ”ti. Yadā pana musā vattukāmo hoti, tadā taṃ diṭṭhiṃ vā diṭṭhiyā saha khantiṃ vā diṭṭhikhantiṃ saddhiṃ ruciṃ vā diṭṭhikhantiruciṃ saddhiṃ bhāvaṃ vā vinidhāya

nikkhipitvā paṭicchādetvā abhūtaṃ katvā bhaṇati. Tasmā tesampi vasena aṅgabhedam dassetuṃ “**catūhākārehī**”ti-ādi vuttam. **Parivāre** ca “aṭṭhaṅgiko musāvādo”ti<sup>1</sup> vuttattā tattha adhippetāya saññāya saddhim aññopi idha “aṭṭhahākārehī”ti eko nayo yojetabbo.

Ettha ca **vinidhāya diṭṭhinti** balavadhammavinidhānavasenetam vuttam. **Vinidhāya khantinti**-ādīni tato dubbaladubbalānam vinidhānavasena. **Vinidhāya saññanti** idam panettha sabbadubbaladhammavinidhānam. Saññāmatampi nāma avinidhāya sampajānamusā bhāsissatīti netam ṭhānam vijjati. Yasmā pana “samāpajjissāmī”ti-ādīnā anāgatavacanena pārājikam na hoti, tasmā “samāpajjin”ti-ādīni atītavattamānapadāneva paṭhe vuttānīti veditabbāni.

207. Ito param sabbampi imasmim suddhikamahāvāre uttānatthameva. Na hettha tam atthi, yaṃ iminā vinicchayena na sakkā bhaveyya viññātum ṭhapetvā kilesappahānapadassa padabhājane “rāgo me catto vanto”ti-ādīnam padānam attham. Svāyam vuccati—ettha hi **cattoti** idam sakabhāvapariccajanavasena vuttam. **Vantoti** idam puna anādiyanabhāvadassanavasena. **Muttoti** idam santatīto vimocanavasena. **Pahīnoti** idam muttassāpi kvaci anavaṭṭhānadassanavasena. **Paṭinissatṭhoti** idam pubbe ādinnapubbassa paṭinissaggadassanavasena. **Ukkhetītoti** idam ariyamaggena uttāsittā puna anallīyanabhāvadassanavasena. Svāyamatto saddasatthato pariyesitabbo. **Samukkkhetītoti** idam suṭṭhu uttāsetvā aṅusahagatassāpi puna anallīyanabhāvadassanavasena vuttanti.

Suddhikavārakathā niṭṭhitā.

### Vattukā mavārakathā

215. Vattukā mavārepi “tīhākārehī”ti-ādīnam attho, vārepeyyālapabhedo ca sabbo idha vuttanayeneva veditabbo. Kevalaññiyam “mayā virajjhivā aññam vattukāmena aññam vuttam, tasmā natthi mayham āpattī”ti evam okāsagavesakānam pāpapuggalānam okāsanisedhanattham vutto. Yatheva hi “Buddham paccakkhāmī”ti vattukāmo “dhammam paccakkhāmī”ti-ādīsu sikkhāpaccakkhānapadesu yaṃ vā tam vā vadantopi khetto otiṇṇattā



sikkhāpaccakkhātakova hoti, evaṃ paṭhamajjhānādīsu uttarimanussadhammapadesu yaṃ kiñci ekaṃ vattukāmo tato aññaṃ yaṃ vā taṃ vā vadantopi khetto otiṇṇatā pārājikova hoti, sace yassa vadati, so tamatthaṃ taṅkhaṇaṅñeva jānāti. Jānanalakkhaṇaṅcettha sikkhāpaccakkhāne vuttanayeneva veditabbaṃ.

Ayaṃ pana viseso—sikkhāpaccakkhānaṃ hatthamuddāya sīsaṃ na otarati. Idaṃ abhūtārocanaṃ hatthamuddāyapi otarati. Yo hi hatthavikārādīhipi aṅgapaccaṅgacopanehi abhūtaṃ uttarimanussadhammaṃ viññattipathe ṭhitassa puggalassa āroceti, so ca tamatthaṃ jānāti, pārājikova hoti. Atha pana yassa āroceti, so na jānāti, “kiṃ ayaṃ bhaṇatī”ti saṃsayāṃ vā āpajjati, ciraṃ vīmamsitvā vā pacchā jānāti. Appaṭivijānanto icceva saṅkhyāṃ gacchati. Evaṃ appaṭivijānantassa vutte thullaccayaṃ hoti. Yo pana jhānādīni attano adhigamavasena vā uggahaparipucchādivasena vā na jānāti, kevalaṃ jhānanti vā vimokkhoti vā vacanamattameva sutāṃ hoti, sopi tena vutte “jhānaṃ kira samāpajjinti esa vadatī”ti yadi ettakamattampi jānāti, jānāticceva saṅkhyāṃ gacchati. Tassa vutte pārājikameva. Seso ekassa vā dvinnaṃ vā bahūnaṃ vā niyamitāniyamitavasena viseso sabbo sikkhāpaccakkhānakathāyaṃ vuttanayeneva veditabboti.

Vattukā mavārakathā niṭṭhitā.

### Paccayapaṭisaṃyuttavārakathā

220. Paccayapaṭisaṃyuttavārepi sabbaṃ vārapeyyālabhedāṃ, pubbe āgatapadānaṅca atthaṃ vuttanayeneva ñatvā Pāḷikkamo tāva evaṃ jānitabbo—ettha hi “yo te vihāre vasi, yo te cīvaraṃ paribhuñji, yo te piṇḍapātaṃ paribhuñji, yo te senāsaṇaṃ paribhuñji, yo te gilānapaccayabhesajjaparikkhāraṃ paribhuñjī”ti ime pañca paccattavacanavārā, “yena te vihāro paribhutto”ti-ādayo pañca karaṇavacanavārā, “yaṃ tvaṃ āgamma vihāraṃ adāsī”ti-ādayo pañca upayogavacanavārā vuttā, tesāṃ vasena idha vuttena suññāgārapadena saddhiṃ pubbe vuttasu paṭhamajjhānādīsu

sabbapadesu vārapeyyālabhedo veditabbo. “Yo te vihāre, yena te vihāro, yaṃ tvaṃ āgamma vihāraṃ”ti evaṃ pariyāyena vuttattā pana “ahan”ti ca avuttattā paṭivijānantassa vuttepi idha thullaccayaṃ, appaṭivijānantassa dukkaṭanti ayamettha vinicchayo.

### Anāpattibhedakathā

222. Evaṃ vitthāravasena āpattibhedam dassetvā idāni anāpattim dassento “**anāpatti adhimānenā**”ti-ādimāha. Tattha **adhimānenāti** adhigatamānena samudācarantassa anāpatti. **Anullapanādhippāyassāti** kohaṅṅe icchācāre aṭṭhatvā anullapanādhippāyassa sabrahmacārīnaṃ santike aṅṅaṃ byākarontassa anāpatti. Ummattakādayo pubbe vuttanayā eva. Idha pana ādikammikā Vaggumudātīriyā bhikkhū, tesam anāpattīti.

Padabhājanīyavaṇṇanā niṭṭhitā.

Samuṭṭhānādīsu idam sikkhāpadaṃ tisamuṭṭhānaṃ, hatthamuddāya ārocentassa kāyacittato, vacībhedenā ārocentassa vācācittato, ubhayaṃ karontassa kāyavācācittato samuṭṭhāti, kiriyaṃ, saṅṅāvimokkham, sacittakaṃ, lokavajjaṃ, kāyakammaṃ, vacīkammaṃ, akusalacittam, tivedanaṃ, hasantopi hi somanassiko ullapati bhāyantopi majjhatoṭṭhi.

### Vinītavatthuvaṇṇanā

223. Vinītavatthūsu adhimānavatthu anupaṅṅattiyaṃ vuttanayameva. (1)

Dutiyavatthusmiṃ **paṇidhāyāti** patthanaṃ katvā. **Evaṃ maṃ jano sambhāvessatīti** evaṃ araṅṅe vasantaṃ maṃ jano arahatte vā sekkhabhūmiyaṃ vā sambhāvessati, tato lokassa sakkato bhavissāmi garukato mānito pūjito. **Āpatti dukkaṭassāti** evaṃ paṇidhāya “araṅṅe vasissāmi”ti gacchantassa padavāre padavāre dukkaṭam. Tathā araṅṅe kuṭikaraṇacaṅkamananiṣṭhananivāsanapāvuraṇādīsu sabbakiccesu payoge payoge dukkaṭam. Tasmā evaṃ araṅṅe na vasitabbaṃ. Evaṃ vasanto hi sambhāvanaṃ labhatu vā mā vā, dukkaṭam āpajjati. Yo pana

samādinnaḍḍhutaṅgo “dhutaṅgaṃ rakkhissāmi”ti vā “gāmaṃte me vasato cittaṃ vikkipati, araṇṇaṃ sappāyaṃ”ti cintetvā vā “addhā araṇṇe tiṇṇaṃ vivekaṇaṃ aṇṇataraṃ pāpuṇissāmi”ti vā “araṇṇaṃ pavisitvā arahattaṃ apāpuṇitvā na nikkhamissāmi”ti vā “araṇṇavāso nāma Bhagavatā pasattho, mayi ca araṇṇe vasante bahū sabrahmacārino gāmaṃtaṃ hitvā araṇṇakā bhavissanti”ti vā evaṃ anavajjavāsaṃ vasitukāmo hoti, tena vasitabbaṃ. (2)

Tatīyavattthusmimpi “abhikkantādīni saṅghapetvā piṇḍāya carissāmi”ti nivāsanapārūpanakiccato pabhuti yāva bhojanapariyosānaṃ, tāva payoge payoge dukkaṭaṃ. Sambhāvanaṃ labhatu vā mā vā, dukkaṭameva. Khandhakavattasekhiyavattaparipūraṇatthaṃ, pana sabrahmacārīnaṃ diṭṭhānugati-āpajjanatthaṃ vā pāsādikehi abhikkamapaṭikkamādīhi piṇḍāya pavisanto anupavajjo viññūnanti. (3)

Catutthapañcamavatthūsu “yo te vihāre vasi”ti ettha vuttanayeneva “ahan”ti avuttattā pārājikaṃ natthi. Attupanāyikameva hi samudācarantassa pārājikaṃ vuttaṃ. (4-5)

**Pañdhāya caṅkamī**ti-ādīni heṭṭhā vuttanayāneva. (6-9)

Saṃyojanavattthusmim **saṃyojanā pahīnā**tipi “dasa saṃyojanā pahīnā”tipi “ekaṃ saṃyojanaṃ pahīnaṃ”tipi vadato kilesappahānameva ārocitaṃ hoti. Tasmā pārājikaṃ. (10)

224. Rahovatthūsu **raho ullapatī**<sup>1</sup> “rahogato arahā ahan”ti vadati, na manasā cintitameva karoti. Tenettha dukkaṭaṃ vuttaṃ. (11-12)

**Vihāravatthu upaṭṭhānavatthu** ca vuttanayameva. (13-14)

225. Nadukkaravatthusmim tassa bhikkhuno ayaṃ laddhi “ariyapuggalāva Bhagavato sāvakā”ti. Tenāha “ye kho te Bhagavato sāvakā, te evaṃ vadeyyun”ti. Yasmā cassa ayamadhippāyo—

---

1. Rahogato uttarimanussadhammaṃ ullapati (Pāḷiyā)

“sīlavatā āradhaviṇṇakena na dukkaraṃ aññaṃ byākātuṃ, paṭibalo so arahattaṃ pāpuṇitun”ti. Tasmā “anullapanādhippāyo ahan”ti āha. (15)

Vīriyavattusmiṃ **ārādhanīyoti** sakkā āradhetuṃ sampādetuṃ, nibbattetunti attho. Sesam vuttanayameva. (16)

**Maccuvatthusmiṃ** so bhikkhu “yassa vippaṭisāro uppajjati, so bhāyeyya, mayham pana avippaṭisāravatthukāni parisuddhāni sīlāni, svāham kiṃ maraṇassa bhāyissāmī”ti etamatthavasam paṭicca “nāham āvuso maccuno bhāyāmī”ti āha. Tenassa anāpatti. (17)

**Vippaṭisāravatthusmimpi** eseva nayo. Tato parāni tīṇi vatthūni vīriyavattusadisāneva. (18-21)

**Vedanāvattūsu** paṭhamasmim tāva so bhikkhu paṭisaṅkhābalena adhivāsanakhantiyam thatvā “nāvuso sakkā yena vā tena vā adhivāsetun”ti āha. Tenassa anāpatti. (22)

Dutiye pana attupanāyikaṃ akatvā “nāvuso sakkā puthujjanenā”ti pariāyena vuttattā thullaccayam. (23)

226. **Brāhmaṇavattūsu** so kira brāhmaṇo na kevalam “āyantu bhonto arahanto”ti āha, yaṃ yaṃ panassa vacanam mukhato niggacchati, sabbam “arahantānam āsanāni paññapetha, pādodakam detha, arahanto pāde dhovantū”ti arahantavādapaṭisamīyuttamīyeva. Tam panassa pasādabhaññaṃ saddhācaritattā attano saddhābalena samussāhitassa vacanam. Tasmā Bhagavā “**anāpatti bhikkhave pasādabhaññe**”ti āha. Evam vuccamānena pana bhikkhunā na haṭṭhatuṭṭheneva paccayā paribhuñjītabbā, “arahattasampāpikam paṭipadam paripūressāmī”ti evam yogo karaṇīyoti. (24)

**Aññabyākaraṇavattūni** samyojanavattusadisāneva. **Agāravattusmiṃ** so bhikkhu gihibhāve anattikatāya anapekkhatāya “abhabbo kho āvuso mādiso”ti āha, na ullapanādhippāyena. Tenassa anāpatti. (25-32)

227. **Āvaṭakānavatthusmiṃ** so bhikkhu vatthukāmesu ca kilesakāmesu ca lokiyeneva ādīnavadassanena nirapekkho, tasmā “**āvaṭā me āvuso kāmā**”ti āha. Tenassa anāpatti. Ettha ca **āvaṭā**ti āvāritā nivāritā, paṭikkhittāti attho. (33)

**Abhirativatthusmiṃ** so bhikkhu sāsane anukkaṇṭhitabhāvena, uddesaparipucchādīsu ca abhiratabhāvena “abhirato ahaṃ āvuso paramāya abhiratiyā”ti āha, na ullapanādhippāyena. Tenassa anāpatti. (34)

Pakkamanavatthusmiṃ **yo imamhā āvāsā paṭhamam pakkamissatīti** evam āvāsam vā maṇḍapam vā sīmam vā yaṃkiñci ṭhānam paricchinditvā katāya katikāya yo “mam arahāti jānantū”ti tamhā ṭhānā paṭhamam pakkamati, pārājiko hoti. Yo pana ācariyupajjhāyānam vā kiccena, mātāpitūnam vā kenacideva karaṇīyena, bhikkhācārattham vā uddesaparipucchānam vā atthāya aññena vā tādisena karaṇīyena tam ṭhānam atikkamitvā gacchati, anāpatti. Sace pissa evam gatassa pacchā icchācāro uppajjati “na dānāham tattha gamissāmi, evam mam arahāti sambhāvessantī”ti, anāpattiyeva.

Yopi kenacideva karaṇīyena tam ṭhānam patvā sajjhāyamanasikārādivasena aññavihito vā hutvā, corādīhi vā anubaddho, meggam vā uṭṭhitam disvā anovassakam pavisitukāmo tam ṭhānam atikkamati, anāpatti. Yānena vā iddhiyā vā gacchantopi pārājikam nāpajjati, padagamaneneva āpajjati. Tampi yehi saha katikā katā, tehi saddhim apubbamacarimam gacchanto nāpajjati. Evam gacchantā hi sabbe pi aññamaññam rakkhanti. Sacepi maṇḍaparukkhamulādīsu kiñci ṭhānam paricchinditvā “yo ettha nisīdati vā caṅkamati vā, tam arahāti jānissāma”, pupphāni vā ṭhapetvā “yo imāni gahetvā pūjam karissati, tam arahāti jānissāma”ti-ādīnā nayena katikā katā hoti, tatrāpi icchācāravasena tathā karontassa pārājikameva. Sacepi upāsakena antarāmagge vihāro vā kato hoti, cīvarādīni vā ṭhapitāni honti “ye arahanto, te imasmim vihāre vasantu, cīvarādīni ca gaṇhantū”ti. Tatrāpi icchācāravasena vasantassa vā cīvarādīni vā gaṇhantassa pārājikameva. Etam pana adhammikam katikavattam, tasmā na kātabbam, aññam vā evarūpam “imasmim

temāsabbhantare sabbeva āraññakā hontu, piṇḍapātikaṅgādi-  
avasesadhutaṅgadhara vā, atha vā sabbeva khīṇāsavā hontū”ti evamādi.  
Nānāverajjakā hi bhikkhū sannipatanti, tattha keci dubbalā appathāmā  
evarūpaṃ vattaṃ anupāletuṃ na sakkonti. Tasmā evarūpampi vattaṃ na  
kātabbāṃ. “Imaṃ temāsaṃ sabbbeheva na uddisittabbāṃ, na  
paripucchittabbāṃ, na pabbājetabbāṃ, mūgabbatāṃ gaṇhitabbāṃ, bahi  
sīmaṭṭhassāpi saṃghalābho dātabbo”ti evamādikāṃ pana na kātabbameva.  
(35)

228. **Lakkhaṇasaṃyutte** yvāyaṃ āyasmā ca **Lakkhaṇoti**lakkhaṇatthero  
vutto, esa jaṭilasahasassa abbhantare ehibhikkhūpasampadāya upasampanno  
ādittapariyāyāvasāne arahattappatto eko mahāsāvakoṭi vedittabbo. Yasmā  
panesa lakkhaṇasampanna sabbākāraparipūrena brahmasamena  
attabhāvena samannāgato, tasmā lakkhaṇoti saṅkhaṃ gato.  
Mahāmoggallānatthero pana pabbajitadivasato sattame divase arahattappatto  
dutiyo aggasāvako.

**Sitaṃ pātvākāsīti** mandahasitaṃ pātu-akāsi, pakāsaya dasseti vuttaṃ  
hoti. Kim pana disvā therō sitaṃ pātvākāsīti? Upari Pāḷiyaṃ āgataṃ  
aṭṭhikasaṅkhalikaṃ ekaṃ petaloke nibbattaṃ sattaṃ disvā, tañca kho  
dibbena cakkhunā, na pasādacakkhunā. Pasādacakkhussa hi ete attabhāvā na  
āpāthaṃ āgacchanti. Evarūpaṃ pana attabhāvaṃ disvā kāruṇṇe kātabbe  
kasmā sitaṃ pātvākāsīti? Attano ca Buddhañāṇassa ca sampattiṃ  
samanussaraṇato. Tañhi disvā therō “adiṭṭhasaccena nāma puggalena  
paṭilabhitabbā evarūpā attabhāvā mutto ahaṃ, lābhā vata me, suladdhaṃ  
vata me”ti attano ca sampattiṃ anussarivā “aho Buddhassa Bhagavato  
ñāṇasampatti, yo ‘kammavipāko bhikkhave acinteyyo na cintetabbo’<sup>1</sup>  
desesi, paccakkhaṃ vata katvā Buddhā desenti, suppaṭividdhā Buddhānaṃ  
dhammadhātū”ti evaṃ Buddhañāṇasampattiñca sarivā sitaṃ pātvākāsīti.  
Yasmā pana khīṇāsavā nāma na akāraṇā sitaṃ pātukaronti, tasmā naṃ  
Lakkhaṇatthero pucchi “**ko nu kho āvuso Moggallāna hetu, ko paccayo  
sitassa pātukammāyā**”ti. Therō pana yasmā yehi ayaṃ upapatti sāmaṃ  
adiṭṭhā, te dussaddhāpayā honti, tasmā

---

1. Am 1. 392 piṭṭhe.

Bhagavantam sakkhim katvā byākātukāmatāya “**akālo kho āvuso**”ti-ādimāha. Tato Bhagavato santike puṭṭho “**idhāham āvuso**”ti-ādinā nayena byākāsi.

Tattha **aṭṭhikasaṅkhalikanti** setam nimmaṃsalohitam aṭṭhisāṅghātam. **Gijjhāpi kākāpi kulalāpī**ti etepi yakkhagijjhā ceva yakkhakākā ca yakkhakulalā ca paccetabbā. Pākatikānam pana gijjhādīnam āpāthampi etaṃ rūpaṃ nāgacchati. **Anupatitvā anupatitvā**ti anubandhitvā anubandhitvā. **Vitudentī**<sup>1</sup> vinivijjhitvā gacchanti. Vitudentīti vā pāṭho, asidhārūpamehi tikhiṇehi lohatuṇḍehi vijjantīti attho. **Sā sudam aṭṭassaram karotī**ti ettha **sudanti** nipāto, sā aṭṭhikasaṅkhalikā aṭṭassaram āturassaram karotīti attho. Akusalavipākānubhavanattham kira yojanappamāṇāpi tādisā attabhāvā nibbattanti, pasādussadā ca honti pakkagaṇḍasadisā, tasmā sā aṭṭhikasaṅkhalikā balavedanāturā tādisam saramakāsīti. Evañca pana vatvā puna āyasmā Mahāmogallāno “**vaṭṭagāmikasattā nāma evarūpā attabhāvā na mucantī**”ti sattesu kāruṇṇam paṭicca uppannam dhammasamvegam dassento “**tassa mayham āvuso etadahosi acchariyam vata bho**”ti-ādimāha.

**Bhikkhū-ujjhāyantī**ti yesam sā petūpapatti appaccakkhā, te ujjhāyanti. Bhagavā pana therassānubhāvam pakāsento “**cakkhubhūtā vata bhikkhave sāvakā viharantī**”ti-ādimāha. Tattha cakkhu bhūtam jātam uppannam tesanti **cakkhubhūtā**, bhūtacakkhukā uppannacakkhukā cakkhum uppādetvā viharantīti attho. Dutiyapadepe eseva nayo. **Yatra hi nāmā**ti ettha **yatrā**ti kāraṇavacanam. Tatrāyamattthayojanā—yasmā nāma sāvakopi evarūpaṃ ṇassati vā dakkhati vā sakkhim vā karissati, tasmā avocumha “**cakkhubhūtā vata bhikkhave sāvakā viharanti, ṇāṇabhūtā vata bhikkhave sāvakā viharantī**”ti.

**Pubbeva me so bhikkhave satto diṭṭhoti** Bodhimaṇḍe sabbaññutaññāppaṭivedhena appamāṇesu cakkavāḷesu appamāṇe sattanikāye bhava gati yoni ṭhiti nivāse<sup>2</sup> ca paccakkham karontena mayā pubbeva so satto diṭṭhoti vadati.

1. Vitudentīti (Sī), vitudentīti (Syā), vituṇḍentīti (Ka)

2. Bhava gati ṭhiti nivāse (Syā)

**Goghātakoti** gāvo vadhitvā vadhitvā aṭṭhito maṁsaṁ mocetvā vikkiṇitvā jīvikakappanakasatto. **Tasseva kammassa vipākāvasesenā**ti tassa nānācetanāhi āyūhitassa aparāpariyakammassa. Tatra hi yāya cetanāya narake paṭisandhi janitā, tassā vipāke parikkhīṇe avasesakammaṁ vā kammanimittam vā ārammaṇam katvā puna petādīsu paṭisandhi nibbattati, tasmā sā paṭisandhi kammabhāgatāya vā ārammaṇasabhāgatāya vā tasseva kammassa vipākāvasesoti vuccati, ayañca satto evaṁ upapanno. Tenāha “tasseva kammassa vipākāvasesenā”ti. Tassa kira narakā cavanakāle nimmaṁsakatānam gunnaṁ aṭṭhirāsi eva nimittam ahoṣi. So paṭicchannampi tam kammaṁ viññūnam pākātam viya karonto aṭṭhikasankhalikapeto jāto. (36)

229. Maṁsapesivatthusmiṁ **goghātakoti** gomaṁsaṁ pesiyo<sup>1</sup> katvā sukkhāpetvā vallūravikkayena anekāni vassāni jīvikam kappesi. Tenassa narakā cavanakāle maṁsapesiyeva nimittam ahoṣi. So maṁsapesipeto jāto. (37)

**Maṁsapiṇḍavatthusmiṁ** so sākuṇiko sakuṇe gahetvā vikkiṇanakāle nippakkhacamme maṁsapiṇḍamatte katvā vikkiṇanto jīvikam kappesi. Tenassa narakā cavanakāle maṁsapiṇḍova nimittam ahoṣi. So maṁsapiṇḍapeto jāto. (38)

**Nicchavivatthusmiṁ** tassa orabbhikassa eḷake vadhitvā niccamme katvā kappitaṁjīvikassa purimanayeneva niccammaṁ eḷakasarīraṁ nimittamahosi. So nicchavipeto jāto. (39)

**Asilomavatthusmiṁ** so sūkariko dīgharattam nivāpapuṭṭhe sūkare asinā vadhitvā vadhitvā dīgharattam jīvikam kappesi. Tenassa ukkhittāsikabhāvova nimittam ahoṣi. Tasmā asilomapeto jāto. (40)

**Sattilomavatthusmiṁ** so māgaviko ekaṁ migañca sattiñca gahetvā vanaṁ gantvā tassa migassa samīpaṁ āgatāgate mige sattiya vijjhivā<sup>2</sup> māresi. Tassa sattiya vijjhanakabhāvoyeva nimittam ahoṣi. Tasmā sattilomapeto jāto. (41)

1. Maṁsapesiyo (Sī, Syā)

2. Nibbijjhivā (Sī)



Usulomavatthusmiṃ **kāraṇikoti** rājāparādhike anekāhi kāraṇāhi piḷetvā avasāne kaṇḍena vijjhītvā māraṇakapuriso. So kira asukasmīṃ padese viddho maratīti ṇatvāva vijjhāti. Tassevaṃ jīvikāṃ kappetvā narake uppanassa tato pakkāvasesena idhūpapattikāle usunā vijjhanabhāvoyeva nimittāṃ ahoṣi. Tasmā usulomapeto jāto. (42)

Sūcilomavatthusmiṃ **sārathīti** assadamako. Godamakotiṃ **Kurundaṭṭhakathāyaṃ** vuttāṃ. Tassa patodasūciyā vijjhanabhāvoyeva nimittāṃ ahoṣi. Tasmā sūcilomapeto jāto. (43)

Dutiyasūcilomavatthusmiṃ **sūcakoti** pesuññakārako. So kira manusse aññamaññaṅca bhindi. Rājakule ca “imassa idaṃ nāma atthi, iminā idaṃ nāma katan”ti sūcetvā sūcetvā anayabyasanaṃ pāpesi. Tasmā yathānena sūcetvā manussā bhinnā, tathā sūcihi bhedanadukkhaṃ paccanubhotuṃ kammameva nimittāṃ katvā sūcilomapeto jāto. (44)

Aṇḍabhāritavatthusmiṃ **gāmakūṭoti** vinicchayāmacco. Tassa kammasabhāgatāya kumbhamattā mahāghaṭappamaṇā aṇḍā ahesuṃ. So hi yasmā raho paṭicchane ṭhāne lañjaṃ gahetvā kūṭavinicchayena pākaṭaṃ dosaṃ karonto sāmike assāmike akāsi. Tasmāssa rahassaṃ aṅgaṃ pākaṭaṃ nibbattaṃ. Yasmā daṇḍaṃ paṭṭhapento paresaṃ asayhaṃ bhāraṃ āropesi, tasmāssa rahassaṅgaṃ asayhabhāro hutvā nibbattaṃ. Yasmā yasmīṃ ṭhāne ṭhitena samena bhavitabbaṃ, tasmīṃ ṭhatvā visamo ahoṣi, tasmāssa rahassaṅge visamā nisajjā ahoṣīti. (45)

**Pāradārikavatthusmiṃ** so satto parassa rakkhitaṃ gopitaṃ sassāmikaṃ phassaṃ phusanto dhīlhasukhena<sup>1</sup> kāmasukhena cittaṃ ramayitvā kammasabhāgatāya gūthaphassaṃ phusanto dukkhamanubhavituṃ tattha nibbatta. **Duṭṭhabrahmaṇavatthu** pākaṭameva. (46-7)

230. **Nicchavitthivatthusmiṃ** yasmā mātugāmo nāma attano phasse anissaro. Sā ca taṃ sāmikassa santakaṃ phassaṃ thenetvā paresaṃ

---

1. Miḷhaphusena (Ka)

abhiratiṃ uppādesi, tasmā kammabhāgatāya sukhasamphassā dhamṣitvā dukkhasamphassaṃ anubhavitum nicchavitthi hutvā upapannā. (48)

Maṅgulitthivatthusmiṃ **maṅgulinti** virūpaṃ duddasikaṃ bībhacchaṃ, sā kira ikkhaṇikākammaṃ yakkhadāsikammaṃ karonti “iminā ca iminā ca evaṃ balikamme kate ayaṃ nāma tumhākaṃ vaḍḍhi bhavissati”ti mahājanassa gandhapupphādīni vañcanāya gahetvā mahājanaṃ duddiṭṭhiṃ micchādiṭṭhiṃ gaṇhāpesi, tasmā tāya kammabhāgatāya gandhapupphādīnaṃ thenitattā duggandhā, duddassanassa gāhitattā duddasikā virūpā bībhacchā hutvā nibbattā. (49)

Okiliniyatthusmiṃ **uppakkaṃ okiliniṃ okirininti** sā kira aṅgaracitake nipannā vipphandamānā viparivattamānā paccati, tasmā uppakkā ceva hoti kharena agginā pakkasarīrā, okilini ca kilinnasarīrā, bindubindūni hissā sarīrato paggharanti. Okirini ca aṅgarasamparikīṇṇā, tassā hi heṭṭhatopi kiṃsukapupphavaṇṇā aṅgarā, ubhayapassesupi, ākāsatopissā upari aṅgarā patanti, tena vuttaṃ “uppakkaṃ okiliniṃ okirini”ti. **Sā issāpakatā sapattiṃ aṅgarakaṭāhena okirinti** tassa kira rañño ekā nāṭakini aṅgarakaṭāhaṃ samīpe ṭhapetvā gattato udakañca puñchati, paṇinā ca sedaṃ karoti. Rājāpi tāya saddhiṃ kathañca karoti, parituṭṭhākārañca dasseti. Aggamahesī taṃ asahamānā issāpakatā hutvā acirapakkantassa rañño taṃ aṅgarakaṭāhaṃ gahetvā tassā upari aṅgare okiri, sā taṃ kammaṃ katvā tādisaṃyeva vipākaṃ paccanubhavitum petaloke nibbattā. (50)

**Coraghātavatthusmiṃ** so rañño aṇāya dīgharattaṃ corānaṃ sīsāni chinditvā petaloke nibbattanto asīsaṃ kabandhaṃ hutvā nibbatti. (51)

Bhikkhuvatthusmiṃ **pāpabhikkhūti** lāmakabhikkhu. So kira lokassa saddhādeyye cattāro paccaye paribhuñjitvā kāyavacīdvārehi asaṃyato bhinnājīvo cittakeḷiṃ kīlanto vicari, tato ekaṃ Buddhantaraṃ niraye paccitvā petaloke nibbattanto bhikkhusadiseneva atabhāvena nibbatti. **Bhikkhunīsikkhamānāsāmaṇerasāmaṇerivatthūsupi** ayameva vinicchayo. (52-6)

231. Tapodāvattthusmiṃ **acchodakoti** pasannodako. **Sītodakoti** sītala-udako. **Sātodakoti** madhurodako. **Setakoti**<sup>1</sup> parisuddho nissevālapaṇakakaddamo. **Suppatitthoti** sundarehi titthehi upapanno. **Ramaṇīyoti** ratijanako. **Cakkamattānīti** rathacakkappamaṇāni. **Kuthitā sandatīti** tattā santattā hutvā sandati. **Yatāyaṃ bhikkhave**ti yato ayaṃ bhikkhave. **So dahoti** so rahado. Kuto panāyaṃ sandatīti. Vebhārapabbatassa kira heṭṭhā bhūmaṭṭhakanāgānaṃ pañcayojanasatikāṃ nāgabhavanaṃ devalokasadiṣaṃ maṇimayena<sup>2</sup> talena, āramuyyānehi ca samannāgataṃ, tattha nāgānaṃ kīḷanaṭṭhāne so udakadaho, tato ayaṃ tapodā sandati. **Dvinnāṃ mahānirayānaṃ antarikāya āgacchatīti** Rājagahanagaraṃ kira āviñjetvā<sup>3</sup> mahāpetaloko, tattha dvinnāṃ Mahālohakumbhinirayānaṃ antarena ayaṃ Tapodā āgacchati, tasmā kuthitā sandatīti. (57)

Yuddhavattthusmiṃ **nandī**<sup>4</sup> **caratīti** vijayabherī<sup>5</sup> āhiṇḍati. **Rājā āvuso licchavīhīti** thero kira attano divāṭṭhāne ca rattiṭṭhāne ca nisīditvā “licchavayo katahatthā katupāsana, rājā ca tehi saddhiṃ sampahāraṃ deti”ti āvajjanto dibbena cakkhunā rājānaṃ parājitaṃ palāyamānaṃ addasa. Tato bhikkhū āmantetvā “**rājā āvuso tumhākaṃ upaṭṭhāko licchavīhi pabhaggo**”ti āha. **Saccaṃ bhikkhave Moggallāno āhāti** parājitakāle āvajjitvā yaṃ diṭṭhaṃ, taṃ bhaṇanto saccaṃ āha. (58)

232. Nāgogāhavattthusmiṃ **sappinikāyāti** evaṃnāmikāya. **Āneñjaṃ samādhinti** anejaṃ acalaṃ kāyavācāvippanda virahitaṃ catutthajjhānasamādhim. **Nāgānanti** hatthīnaṃ. **Ogayha**<sup>6</sup> **uttarantānanti** ogayha<sup>7</sup> ogāhetvā puna uttarantānaṃ. Te kira gambhīraṃ udakaṃ otarivā tattha nhatvā ca pivivā ca soṇḍāya udakaṃ gahetvā aññamaññaṃ ālolentā uttaranti, tesaṃ evaṃ ogayha uttarantānanti vuttaṃ hoti. **Koñcaṃ karontānanti** nadīṭṭhe ṭhatvā soṇḍaṃ mukhe pakkhipivā koñcanādaṃ karontānaṃ. **Saddaṃ assosinti**

1. Setodakoti (Syā, Ka), Am 1. 166 piṭṭhe ca passitabbaṃ.

2. Ramaṇīyena (Ka)

3. Āvijjhivā (Syā, Ka)

4. Nandim (Ka)

5. Vijayabherim (Ka)

6. Ogāhaṃ (Sī, Syā), ogāyha (Ka)

7. Ogāyha (Ka), idaṃ padaṃ Syā-potthake natthi.

taṃ koṇcanādasaddaṃ assosim. **Attheso bhikkhave samādhī, so ca kho aparisuddhoti** atthi eso samādhī Moggallānassa, so ca kho parisuddho na hoti. Thero kira pabbajitato sattame divase tadahu-arahattappatto aṭṭhasu samāpattīsu pañcahākārehi anāciṇṇavasībhāvo samādhīparipanthake dhamme na suṭṭhu parisodhetvā āvajjanasamāpajjanādhiṭṭhānavuṭṭhānapaccavekkhaṇānaṃ saññāmatkameva katvā catutthajjhānaṃ appētvā nisinno jhānaṅgehi vuṭṭhāya nāgānaṃ saddaṃ sutvā “antosamāpattiyāṃ assosin”ti evaṃsaññī ahoṣi. Tena vuttaṃ “attheso bhikkhave samādhī, so ca kho aparisuddho”ti. (59)

Sobhitavatthusmiṃ **ahaṃ āvuso pañca kappasatāni anussarāmīti** ekāvajjanena anussarāmīti āha, itarathā hi anacchariyāṃ ariyasāvakaṇaṃ paṭipāṭiyā nānavajjanena<sup>1</sup> tassa tassa atīte nivāsassa<sup>2</sup> anussaraṇanti na bhikkhū ujjhāyeyyūṃ. Yasmā panesa “ekāvajjanena anussarāmī”ti āha, tasmā bhikkhū ujjhāyimsu. **Atthesā bhikkhave Sobhitassa, sā ca kho ekāyeva jātīti** yaṃ Sobhito jātiṃ anussarāmīti āha, atthesā jāti Sobhitassa, sā ca kho ekāyeva anantarā, na uppaṭipāṭiyā anussarītāti adhippāyo.

Kathaṃ panāyaṃ etaṃ anussarīti? Ayaṃ kira pañcannaṃ kappasatānaṃ upari tiṭṭhāyatane pabbajitvā asaṅghasamāpattim nibbattetvā aparihīnājjhāno kālaṃ katvā asaṅghabhāve nibbatti, tattha yāvatāyukaṃ ṭhatvā avasāne manussaloke uppanno sāsane pabbajitvā tisso vijjā sacchākāsi. So pubbenivāsaṃ anussaramāno imasmiṃ attabhāve paṭisandhim disvā tato paraṃ tatiye attabhāve cutimeva addasa, atha ubhinnamantarā acittakaṃ attabhāvaṃ anussarituṃ asakkonto nayato sallakkhesi “addhā ahaṃ asaṅghabhāve nibbatto”ti. Evaṃ sallakkhentaṃ panānena dukkaraṃ kataṃ, satadhā bhinnassa vālassa koṭiyā koṭi paṭividdhā, ākāse padaṃ dassitaṃ. Tasmā naṃ Bhagavā imasmiṃyeva vatthusmiṃ etadagge ṭhapesi “etadaggaṃ bhikkhave mama sāvakaṇaṃ bhikkhūnaṃ pubbenivāsaṃ anussarantānaṃ yadidaṃ Sobhito”ti<sup>3</sup>. (60)

Vinītavatthuvaṇṇanā niṭṭhitā.

1. Nānavajjanchi (Sī)

2. Atītanivāsassa (Syā)

3. Am 1. 25 piṭṭhe.

### Nigamanavaṇṇanā

233. **Uddiṭṭhā kho āyasmanto cattāro pārājikā dhammāti** idam idha uddiṭṭhapārājikaparidīpanameva, samodhānetvā pana sabbāneva catuvīsati pārājikāni veditabbāni. Katamāni catuvīsati? Pāḷiyam āgatāni tāva bhikkhūnam cattāri, bhikkhunīnam asādhāraṇāni cattārīti aṭṭha, ekādasa abhabbapuggalā, tesu paṇḍakatiracchānagata-ubhatobyañjanakā tayo vatthuvipannā ahetukapaṭisandhikā, tesam saggo avārito, maggo pana vārito, abhabbā hi te maggappaṭilābhāya vatthuvipannattāti. Pabbajjāpi nesaṃ paṭikkhittā, tasmā tepi pārājikā. Theyyasaṃvāsako, titthiyapakkantako, mātughātako, pitughātako, arahantaghātako, bhikkhunīdūsako, lohituppādako, saṃghabhedakoti ime aṭṭha attano kiriyāya vipannattā abhabbaṭṭhānam pattāti pārājikāva. Tesu theyyasaṃvāsako, titthiyapakkantako, bhikkhunīdūsakoti imesaṃ tiṇṇam saggo avārito, maggo pana vāritova. Itaresam pañcannam ubhayampi vāritam. Te hi anantarabhave narake nibbattanakasattā. Iti ime ca ekādasa, purimā ca aṭṭhāti ekūnavīsati. Te gihiliṅge rucim uppādetvā gihinivāsananivatthāya bhikkhuniyā saddhim vīsati. Sā hi ajjhācāravītikkamaṃ akatvāpi ettāvātāva assamaṇīti imāni tāva vīsati pārājikāni.

Aparānipi lambī, mudupiṭṭhiko, parassa aṅgajātam mukhena gaṇhāti, parassa aṅgajāte abhinisīdatīti imesaṃ catunnam vasena cattāri anulomapārājikānīti vadanti. Etāni hi yasmā ubhinnaṃ rāgavasena sadisabhāvūpagatānam dhammo “methunadhammo”ti vuccati, tasmā etena pariyāyena methunadhammaṃ appaṭisevitvāyeva kevalam maggena maggappavesanavasena āpajjitabbattā methunadhammapārājikassa anulomentīti “anulomapārājikānī”ti vuccanti. Iti imāni ca cattāri, purimāni ca vīsatiṭi samodhānetvā sabbāneva catuvīsati pārājikāni veditabbāni.

### Na labhati bhikkhūhi saddhim saṃvāsanti

uposathapavāraṇapātīmokkhuddesaSaṃghakammappabhedam bhikkhūhi saddhim saṃvāsam na labhati. **Yathā pure tathā pacchāti** yathā pubbe gihikāle, anupasampannakāle ca pacchā pārājikam āpannopi tatheva asaṃvāso hoti. Natthi tassa bhikkhūhi

saddhiṃ uposathapavāraṇapātimokkhuddesasaṃghakammappabhedo saṃvāsoti bhikkhūhi saddhiṃ saṃvāsaṃ na labhati. **Tatthāyasmante pucchāmīti** tesu catūsu pārājikesu āyasmante “kaccittha parisuddhā”ti pucchāmi. **Kaccitthāti** kacci ettha, etesu catūsu pārājikesu kacci parisuddhāti attho. Atha vā **kaccittha parisuddhāti** kacci parisuddhā attha, bhavathāti attho. Sesam sabbattha uttānatthamevāti.

Samantapāsādikāya Vinayasamvaṇṇanāya

Catutthapārājikavaṇṇanā niṭṭhitā.

## 2. Saṃghādisesakaṇḍa

### 1. Sukkavissatṭhisikkhāpadavaṇṇanā

Yaṃ pārājikakaṇḍassa, saṅgītaṃ samanantaraṃ.  
Tassa terasakassāya-mapubbapadavaṇṇanā.

234. Tena samayena **Buddho Bhagavā Sāvattiyāṃ viharati Jetavane Anāthapaṇḍikassa ārāme, tena kho pana samayena āyasmā Seyyasako anabhirato brahmacariyaṃ caratīti** ettha āyasmāti piyavacanaṃ. **Seyyasakoti** tassa bhikkhuno nāmaṃ. **Anabhiratoti** vikkhittacitto kāmarāgapariḷāhena pariḍayhamāno, na pana gihbhāvaṃ patthayamāno. **So tena kiso hotīti** so Seyyasako tena anabhiratabhāvena kiso hoti.

**Addasā kho āyasmā Udāyīti** ettha **Udāyīti** tassa therassa nāmaṃ, ayañhi Seyyasakassa upajjhāyo Lāḷudāyī nāma bhantamigasappaṭibhāgo niddārāmatādīmanuyuttānaṃ aññataro lolabhikkhu. **Kacci no tvanti** kacci nu tvaṃ. **Yāvadatthaṃ bhuñjāti**-ādīsu yāvatā atthoti yāvadatthaṃ. Idam vuttaṃ hoti—yāvatā te bhojanena attho, yattakaṃ tvaṃ icchasi, tattakaṃ bhuñja. Yattakaṃ kālaṃ rattim vā divā vā supitum icchasi, tattakaṃ supā. Mattikādīhi kāyaṃ ubbaṭṭetvā cuṇṇādīhi ghaṃsitvā yattakaṃ nhānaṃ icchasi, tattakaṃ nhāya. Uddesena vā paripucchāya vā vattapaṭipattiyā vā kammaṭṭhānena vā attho natthīti. **Yadā te anabhirati uppajjatīti** yasmiṃ kāle tava kāmarāgavasena ukkaṇṭhitatā vikkhittacittatā uppajjati. **Rāgo cittaṃ anuddhamsetīti** kāmarāgo cittaṃ dhamseti padhamseti vikkhipati ceva milāpeti ca. **Tadā hatthena upakkamitvā asuciṃ mocehīti** tasmim kāle hatthena vāyāmitvā asucimocanaṃ karohi, evaṃ hi te cittekaggatā bhavissati. Iti taṃ upajjhāyo anusāsi yathā taṃ bālo bālaṃ, mago magam<sup>1</sup>.

235. **Tesaṃ muṭṭhassatīnaṃ asampajānānaṃ niddaṃ okkamantānanti** satisampajāññaṃ pahāya niddaṃ otarantānaṃ. Tatha kiñcāpi niddaṃ okkamantānaṃ

---

1. Mūgo mūgaṃ (Sī, Syā)

abyākato bhavaṅgavāro pavattati, satisampajaññavāro gaḷati, tathāpi sayanakāle manasikāro katabbo. Divā supantena “yāva nhātassa bhikkhuno kesā na sukkhanti, tāva supitvā vuṭṭhahissāmī”ti sa-ussāhena supitabbaṃ. Rattim supantena “ettakaṃ nāma rattibhāgaṃ supitvā candena vā tārakāya vā idaṃ nāma thānaṃ pattakāle vuṭṭhahissāmī”ti sa-ussāhena supitabbaṃ. Buddhānussati-ādīsu ca dasasu kammaṭṭhānesu ekaṃ, aññaṃ vā cittaruciyaṃ kammaṭṭhānaṃ gahetvāva niddā okkamitabbā. Evaṃ karonto hi “sato sampajāno satīṇca sampajaññaṇca avijahitvāva niddaṃ okkamati”ti vuccati. Te pana bhikkhū bālā lolā bhantamigasappaṭibhāgā na evamakamsu, tena vuttaṃ “tesaṃ muṭṭhassatīnaṃ asampajānānaṃ niddaṃ okkamantānaṃ”ti.

**Atthi cettha cetanā labbhatī**ti ettha ca supinante assādacetanā atthi upalabbhati. **Atthesā bhikkhave cetanā, sā ca kho abbohārikā**ti bhikkhave esā assādacetanā atthi, sā ca kho avisaye uppannattā abbohārikā, āpattiyā aṅgaṃ na hoti. Iti Bhagavā supinante cetanāya abbohārikabhāvaṃ dassetvā “**evaṇca pana bhikkhave imaṃ sikkhāpadaṃ uddiseyyātha ‘sañcetanikā sukkavissaṭṭhi**<sup>1</sup> aññaṭṭra supinantā saṃghādiseso’ti” sānupaññattikaṃ sikkhāpadaṃ paññapesi.

237. Tattha saṃvijjati cetanā assāti sañcetanā, sañcetanāva **sañcetanikā**, sañcetanā vā assā atthīti sañcetanikā. Yasmā pana yassa sañcetanikā sukkavissaṭṭhi hoti, so jānanto sañjānanto hoti, sā cassa sukkavissaṭṭhi cecca abhivitaritvā vītikkamo hoti, tasmā byañjane ādaraṃ akatvā atthameva dassetuṃ “**jānanto sañjānanto cecca abhivitaritvā vītikkamo**”ti evamassa padabhājanaṃ vuttaṃ. Tattha **jānantoti** upakkamāmīti jānanto. **Sañjānantoti** “sukkaṃ mocemī”ti sañjānanto, teneva upakkamajānanākārena saddhim jānantoti attho. **Ceccāti** mocanassādacetanāvasena cetetvā pakappetvā. **Abhivitaritvāti** upakkamavasena maddanto nirāsankacittaṃ pesetvā. **Vītikkamoti** evaṃ pavattassa yo vītikkamo, ayaṃ sañjetanikāsaddassa sikhāppatto atthoti vuttaṃ hoti.

---

1. Sukkavissaṭṭhi (Sī, Syā)



Idāni **sukkavissatṭhī**ti ettha yassa sukkassa vissatṭhi, taṃ tāva saṅkhyāto vaṇṇabhedato ca dassetuṃ “**sukkanti dasa sukkāni**”ti-ādimāha. Tattha sukkānaṃ āsayabhedato, dhātunānattato ca nīlādivaṇṇabhedo veditabbo.

**Vissatṭhī**ti vissaggo<sup>1</sup>, atthato panetaṃ ṭhānācāvanaṃ hoti. Tenāha “vissatṭhīti ṭhānato cāvanā vuccati”ti. Tattha vatthisīsaṃ, kaṭi, kāyoti tidhā sukkassa ṭhānaṃ pakappenti. Eko kirācariyo “vatthisīsaṃ sukkassa ṭhānaṃ”ti āha. Eko “kaṭi”ti. Eko “sakalo kāyo”ti. Tesu tatiyassa bhāsitaṃ subhāsitaṃ. Kesalomanakhadantānañhi maṃsavanimuttaṭṭhānaṃ, uccāra passāva kheḷa siṅghāṇikā thaddhasukkhacammāni ca vajjetvā avaseso chavimaṃsalohitānugato sabbopi kāyo kāyappasādabhāvajīvitindriyābaddhapittānaṃ, sambhavassa ca ṭhānameva. Tathā hi rāgapariyuṭṭhānenābhībhūtānaṃ hatthīnaṃ ubhohi kaṇṇacūlikāhi sambhavo nikkhamati, Mahāsenarājā ca rāgapariyuṭṭhito sambhavavegaṃ adhivāsetuṃ asakkonto satthena bāhusīsaṃ phāletvā vaṇamukhena nikkhantaṃ sambhavaṃ dasseti.

Ettha pana paṭhamassa ācariyassa vāde mocanassādena nimitte upakkamato yattakaṃ ekā khuddakamakkhikā piveyya, tattake asucimhi vatthisīsato muccivā dakasotaṃ otiṇṇamate bahi nikkhante vā anikkhante vā saṅghādiseso. Dutiyassa vāde tatheva kaṭito muccivā dakasotaṃ otiṇṇamate. Tatiyassa vāde tatheva sakalakāyaṃ saṅkhobhetvā tato muccivā dakasotaṃ otiṇṇamate bahi nikkhante vā anikkhante vā saṅghādiseso. Dakasotorohaṇaṅcettha adhivāsetvā antarā nivāretuṃ asakkuṇeyyatāya vuttaṃ, ṭhānā cutaṃ hi avassaṃ dakasotaṃ otarati. Tasmā ṭhānācāvanamattenevettha āpatti veditabbā. Sā ca kho nimitte upakkamantasseva, hatthaparikkamapādaparikammagattaparikkammakaraṇena sacepi asuci muccati, anāpatti. Ayaṃ sabbācariyasādhāraṇavinicchayo.

**Aññatra supinantī**ti ettha supino eva supinanto, taṃ ṭhapetvā, apanetvāti vuttaṃ hoti. Tañca pana supinaṃ passanto catūhi kāraṇehi

---

1. Visaggo (Sī, Syā)

passati dhātukkhobhato vā anubhūtapubbato vā devatopasamhārato vā pubbanimittato vāti.

Tattha pittādīnaṃ khobhakaraṇapaccayayogena khubhitadhātuko **dhātukkhobhato** supinaṃ passati. Passanto ca nānāvidhaṃ supinaṃ passati, pabbatā patanto viya, ākāseṇa gacchanto viya, vālamigahatthikorādīhi anubaddho viya hoti. **Anubhūtapubbato** passanto pubbe anubhūtapubbaṃ ārammaṇaṃ passati. **Devatopasamhārato** passantassa devatā atthakāmatāya vā anatthakāmatāya vā atthāya vā anathāya vā nānāvidhāni ārammaṇāni upasamharanti. So tāsam devatānaṃ ānubhāvena tāni ārammaṇāni passati. **Pubbanimittato** passanto puññāpuññavasena uppajjitukāmassa atthassa vā anathassa vā pubbanimittabhūtaṃ supinaṃ passati bodhisattamātā viya puttapaṭilābhanimittaṃ, bodhisatto viya pañca mahāsupine<sup>1</sup>, Kosalarājā viya soḷasa supineti.

Tattha yaṃ dhātukkhobhato, anubhūtapubbato ca supinaṃ passati, na taṃ saccaṃ hoti. Yaṃ devatopasamhārato passati, taṃ saccaṃ vā hoti alīkaṃ vā. Kuddhā hi devatā upāyena vināsetukāmā viparītampi katvā dassenti. Yaṃ pana pubbanimittato passati, taṃ ekantasaccameva hoti. Etesaṅca catunnaṃ mūlakāraṇānaṃ saṃsaggabhedatopi supinabhedo hotiyeva.

Taṅca panetaṃ catubbidhampi supinaṃ sekkhaputhujjanāva passantī appahīnavipallāsattā, asekkhā na passantī pahīnavipallāsattā. Kiṃ panetaṃ passanto sutto passati, paṭibuddho, udāhu neva sutto na paṭibuddhoti? Kiñcetha yadi tāva sutto passati, abhidhammavirodho āpajjati. Bhavaṅgacittena hi supati, taṃ rūpanimittādi-ārammaṇaṃ, rāgādisampayuttaṃ vā na hoti, supinaṃ passantassa ca īdisāni cittāni uppajjanti. Atha paṭibuddho passati, vinayavirodho āpajjati. Yañhi paṭibuddho passati, taṃ sabbohārikacittena passati, sabbohārikacittena ca kate vītikkame anāpatti nāma natthi. Supinaṃ passantena pana katepi vītikkame ekantaṃ anāpatti eva. Atha neva sutto na paṭibuddho passati, ko nāma passati<sup>2</sup>, evaṅca sati supinassa abhāvova āpajjati? Na abhāvo.

1. Am 2. 209 piṭṭhe.

2. Na nāma passati (Sī, Syā), na supinaṃ nāma passati (Abhi-Ṭṭha 2. 390 piṭṭhe.)

Kasmā? Yasmā kapimiddhapareto passati. Vuttañhetam “kapimiddhapareto<sup>1</sup> kho mahārāja supinaṃ passati”ti. **Kapimiddhaparetoti** makkaṭaniddāya yutto. Yathā hi makkaṭassa niddā lahuparivattā hoti, evaṃ yā niddā punappunam kusalādicittavokiṇṇattā lahuparivattā, yassā pavattiyam punappunam bhavaṅgato uttaraṇam hoti, tāya yutto<sup>2</sup> supinaṃ passati. Tenāyam supino kusalopi hoti akusalopi abyākatopi, tattha supinante cetiyavandanadhammassavanadhammadesanādīni karontassa kusalo, pāṇātipātādīni karontassa akusalo, dvīhi antehi mutto āvajjanatadārammaṇakkhaṇe abyākatoti vedītabbo. Svāyam dubbalavattukattā cetanāya paṭisandhim ākaḍḍhitum asamatto, pavatte pana aññehi kusalākusalehi upatthambhito vipākaṃ deti. Kiñcāpi vipākaṃ deti, atha kho avisaye uppannattā abbohārikāva supinantacetanā. Tenāha “**ṭhapetvā supinantaṃ**”ti.

**Samghādisesoti** imassa āpattinikāyassa nāmaṃ. Tasmā yā aññatra supinantā sañcetanikā sukkavissaṭṭhi, ayam samghādiseso nāma āpattinikāyoti evamettha sambandho vedītabbo. Vacanatto panettha samgho ādimhi ceva sese ca icchitabbo assāti samghādiseso. Kim vuttaṃ hoti? Imaṃ āpattim āpajjitvā vuṭṭhātukāmassa yaṃ taṃ āpattivuṭṭhānam, tassa ādimhi ceva parivāsadanatthāya, ādito sese ca majjhe mānattadanatthāya mūlāya paṭikassanena vā saha mānattadanatthāya, avasāne abbhānatthāya samgho icchitabbo, na hettha ekampi kammaṃ vinā samghena sakkā kātunti samgho ādimhi ceva sese ca icchitabbo assāti samghādisesoti. Byañjanaṃ pana anādiyivā atthameva dassetum “samghova tassā āpattiyā parivāsaṃ deti, mūlāya paṭikassati, mānattaṃ deti, abbheta, na sambahulā, na ekapuggalo, tena vuccati samghādiseso”ti idamassa padabhājanam,

“Samghādisesoti yaṃ vuttaṃ, taṃ suṇohi yathātathaṃ.

Samghova deti parivāsaṃ, mūlāya paṭikassati.

Mānattaṃ deti abbheta, tenetaṃ iti vuccati”ti<sup>3</sup>—

1. Kapiniddāpareto (Khu 11. 289 Milindapañhe)

2. Sutto (Sī, Ka)

3. Vi 5. 261 piṭṭhe.

**parivāre** vacanakāraṇaṅca vuttaṃ. Tattha parivāsadānādāni  
**Samuccayakkhandhake** vitthārato āgatāni, tatreva nesam̐ saṃvaṇṇanaṃ  
karissāma.

**Tasseva āpattinikāyassāti** tassa eva āpattisamūhassa. Tattha kiñcāpi  
ayaṃ ekāva āpatti, rūḥisaddena, pana avayave samūhavohārena vā  
“nikāyo”ti vutto eko vedanākkhandho, eko viññāṇakkhandhoti-ādīsu viya.

Evam̐ uddiṭṭhasikkhāpadaṃ padānukkamena vibhajitvā idāni imam̐  
sukkavissaṭṭhiṃ āpajjantassa upāyaṅca kālaṅca adhippāyaṅca  
adhippāyavatthuṅca dassetuṃ “**ajjhatarūpe moceti**”ti-ādīmāha. Ettha hi  
ajjhatarūpādīhi catūhi padehi upāyo dassito, ajjhatarūpe vā moceyya  
bahiddhārūpe vā ubhayattha vā ākāse vā kaṭiṃ kampaṇto, ito paraṃ añño  
upāyo natthi. Tattha rūpe ghaṭṭetvā mocentopi rūpena ghaṭṭetvā mocentopi  
“rūpe moceti”ceva veditabbo, rūpe hi sati so moceti, na rūpaṃ alabhitvā.  
Rāgūpatthambhādīhi pana pañcahi kālo dassito. Rāgūpatthambhādīkālesu hi  
aṅgajātaṃ kammaniyam̐ hoti, yassa kammaniyatte sati moceti, ito paraṃ  
añño kālo natthi. Na hi vinā rāgūpatthambhādīhi pubbaṅhādayo kālabhedā  
mocane nimittaṃ honti.

**Ārogyatthāyāti-ādīhi** dasahi adhippāyo dassito, evarūpena hi  
adhippāyabhedena moceti, na aññathā. Nīlādīhi pana dasahi navamassa  
adhippāyassa vatthu dassitaṃ, vīmaṃsanto hi nīlādīsu aññatarassa vasena  
vīmaṃsati, na tehi vinimuttanti.

238. Ito paraṃ pana imesaṃyeva ajjhatarūpādīnam̐ padānam̐  
pakāsanattham̐ “**ajjhatarūpeti ajjhataṃ upādinne rūpe**”ti-ādi vuttaṃ. Tattha  
**ajjhataṃ upādinne rūpeti** attano hatthādibhede rūpe. **Bahiddhā upādinneti**  
parassa tādiseyeva. **Anupādinneti** tālacchiddādibhede. **Tadubhayeti** attano ca  
parassa ca rūpe, ubhayaghaṭṭanavasenetam̐ vuttaṃ. Attano rūpena ca  
anupādinnaṃ rūpena ca ekato ghaṭṭanepi labbhati. **Ākāse vāyamantassāti**  
kenaci rūpena aghaṭṭetvā ākāseyyeva kaṭikampaṇapayogena aṅgajātaṃ  
cālentassa.

**Rāgūpatthambheti** rāgassa balavabhāve<sup>1</sup>, rāgena vā aṅgajātassa upatthambhe, thaddhabhāve sañjātetī vuttam hoti. **Kammaniyaṃ hotīti** mocanakammakkhamam ajjhattarūpādīsu upakkamāraham hoti.

**Uccāliṅgapāṇakadaṭṭhūpatthambheti** uccāliṅgapāṇakadaṭṭhena aṅgajāte upatthambhe. Uccāliṅgapāṇakā nāma lomasapāṇakā hontī, tesam lomehi phuṭṭham aṅgajātam kaṇḍum gahetvā thaddham hoti. Tattha yasmā tāni lomāni aṅgajātam ḍamsantāni viya vijjhanti, tasmā “uccāliṅgapāṇakadaṭṭhenā”ti vuttam. Atthato pana uccāliṅgapāṇakalomavedhanenāti vuttam hoti.

239. **Arogo bhavissāmīti** mocetvā arogo bhavissāmi. **Sukham vedanam uppādessāmīti** mocanena, mucanuppattiyā, muttapaccayā ca yā sukhā vedanā hoti, tam uppādessāmīti attho. **Bhesajjam bhavissatīti** idam me mocitam kiñcīdeva bhesajjam bhavissati. **Dānam dassāmīti** mocetvā kīṭakipillikādīnam dānam dassāmi. **Puññam bhavissatīti** mocetvā kīṭādīnam dentassa puññam bhavissati. **Yaññam yajissāmīti** mocetvā kīṭādīnam yaññam yajissāmi, kiñci kiñci mantapadam vatvā dassāmīti vuttam hoti. **Saggaṃ gamissāmīti** mocetvā kīṭādīnam dinnadānena vā puññena vā yaññena vā saggaṃ gamissāmi. **Bījam bhavissatīti** kulavaṃsaṅkurassa dārakassa bījam bhavissati, “iminā bījena putto nibbattissatī”ti iminā adhippāyena mocetīti attho. **Vīmaṃsatthāyāti** jānanatthāya. **Nīlam bhavissatīti**-ādīsu jānissāmi tāva, kim me mocitam nīlam bhavissati, pītakādīsu aññataravaṇṇanti evamattho daṭṭhabbo. **Khiḍḍādhippāyoti** khiḍḍāpasuto, tena tena adhippāyena kīlanto mocetīti vuttam hoti.

240. Idāni yadidam “ajjhattarūpe mocetī”ti-ādi vuttam tattha yathā mocento āpattim āpajjati, tesaṅca padānam vasena yattako āpattibhedo hoti, tam sabbam dassento “ajjhattarūpe ceteti, upakkamati, muccati, āpatti saṅghādisesassā”ti-ādimāha.

---

1. Balavabhāvena (Syā, Ka)

Tattha **ceteti** mocanassādasampayuttāya cetanāya “muccatū”ti ceteti. **Upakkamatī** tadanurūpaṃ vāyāmaṃ karoti. **Muccatī** evaṃ cetentassa tadanurūpena vāyāmena vāyamato sukkaṃ ṭhānā cavati. **Āpatti saṃghādisesassā**ti imehi tīhi aṅgehi assa puggalassa saṃghādiseso nāma āpattinikāyo hotīti attho. Esa nayo **bahiddhārūpeti**-ādīsipi avasesesu aṭṭhavīsatiyā padesu.

Ettha pana dve āpattisahassāni nīharitvā dassetabbāni. Kathaṃ? Ajjhattarūpe tāva rāgūpatthambhe ārogyatthāya nīlaṃ mocentassa ekā āpatti, ajjhattarūpeyeva rāgūpatthambhe ārogyatthāya pītādīnaṃ mocanavasena aparā navāti dasa. Yathā ca ārogyatthāya dasa, evaṃ sukhādīnaṃ navannaṃ padānaṃ atthāya ekekapade<sup>1</sup> dasa dasa katvā navutī. Iti imā ca navutī, purimā ca dasāti rāgūpatthambhe tāva satāṃ. Yathā pana rāgūpatthambhe, evaṃ vaccūpatthambhādīsipi catūsu ekekasmiṃ upatthambhe satāṃ satāṃ katvā cattāri satāni. Iti imāni cattāri, purimañca ekanti ajjhattarūpe tāva pañcannaṃ upatthambhānaṃ vasena pañca satāni. Yathā ca ajjhattarūpe pañca, evaṃ bahiddhārūpe pañca, ajjhattabahiddhārūpe pañca, ākāse kaṭṭim kampaṇassa pañcāti sabbānīpi catunnaṃ pañcakānaṃ vasena dve āpattisahassāni veditabbāni.

Idāni **ārogyatthāyā**ti-ādīsū tāva dasasu padesu paṭipāṭiyā vā uppaṭipāṭiyā vā heṭṭhā vā gahetvā upari gaṇhantassa, upari vā gahetvā heṭṭhā gaṇhantassa, ubhato vā gahetvā majjhe ṭhapentassa, majjhe vā gahetvā ubhato harantassa, sabbamūlaṃ vā katvā gaṇhantassa cetaṇūpakkamamocane sati visaṅketo nāma natthīti dassetuṃ “**ārogyatthañca sukhatthañcā**”ti khaṇḍacakkabaddhacakkādibhedavicittaṃ Pāḷimāha.

Tattha **ārogyatthañca sukhatthañca, ārogyatthañca bhesajjatthañcā**ti evaṃ ārogyapadaṃ sabbapadehi yojetvā vuttamekaṃ khaṇḍacakkaṃ. Sukhapadādīni sabbapadehi yojetvā yāva attano attano atītānantarapadaṃ, tāva ānetvā vuttāni nava baddhacakkānīti evaṃ ekekamūlakāni dasa cakkāni honti, tāni dumūlakādīhi saddhiṃ asammohato vitthāretvā veditabbāni. Attho panettha pākaṭoyeva.

---

1. Ekekapadena (Syā)

Yathā ca ārogyatthāyāti-ādīsu dasasu padesu, evaṃ nīlādīsupi “**nīlañca pītakañca ceteti, upakkamati**”ti-ādinā nayena dasa cakkāni vuttāni, tānipi asammohato vitthāretvā veditabbāni. Attho panettha pākaṭoyeva.

Puna ārogyatthañca nīlañca, ārogyatthañca sukhatthañca nīlañca pītakañcāti ekenekaṃ dvīhi dve -pa- dasahi dasāti evaṃ purimapadehi saddhim pacchimapadāni yojetvā ekaṃ missakacakkam vuttaṃ.

Idāni yasmā “nīlaṃ mocessāmī”ti cetevā upakkamantassa pītakādīsu muttesupi pītakādīvasena cetevā upakkamantassa itaresu muttesupi nevatthi visaṅketo, tasmā etampi nayaṃ dassetuṃ “**nīlaṃ mocessāmīti ceteti, upakkamati, pītakaṃ muccati**”ti-ādinā nayena cakkāni vuttāni. Tato paraṃ sabbapacchimapadaṃ nīlādīhi navahi padehi saddhim yojetvā kucchicakkam nāma vuttaṃ. Tato pītakādīni nava padāni ekena nīlapadeneva saddhim yojetvā piṭṭhicakkam nāma vuttaṃ. Tato lohitaḍḍīni nava padāni ekena pītakapadeneva saddhim yojetvā dutiyam piṭṭhicakkam vuttaṃ. Evaṃ lohitaḍḍīni saddhim itarāni nava nava padāni yojetvā aññānipi aṭṭha cakkāni vuttānīti evaṃ dasagatikam piṭṭhicakkam veditabbam.

Evaṃ khaṇḍacakkādīnam anekesaṃ cakkānam vasena vitthārato garukāpattiveva dassetvā idāni aṅgaseneva garukāpattiñca lahukāpattiñca anāpattiñca dassetuṃ “**ceteti, upakkamati, muccati**”ti-ādimāha. Tattha purimanayena ajjhatarūpādīsu rāgādi-upatthambhe sati ārogyādīnam atthāya cetentassa upakkamitvā asucimocane tivaṅgasampannā garukāpatti vuttā. Dutiyena nayena cetentassa, upakkamantassa ca mocane asati duvaṅgasampannā lahukā thullaccayāpatti. “**Cetehi, na upakkamati, muccati**”ti-ādīhi chahi nayehi anāpatti.

Ayam pana āpattānāpattibhedo saṅho sukhumo, tasmā suṭṭhu sallakkhetabbo, suṭṭhu sallakkhetvā kukkucam pucchitena āpatti vā anāpatti vā ācikkhitabbā, vinayakammaṃ vā kātabbam. Asallakkhetvā karonto hi roganidānam ajānitvā bhesajjam karonto vejjo viya

vighātañca āpajjati, na ca taṃ puḅḅalaṃ tikicchituṃ samattho hoti. Tatrāyaṃ sallakkhaṇavidhi—kukkuccena āgato bhikkhu yāvattatiyaṃ pucchitabbo “katarena payogena katarena rāgena āpannosi”ti. Sace paṭhamamā aññaṃ vatvā pacchā aññaṃ vadati, na ekamaggena katheti, so vattabbo “tvaṃ na ekamaggena kathesi pariharasi, na sakkā tava vinayakammaṃ kātuṃ, gaccha sotthiṃ gavesā”ti. Sace pana tikkhattumpi ekamaggeneva katheti, yathābhūtaṃ attānaṃ āvikaroti, athassa āpattānāpattigarukalahukāpattivinicchayatthaṃ ekādasannaṃ rāgānaṃ vasena ekādasa payogā samavekkhitabbā.

Tatrimē ekādasa rāgā—moccanassādo muccanassādo muttassādo methunassādo phassassādo kaṇḍuvanassādo dassanassādo nisajjassādo vācassādo gehassitapemaṃ vanabhaṅgiyanti. Tattha mocetuṃ assādo **moccanassādo**, muccane<sup>1</sup> assādo **muccanassādo**, mutte assādo **muttassādo**, methune assādo **methunassādo**, phasse assādo **phassassādo**, kaṇḍuvane assādo **kaṇḍuvanassādo**, dassane assādo **dassanassādo**, nisajjāya assādo **nisajjassādo**, vācāya assādo **vācassādo**, gehassitaṃ pemaṃ **gehassitapemaṃ**, **vanabhaṅgiyanti** yaṃkiñci pupphaphalādi vanato bhañjitvā āhaṭaṃ. Ettha ca navahi padehi sampayutta-assādasīsena rāgo vutto. Ekena padena sarūpeneva, ekena padena vatthunā vutto, vanabhaṅgo hi rāgassa vatthu, na rāgoyeva.

Etesaṃ pana rāgānaṃ vasena evaṃ<sup>2</sup> payogā samavekkhitabbā—moccanassāde moccanassādacetanāya cetento ceva assādentō ca upakkamati, muccati, saṃghādiseso. Tatheva cetento ca assādentō ca upakkamati, na muccati, thullaccayaṃ. Sace pana sayanakāle rāgapariyuṭṭhito hutvā ūrunā vā muṭṭhinā vā aṅgajātaṃ gāḷhaṃ piḷetvā moccanatthāya sa-ussāhova supati, supantassa cassa asuci muccati, saṃghādiseso. Sace rāgapariyuṭṭhānaṃ asubhamanasikārena vūpasametvā suddhacitto supati, supantassa muttepi anāpatti.

---

1. Muccamāne (Ka)

2. Eva (Si)



Muccanassāde attano dhammatāya muccamānaṃ assādeti na upakkamati, anāpatti. Sace pana muccamānaṃ assādento upakkamati, tena upakkamena mutte saṃghādiseso. Attano dhammatāya muccamāne “mā kāsāvaṃ vā senāsaṇaṃ vā dussi”ti aṅgajātaṃ gahetvā jagganattāya udakaṭṭhānaṃ gacchati, vaṭṭatīti **Mahāpaccariyaṃ** vuttaṃ.

Muttassāde attano dhammatāya mutte ṭhānā cute asucimhi pacchā assādentassa vinā upakkamena muccati, anāpatti. Sace assādetvā puna mocanattāya nimitte upakkamivā moceti, saṃghādiseso.

Methunassāde methunarāgena mātugāmaṃ gaṇhāti, tena payogena asuci muccati, anāpatti. Methunadhammassa payogattā pana tādise gahaṇe dukkaṭaṃ, sīsaṃ patte pārājikaṃ. Sace methunarāgena ratto puna assādetvā mocanattāya nimitte upakkamivā moceti, saṃghādiseso.

Phassassāde duvidho phasso ajjhattiko, bāhiro ca. Ajjhattike tāva attano nimittaṃ thaddhaṃ mudukanti jānissāmīti vā lolabhāvena vā kīlāpayato asuci muccati, anāpatti. Sace kīlāpento assādetvā mocanattāya nimitte upakkamivā moceti, saṃghādiseso. Bāhiraphasse pana kāyasamsaggarāgena mātugāmassa aṅgamaṅgāni parāmasato ceva āliṅgato ca asuci muccati, anāpatti. Kāyasamsaggasaṃghādisesaṃ pana āpajjati. Sace kāyasamsaggarāgena ratto puna assādetvā mocanattāya nimitte upakkamivā moceti, vissaṭṭhipaccayāpi saṃghādiseso.

Kaṇḍuvanassāde daddukacchupīlakapāṇakādīnaṃ aññataravasena kaṇḍuvamānaṃ<sup>1</sup> nimittaṃ kaṇḍuvanassādeneva kaṇḍuvato asuci muccati, anāpatti. Kaṇḍuvanassādena ratto puna assādetvā mocanattāya nimitte upakkamivā moceti, saṃghādiseso.

Dassanassāde dassanassādena punappunaṃ mātugāmassa anokāsaṃ upanijjhāyato asuci muccati, anāpatti. Mātugāmassa anokāsupanijjhāne

---

1. Khajjamānaṃ (Ka)

pana dukkaṭaṃ. Sace dassanassādena ratto puna assādetvā mocanattāya nimitte upakkamivā moceti, saṃghādiseso.

Nisajjassāde mātugāmena saddhiṃ raho nisajjassādarāgena nisinnassa asuci muccati, anāpatti. Raho nisajjapaccayā pana āpannāya āpattiyā kāretabbo. Sace nisajjassādena ratto puna assādetvā mocanattāya nimitte upakkamivā moceti, saṃghādiseso.

Vācassāde vācassādarāgena mātugāmaṃ methunasannissitāhi vācāhi obhāsantassa asuci muccati, anāpatti. Duṭṭhullavācāsaṃghādisesaṃ pana āpajjati. Sace vācassādena ratto puna assādetvā mocanattāya nimitte upakkamivā moceti, saṃghādiseso.

Gehassitapeme mātaraṃ vā mātupemena, bhaginiṃ vā bhaginipemena punappunaṃ parāmasato ceva āliṅgato ca asuci muccati, anāpatti. Gehassitapemena pana phusanapaccayā dukkaṭaṃ. Sace gehassitapemena ratto puna assādetvā mocanattāya nimitte upakkamivā moceti, saṃghādiseso.

Vanabhaṅge itthipurisā aññamaññaṃ kiñciveva tambūlagandhapupphavāsādippakāraṃ paṇṇākāraṃ mittasanthavabhāvassa daḷhabhāvattāya pesenti, ayaṃ vanabhaṅgo nāma. Tañce mātugāmo kassaci saṃsaṭṭhavihārikassa kulūpakabhikkhuno peseti, tassa ca “asukāya nāma idaṃ pesitaṃ”ti sārattassa punappunaṃ hatthehi taṃ vanabhaṅgaṃ kīḷāpayato asuci muccati, anāpatti. Sace vanabhaṅge sāratto puna assādetvā mocanattāya nimitte upakkamivā moceti, saṃghādiseso. Sace upakkamantepi na muccati, thullaccayaṃ.

Evametesāṃ ekādasannaṃ rāgānaṃ vasena ime ekādasa payoge samevekkhitvā āpatti vā anāpatti vā sallakkhetabbā. Sallakkhetvā sace garukā hoti, “garukā”ti ācikkhitabbā. Sace lahukā hoti, “lahukā”ti ācikkhitabbā. Tadanurūpaṅca vinayakammaṃ kātabbaṃ. Evañhi kataṃ sukataṃ hoti roganidānaṃ ñatvā vejjena katabhesajjamiva, tassa ca puggalassa sotthibhāvāya saṃvattati.

262. **Ceteti na upakkamatī**-ādisu mocanassādacetanāya ceteti, na upakkamati, muccati, anāpatti. Mocanassādapīlito “aho

vata mucceyyā”ti ceteti, na upakkamati, na muccati, anāpatti.

Mocanassādena na ceteti, phassassādena, kaṇḍuvanassādena vā upakkamati, muccati, anāpatti. Tatheva na ceteti, upakkamati, na muccati, anāpatti.

Kāmavitakkaṃ vitakkento mocanattāya na ceteti, na upakkamati, muccati, anāpatti. Sace panassa vitakkayatopi na muccati, idaṃ āgatameva hoti “na ceteti na upakkamati na muccati, anāpatti”ti.

**Anāpatti supinantenā**ti suttassa supine methunaṃ dhammaṃ paṭisevantassa viya kāyasamsaggādīni āpajjantassa viya supinantevena kāraṇena yassa asuci muccati, tassa anāpatti. Supine pana uppannāya assādacetanāya sacassa visayo hoti, niccalena bhavittabbaṃ, na hatthena nimittaṃ kīlāpetabbaṃ, kāsāvapaccattharaṇarakkhaṇatthaṃ pana hatthapuṭena gahetvā jagganattāya udakattānaṃ gantuṃ vaṭṭati.

**Namocanādhippāyassā**ti yassa bhesajjena vā nimittaṃ ālimpantassa, uccārādīni vā karontassa namocanādhippāyassa muccati, tassāpi anāpatti. Ummattakassa duvidhassāpi anāpatti. Idha seyyasako ādikammiko, tassa anāpatti ādikammikassāti.

Padabhājanīyavaṇṇanā niṭṭhitā.

Samuṭṭhānādīsu imaṃ sikkhāpadaṃ paṭhamapārājikasamuṭṭhānaṃ kāyacittato samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dvivedanaṃ sukhamajjhattadvayenāti.

263. Vinītavatthūsu **supinavatthu** anupaññattiyaṃ vuttanayameva. **Uccārapassāvavatthūni** uttānatthāneva.

Vitakkavatthusmiṃ **kāmavitakkanti** gehassitakāmavitakkaṃ. Tattha kiñcāpi anāpatti vuttā, atha kho vitakkagatikena na bhavittabbaṃ. **Uṇhodakavatthūsu** paṭhamaṃ uttānameva. Dutiye so bhikkhu mocetukāmo uṇhodakena nimittaṃ paharivā paharivā<sup>1</sup> nhāyi, tenassa āpatti vuttā. Tatiye upakkamassa atthitāya thullaccayaṃ. **Bhesajjakaṇḍuvanavatthūni** uttānatthāneva.

1. Paharivā (Ka)

264. **Maggavatthūsu** paṭhamassa thulla-ūrukassa maggaṃ gacchantassa sambādhaṭṭhāne ghaṭṭanāya asuci mucchi, tassa namocanādhippāyattā anāpatti. Dutiyassa tatheva mucchi, mocanādhippāyattā pana saṅghādiseso. Tatiyassa na mucchi, upakkamasabbhāvato pana thullaccayaṃ. Tasmā maggaṃ gacchantena uppanne pariḷāhe na gantabbaṃ, gamaṇaṃ upacchinditvā asubhādimanasikārena cittaṃ vūpasamētvā suddhacittena kammaṭṭhānaṃ ādāya gantabbaṃ. Sace ṭhito vinodetuṃ na sakkoti, maggā okkamma<sup>1</sup> nisīditvā vinodetvā kammaṭṭhānaṃ ādāya suddhacitteneva gantabbaṃ.

**Vatthivatthūsu** te bhikkhū vatthiṃ daḷhaṃ gahetvā pūretvā pūretvā vissajjentā gāmadārakā viya passāvamaṃsu. **Jantāgharavatthusmiṃ** udaraṃ tāpentassa mocanādhippāyassāpi amocanādhippāyassāpi mutte anāpattiyeva. Parikammaṃ karontassa nimittacālanavasena asuci mucchi, tasmā āpattiṭṭhāne āpatti vuttā.

265. **Ūrughaṭṭāpanavatthūsu** yesaṃ āpatti vuttā, te aṅgajātampi phusāpesunti veditabbāti evaṃ **Kurundaṭṭhakathāyaṃ** vuttaṃ. **Sāmaṇerādivatthūni** uttānatthāneva.

266. Kāyatthambhanavatthusmiṃ **kāyaṃ thambhentassāti** ciraṃ nisīditvā vā nipajjitvā vā navakammaṃ vā katvā ālasiyavimocanattaṃ vijambhentassa.

**Upanijjhāyanavatthusmiṃ** sacepi paṭasataṃ nivatthā hoti, purato vā pacchato vā ṭhatvā “imasmim̐ nāma okāse nimittan”ti upanijjhāyantassa dukkaṭameva. Anivatthānaṃ gāmadārikānaṃ nimittaṃ upanijjhāyantassa pana kimeva vattabbaṃ. Tiracchānagatānampi nimitte eseva nayo. Ito cito ca aviloketvā pana divasampi ekapayogena upanijjhāyantassa ekameva dukkaṭaṃ. Ito cito ca viloketvā punappunaṃ upanijjhāyantassa payoge payoge dukkaṭaṃ. Ummilananimilanavasena pana na kāretabbo. Sahasā upanijjhāyitvā puna paṭisaṅkhāya saṃvare tiṭṭhato anāpatti, taṃ saṃvaram̐ pahāya puna upanijjhāyato dukkaṭameva.

---

1. Okkamitvā (Ka)

267. **Tālacchiddādivatthūni** uttānatthāneva. **Nhānavatthūsu** ye udakasotaṃ nimittena pahariṃsu, tesaṃ āpatti vuttā. **Udañjalavatthūsipi** eseva nayo, ettha ca **udañjalanti** udakacikkhallo vuccati. Eteneva upāyena ito parāni sabbāneva udakedhāvanādivatthūni veditabbāni. Ayaṃ pana viseso, **pupphāvaliyavatthūsu** sacepi namocanādhippāyassa anāpatti, kīlanapaccayā pana dukkaṭaṃ hotīti.

Sukkavissatṭhisikkhāpadavaṇṇanā niṭṭhitā.

## 2. Kāyasaṃsaggasikkhāpadavaṇṇanā

269. **Tena samayena Buddho Bhagavāti** Kāyasaṃsaggasikkhāpadaṃ. Tatrāyaṃ anuttānapadavaṇṇanā—**araññe viharatīti** na āvenike araññe, Jetavanavihārasseva paccante ekapasse. **Majjhe gabbhoti** tassa ca vihārassa majjhe gabbho hoti. **Samantā pariyāgāroti** samantā panassa maṇḍalamāḷaparikkhepo hoti. So kira majjhe caturassaṃ gabbhaṃ katvā bahi maṇḍalamāḷaparikkhepena kato, yathā sakkā hoti antoyeva āviñjantehi<sup>1</sup> vicarituṃ.

**Supaññattanti** suṭṭhu ṭhapitaṃ, yathā yathā, yasmim yasmīṃca okāse ṭhapitaṃ pāsādikam hoti lokarañjakam, tathā tathā tasmim tasmim okāse ṭhapitaṃ, vattasīsena hi so ekakiccampi na karoti. **Ekacce vātapāne vivarantoti** yesu vivaṭesu andhakāro hoti, tāni vivaranto. Yesu vivaṭesu āloko hoti, tāni thakento.

**Evam vutte sā brāhmaṇī taṃ brāhmaṇaṃ etadvocāti** evaṃ tena brāhmaṇena pasamsivā vutte sā brāhmaṇī “pasanno ayaṃ brāhmaṇo pabbajitukāmo maññe”ti sallakkhetvā nigūhitabbampi taṃ attano vippekāraṃ pakāsentī kevalaṃ tassa saddhāvighātāpekkhā hutvā etaṃ “**kuto tassa uḷārattatā**”ti-ādivacanavoca. Tattha uḷāro attā assāti **uḷārattā**, uḷārattano bhāvo uṭṭhārattatā. **Kulitthīhīti**-ādisu kulitthiyo nāma gharassāminiyo. **Kuladhītarō**<sup>2</sup> nāma purisantaragatā

1. Āvijjhantehi (Syā) āviñchantehi (Ka)

2. Kuladhītā (Ka)

kuladhītaro. **Kulakumāriyo** nāma anividdhā<sup>1</sup> vuccanti. **Kulasuṇhā** nāma parakulato ānītā kuladārakānaṃ vadhuvo.

270. **Otiṇṇoti** yakkhādīhi viya sattā anto uppajjanena rāgena otiṇṇo, kūpādīni viya sattā asamapekkhitvā rajanīye ṭhāne rajjanto sayam vā rāgaṃ otiṇṇo. Yasmā pana ubhayathāpi rāgasamaṅgissevetaṃ adhivacanaṃ, tasmā “otiṇṇo nāma sāratto apekkhavā paṭibaddhacitto”ti evamassa padabhājanaṃ vuttaṃ.

Tattha **sārattoti** kāyasaṃsaggarāgena suṭṭhu ratto. **Apekkhavāti** kāyasaṃsaggāpekkhāya apekkhavā. **Paṭibaddhacittoti** kāyasaṃsaggarāgeneva tasmim vatthusmim paṭibaddhacitto. **Vipariṇatenāti** parisuddhabhavaṅgasantatisaṅkhātāṃ pakatiṃ vijahitvā aññathā pavattena, virūpaṃ vā pariṇatena virūpaṃ parivattena, yathā parivattamānaṃ virūpaṃ hoti, evaṃ parivattitvā ṭhitenāti adhippāyo.

271. Yasmā panetaṃ rāgādīhi sampayogaṃ nātivattati, tasmā “**vipariṇatanti rattampi cittaṃ**”ti-ādinā nāyenaṃ padabhājanaṃ vatvā ante idhādhippetamatthaṃ dassento “**apica rattaṃ cittaṃ imasmim atthe adhippetam vipariṇatan**”ti āha.

**Tadahujātāti** taṃdivasaṃ jātā, jātamattā allamaṃsapesivaṇṇā. Evarūpāyapi hi saddhim kāyasaṃsagge saṅghādiseso, methunavītikkame pārājikaṃ, raho nisajjassāde pācittiyaṅca hoti. **Pagevāti** paṭhamameva.

**Kāyasaṃsaggaṃ samāpajjeyyāti** hatthaggaṇādīkāyasampayogaṃ kāyamiṣṭhāvaṃ samāpajjeyya. Yasmā panetaṃ samāpajjantassa yo so kāyasaṃsaggo nāma, so atthato ajjhācāro hoti rāgavasena abhibhavitvā saññamavelaṃ ācāro, tasmāssa saṅkhepena atthaṃ dassento “**ajjhācāro vuccatī**”ti padabhājanamāha.

**Hatthaggaṇam vāti**-ādibhedam panassa vitthārena atthadassanaṃ. Tattha hatthādīnaṃ vibhāgadassanatthaṃ “**hattho nāma kapparam upādāyā**”ti-ādimāha. Tattha **kapparam upādāyāti** dutiyaṃ mahāsandhim upādāya. Aññattha pana

---

1. Anibbiṭṭhā (Sī), aniviṭṭhā (Syā)

maṇibandhato paṭṭhāya yāva agganakhā hattho, idha saddhim aggabāhāya kapparato paṭṭhāya adhippeto.

**Suddhakesā vāti**<sup>1</sup> suttādīhi amissā suddhā kesāyeva<sup>2</sup>. **Veṇīti** tīhi kesavaṭṭīhi vinandhitvā katakesakalāpassetaṃ nāmaṃ. **Suttamissāti** pañcavaṇṇena suttana kese missetvā katā. **Mālāmissāti** vassikapupphādīhi missetvā tīhi kesavaṭṭīhi vinandhitvā katā, avinaddhopi vā kevalaṃ pupphamissako kesakalāpo idha “veṇī”ti veditabbo. **Hiraññamissāti** kahāpaṇamālāya missetvā katā. **Suvaṇṇamissāti** suvaṇṇacīrakehi vā pāmaṅgādīhi vā missetvā katā. **Muttāmissāti** muttāvalīhi missetvā katā. **Maṇimissāti** suttārūḷhehi maṇīhi missetvā katā. Etāsu hi yaṃkiñci veṇim gaṇhantassa saṃghādisesoyeva, “ahaṃ missakaveṇim aggaheṣin”ti vadantassa makkho natthi. Veṇiggahaṇena cettha kesāpi gahitāva honti. Tasmā yo ekampi kesāṃ gaṇhāti, tassapi āpattiyeva.

**Hatthañca veṇiñca ṭhapetvāti** idha vuttalakkhaṇaṃ hatthañca sabbappakārañca veṇim ṭhapetvā avasesaṃ sarīraṃ “aṅgaṃ”ti veditabbaṃ. Evaṃ paricchinesu hatthādīsu hatthassa gahaṇaṃ **hatthaggaḥo**, veṇiyā gahaṇaṃ **veṇiggāho**, avasesasarīrassa parāmasanaṃ **aññatarassa vā aññatarassa vā aṅgassa parāmasanaṃ**. Yo taṃ hatthaggaḥaṃ vā veṇiggāhaṃ vā aññatarassa vā aññatarassa vā aṅgassa parāmasanaṃ samāpajjeyya, tassa saṃghādiseso nāma āpattinikāyo hotīti ayaṃ sikkhāpadassa attho.

272. Yasmā pana yo ca hatthaggaḥo, yo ca veṇiggāho, yañca avasesassa aṅgassa parāmasanaṃ, taṃ sabbampi bhedato dvādasavidhaṃ hoti. Tasmā taṃ bhedaṃ dassetuṃ “**āmasanā parāmasanā**”ti-ādinā nāyenaṃ padabhājanaṃ vuttaṃ. Tattha yañca vuttaṃ “**āmasanā nāma āmaṭṭhamattā**”ti, yañca “**chupanaṃ nāma phuṭṭhamattan**”ti, imesaṃ ayaṃ viṣeso—**āmasanā**ti āmajjanā phuṭṭhokāsaṃ anatikkamitvāpi tattheva saṅghaṭṭanā. Ayañhi “**āmaṭṭhamattā**”ti vuccati. **Chupananti** asaṅghaṭṭetvā phuṭṭhamattaṃ.

1. Suddhakesānaṃ vāti (Sī, Syā) 2. Amissānaṃ suddhānaṃ kesānaṃyeva (Sī, Syā)

Yampi ummasanāya ca ullaṅghanāya ca niddese “**uddhaṃ uccāraṇā**”<sup>1</sup>ti ekameva padaṃ vuttaṃ, tatrāpi yaṃ viśeso—paṭhamāṃ attano kāyassa itthiyā kāye uddhaṃ pesanavasena<sup>1</sup> vuttaṃ, dutiyaṃ itthiyā kāyaṃ ukkhipanavasena. Sesāṃ pākaṭameva.

273. Idāni yvāyaṃ otiṇṇo vipariṇatena cittena kāyasāmsaggaṃ samāpajjati, tassa etesaṃ padānaṃ vasena vitthārato āpattibhedāṃ dassento “**itthī ca hoti itthisaññī sāratto ca, bhikkhu ca naṃ itthiyā kāyena kāyaṃ**”<sup>2</sup>ti-ādimāha. Tattha **bhikkhu ca naṃ itthiyā kāyena kāyanti** so sāratto ca itthisaññī ca bhikkhu attano kāyena. **Nanti** nipātamattaṃ. Atha vā etaṃ tassā itthiyā hatthādibhedāṃ kāyaṃ. **Āmasati parāmasatī**ti etesu ce ekenāpi ākārena ajjhācarati, āpatti saṃghādisesassa. Tattha sakim āmasato ekā āpatti, punappunaṃ āmasato payoge payoge saṃghādiseso.

**Parāmasantopi** sace kāyato amocetvāva ito cito ca attano hatthaṃ vā kāyaṃ vā saṅcopeneti, harati peseti, divasampi parāmasato ekāva āpatti. Sace kāyato mocetvā mocetvā parāmasati, payoge payoge āpatti.

**Omasantopi** sace kāyato amocetvāva itthiyā matthakato paṭṭhāya yāva pādapiṭṭhim omasati, ekāva āpatti. Sace pana udarādīsu taṃ taṃ ṭhānaṃ patvā muñcitvā muñcitvā omasati, payoge payoge āpatti. **Ummasānāyapi** pādato paṭṭhāya yāva sīsaṃ ummasantassa eseva nayo.

**Olaṅghanāya** mātuḡāmaṃ kesesu gahetvā nāmetvā<sup>2</sup> cumbanādīsu yaṃ ajjhācāraṃ icchati, taṃ katvā muñcato ekāva āpatti. Uṭṭhitāṃ punappunaṃ nāmayato payoge payoge āpatti. **Ullaṅghanāyapi** kesesu vā hatthesu vā gahetvā uṭṭhāpayato eseva nayo.

**Ākaḍḍhanāya** attano abhimukhaṃ ākaḍḍhanto yāva na muñcati, tāva ekāva āpatti. Muñcitvā muñcitvā ākaḍḍhantassa payoge payoge āpatti. **Patikaḍḍhanāyapi** parammukhaṃ piṭṭhiyaṃ gahetvā paṭippanāmayato eseva nayo.

---

1. Phusanavasena (Syā)

2. Onāmetvā (Syā)



**Abhiniggaṇḥanāya** hatthe vā bāhāya vā dalhaṃ gahetvā yojanampi gacchato ekāva āpatti. Muñcitvā punappunāṃ gaṇhato payoge payoge āpatti. Amuñcitvā punappunāṃ phusato ca āliṅgato ca payoge payoge āpattīti **Mahāsumatthero** āha. **Mahāpadumatthero** panāha “mūlaggaṇḥameva pamāṇaṃ, tasmā yāva na muñcati, tāva ekā eva āpattī”ti.

**Abhinippīlanāya** vatthena vā ābharaṇena vā saddhim pīlayato aṅgaṃ aphasantassa thullaccayaṃ, phusantassa saṃghādiseso. Ekapayogena ekā āpatti, nānāpayogena nānā.

**Gahaṇachupanesu** aññaṃ kañci vikāraṃ akarontopi gahitamattaphuṭṭhamattenāpi āpattiṃ āpajjati.

Evametesu āmasanādisu ekenāpi ākārena ajjhācārato itthiyā itthisaññissa saṃghādiseso, vematikassa thullaccayaṃ. Paṇḍakapurisatiracchānagatasaññissāpi thullaccayameva. Paṇḍake paṇḍakasaññissa thullaccayaṃ, vematikassa dukkaṭaṃ. Purisatiracchānagata-itthisaññissāpi dukkaṭameva. Purise purisasaññissāpi vematikassāpi itthipaṇḍakatiracchānagatasaññissāpi dukkaṭameva. Tiracchānagatepi sabbākārena dukkaṭamevāti.

274. Imā ekamūlakanāye vuttā āpattiyo sallakkhetvā imināva upāyena “**dve itthiyo dvinnāṃ itthīnan**”ti-ādivasena vutte dumūlakanāyepi diguṇā āpattiyo veditabbā. Yathā ca dvīsu itthīsu dve saṃghādisesā, evaṃ sambahulāsu sambahulā veditabbā.

Yo hi ekato ṭhitā sambahulā itthiyo bāhāhi parikkhipitvā gaṇhāti, so yattakā itthiyo phuṭṭhā, tāsāṃ gaṇanāya saṃghādisese āpajjati, majjhagatānaṃ gaṇanāya thullaccaye. Tā hi tena kāyappaṭibaddhena āmaṭṭhā honti. Yo pana sambahulānaṃ aṅguliyo vā kese vā ekato katvā gaṇhāti, so aṅguliyo ca kese ca agaṇetvā itthiyo gaṇetvā saṃghādisesehi kāretabbo. Yāsaṅca itthīnaṃ aṅguliyo vā kesā vā majjhagatā honti, tāsāṃ gaṇanāya thullaccaye āpajjati. Tā hi tena kāyappaṭibaddhena āmaṭṭhā honti, sambahulā pana itthiyo kāyappaṭibaddhehi rajjuvatthādīhi parikkhipitvā gaṇhanto

sabbāsaṃyeva antoparikkhepagatānaṃ gaṇanāya thullaccaye āpajjati. **Mahāpaccariyaṃ** aphuṭṭhāsu dukkaṭaṃ vuttaṃ. Tattha yasmā Pāḷiyaṃ kāyappaṭibaddhappaṭibaddhena āmasanaṃ nāma natthi, tasmā sabbampi kāyappaṭibaddhappaṭibaddhaṃ kāyappaṭibaddheneva saṅgahetvā **Mahā-aṭṭhakathāyaṇca Kurundiyaṇca** vutto purimanayoyevettha<sup>1</sup> yuttataro dissati.

Yo hi hatthena hatthaṃ gahetvā paṭipāṭiyā ṭhitāsu itthīsu samasārāgo ekaṃ hatthe gaṇhāti, so gahititthiyā vasena ekaṃ saṅghādisesaṃ āpajjati, itarāsaṃ gaṇanāya purimanayeneva thullaccaye. Sace so taṃ kāyappaṭibaddhe vatthe vā pupphe vā gaṇhāti, sabbāsaṃ gaṇanāya thullaccaye āpajjati. Yatheva hi rajjuvatthādīhi parikkhipantena sabbāpi kāyappaṭibaddhena āmaṭṭhā honti, tathā idhāpi sabbāpi kāyappaṭibaddhena āmaṭṭhā honti. Sace pana tā itthiyo aññamaññaṃ vatthakoṭṭiyā gahetvā ṭhitā honti, tatra ceso purimanayeneva paṭhamāṃ itthim hatthe gaṇhāti, gahitāya vasena saṅghādisesaṃ āpajjati, itarāsaṃ gaṇanāya dukkaṭāni. Sabbāsaṃ hi tāsāṃ tena purimanayeneva kāyappaṭibaddhena kāyappaṭibaddhaṃ āmaṭṭhaṃ hoti. Sace pana sopi taṃ kāyappaṭibaddheyeva gaṇhāti, tassa vasena thullaccayaṃ āpajjati, itarāsaṃ gaṇanāya anantaranayeneva dukkaṭāni.

Yo pana ghanavathanivatthaṃ itthim kāyasaṃsaggarāgena vatthe ghaṭṭeti, thullaccayaṃ. Virāḷavathanivatthaṃ ghaṭṭeti, tatra ce vatthantarehi itthiyā vā nikkhantalomāni bhikkhuṃ, bhikkhuno vā pavīṭṭhalomāni itthim phusanti, ubhinnaṃ lomāniyeva vā lomāni phusanti, saṅghādiseso. Upādinnakena hi kammajarūpena upādinnakaṃ vā anupādinnakaṃ vā, anupādinnakenapi kenaci kesādinā upādinnakaṃ vā anupādinnakaṃ vā phusantopi saṅghādisesaṃ āpajjatiyeva.

Tattha **Kurundiyaṃ** “lomāni gaṇetvā saṅghādiseso”ti vuttaṃ. **Mahā-aṭṭhakathāyaṃ** pana “lomāni gaṇetvā āpattiyā na kāretabbo, ekameva saṅghādisesaṃ āpajjati. Saṅghikamañce pana apaccattharivā nipanno lomāni gaṇetvā kāretabbo”ti vuttaṃ, tadeva yuttaṃ. Itthivasena hi ayaṃ āpatti, na koṭṭhāsavasenāti.

---

1. Purimanayova cettha (Sī), purimanayo cettha (Syā)

Etthāya “yo pana ‘kāyappaṭibaddham gaṇhissāmī’ti kāyam gaṇhāti, ‘kāyam gaṇhissāmī’ti kāyappaṭibaddham gaṇhāti, so kim āpajjati”ti.

**Mahāsumatthero** tāva “yathāvatthukamevā”ti vadati. Ayaṃ kirassa laddhi—

“Vatthu saññā ca rāgo ca, phassappaṭivijānanā.  
Yathānidḍiṭṭhaniddese, garukaṃ tena kāraye”ti.

Ettha **vatthū**ti itthī. **Saññā**ti itthisaññā. **Rāgo**ti kāyasamsaggarāgo. **Phassappaṭivijānanā**ti kāyasamsaggaḥassajānanā. Tasmā yo itthiyā itthisaññī kāyasamsaggarāgena “kāyappaṭibaddham gaṇhissāmī”ti pavattopi kāyam phusati, garukaṃ saṃghādisesamyeva āpajjati. Itaropi thullaccayanti. **Mahāpadumatthero** panāha—

“Saññāya virāgitamhi, gahaṇe ca virāgite.  
Yathānidḍiṭṭhaniddese, garukaṃ tattha na dissati”ti.

Assāpāyam laddhi—itthiyā itthisaññino hi saṃghādiseso vutto. Iminā ca itthisaññā virāgitā, kāyappaṭibaddhe kāyappaṭibaddhasaññā uppādītā, taṃ gaṇhantassa pana thullaccayam vuttam. Iminā ca gahaṇampi virāgitam, taṃ aggahetvā itthī gahitā. Tasmā ettha itthisaññāya abhāvato saṃghādiseso na dissati, kāyappaṭibaddhassa aggahitattā thullaccayam na dissati, kāyasamsaggarāgena phuṭṭhattā pana dukkaṭam. Kāyasamsaggarāgena hi idaṃ nāma vatthum phusato anāpattīti natthi, tasmā dukkaṭamevāti.

Idaṃca pana vatvā idaṃ catukkamāha “sārattam gaṇhissāmī”ti sārattam gaṇhi, saṃghādiseso, ‘virattam gaṇhissāmī’ti virattam gaṇhi, dukkaṭam, ‘sārattam gaṇhissāmī’ti virattam gaṇhi, dukkaṭam, ‘virattam gaṇhissāmī’ti sārattam gaṇhi, dukkaṭamevā”ti. Kiñcāpi evamāha, atha kho **Mahāsumattheravādo**yevettha “itthī ca hoti itthisaññī, sāratto ca, bhikkhu ca naṃ itthiyā kāyena kāyappaṭibaddham āmasati parāmasati -pa- gaṇhāti chupati, āpatti thullaccayassā”ti imāya Pāliya, “yo hi ekato ṭhitā sambahulā itthiyo bāhāhi parikkhipitvā gaṇhāti, so yattakā itthiyo phuṭṭhā, tāsam gaṇanāya saṃghādisese āpajjati,

majjhagatānaṃ gaṇanāya thullaccaye”ti-ādīhi Aṭṭhakathāvinicchayehi ca sameti. Yadi hi saññādivirāgena virāgitam nāma bhavye “paṇḍako ca hoti itthisaññī”ti-ādīsu viya “kāyappaṭibaddhañca hoti kāyasaññī cā”ti-ādināpi nayena Pāḷiyā visesaṃ vadeyya. Yasmā pana so na vutto, tasmā itthiyā itthisaññāya sati itthim āmasantassa saṃghādiseso, kāyappaṭibaddham āmasantassa thullaccayanti yathāvatthukameva yujjati.

**Mahāpaccariyampi** cetam vuttam “nīlam pārupitvā sayitāya kālitthiyā kāyam ghaṭṭessāmīti kāyam ghaṭṭeti, saṃghādiseso, kāyam ghaṭṭessāmīti nīlam ghaṭṭeti, thullaccayam, nīlam ghaṭṭessāmīti kāyam ghaṭṭeti, saṃghādiseso, nīlam ghaṭṭessāmīti nīlam ghaṭṭeti, thullaccayan”ti.

275. Yopāyam “**itthī ca paṇḍako cā**”ti-ādinā nayena vatthumissakanayo vutto, tasmimpi vatthusaññāvimativasena vuttā āpattiyo Pāḷiyam asammyahantena veditabbā.

276. Kāyena kāyappaṭibaddhavāre pana itthiyā itthisaññissa kāyappaṭibaddham gaṇhato thullaccayam, sese sabbattha dukkaṭam. Kāyappaṭibaddhenakāyavārepi eseva nayo. Kāyappaṭibaddhenakāyappaṭibaddhavāre ca nissaggiyenakāyavārādīsu cassa sabbattha dukkaṭameva.

277. “Itthī ca hoti itthisaññī, sāratto ca, itthī ca nam bhikkhussa kāyena kāyan”ti-ādivāro pana bhikkhumhi mātuḡāmassa rāgavasena vutto. Tattha **itthī ca nam bhikkhussa kāyena kāyanti** bhikkhumhi sārattā itthī tassa nisinnokāsaṃ vā nipannokāsaṃ vā gantvā attano kāyena tam bhikkhussa kāyam āmasati -pa- chupati. **Sevanādhippāyo kāyena vāyamati, phassaṃ paṭivijānāti** evam tāya āmaṭṭho vā chupito vā sevanādhippāyo hutvā sace phassappaṭivijānanattham īsakampi kāyam cāleti phandeti, saṃghādisesaṃ āpajjati.

**Dve itthiyoti** ettha dve saṃghādisese āpajjati, itthiyā ca paṇḍake ca saṃghādisesena saha dukkaṭam. Etena upāyena yāva “**nissaggiyena nissaggiyam āmasati, sevanādhippāyo kāyena vāyamati, na ca phassaṃ paṭivijānāti, āpatti dukkaṭassā**”ti, tāva purimanayeneva āpattibhedo veditabbo.

278. Ettha ca **kāyena vāyamati, na ca phassaṃ paṭivijānāti** attanā nissaṭṭhaṃ pupphaṃ vā phalaṃ vā itthiṃ attano nissaggiyena pupphena vā phalena vā paharantiṃ disvā kāyena vikāraṃ karoti, aṅgulim vā cāleti, bhamukaṃ vā ukkhipati, akkhiṃ vā nikhaṇati, aññaṃ vā evarūpaṃ vikāraṃ karoti, ayaṃ vuccati “kāyena vāyamati, na ca phassaṃ paṭivijānāti”ti. Ayampi kāyena vāyamtattā dukkaṭaṃ āpajjati. Dvīsu itthīsu dve. Itthipaṇḍakesupi dve eva dukkaṭe āpajjati.

279. Evaṃ vatthivasena vitthārato āpattibhedanā dassetvā idāni lakkhaṇavasena saṅkhepato āpattibhedanā anāpattibhedanā dassento “**sevanādhippāyo**”ti-ādīmāha. Tattha purimanaye itthiyā phuṭṭho samāno sevanādhippāyo kāyena vāyamati, phassaṃ paṭivijānāti tivaṅgasampattiyā saṃghādiseso. Dutiye naye nissaggiyena nissaggiyāmasane viya, vāyamtivā achupane viya ca phassassa appaṭivijānanato duvaṅgasampattiyā dukkaṭaṃ. Tatiye kāyena avāyamato anāpatti. Yo hi sevanādhippāyopi niccalena kāyena kevalaṃ phassaṃ paṭivijānāti sādīyati anubhoti, tassa cittuppādamatte āpattiyā abhāvato anāpatti. Catutthe pana nissaggiyena nissaggiyāmasane viya phassappaṭivijānanāpi natthi, kevalaṃ cittuppādamattameva, tasmā anāpatti. Mokkhādhippāyassa sabbākāresu anāpattiyeva.

Ettha pana yo itthiyā gahito taṃ attano sarīrā mocetukāmo paṭippaṇāmeti vā paharati vā, ayaṃ kāyena vāyamati, phassaṃ paṭivijānāti. Yo āgacchantiṃ disvā tato muccitukāmo uttāsetvā palāpeti, ayaṃ kāyena vāyamati, na ca phassaṃ paṭivijānāti. Yo tādisaṃ dīghajātiṃ kāye ārūlhaṃ disvā “saṅikaṃ gacchatu, ghaṭṭiyamānā anattāya saṃvatteyyā”ti na ghaṭṭeti, itthimeva vā aṅgaṃ phusamānaṃ ñatvā “esā ‘anattiko ayaṃ mayā’ti sayameva pakkamissatī”ti ajānanto viya niccalo hoti, balavitthiyā vā gālhaṃ āliṅgitvā gahito daharabhikkhu palāyitukāmopi suṭṭhu gahitattā niccalo hoti, ayaṃ na ca kāyena vāyamati, phassaṃ paṭivijānāti. Yo pana āgacchantiṃ disvā “āgacchatu tāva, tato naṃ paharivā vā

paṇāmetvā vā pakkamissāmī”ti niccalo hoti, ayaṃ mokkhādhippāyo na ca kāyena vāyamati, na ca phassaṃ paṭivijānātīti veditabbo.

280. **Asañciccāti** “iminā upāyena imaṃ phusissāmī”ti<sup>1</sup> acetetvā, evañhi acetetvā pattappaṭiggahaṇādīsu mātugāmassa aṅge phuṭṭhepi anāpatti.

**Asatiyāti** aññavihito hoti, “mātugāmaṃ phusāmī”ti sati natthi, evaṃ asatiyā hatthapādapasāraṇādīkāle phusantassa anāpatti.

**Ajānantassāti** dārakavesena ṭhitaṃ dārikaṃ “itthī”ti ajānanto kenacideva karaṇīyena phusati, evaṃ “itthī”ti ajānantassa phusato anāpatti.

**Asādiyantassāti** kāyasaṃsaggaṃ asādiyantassa, tassa bāhāparamparāya nītabhikkhussa viya anāpatti. Ummattakādayo vuttanayā-eva. Idha pana Udāyitthero ādikammiko, tassa anāpatti ādikammikassāti.

Padabhājanīyavaṇṇanā niṭṭhitā.

Samuṭṭhānādīsu idaṃ sikkhāpadaṃ paṭhamapārājikasamuṭṭhānaṃ kāyacittato samuṭṭhāti, kiriyam, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dvivedanaṃ sukhamajjhattadvayenāti.

281. Vinītavatthūsu **mātuyā mātupemenāti** mātupemena mātuyā kāyaṃ āmasi. Esa nayo **dhītubhaginivatthūsu**. Tattha yasmā mātā vā hotu dhītā vā, itthī nāma sabbāpi brahmacariyassa pāripanthikāva<sup>2</sup>. Tasmā “ayaṃ me mātā, ayaṃ me dhītā, ayaṃ me bhagini”ti gehassitapemena āmasatopi dukkaṭameva vuttaṃ.

Imaṃ pana Bhagavato āṇaṃ anussarantena sacepi nadīsotena vuyhamānaṃ mātaraṃ passati, neva hatthena parāmasitabbā. Paṇḍitena pana bhikkhunā nāvā vā phalakaṃ vā kadalikkhandho vā dārukkhandho vā upasaṃharitabbo. Tasmim asati kāsāvampi upasaṃharitvā purato ṭhapetabbaṃ,

1. Phusāmīti (Sī)

2. Paribandhikāva (Ka)

“ettha gaṇhāhī”ti pana na vattabbā. Gahite parikkhāraṃ kaḍḍhāmīti kaḍḍhantena gantabbaṃ. Sace bhāyati, purato purato gantvā “mā bhāyī”ti samassāsetabbā. Sace bhāyamānā puttassa sahasā khandhe vā abhiruhati, hatthe vā gaṇhāti, na “apehi mahallike”ti niddhunitabbā, thalaṃ pāpetabbā. Kaddame laggāyapi kūpe patitāyapi eseva nayo.

Tatrapī hi yottaṃ vā vatthaṃ vā pakkhipitvā hatthena gahitabhāvaṃ ñatvā uddharitabbā, natveva āmasitabbā. **Na kevalañca mātugāmassa sarīrameva anāmāsaṃ**, nivāsanapāvuraṇampi ābharaṇabhaṇḍampi tiṇaṇḍupakaṃ vā tālapaṇṇamuddikaṃ vā upādāya anāmāsameva. Tañca kho nivāsanapārūpanaṃ piḷandhanatthāya ṭhapitameva. Sace pana nivāsaṇaṃ vā pārūpanaṃ vā parivattetvā cīvaratthāya pādamaṅgale ṭhapeti, vaṭṭati. Ābharaṇabhaṇḍesu pana sīsapasādhanakadantasūci-ādīkappiyabhaṇḍaṃ “imaṃ bhante tumhākaṃ gaṇhathā”ti diyyamānaṃ sipāṭīkāsūci-ādi-upakaraṇatthāya gahetabbaṃ. Suvaṇṇarajataṃ muttādīmaṃ pana anāmāsameva, diyyamānaṃ na gahetabbaṃ. Na kevalañca etāsaṃ sarīrūpagameva anāmāsaṃ, itthisaṇṭhānena kataṃ kaṭṭharūpampi dantarūpampi ayaṇṇarūpampi loharūpampi tipurūpampi potthakarūpampi sabbaratanarūpampi antamaso piṭṭhamayaṇṇarūpampi anāmāsameva. Paribhogatthāya pana “idaṃ tumhākaṃ hotū”ti labhitvā ṭhapetvā sabbaratanamayaṇṇaṃ avasesaṃ bhinditvā upakaraṇārahaṃ upakaraṇe, paribhogārahaṃ paribhoge upanetuṃ vaṭṭati.

Yathā ca itthirūpakaṃ, evaṃ **sattavidhampi dhaññaṃ** anāmāsaṃ. Tasmā khettamajjhena gacchatā tatthajātakampi dhaññaṃ phalaṃ na āmasantena gantabbaṃ. Sace gharadvāre vā antarāmagge vā dhaññaṃ pasāritaṃ hoti, passena ca maggo atthi, na maddantena gantabbaṃ. Gamanamagge asati maggaṃ adhiṭṭhāya gantabbaṃ. Antaragghare dhaññaṃ upari āsanaṃ paññaṇṇapetvā denti, nisīdituṃ vaṭṭati. Keci āsanaṃ sālāyaṃ dhaññaṃ ākiranti, sace sakkā hoti harāpetuṃ, harāpetabbaṃ, no ce, ekamantaṃ dhaññaṃ amaddantena piṭṭhakaṃ paññaṇṇapetvā nisīditabbaṃ. Sace okāso na hoti, manussā dhaññaṃ majjheyeva āsanaṃ paññaṇṇapetvā denti, nisīditabbaṃ. Tatthajātakāni muggamāsādīni aparāṇṇānīpi tālapanaṃ sādīni vā phalāni kīḷantena na āmasitabbāni. Manussehi rāsikatesupi eseva nayo. Araññe pana rukkhato patitāni phalāni “anupasampannānaṃ dassāmī”ti gaṇhituṃ vaṭṭati.

Muttā maṇi veḷuriyo saṅkho silā pavāḷam<sup>1</sup> rajataṃ jātarūpaṃ lohitaṅko<sup>2</sup> masāragallanti imesu **dasasu ratanesu muttā** adhotā anividdhā yathājātāva āmasitum vaṭṭati. Sesā anāmāsāti vadanti. **Mahāpaccariyaṃ** pana “muttā dhotāpi adhotāpi anāmāsā, bhaṇḍamūlatthāya ca sampaṭicchitum na vaṭṭati. Kuṭṭharogassa bhesajjathāya pana vaṭṭatī”ti vuttaṃ. Antamaso jātiphalikaṃ upādāya sabbopi nīlapītādivaṇṇabhedo **maṇi** dhotaviddhavaṭṭito anāmāso, yathājāto pana ākaramutto pattādibhaṇḍamūlattham sampaṭicchitum vaṭṭatīti vutto, sopi **Mahāpaccariyaṃ** paṭikkhitto. Pacitvā kato kācamaṇiyevevo vaṭṭatīti vutto. **Veḷuriyepi** maṇisadisova vinicchayo.

**Saṅkho** dhamanasāṅkho ca dhotaviddho ca ratanamisso anāmāso. Pāṇiyasaṅkho dhotopi adhotopi āmāsova. Sesañca añjanādibhesajjathāyapi bhaṇḍamūlatthāyapi sampaṭicchitum vaṭṭati. **Silā** dhotaviddhā ratanasāmyuttā muggavaṇṇāva anāmāsā. Sesā satthakanisānādi-atthāya<sup>3</sup> gaṇhitum vaṭṭati. Ettha ca **ratanasāmyuttā**ti suvaṇṇena saddhiṃ yojetvā pacitvā katāti vadanti. **Pavāḷam** dhotaviddham anāmāsam. Sesam āmāsam, bhaṇḍamūlatthañca sampaṭicchitum vaṭṭati. **Mahāpaccariyaṃ** pana “dhotampi adhotampi sabbam anāmāsam, na ca sampaṭicchitum vaṭṭatī”ti vuttaṃ.

**Rajataṃ, jātarūpañca** katabhaṇḍampi akatabhaṇḍampi sabbena sabbam bījato paṭṭhāya anāmāsañca asampaṭicchiañca. Uttaraṛājaputto kira suvaṇṇacetiyaṃ kāretvā **Mahāpadumattherassa** pesesi. Thero “na kappatī”ti paṭikkhipi. Cetiyaḡhare suvaṇṇapadumasuvaṇṇabubbulaḡkāḡḡāni honti, etānīpi anāmāsāni. Cetiyaḡharagopakā pana rūpiyaḡhaḡḡakāṭṭhāne ṭhitā, tasmā tesam keḡḡapayitum vaṭṭatīti vuttaṃ. **Kurundiyaṃ** pana taṃ paṭikkhittaṃ. Suvaṇṇacetiye kacavameva haritum vaṭṭatīti ettakameva anuññātaṃ. Ārakūḡalohampi<sup>4</sup> jātarūpagatikameva anāmāsanti **sabba-aṭṭhakathāsu** vuttaṃ. Senāsanaparibhogo pana sabbakappiyo, tasmā jātarūparajatamayā sabbepi senāsanaparikkhārā āmāsā. Bhikkhūnaṃ dhammavinayavaṇṇanaṭṭhāne

1. Pavāḷam (Ka)

2. Lohitaṅgo (Ka), lohitaḡo (Syā)

3. Satthakanisadādi-atthāya (Syā, Ka)

4. Hārakūḡalohampi (Sī)



ratanamaṇḍape karonti phalikatthambhe ratanadāmapaṭimaṇḍite. Tattha sabbūpakaraṇāni bhikkhūnaṃ paṭijaggituṃ vaṭṭati.

**Lohitaṅkamasāragallā** dhotaviddhā anāmāsā, itare āmāsā, bhaṇḍamūlatthāya vaṭṭantīti vuttā. **Mahāpaccariyaṃ** pana “dhotāpi adhotāpi sabbaso anāmāsā, na ca sampaṭicchituṃ vaṭṭantī”ti vuttam.

**Sabbaṃ āvudhabhaṇḍaṃ** anāmāsam, bhaṇḍamūlatthāya diyyamānampi na sampaṭicchitabbaṃ. Sathavaṇijjā nāma na vaṭṭati. Suddhadhanudaṇḍopi dhanujyāpi patodopi aṅkusopi antamaso vāsipharasu-ādīnipi āvudhasaṅkhepena katāni anāmāsāni. Sace kenaci vihāre satti vā tomaro vā ṭhapito hoti, vihāraṃ jaggantena “harantū”ti sāmikānaṃ pesetabbaṃ. Sace na haranti, taṃ acālentena vihāro paṭijaggitabbo. Yuddhabhūmiyaṃ patitaṃ asim vā sattiṃ vā tomaraṃ vā disvā pāsāṇena vā kenaci vā asim bhindivā sathakatthāya gahetuṃ vaṭṭati. Itarānipi viyojetvā kiñci sathakatthāya gahetuṃ vaṭṭati, kiñci kattaradaṇḍādi-atthāya. “Idaṃ gaṇhathā”ti diyyamānaṃ pana “vināsetvā kappiyabhaṇḍaṃ karissāmī”ti sabbampi sampaṭicchituṃ vaṭṭati.

**Macchajālapakkhijālādīnipi phalakaajālikādīni saraparittāṇānipi** sabbāni anāmāsāni. Paribhogatthāya labbhamānesu pana jālaṃ tāva “āsanassa vā cetiyassa vā upari bandhissāmi, chattaṃ vā veṭhessāmi”ti gahetuṃ vaṭṭati. Saraparittāṇaṃ sabbampi bhaṇḍamūlatthāya sampaṭicchituṃ vaṭṭati. Parūparodhanivāraṇaṃ hi etaṃ, na uparodhakaranti. Phalakaṃ “dantakaṭṭhabhājanaṃ karissāmī”ti gahetuṃ vaṭṭati.

**Cammavinaddhāni vīṇābheri-ādīni** anāmāsāni. **Kurundiyaṃ** pana “bherisaṅghāṭopi vīṇasaṅghāṭopi tucchapokkharampi mukhavaṭṭiyaṃ āropitacammampi vīṇādaṇḍakopi sabbaṃ anāmāsaṃ”ti vuttam. Onahituṃ vā onahāpetuṃ vā vādetuṃ vā vādāpetuṃ vā na labbhatiyeva. Cetiyaṅgaṇe pūjaṃ katvā manussehi chaḍḍitaṃ disvāpi acāletvāva antarantare sammajjitabbaṃ, kacavarachaḍḍanakāle pana kacavaraniyāmeneva haritvā ekamantaṃ nikkhipituṃ vaṭṭatīti **Mahāpaccariyaṃ** vuttam. Bhaṇḍamūlatthāya sampaṭicchitumpi vaṭṭati. Paribhogatthāya labbhamānesu pana vīṇādoṇikaṅca bheripokkharaṅca

dantakaṭṭhabhājanam karissāma, cammam satthakakosakanti evam tassa tassa parikkhārassa upakaraṇatthāya gahetvā tathā tathā kātuṃ vaṭṭati.

**Purāṇadutiyaikāvattu** uttānameva. **Yakkhivatthusmiṃ** saccepi Paranimmitavasavattideviyā kāyasaṃsaggaṃ samāpajjati, thullaccayameva. **Paṇḍakavatthu** ca **suttitthivatthu** ca pākaṭameva. **Matitthivatthusmiṃ** pārājikappahonakakāle thullaccayam, tato param dukkaṭam. **Tiracchānagatavatthusmiṃ** nāgamāṇavikāyapi supaṇṇamāṇavikāyapi kinnariyāpi gāvīyāpi dukkaṭameva. **Dārudhītalikāvattusmiṃ** na kevalam dārunā eva, antamaso cittakammalikhitepi itthirūpe dukkaṭameva.

282. **Sampīlanavatthu** uttānatthameva. **Sanḅkamavatthusmiṃ** ekapadikasaṅkamo vā hotu, sakaṭamaggasaṅkamo vā, cālessāmīti payoge katamatteva cāletu vā mā vā, dukkaṭam. **Maggavatthu** pākaṭameva. **Rukkhavatthusmiṃ** rukkho mahanto vā hotu mahājambuppamāṇo, khuddako vā, tam cāletuṃ sakkotu vā mā vā, payogamattena dukkaṭam. **Nāvāvatthusmimpi** eseva nayo. **Rajjuvatthusmiṃ** yaṃ rajjuṃ āviñchanto ṭhānā cāletuṃ sakkoti, tattha thullaccayam. Yā mahārajju hoti, īsakampi ṭhānā na calati, tattha dukkaṭam. Daṇḍepi eseva nayo. Bhūmiyam patitamahārukkhopi hi daṇḍaggahaṇeneva idha gahito. **Pattavatthu** pākaṭameva. **Vandanavatthusmiṃ** itthī pāde sambāhitvā vanditukāmā vāretabbā, pādā vā paṭicchādetabbā, niccalena vā bhavitabbam. Niccalassa hi cittaena sādiyatoṇi anāpatti. Avasāne **gahaṇavatthu** pākaṭamevāti.

Kāyasaṃsaggasikkhāpadavaṇṇanā niṭṭhitā.

### 3. Duṭṭhullavācāsikkhāpadavaṇṇanā

283. **Tena samayena Buddho Bhagavāti** Duṭṭhullavācāsikkhāpadam. Tattha **ādissāti** apadisitvā. **Vaṇṇampi bhaṇatīti**-ādīni parato āvi bhavissanti. **Chinnikāti** chinna-ottappā. **Dhuttikāti** saṭhā. **Ahirikāyoti**

nillajjā. **Uhasantī**<sup>1</sup> sitaṃ katvā mandahasitaṃ hasanti. **Ullapantī** “aho ayyo”ti-ādinā nayena uccakaraṇiṃ nānāvidhaṃ palobhanakathaṃ kathenti. **Ujjagghantī** mahāhasitaṃ hasanti. **Uppaṇḍentī** “paṇḍako ayaṃ, nāyaṃ puriso”ti-ādinā nayena parihāsaṃ karonti.

285. **Sārattoti** duṭṭhullavācassādarāgena sāratto. **Apekkhavā paṭibaddhacittoti** vuttanayameva. Kevalaṃ idha vācassādarāgo yojetabbo. **Mātugāmaṃ duṭṭhullahi vācāhī**ti ettha adhippetāṃ mātugāmaṃ dassento “mātugāmo”ti-ādimāha. Tattha **viññū paṭibalā subhāsitaḍubbhāsitaṃ duṭṭhullāduṭṭhullaṃ ājānitunti** yā paṇḍitā sātthakaniratthakakathaṃ, asaddhammasaddhammapaṭisaṃyuttakathaṃca jānitum paṭibalā, ayaṃ idha adhippetā. Yā pana mahallikāpi bālā eḷamūgā, ayaṃ idha anadhippetāti dasseti.

**Obhāseyyāti** avabhāseyya, nānappakāraṃ asaddhammavacanaṃ vadeyya. Yasmā panevaṃ obhāsantassa yo so obhāso nāma, so atthato ajjhācāro hoti rāgavasena abhibhavitvā saññamavelaṃ ācāro, tasmā tamatthaṃ dassento “**obhāseyyāti ajjhācāro vuccatī**”ti āha. **Yathā tanti** ettha **tanti** nipātamattaṃ, yathā yuvā yuvatinti attho.

**Dve magge ādissāti**-ādi yenākārena obhāsato saṃghādiseso hoti, taṃ dassetuṃ vuttaṃ. Tattha **dve maggeti** vaccamaggaṃca passāvamaggaṃca. Sesāṃ uddese tāva pākaṭameva. Niddese pana **thometī** “itthilakkhaṇena subhalakkhaṇena samannāgatāsī”ti vadati, na tāva sīsaṃ eti. “Tava vaccamaggo ca passāvamaggo ca īdiso, tena nāma īdisena itthilakkhaṇena subhalakkhaṇena samannāgatāsī”ti vadati, sīsaṃ eti, saṃghādiseso. **Vaṇṇeti pasāmsatī**ti imāni pana thomanapadasseva vevacanāni.

**Khumsetī**ti vācāpatodena ghaṭṭeti. **Vambhetī**ti apasādeti. **Garahatī**ti dosāṃ deti. Parato pana Pāḷiyā āgatehi

---

1. Ūhasantī (Sī), Ohasantī (Syā)

**animittāsīti**-ādīhi ekādasahi padehi aghaṭite sīsam na eti, ghaṭitepi tesu **sikharanīsi**<sup>1</sup>, **sambhinnāsi**, **ubhatobyañjanāsīti** imehi tīhi ghaṭiteyeva saṅghādiseso.

**Dehi meti** yācanāyapi ettakeneva sīsam na eti, “methunam dhammam dehī”ti evam methunadhammena ghaṭite eva saṅghādiseso.

**Kadā te mātā pasīdissatīti**-ādīsu āyācanavacanesupi ettakeneva sīsam na eti, “kadā te mātā pasīdissati, kadā te methunam dhammam labhissāmī”ti vā “tava mātari pasannāya methunam dhammam labhissāmī”ti vā ādinā pana nayena methunadhammena ghaṭiteyeva saṅghādiseso.

**Katham tvam sāmikassa desīti**-ādīsu pucchāvācānesupi methunadhammanti vuttēyeva saṅghādiseso, na itarathā. **Evam kira tvam sāmikassa desīti** paṭipucchāvācānesupi eseva nayo.

Ācikkhanāya **puṭṭho bhaṇatīti** “katham dadamānā sāmikassa piyā hotī”ti evam puṭṭho ācikkhati. Ettha ca “evam dehi, evam dadamānā”ti vuttepi sīsam na eti. “Methunadhammam evam dehi, evam upanehi, evam methunadhammam dadamānā upanayamānā piyā hotī”ti-ādinā pana nayena methunadhammena ghaṭiteyeva saṅghādiseso. Anusāsanīvacānesupi eseva nayo.

Akkosaniddese **animittāsīti** nimittarahitāsi, kuñcikapaṇālimattameva<sup>2</sup> tava dakasotanti vuttam hoti.

**Nimittamattāsīti** tava itthinimittam aparipuṇṇam, saññāmattamevāti vuttam hoti. **Alohitāti** sukkhasotā<sup>3</sup>. **Dhuvalohitāti** niccalohitā kilinnadakasotā. **Dhuvacoḷāti** nīccapakkhittāṇicoḷā, sadā āṇicoḷakam sevasīti vuttam hoti. **Paggharanīti** savantī, sadā te muttam savatīti vuttam hoti. **Sikharanīti**<sup>4</sup> bahinikkhanta-āṇimaṃsā. **Itthipañḍakāti** animittāva vuccati. **Vepurisikāti** samassudāṭhikā

1. Sikhariṇīsi (Sī) 2. Kuñciyapaṇālimattameva (Sī), kuñcikapaṇālimattameva (Ka)

3. Sukkhasoṇitā (Ka) 4. Sikhariṇīti (Sī)

purisarūpā itthī. **Sambhinnāti** sambhinnavaccamaggapassāvamaggā. **Ubhatobyañjanāti** itthinimittena ca purisanimittena cāti ubho hi byañjanehi samannāgatā.

Imesu ca pana ekādasasu padesu “sikharaṇīsi, sambhinnāsi, ubhatobyañjanāsi”ti imāniyeva tīni padāni suddhāni sīsam enti. Iti imāni ca tīni, purimāni ca vaccamaggapassāvamaggamethunadhammapadāni tīṇīti cha padāni suddhāni āpattikarāni. Sesāni animittāti-ādīni animitte “methunadhammam me dehī”ti vā “animittāsi methunadhammam me dehī”ti vā ādinā nayena methunadhammena ghaṭṭāneva āpattikarāni hontīti veditabbāni.

286. Idāni yvāyaṃ otiṇṇo vipariṇatena cittaena obhāsati, tassa vaccamaggapassāvamagge ādissa etesam vaṇṇabhaṇanādīnam vasena vitthārato āpattibhedam dassento “**itthī ca hoti, itthisaññī**”ti-ādīmāha. Tesam attho kāyasamsagge vuttanayeneva veditabbo.

Ayam pana viseso—**adhakkhakanti** akkhakato paṭṭhāya adho. **Ubbhajāṇumaṇḍalanti** jāṇumaṇḍalato paṭṭhāya uddham. **Ubbhakkhakanti** akkhakato paṭṭhāya uddham. **Adho jāṇumaṇḍalanti** jāṇumaṇḍalato paṭṭhāya adho. Akkhakam, pana jāṇumaṇḍalañca ettheva dukkaṭakkhette saṅgham gacchanti bhikkhuniyā kāyasamsagge viya. Na hi Buddhā garukāpattim sāvasesam pañṇapentīti. **Kāyappaṭibaddhanti** vattham vā puppham vā ābharaṇam vā.

287. **Atthapurekkhārassāti** animittāti-ādīnam padānam attham kathentassa, Aṭṭhakatham vā sajjhāyaṃ karontassa.

**Dhammapurekkhārassāti** Pāḷim vācentassa vā sajjhāyantassa vā. Evaṃ atthañca dhammañca purakkhatvā bhaṇantassa atthapurekkhārassa ca dhammapurekkhārassa ca anāpatti.

**Anusāsanipurekkhārassāti** “idānipi animittāsi, ubhatobyañjanāsi, appamādam idāni kareyyāsi, yathā āyatimpi evarūpā na hohisī”ti evam anusitṭhim purakkhatvā bhaṇantassa anusāsanipurekkhārassa anāpatti. Yo pana bhikkhunīnam Pāḷim vācento pakativācanāmaggam pahāya hasanto hasanto “sikharaṇīsi, sambhinnāsi, ubhatobyañjanāsi”ti punappunam bhaṇati,

tassa āpattiyeva. Ummattakassa anāpatti. Idha ādikammiko Udāyitthero,  
tassa anāpatti ādikammikassāti.

Padabhājanīyavaṇṇanā niṭṭhitā.

Samuṭṭhānādīsu idaṃ sikkhāpadam̐ tisamuṭṭhānam̐ kāyacittato,  
vācācittato, kāyavācācittato ca samuṭṭhāti. Kiriyaṃ, saññāvimokkham̐,  
sacittakam̐, lokavajjam̐, kāyakammaṃ, vacīkammaṃ, akusalacittam̐,  
dvivedananti.

288. Vinītavatthūsu **lohitavatthusmiṃ** so bhikkhu itthiyā lohitakam̐  
nimittam̐ sandhāyāha, itarā na aññāsi. Tasmā dukkaṭam̐.

**Kakkasalomanti** rassalomehi bahulomaṃ. **Ākiṇṇalomanti** jaṭitalomaṃ<sup>1</sup>.  
**Kharalomanti** thaddhalomaṃ. **Dīghalomanti** arassalomaṃ. Sabbam̐  
itthinimittameva sandhāya vuttam̐.

289. **Vāpitaṃ kho teti** asaddhammaṃ sandhāyāha, sā asallakkhetvā **no**  
**ca kho paṭivuttanti** āha. **Paṭivuttam̐** nāma udakavappe<sup>2</sup> bijehi  
appatiṭṭhitokāse, pāṇakehi vināsitabije vā okāse puna bījam̐ patiṭṭhapetvā  
udakena āsittam̐, thalavappe<sup>3</sup> visamapatitānam̐ vā bijānam̐ samakaraṇatthāya  
puna aṭṭhadantakena samīkatam̐, tesu aññataram̐ sandhāya esā āha.

Maggavatthusmiṃ **maggo saṃsīdatīti** aṅgajātamaggaṃ sandhāyāha,  
sesaṃ uttānamevāti.

Duṭṭhullavācāsikkhāpadavaṇṇanā niṭṭhitā.

#### 4. Attakāmapāricariyasikkhāpadavaṇṇanā

290. **Tena samayena Buddho Bhagavāti** Attakāmasikkhāpadam̐. Tattha  
**kulūpakoti** kulapayirupāsanako catunnam̐ paccayānam̐ atthāya  
kulūpasāṅkamane niccappayutto.

1. Jaṭitalomaṃ (Ka)

2. Udakavappehi (Ka)

3. Thūlavappe (Ka)

**Cīvarapiṇḍapātasenāsanagilānapaccayabhesajjaparikkhāranti** cīvaraṅca piṇḍapātaṅca senāsanaṅca gilānapaccayabhesajjaparikkhāraṅca.

**Gilānapaccayabhesajjaparikkhāranti** cettha patikaraṇatthena<sup>1</sup> paccayo, yassa kassaci sappāyassetam adhivacanam. Bhisakkassa kammaṃ tena anuññātattāti bhesajjam. Gilānapaccayova bhesajjam gilānapaccayabhesajjam, yaṃkiñci gilānassa sappāyam bhisakkakammaṃ telamadhuphāṇitādīti vuttam hoti. **Parikkhāroti** pana “sattahi nagaraparikkhārehi suparikkhitam hoti”ti-ādīsu<sup>2</sup> parivāro vuccati. “Ratho setaparikkhāro, jhānakkho cakkavīriyo”ti-ādīsu<sup>3</sup> alaṅkāro. “Ye cime pabbajitena jīvitaparikkhārā samudānetabbā”ti-ādīsu<sup>4</sup> sambhāro. Idha pana sambhāropi parivāropi vaṭṭati. Tañhi gilānapaccayabhesajjam jīvitassa parivāropi hoti jīvitavināsakābādihuppattiyā antaram adatvā rakkhaṇato, sambhāropi, yathā ciram pavattati evamassa kāraṇabhāvato, tasmā parikkhāroti vuccati. Evam gilānapaccayabhesajjaṅca tam parikkhāro cāti gilānapaccayabhesajjaparikkhāro, tam gilānapaccayabhesajjaparikkhāranti evamattho daṭṭhabbo.

**Vasalanti** hīnam lāmakam. Atha vā vassatīti vasalo, paggharatīti attho. Tam vasalam, asucipaggharaṇakanti vuttam hoti. **Niṭṭhubhitvāti** kheḷam pātetvā.

**Kassāham kena hāyāmīti** aham kassā aññissā itthiyā kena bhogena vā alaṅkārena vā rūpena vā parihāyāmi, kā nāma mayā uttaritarāti dīpeti.

291. **Santiketi** upacāre ṭhatvā sāmantaṃ avidūre. Padabhājanepi ayameva attho dīpito. **Attakāmapāricariyāyāti** methunadhammasaṅkhātena kāmena pāricariyā kāmapāricariyā. Attano atthāya kāmapāricariyā attakāmapāricariyā, attanā vā kāmitā icchitāti attakāmā, sayam methunarāgavasena patthitāti attho. Attakāmā ca sā pāricariyā cāti attakāmapāricariyā, tassā attakāmapāricariyāya. **Vaṇṇam bhāseyyāti** guṇam ānisaṃsam pakāseyya.

1. Rogassa paṭi-ayanatthena (Visuddhimagge Silaniddese), pītikaraṇatthena (Ka)

2. Am 2. 478 piṭṭhe.

3. Sam 3. 5 piṭṭhe.

4. Ma 1. 150 piṭṭhādīsu.

Tatra yasmā “attano atthāya kāmapāricariyā”ti imasmim atthavikappe kāmo ceva hetu ca pāricariyā ca attho, sesaṃ byañjanam. “Attakāmā ca sā pāricariyā cāti attakāmapāricariyā”ti imasmim atthavikappe adhippāyo ceva pāricariyā ca attho, sesaṃ byañjanam. Tasmā byañjane ādaram akatvā atthamattameva dassetum “attano kāmaṃ attano hetum attano adhippāyaṃ attano pāricariyan”ti padabhājanam vuttaṃ. “Attano kāmaṃ attano hetum attano pāricariyan”ti hi vutte jānissanti paṇḍitā “ettāvataṃ attano atthāya kāmapāricariyā vuttā”ti. “Attano adhippāyaṃ attano pāricariyan”ti vuttepi jānissanti “ettāvataṃ attanā icchitakāmitaṭṭhena attakāmapāricariyā vuttā”ti.

Idāni tassā attakāmapāricariyāya vaṇṇabhāsanākāram dassento “**etadaggaṃ**”ti-ādimāha. Taṃ uddesatopi niddesatopi uttānatthameva. Ayaṃ panettha padasambandho ca āpattivinichayo ca—**etadaggaṃ -pa-paricareyyāti** yā mādisaṃ silavantaṃ kalyāṇadhammaṃ brahmacāriṃ etena dhammena paricareyya, tassā evaṃ mādisaṃ paricarantiyā yā ayaṃ pāricariyā nāma, etadaggaṃ pāricariyānanti.

**Methunupasaṃhitena saṃghādisesoti** evaṃ attakāmapāricariyāya vaṇṇaṃ bhāsanto<sup>1</sup> ca methunupasaṃhitena methunadhammapaṭisaṃyutteneva vacanena yo bhāseyya, tassa saṃghādisesoti.

Idhāpi yasmā methunupasaṃhiteneva bhāsantassa saṃghādiseso vutto, tasmā “ahampi khattiyo, tvampi khattiyā, arahati khattiyā khattiyassa dātum samajātikattā”ti evamādihi vacanehi pāricariyāya vaṇṇaṃ bhāsamānassāpi saṃghādiseso natthi. “Ahampi khattiyo”ti-ādike pana bahūpi pariyāye vatvā “arahasi tvaṃ mayhaṃ methunadhammaṃ dātum”ti evaṃ methunappaṭisaṃyutteneva bhāsamānassa saṃghādisesoti.

**Itthi ca hoti**ti-ādi pubbe vuttanayameva. Idha Udāyitthero ādikammiko. Tassa anāpatti ādikammikassāti.

Samuṭṭhānādi sabbaṃ duṭṭhullavācāsadisaṃ. Vinītavatthūni uttānatthānevāti.

Attakāmapāricariyasikkhāpadavaṇṇanā niṭṭhitā.

---

1. Bhāsento (Syā)



### 5. Sañcarittasikkhāpadavaṇṇanā

296. **Tena samayena Buddho Bhagavāti** Sañcarittaṃ. Tattha **paṇḍitāti** paṇḍiccena samannāgatā gatimantā. **Byattāti** veyyattiyena samannāgatā upāyena samannāgatā upāyaññū visāradā. **Medhāvinīti** medhāya samannāgatā, diṭṭhaṃ diṭṭhaṃ karoti. **Dakkhāti** chekā. **Analasāti** uṭṭhānavīriyasampannā. **Channāti** anucchavikā.

**Kismim viyāti** kicchaṃ viya kilesa viya, hirī viya amhākaṃ hotīti adhippāyo. **Kumārikāya vattunti** “imaṃ tumhe gaṇhathā”ti kumārikāya kāraṇā vattuṃ.

Āvāhādīsu **āvāhoti** dārakassa parakulato dārikāya āharaṇaṃ. **Vivāhoti** attano dārikāya parakulapesanaṃ. **Vāreyyanti** “detha no dārakassa dārikan”ti yācanaṃ, divasanakkhattamuhuttaparichedakaraṇaṃ vā.

297. **Purāṇagaṇakīyāti** ekassa gaṇakassa bhariyāya, sā tasmim jīvamāne gaṇakīti paññāyittha, mate pana purāṇagaṇakīti saṅkhaṃ gatā. **Tirogāmoti** bahigāmo, añño gāmoti adhippāyo. **Manussāti** Udāyissa imaṃ sañcarittakamme yuttapayuttabhāvaṃ jānanakamanussā.

**Suṇisabhogenāti**<sup>1</sup> yena bhogena suṇisā bhuñjitabbā hoti randhāpanapacāpanaparivesanādinā, tena bhuñjimsu. **Tato aparena dāsibhogenāti** māsātikame yena bhogena dāsī bhuñjitabbā hoti khettakammakacavarachaḍḍana-udakāharaṇādinā, tena bhuñjimsu. **Duggatāti** daliddā, yattha vā gatā duggatā hoti, tādisaṃ kulaṃ gatā. **Māyyo imaṃ kumārikanti** mā ayyo imaṃ kumārikaṃ. **Āhārūpahāroti** āhāro ca upahāro ca, gahaṇaṇca dānaṇca, na amhehi kiñci āhaṭaṃ, na upāhaṭaṃ. Tayā saddhim kayavikkayo vohāro amhākaṃ natthīti dīpentī. **Samaṇena bhavitabbaṃ abyāvaṭena, samaṇo assa susamaṇoti** samaṇena nāma īdisesu kammesu abyāvaṭena abyāpārena bhavitabbaṃ,

---

1. Suṇisābhogenāti (Sī, Syā)

evaṃ bhavanto hi samaṇo susamaṇo assāti evaṃ naṃ apasādetvā **gaccha tvaṃ, na mayaṃ taṃ jānāmāti** āhaṃsu.

298. **Sajjītoti** sabbupakaraṇasampanno, maṇḍitapasādhito vā.

300. **Dhuttāti** itthidhuttā. **Paricārentāti** manāpiyesu rūpādīsu ito cito ca samantā indriyāni cārentā, kīlantā abhīramantāti vuttam hoti. **Abbhutamakāmsūti** yadi karissati, tvaṃ ettakam jito, yadi na karissati, aham ettakanti paṇamakāmsu<sup>1</sup>. Bhikkhūnaṃ pana abbhutaṃ kātum na vaṭṭati. Yo karoti, parājītena dātabbanti **Mahāpaccariyaṃ** vuttam.

**Katham hi nāma ayyo Udāyī taṅkhaṇikanti** ettha **taṅkhaṇoti** acirakālo vuccati. **Taṅkhaṇikanti** acirakālādhikārikam.

301. **Sañcarittam samāpajjeyyāti** sañcaraṇabhāvaṃ samāpajjeyya. Yasmā pana taṃ samāpajjantena kenaci pesitena katthaci gantabbaṃ hoti, parato ca “itthiyā vā purisamatim”ti-ādivacanato idha itthipurisā adhippetā, tasmā tamattham dassetum “itthiyā vā pahito purisassa santike gacchati, purisena vā pahito itthiyā santike gacchatī”ti evamassa padabhājanam vuttam. **Itthiyā vā purisamatim, purisassa vā itthimatinti** ettha āroceyyāti pāṭhaseso daṭṭhabbo, tenevassa padabhājane “purisassa matim itthiyā āroceti, itthiyā matim purisassa ārocetī”ti vuttam.

Idāni yadattham taṃ tesam matim adhippāyam ajjhāsayam chandam rucim āroceti, taṃ dassento “**jāyattane vā jārattane vā**”ti-ādimāha. Tattha **jāyattaneti** jāyābhāve. **Jārattaneti** jārābhāve. Purisassa hi matim itthiyā ārocento jāyattane āroceti, itthiyā matim purisassa ārocento jārattane āroceti. Apica purisasseva matim itthiyā ārocento jāyattane vā āroceti nibaddhabhariyābhāve, jārattane vā micchācārābhāve. Yasmā panetaṃ ārocentena “tvaṃ kirassa jāyā bhavissasī”ti-ādi vattabbaṃ hoti, tasmā taṃ vattabatakāraṃ dassetum “jāyattane vāti jāyā bhavissasi,

---

1. Paṇitakamakāmsu (Syā, Ka)

jārattane vāti jāri bhavissasi”ti assa padabhājanam vuttam. Eteneva ca upāyena itthiyā matim purisassa ārocanepi “pati bhavissasi, sāmiko bhavissasi, jāro bhavissasi”ti vattabbatākāro vedītabbo.

**Antamaso taṅkhaṇikāyapī**ti sabbantimena paricchena yā ayam taṅkhaṇe muhuttamate paṭisaṃvasitabbato taṅkhaṇikāti vuccati, muhuttikāti attho. Tassāpi “muhuttikā bhavissasi”ti evam purisamatim ārocentassa saṃghādiseso. Etenevupāyena “muhuttiko bhavissasi”ti evam purisassa itthimatim ārocentopi saṃghādisesaṃ āpajjati vedītabbo.

303. Idāni “itthiyā vā purisamatim”ti ettha adhippetā itthiyo pabhedato dassetvā tāsū sañcarittavasena āpattibhedam dassetuṃ “**dasa itthiyo**”ti-ādimāha. Tattha **māturakkhitā**ti mātaraṃ rakkhitā. Yathā purisena saṃvāsam na kappeti, evam mātaraṃ rakkhitā, tenassa padabhājanepi vuttam “mātā rakkhati gopeti issariyam kāreti vasaṃ vatteti”ti. Tattha **rakkhatī**ti katthaci gantum na deti. **Gopetī**ti yathā aññe na passanti, evam guttaṭṭhāne ṭhapeti. **Issariyam kāretī**ti serivihāramassā nisedhentī abhibhavivā pavattati. **Vasaṃ vatteti**ti “idaṃ karohi, idaṃ mā akāsī”ti evam attano vasaṃ tassā upari vatteti. Etenupāyena piturakkhitādayopi nātābbā. Gottam vā dhammo vā na rakkhati, sagottehi, pana sahadhammikehi ca ekam Satthāram uddissa pabbajitehi, ekagaṇapariyāpannehi ca rakkhitā “gottarakkhitā, dhammarakkhitā”ti vuccati. Tasmā tesam padānam “sagottā rakkhanti”ti-ādinā nayena padabhājanam vuttam.

Saha ārakkhenāti **sārakkhā**. Saha paridaṇḍenāti **saparidaṇḍā**. Tāsam niddesā pākaṭāva. Imāsu dasasu pacchimānam dvinnameva purisantarām gacchantīnam micchācāro hoti, na itarāsam.

Dhanakkītādīsu appena vā bahunā vā dhanena kītā **dhanakkītā**. Yasmā pana sā na kītamattā eva<sup>1</sup>, saṃvāsattāya pana kītattā bhariyā, tasmāssa niddese “dhanena kiṇitvā vāsetī”ti vuttam.

---

1. Danakkītamattāyeva bhariyā (Syā), kītamattā eva bhariyā (Ka)

Chandena attano ruciyā vasatīti **chandavāsini**. Yasmā pana sā na attano chandamatteneva bhariyā hoti, purisena pana sampañcchittā, tasmāssa niddese “piyo piyaṃ vāseti”ti vuttam.

Bhogena vasatīti **bhogavāsini**. Udukkhalamusalādigharūpakaraṇaṃ labhitvā bhariyābhāvaṃ gacchantiyā janapaditthiyā etaṃ adhivacanaṃ.

Paṭena vasatīti **paṭavāsini**. Nivāsanamattampi pāvuraṇamattampi labhitvā bhariyābhāvaṃ upagacchantiyā dalidditthiyā etaṃ adhivacanaṃ.

**Odapattakinī**ti ubhinnaṃ ekissā udakapātiyā hatthe otāretvā “idaṃ udakaṃ viya saṃsaṭṭhā abhejjā hothā”ti vatvā pariggahitāya vohāranāmetam, niddesepissa “tāya saha udakapattaṃ āmasitvā taṃ vāseti”ti evamattho veditabbo.

Obhaṭaṃ oropitaṃ cumbaṭamassāti **obhaṭacumbaṭā**, kaṭṭhahārikādīnaṃ aññatarā, yassā sīsato cumbaṭaṃ oropetvā ghare vāseti, tassā etaṃ adhivacanaṃ.

**Dāsī cāti** attanoyeva dāsī ca hoti bhariyā ca.

**Kammakārī** nāma gehe bhatiyā kammaṃ karoti, tāya saddhim koci gharāvāsaṃ kappeti attano bhariyāya anathiko hutvā. Ayam vuccati “kammakārī ca bhariyā cā”ti.

Dhajena āhaṭā **dhajāhaṭā**, ussittaddhajāya senāya gantvā paravisayaṃ vilumpitvā ānītati vuttam hoti. Taṃ koci bhariyaṃ karoti, ayam dhajāhaṭā nāma. **Muhuttikā** vuttanayā eva. Etāsaṃ dasannampi purisantaragamane micchācāro hoti. Purisānaṃ pana vīsatiyāpi etāsu micchācāro hoti, bhikkhuno ca sañcarittaṃ hotīti.

305. Idāni **puriso bhikkhuṃ paṇḍita**ti-ādīsu **paṭiggaṇhātī**ti so bhikkhu tassa purisassa “gaccha bhante itthannāmaṃ māturakkhitaṃ brūhi, hohi kira itthannāmassa bhariyā dhanakkīṭā”ti evaṃ vuttavacanaṃ “sādhu upāsakā”ti vā “hotū”ti vā “ārocessāmi”ti vā yena kenaci ākārena vacībhedam katvā vā sīsakampanādīhi vā sampañcchati.

**Vīmaṃsatī**ti evaṃ paṭiggaṇhitvā tassā itthiyā santikaṃ gantvā taṃ sāsanaṃ āroceti. **Paccāharatī**ti tena ārocite sā itthī “sādhū”ti sampaṭicchatu vā paṭikkhipatu vā lajjāya vā tuṅhī hotu, puna āgantvā tassa purisassa taṃ pavattiṃ āroceti.

Ettāvatā imāya paṭiggahaṇārocanapaccāharaṇasaṅkhātāya tivaṅgasampattiyā saṃghādiseso hoti. Sā pana tassa bhariyā hotu vā mā vā, akāraṇametam. Sace pana so māturakkhitāya santikaṃ pesito taṃ adisvā tassā mātuyā taṃ sāsanaṃ āroceti, bahiddhā vimaṭṭham nāma hoti, tasmā visaṅketanti **Mahāpadummatthero** āha. **Mahāsumatthero** pana mātā vā hotu pitā vā, antamaso gehadāsīpi añño vāpi yo koci taṃ kiriyaṃ sampādessati, tassa vuttepi vimaṭṭham nāma na hoti<sup>1</sup>, tivaṅgasampattikāle āpattiyeva.

Nanu yathā “Buddham paccakkhāmī”ti vattukāmo virajjhivā “dhammaṃ paccakkhāmī”ti vadeyya, paccakkhātāvassa sikkhā. Yathā vā “paṭhamaṃ jhānaṃ samāpajjāmī”ti vattukāmo virajjhivā “dutiyaṃ jhānaṃ samāpajjāmī”ti vadeyya, āpannovassa pārājikaṃ. Evaṃsampadamidanti āha. Taṃ panetaṃ “paṭiggaṇhāti, antevāsīṃ vīmaṃsāpetvā attanā paccāharati, āpatti saṃghādisesassā”ti iminā sameti, tasmā subhāsitaṃ.

Yathā ca “māturakkhitaṃ brūhī”ti vuttassa gantvā tassā ārocetuṃ samatthānaṃ mātādīnampi vadato visaṅketo natthi, evameva “hohi kira itthannāmassa bhariyā dhanakkītā”ti vattabbe “hohi kira itthannāmassa bhariyā chandavāsīnī”ti evaṃ Pāḷiyā vuttesu chandavāsīnī-ādīsu vacanesu aññataravasena vā, avuttessu “hohi kira itthannāmassa bhariyā, jāyā, pajāpati, puttamātā, gharaṇī, gharassāminī, bhattarandhikā, sussūsikā, paricārikā”ti evamādīsu saṃvāsaparidīpakesu vacanesu aññataravasena vā vadantassāpi visaṅketo natthi, tivaṅgasampattiyā āpattiyeva. “Māturakkhitaṃ brūhī”ti pesitassa pana gantvā aññāsu piturakkhitādīsu aññataram vadantassa visaṅketaṃ. Esa nayo “piturakkhitaṃ brūhī”ti-ādīsupi.

---

1. Vimaṭṭhameva hoti (Sī, Syā)

Kevalañhettha ekamūladumūlakādivasena “purisassa mātā bhikkhum pahīṇati. Māturakkhitāya mātā bhikkhum pahīṇatī”ti evamādīnaṃ mūlaṭṭhānañca vasena peyyālabhedoyeva viseso. Sopi pubbe vuttanayattā Pāli-anusāreneva sakkā jānitunti nāssa vibhāgaṃ dassetuṃ ādaraṃ karimha.

338. **Paṭiggaṇhātī**ti-ādīsu pana dvīsu catukkesu paṭhamacatukke ādīpadena tivaṅgasampattiyā saṃghādiseso, majjhe dvīhi duvaṅgasampattiyā thullaccayaṃ, ante ekena ekaṅgasampattiyā dukkaṭaṃ. Dutiyacatukke ādīpadena duvaṅgasampattiyā thullaccayaṃ, majjhe dvīhi ekaṅgasampattiyā dukkaṭaṃ, ante ekena aṅgābhāvato anāpatti. Tattha **paṭiggaṇhātī** ānāpakassa sāsanaṃ paṭiggaṇhāti. **Vīmaṃsatī**ti pahitaṭṭhānaṃ gantvā taṃ āroceti. **Paccāharatī**ti puna āgantvā mūlaṭṭhassa āroceti.

**Na paccāharatī**ti ārocetvā ettova pakkamati. **Paṭiggaṇhāti na vīmaṃsatī**ti purisena “itthannāmaṃ gantvā brūhī”ti vuccamāno “sādhū”ti tassa sāsanaṃ paṭiggaṇhitvā taṃ pamussitvā vā appamussitvā vā aññena karaṇīyena tassā santikaṃ gantvā kañcīdeva kathaṃ kathento nisīdati, ettāvata “paṭiggaṇhāti na vīmaṃsati nāmā”ti vuccati. Atha naṃ sā itthī sayameva vadati “tumhākaṃ kira upaṭṭhāko maṃ gehe kātukāmo”ti<sup>1</sup> evaṃ vatvā ca “ahaṃ tassa bhariyā bhavissāmī”ti vā “na bhavissāmī”ti vā vadati. So tassā vacanaṃ anabhinanditvā appaṭikkositvā tuṅhībhūtova uṭṭhāyāsanaṃ tassa purisassa santikaṃ āgantvā taṃ pavattim āroceti, ettāvata “na vīmaṃsati paccāharati nāmā”ti vuccati. **Na vīmaṃsati na paccāharatī**ti kevalaṃ sāsanaṃrocanaṃkāle paṭiggaṇhātīyeva, itaraṃ pana dvayaṃ na karoti.

**Na paṭiggaṇhāti vīmaṃsati paccāharatī**ti koci puriso bhikkhussa ṭhitaṭṭhāne vā nisinnaṭṭhāne vā tathārūpim kathaṃ katheti, bhikkhu tena appahitopi pahito viya hutvā itthiyā santikaṃ gantvā “hohi kira itthannāmassa bhariyā”ti-ādīnā nayena vīmaṃsitvā tassā rucim vā arucim vā puna āgantvā imassa āroceti. Teneva nayena vīmaṃsitvā

---

1. Gahetukāmoti (Syā, Ka)

apaccāharanto “**na paṭiggaṇhāti vīmaṃsati na paccāharatī**”ti vuccati. Teneva nayena gato avīmaṃsitvā tāya samuṭṭhāpitaṃ kathaṃ sutvā paṭhamacatukkassa tatiyapade vuttanayena āgantvā imassa ārocento “**na paṭiggaṇhāti na vīmaṃsati paccāharatī**”ti vuccati. Catutthapadaṃ pākaṭameva.

**Sambahule bhikkhū āṇāpetīti**-ādinayā pākaṭāyeva. Yathā pana sambahulāpi ekavatthumhi āpajjanti, evaṃ ekassapi sambahulavatthūsu sambahulā āpattiyo veditabbā. Kathaṃ? Puriso bhikkhuṃ āṇāpeti “gaccha bhante asukasmim nāma pāsāde saṭṭhimattā vā sattatimattā vā<sup>1</sup> itthiyo ṭhitā, tā vadehi ‘hotha kira itthannāmassa bhariyāyo’ti”. So sampañcchitvā tattha gantvā ārocetvā puna taṃ sāsanaṃ paccāharati. Yattakā itthiyo, tattakā āpattiyo āpajjati. Vuttañhetam **Parivārepi**—

“Padavītiḥāramattena vācāya bhaṇitena ca,  
Sabbāni garukāni sappaṭikammāni.  
Catusaṭṭhi āpattiyo āpajjeyya ekato,  
Pañhāmesā kusalehi cintitā”ti<sup>2</sup>.

Imaṃ kira atthavasam paṭicca ayaṃ pañho vutto. Vacanasiliṭṭhatāya cettha “catusaṭṭhi āpattiyo”ti vuttaṃ. Evaṃ karonto pana satampi saḥassampi āpajjatīti. Yathā ca ekena pesitassa ekassa sambahulāsu itthīsu sambahulā āpattiyo, evaṃ eko puriso sambahule bhikkhū ekissā santikaṃ peseti, sabbesaṃ saṃghādiseso. Eko sambahule bhikkhū sambahulānaṃ itthīnaṃ santikaṃ peseti, itthigaṇānāya saṃghādisesā. Sambahulā purisā ekaṃ bhikkhuṃ ekissā santikaṃ pesenti, purisagaṇānāya saṃghādisesā. Sambahulā ekaṃ sambahulānaṃ itthīnaṃ santikaṃ pesenti, vatthugaṇānāya saṃghādisesā. Sambahulā sambahule ekissā santikaṃ pesenti, vatthugaṇānāya saṃghādisesā. Sambahulā purisā sambahule bhikkhū sambahulānaṃ itthīnaṃ santikaṃ pesenti, vatthugaṇānāya saṃghādisesā. Esa nayo “ekā itthī ekaṃ bhikkhun”ti-ādīsipi. Ettha ca sabhāgavisabhāgatā nāma appamāṇaṃ, mātāpitūnampi pañcasahadhammikānampi sañcarittakammaṃ karontassa āpattiyeva.

1. Satamattā vā (Ka)

2. Vi 5. 375 piṭṭhe.

**Puriso bhikkhum āṇāpeti gaccha bhanteti** catukkaṃ aṅgavasena āpattibheda dassanattamaṃ vuttaṃ. Tassa pacchimapade **antevāsī vīmaṃsitvā bahiddhā paccāharatīti** āgantvā ācariyassa anāroce tvā ettova gantvā tassa purisassa āroce ti. **Āpatti ubhinnaṃ thullaccayassāti** ācariyassa paṭiggahitattā ca vīmaṃsāpitattā ca dvīhaṅgehi thullaccayaṃ, antevāsikassa vīmaṃsitattā ca paccāhaṭattā ca dvīhaṅgehi thullaccayaṃ. Sesam pākaṭameva.

339. **Gacchanto sampādetīti** paṭiggaṇhāti ceva vīmaṃsati ca. **Āgacchanto visarṇvādetīti** na paccāharati. **Gacchanto visarṇvādetīti** na paṭiggaṇhāti. **Āgacchanto sampādetīti** vīmaṃsati ceva paccāharati ca. Evaṃ ubhayattha dvīhaṅgehi thullaccayaṃ. Tatiyapade āpatti. Catutthe anāpatti.

340. **Anāpatti saṃghassa vā cetiyassa vā gilānassa vā karaṇīyena gacchati, ummattakassa ādikammikassāti** ettha bhikkhusaṃghassa uposathāgāraṃ vā kiñci vā vippakataṃ hoti. Tattha kārukānaṃ bhattavetanattāya upāsako vā upāsikāya santikaṃ bhikkhum paṇeyya, upāsikā vā upāsakassa, evarūpena saṃghassa karaṇīyena gacchantassa anāpatti. Cetiyakamme kariyamānepi ese va nayo. Gilānassa bhesajjattāyapi upāsakena vā upāsikāya santikaṃ, upāsikāya vā upāsakassa santikaṃ pahitassa gacchato anāpatti. Ummattaka-ādikammikā vuttanayā eva.

Padabhājanīyavaṇṇanā niṭṭhitā.

Samuṭṭhānādīsu idaṃ sikkhāpadam chasamuṭṭhānam, sīsukkipanādinā kāyavikārena sāsanam gahetvā gantvā hatthamuddāya vīmaṃsitvā puna āgantvā hatthamuddāya eva ārocentassa kāyato samuṭṭhāti. Āsanasālāya nisinnassa “itthannāmā āgamissati, tassā cittaṃ jāneyyāthā”ti kenaci vutte “sādhū”ti sampaṭicchitvā tam āgataṃ vatvā tassā gatāya puna tasmim purise āgate ārocentassa vācato samuṭṭhāti. Vācāya “sādhū”ti sāsanam gahetvā aññena karaṇīyena tassā gharam gantvā aññattha vā gamanakāle tam disvā vacībhedeneva vīmaṃsitvā puna



aññeneva karaṇīyena tato apakkamma kadācideva taṃ purisaṃ disvā ārocentassāpi vācatova samuṭṭhāti. Paṇṇattiṃ ajānantassa pana khīṇāsavassāpi kāyavācato samuṭṭhāti. Kathaṃ? Sace hissa mātāpitaro kujjhivā alaṃvacanīyā honti, tañca bhikkhuṃ gharaṃ upagataṃ therapitā vadati “mātā te tāta maṃ mahallakaṃ chaḍḍetvā ñātikulaṃ gatā, gaccha naṃ maṃ upaṭṭhātuṃ pesehī”ti. So ce gantvā taṃ vatvā puna pituno tassā āgamaṇaṃ vā anāgamaṇaṃ vā āroceti, saṃghādiseso. Imāni tīṇi acittakasamuṭṭhānāni.

Paṇṇattiṃ pana jānitvā etheva tīhi nayehi sañcarittaṃ samāpajjato kāyacittato, vācācittato, kāyavācācittato ca samuṭṭhāti. Imāni tīṇi paṇṇattijānanacittena sacittakasamuṭṭhānāni. Kiriyaṃ, nosaññāvimokkhaṃ, paṇṇattivajjaṃ, kāyakammaṃ vacīkammaṃ, kusalādivasena cettha tīṇi cittāni, sukhādivasena tisso vedanāti.

341. Vinītavatthūsu ādito vatthupañcake paṭiggahitamattattā dukkaṭaṃ.

Kalahavatthusmiṃ **sammodanīyaṃ akāsī**ti taṃ saññāpetvā puna gehagamaṇīyaṃ akāsi. **Nālaṃvacanīyā**ti na pariccattāti attho. Yā hi yathā yathā yesu yesu janapadesu pariccattā pariccattāva hoti, bhariyābhāvaṃ atikkamati, ayaṃ “alaṃvacanīyā”ti vuccati. Esā pana na alaṃvacanīyā, kenacideva kāraṇena kalahaṃ katvā gatā, tenevettha Bhagavā “**anāpattī**”ti āha. Yasmā pana kāyasaṃsage yakkhiyā thullaccayaṃ vuttaṃ, tasmā duṭṭhullādisupi yakkhipetiyo thullaccayavatthumevāti veditabbā. Aṭṭhakathāsu pana etaṃ na vicāritaṃ. Sesā sabbattha uttānatthamevāti.

Sañcarittasikkhāpadavaṇṇanā niṭṭhitā.

## 6. Kuṭīkārasikkhāpadavaṇṇanā

342. **Tena samayenāti** Kuṭīkārasikkhāpadaṃ. Tattha **Āḷavakā**ti Āḷaviraṭṭhe jātā dārakā Āḷavakā nāma, te pabbajitakālepi “Āḷavakā”tveva paññāyimsu. Te sandhāya vuttaṃ “Āḷavakā bhikkhū”ti.

**Saññācīkāyoti** sayam yācitvā gahitūpakaraṇāyo. **Kārāpentīti** karontipi kārāpentipi, te kira sāsane vipassanādhurañca ganthadhurañcāti dvepi dhurāni chaḍḍetvā navakammameva dhuraṃ katvā paggaṇhimsu.

**Assāmīkāyoti** anissarāyo, kāretā<sup>1</sup> dāyakena virahitāyoti attho.

**Attuddesīkāyoti** attānaṃ uddissa attano atthāya āradhāyoti attho.

**Appamāṇīkāyoti** “ettakena niṭṭham gacchissanti”ti evaṃ aparicchinnappamāṇāyo, vuddhippamāṇāyo vā, mahantappamāṇāyoti attho.

Yācanā eva bahulā etesaṃ, mandaṃ aññaṃ kammanti **yācanabahulā**. Evaṃ **viññattibahulā** veditabbā. Atthato panettha nānākaraṇaṃ natthi, anekakkhattuṃ “purisaṃ detha, purisatthakaraṃ dethā”ti yācantānametaṃ adhivacanaṃ. Tattha mūlacchejjāya purisaṃ yācituṃ na vaṭṭati, sahāyatthāya kammakaraṇatthāya “purisaṃ dethā”ti yācituṃ vaṭṭati. **Purisatthakaranti** purisena kātabbaṃ hatthakammaṃ vuccati, taṃ yācituṃ vaṭṭati. Hatthakammaṃ nāma kiñci vatthu na hoti. Tasmā ṭhapetvā migaluddakamacchabandhakādīnaṃ sakakammaṃ avasesaṃ sabbaṃ kappiyaṃ. “Kiṃ bhante āgatattha, kena kamman”ti pucchite vā apucchite vā yācituṃ vaṭṭati, viññattipaccayā doso natthi. Tasmā<sup>2</sup> migaluddakādayo sakakammaṃ na yācītābā, “hatthakammaṃ dethā”ti aniyametvāpi na yācītābā. Evaṃ yācītā hi te “sādhu bhante”ti bhikkhū<sup>3</sup> uyyojetvā migepi māretvā āhareyyuṃ. Niyametvā pana “vihāre kiñci kātabbaṃ atthi, tattha hatthakammaṃ dethā”ti yācītābā. Phālanāṅgalādīni upakaraṇāni gahetvā kasituṃ vā vapituṃ vā lāyituṃ vā gacchantāṃ sakiccapasutampi kassakaṃ vā aññaṃ vā kiñci hatthakammaṃ yācituṃ vaṭṭateva. Yo pana vighāsādo vā añño vā koci nikkammo niratthakakathaṃ kathento niddāyanto vā viharati, evarūpaṃ ayācivāpi “ehi re idaṃ vā idaṃ vā karohi”ti yadicchakaṃ kārāpetuṃ vaṭṭati.

Hatthakammaṃ pana sabbakappiyabhāvadīpanatthaṃ imaṃ nayaṃ kathenti—sace hi bhikkhu pāsādaṃ kāretukāmo hoti, thambhatthāya pāsāṇakoṭṭakānaṃ gharaṃ gantvā vattabbaṃ “hatthakammaṃ laddhuṃ vaṭṭati upāsakā”ti. Kiṃ kātabbaṃ bhanteti. Pāsāṇatthambhā uddharitvā dātābāti. Sace te

1. Kāretārā (Ka), kāretvā (Sī, Syā)

2. Kasmā (Ka)

3. Bhikkhuṃ (Sī, Syā)

uddharitvā vā denti, uddharitvā nikkhitte attano thambhe vā denti, vaṭṭati. Athāpi vadanti “amhākaṃ bhante hatthakammaṃ kātuṃ khaṇo natthi, aññaṃ uddharāpetha, tassa mūlaṃ dassāma”ti, uddharāpetvā “pāsānatthambhe uddhaṭamanussānaṃ mūlaṃ dethā”ti vattuṃ vaṭṭati. Etenevupāyena pāsādadarūnaṃ atthāya vaḍḍhakīnaṃ santikaṃ, iṭṭhakatthāya iṭṭhakavaḍḍhakīnaṃ, chadanatthāya gehacchādakānaṃ, cittakammatthāya cittakārānanti yena yena attho hoti, tassa tassa atthāya tesāṃ tesāṃ sippakārākānaṃ santikaṃ gantvā hatthakammaṃ yācituṃ vaṭṭati. Hatthakammayācanavasena ca mūlacchejjāya vā bhattavetanānuppadānena vā laddhampi sabbaṃ gahetuṃ vaṭṭati. Araññato āharāpentena ca sabbaṃ anajjhāvutthakaṃ āharāpetabbaṃ.

Na kevalaṅca pāsādaṃ kāretukāmena, mañcapīṭhapattaparissāvanadhamakaraṇacīvarādīni kārāpetukāmenāpi dārulohasuttādīni labhitvā te te sippakārake upasaṅkamitvā vuttanayeneva hatthakammaṃ yācitabbaṃ. Hatthakammayācanavasena ca mūlacchejjāya vā bhattavetanānuppadānena vā laddhampi sabbaṃ gahetabbaṃ. Sace pana kātuṃ na icchanti, bhattavetaṇaṃ paccāsīsanti, akappiyakahāpaṇādi na dātabbaṃ. Bhikkhācāravattena taṇḍulādīni pariyesitvā dātuṃ vaṭṭati.

Hatthakammavasena pattaṃ kāretvā tatheva pācetvā navapakkassa pattassa puñchanatelatthāya antogāmaṃ pavīṭṭhena “bhikkhāya āgato”ti sallakkhetvā yāguyā vā bhatte vā ānīte hatthena patto pidhātabbo. Sace upāsikā “kiṃ bhante”ti pucchati, “navapakko patto, puñchanatelena attho”ti vattabbaṃ. Sace sā “dehi bhante”ti pattaṃ gahetvā telena puñchitvā yāguyā vā bhattassa vā pūretvā deti, viññatti nāma na hoti, gahetuṃ vaṭṭatīti.

Bhikkhū pageva piṇḍāya caritvā āsanasālaṃ gantvā āsanaṃ apassantā tiṭṭhanti. Tattha ce upāsakā bhikkhū ṭhite disvā sayameva āsanāni āharāpenti, nisīditvā gacchantehi āpucchitvā gantabbaṃ. Anāpucchā gatānampi naṭṭhaṃ gīvā na hoti, āpucchitvā gamanaṃ pana vattaṃ. Sace bhikkhūhi “āsanaṃ āharathā”ti vuttehi āhaṭāni hontī, āpucchitvāva gantabbaṃ. Anāpucchā gatānaṃ vattabhedo ca, naṭṭhaṅca gīvāti. Attharaṇakojavādīsupi eseva nayo.

Makkhikāyo bahukā honti, “makkhikābījanim āharathā”ti vattabbaṃ. Pucimandasākhādīni āharanti, kappiyam kārāpetvā paṭiggahetabbāni. Āsanasālāya udakabhājanam rittam hoti, “dhamakaraṇam<sup>1</sup> gaṇhā”ti na vattabbaṃ. Dhamakaraṇam hi rittabhājane pakkhipanto bhindeyya, “nadin vā taḷākam vā gantvā pana udakam āharā”ti vattum vaṭṭati. “Gehato āharā”ti neva vattum vaṭṭati, na āhaṇam paribhuñjitabbaṃ. Āsanasālāyam vā araṇṇake vā bhattakiccam karonte<sup>2</sup> tatthajātakam anajjhāvutthakam yamkiñci uttaribhaṅgārahaṃ pattaṃ vā phalaṃ vā sace kiñci kammaṃ karontaṃ āharāpeti, hatthakammavasena āharāpetvā paribhuñjitum vaṭṭati. Alajjhi pana bhikkhūhi vā sāmaṇerehi vā hatthakammaṃ na kāretabbaṃ. Ayaṃ tāva purisatthakare nayo.

Goṇam pana aññātaka-appavāritaṭṭhānato āharāpetum na vaṭṭati, āharāpentassa dukkaṇam. Ñātipavāritaṭṭhānatopi mūlacchejjāya yācituram na vaṭṭati, tāvakālikanayena sabbattha vaṭṭati. Evaṃ āharāpitañca goṇam rakkhitvā jaggitvā sāmikā paṭicchāpetabbā<sup>3</sup>. Sacassa pādo vā siṅgam vā bhijjati vā nassati vā, sāmikā ce sampaṭicchanti, iccetam kusalam. No ce sampaṭicchanti, gīvā hoti. Sace “tumhākaṃyeva demā”ti vadanti, na sampaṭicchitabbaṃ. “Vihārassa demā”ti vutte pana “ārāmikānam ācikkhatha jagganattḥāyā”ti vattabbaṃ.

“Sakaṇam dethā”tipi aññātaka-appavārite vattum na vaṭṭati, viññattiyeva hoti, dukkaṇam āpajjati. Ñātipavāritaṭṭhāne pana vaṭṭati, tāvakālikam vaṭṭati, kammaṃ katvā puna dātabbaṃ. Sace nemi-ādīni bhijjanti pākatikāni katvā dātabbaṃ. Naṭṭhe gīvā hoti. “Tumhākameva demā”ti vutte dārubhaṇḍam nāma sampaṭicchitum vaṭṭati. Esa nayo vāsipharasukuṭhārīkudālanikhādanesu, valli-ādīsu ca parapariggahitesu. Garubhaṇḍappahonakesuyeva ca valli-ādīsu viññatti hoti, na tato oram.

Anajjhāvutthakam pana yamkiñci āharāpetum vaṭṭati. Rakkhitagopitaṭṭhāneyeva hi viññatti nāma vuccati. Sā dvīsu paccayesu sabbena sabbam na vaṭṭati, senāsanapaccaye pana “āhara dehī”ti viññattimattameva na

1. Dhamakarakam (Sī, Syā)

2. Karonto hi (Sī)

3. Sāmikānam paṭicchāpetabbaṃ (Sī, Syā)

vaṭṭati, parikathobhāsanimittakammāni vaṭṭanti. Tattha uposathāgāraṃ vā bhojanasālaṃ vā aññaṃ vā yaṃkiñci senāsanam icchato ‘imasmiṃ vata okāse evarūpaṃ senāsanam kātuṃ vaṭṭatī’ti vā “yuttan”ti vā “anurūpan”ti vāti-ādinā nayena vacanaṃ **parikathā** nāma. Upāsakā tumhe kuhiṃ vasathāti. Pāsāde bhanteti. “Kiṃ bhikkhūnaṃ pana upāsakā pāsādo na vaṭṭatī”ti evamādivacanaṃ **obhāso** nāma. Manusse disvā rajjūṃ pasāreti, khīle ākoṭāpeti. “Kiṃ idaṃ bhante”ti vutte “idha āvāsaṃ karissāma”ti evamādikaraṇaṃ pana **nimittakammaṃ** nāma. Gilānapaccaye pana viññattipi vaṭṭati, pageva parikathādīni.

**Manussā upaddutā yācanāya upaddutā viññattiyāti** tesam bhikkhūnaṃ tēya yācanāya, viññattiyā ca pīlitā. **Ubbijjantipīti** “kimnu āharāpessanti”ti ubbegaṃ iñjanaṃ calanaṃ paṭilabhanti. **Uttasantipīti** ahiṃ viya disvā sahasā tasitvā ukkamanti. **Palāyantipīti** dūratova yena vā tena vā palāyanti. **Aññenapi gacchantīti** yaṃ maggaṃ paṭipannā, taṃ pahāya nivattitvā vāmaṃ vā dakkhiṇaṃ vā gahetvā gacchanti. Dvārampi thakenti.

344. **Bhūtapubbaṃ bhikkhavi**ti iti Bhagavā te bhikkhū garahitvā, tadanurūpaṅca<sup>1</sup> dhammiṃ kathaṃ katvā punapi viññattiyā dosaṃ pākaṭaṃ kurumāno iminā<sup>2</sup> “bhūtapubbaṃ bhikkhave”ti-ādinā nayena tīni vatthūni dassesi. Tattha—**maṇikaṇṭho**ti so kira nāgarājā sabbakāmadadaṃ mahaggaṃ maṇiṃ kaṇṭhe pilandhitvā carati, tasmā “maṇikaṇṭho” tveva paññāyittha. **Uparimuddhani mahantaṃ phaṇaṃ karitvā aṭṭhāsīti** so kira tesam dvinnaṃ isīnaṃ kaniṭṭho isi mettāvihārī ahosi, tasmā<sup>3</sup> nāgarājā nadito uttaritvā devavaṇṇaṃ nimminivā tassa santike nisīditvā sammodanīyaṃ kathaṃ katvā taṃ devavaṇṇaṃ pahāya sakavaṇṇameva upagantvā taṃ isiṃ parikkhipitvā pasannākāraṃ karonto uparimuddhani mahantaṃ phaṇaṃ karitvā chattaṃ viya dhārayamāno muhuttaṃ ṭhatvā pakkamati. Tena vuttaṃ “uparimuddhani mahantaṃ phaṇaṃ karitvā aṭṭhāsī”ti. **Maṇimassa kaṇṭhe pilandhananti** maṇiṃ assa kaṇṭhe pilandhitam, āmukkanti<sup>4</sup> attho. **Ekamantaṃ aṭṭhāsīti** tena devavaṇṇena āgantvā tāpasena saddhiṃ sammodamāno ekasmiṃ padese aṭṭhāsī.

1. Tadanurūpikaṅca (Sī)

2. Imāni (Syā)

3. So kira (Sī)

4. Āmuttanti (Syā)

**Mamannapānanti** mama annañca pānañca. **Vipulanti** bahulaṃ. **Uḷāranti** pañītaṃ. **Atiyācako**sīti ativiya yācako asi, punappunaṃ yācasīti vuttaṃ hoti. **Susūti** taruṇo thāmasampanno yobbanappattapuriso. Sakkharā vuccati kāḷasilā, tattha dhoti asi “sakkharadhoti nāmā”ti vuccati, sakkharadhoti pāṇimhi assāti **sakkharadhotapāṇi**, pāsāṇe dhotanisitakhaggahatthoti attho. Yathā so asihattho puriso tāseyya, evaṃ **tāsesi maṃ selam yācamāno**, maṇim yācantoti attho.

**Na taṃ yāceti** taṃ na yāceyya. Kataraṃ? **Yassa piyaṃ jigīseti** yaṃ assa sattassa piyanti jāneyya.

**Kimaṅgaṃ pana manussabhūtānanti** manussabhūtānaṃ amanāpāti kimevettha vattabbaṃ.

345. **Sakuṇasaṅghassa saddena ubbāḷhoti** so kira sakuṇasaṅgho paṭhamayāmañca pacchimayāmañca nirantaraṃ saddameva karoti, so bhikkhu tena saddena pīḷito hutvā Bhagavato santikaṃ agamāsi. Tenāha “yenāhaṃ tenupasaṅkamī”ti.

**Kuto ca tvaṃ bhikkhu āgacchasīti** ettha nisinno so bhikkhu na āgacchati, vattamānasamīpe pana evaṃ vattum labbhati. Tenāha “kuto ca tvaṃ bhikkhu āgacchasī”ti, kuto āgatosīti attho. **Tato ahaṃ Bhagavā āgacchāmīti** etthāpi so eva nayo. **Ubbāḷhoti** pīḷito, ukkaṅṭhāpito hutvāti attho.

**So sakuṇasaṅgho “bhikkhu pattaṃ yācati”**ti ettha na te sakuṇā bhikkhuno vacanaṃ jānanti. Bhagavā pana attano ānubhāvena yathā jānanti, tathā akāsi.

346. **Apāhaṃ te na jānāmīti** api ahaṃ te jane “ke vā ime, kassa vā ime”ti na jānāmi. **Saṅgama yācantīti** samāgantvā vaggavaggā hutvā yācanti. **Yācako appiyo hotīti** yo yācati, so appiyo hoti. **Yācaṃ adadamappiyoti yācanti** yācitaṃ vuccati. Yācitamatthaṃ adadantopi appiyo hoti. Atha vā yācanti yācantassa,

adadamappiyoti adento appiyo hoti. **Mā me videssanā ahūti** mā me appiyabhāvo ahu, ahaṃ vā tava, tvaṃ vā mama videsso appiyo mā ahoṣīti attho.

347. **Dussamharānīti** kasigorakkhādīhi upāyehi dukkhena samharaṇīyāni.

348-9. **Saññācīkāya pana bhikkhunāti** ettha **saññācīkā** nāma sayam pavattitayācanā vuccati, tasmā saññācīkāyāti attano yācanāyāti vuttam hoti, sayam yācītakehi upakaraṇehīti attho. Yasmā pana sā sayamyācītakehi kariyamānā sayam yācītvā kariyamānā hoti, tasmā taṃ atthapariyāyam dassetuṃ “sayam yācītvā purisampi”ti evamassa padabhājanam vuttam.

**Ullittāti** antolittā. **Avalittāti** bahilittā. **Ullittāvalittāti** antarabāhiralittāti<sup>1</sup> vuttam hoti.

**Kārayamānenāti** imassa padabhājane “kārapentena”ti ettakameva vattabban siyā. Evañhi byañjanam sameti. Yasmā pana saññācīkāya kuṭim karontenāpi idha vuttanayeneva paṭipajjitabban, tasmā karonto vā hotu, kārapento vā, ubhopete “kārayamānenā”ti imināva padena saṅgahitāti etamattham dassetuṃ “karonto vā kārapento vā”ti vuttam. Yadi pana “karontena vā kārapentena vā”ti vadeyya, byañjanam vilomitam bhaveyya, na hi kārapento karonto nāma hoti, tasmā atthamattamevettha dassitanti veditabban.

**Attuddesanti** “mayham esā”ti evam attā uddeso assāti attuddesā, tam attuddesam. Yasmā pana yassā attā uddeso, sā attano atthāya hoti, tasmā atthapariyāyam dassento “attuddesanti attano atthāyā”ti āha. **Pamāṇīkā kāretabbāti** pamāṇayuttā kāretabbā. **Tatridam pamāṇanti** tassā kuṭiyā idam pamāṇam. **Sugatavidatthiyāti** Sugatavidatthi nāma idāni majjhimassa purisassa

---

1. Santarabāhiralittāti (Sī, Syā)

tisso vidatthiyo vaḍḍhakīhatthena diyaḍḍho hattho hoti. **Bāhirimena mānenā**ti kuṭiyā bahikuṭṭamānena dvādasa vidatthiyo. Minantena pana sabbapaṭhamamāṃ dinno mahāmattikapariyanto na gahetabbo. Thusapiṇḍapariyantena minitabbamāṃ. Thusapiṇḍassa upari setakammamāṃ abbohārikamāṃ. Sace thusapiṇḍena anattiko mahāmattikāya eva niṭṭhāpeti, mahāmattikāva paricchedo.

**Tiriyanti** vitthārato. **Sattā**ti satta Sugatavidatthiyo. **Antarā**ti imassa pana ayamāṃ niddeso “abbhantarimena mānenā”ti, kuṭṭassa bahi antamāṃ aggahetvā abbhantarimena antena miniyamāne tiriyaṃ satta Sugatavidatthiyo pamāṇanti vuttamāṃ hoti.

Yo pana lesamāṃ oḍḍento yathāvuttappamāṇameva karissāmīti dīghato ekādasa vidatthiyo tiriyaṃ aṭṭha vidatthiyo, dīghato vā terasa vidatthiyo tiriyaṃ cha vidatthiyo kareyya, na vaṭṭati. Ekatobhāgena atikkantampi hi pamāṇamāṃ atikkantameva hoti. Tiṭṭhatu vidatthi, kesaggamattampi dīghato vā hāpetvā tiriyaṃ, tiriyaṃ vā hāpetvā dīghamāṃ vaḍḍhetum na vaṭṭati, ko pana vādo ubhato vaḍḍhane. Vuttañhetamāṃ “āyāmato vā vitthārato vā antamaso kesaggamattampi atikkamitvā karoti vā kārāpeti vā, payoge dukkaṭan”ti-ādi<sup>1</sup>. Yathāvuttappamāṇā eva pana vaṭṭati. Yā pana dīghato saṭṭhihatthāpi hoti tiriyaṃ tihatthā vā ūnakacatuhatthā vā, yattha pamāṇayutto mañco ito cito ca na parivattati, ayamāṃ kuṭīti saṅkhyamāṃ na gacchati, tasmā ayampi vaṭṭati. **Mahāpaccariyaṃ pana** pacchimakoṭiyā catuhatthavitthārā vuttā, tato heṭṭhā akuṭī. Pamāṇikāpi pana adesitavatthukā vā sārāmbhā vā aparikkamanā vā na vaṭṭati, pamāṇikā desitavatthukā anārāmbhā saporikkamanāva vaṭṭati. Pamāṇato ūnatarampi catuhatthamāṃ pañcahatthampi karontena desitavatthukāva kāretabbā. Pamāṇātikkantañca pana karonto lepapariyosāne garukamāṃ āpattimāṃ āpajjati.

Tattha lepo ca alepo ca lepokāso ca alepokāso ca veditabbo. Seyyathidamāṃ? **Lepo**ti dve lepā mattikālepo ca sudhālepo ca. Ṭhapetvā pana ime dve lepe avaseso bhasmagomayādibhedo lepo **alepo**. Sacepi kalalalepo hoti, alepo

---

1. Vi 1. 227 piṭṭhe.



eva. **Lepokāsoti** bhittiyo ceva chadanañca, ṭhapetvā pana bhitticchadane avaseso thambhatulāpiṭṭhasaṅghāṭavātapānadhūmacchiddādi alepāraho okāso, sabbopi **alepokāsoti** veditabbo.

**Bhikkhū abhinetabbā vatthudesanāyāti** yasmim̄ ṭhāne kuṭim̄ kāretukāmo hoti, tattha vatthudesanatthāya bhikkhū netabbā. **Tena kuṭikārakenāti**-ādi pana yena vidhinā te bhikkhū abhinetabbā, tassa dassanattham̄ vuttam̄. Tattha **kuṭivatthum̄ sodhetvāti** na visamaṃ araññam̄ bhikkhū gahetvā gantabbaṃ, kuṭivatthum̄ pana paṭhamameva sodhetvā samatalam̄ sīmamaṇḍalasadisaṃ katvā pacchā saṅgham̄ upasaṅkamtivā yācitvā netabbāti dasseti. **Evamassa vacanīyoti** saṅgho evam̄ vattabbo assa. Parato pana “dutiyaṃpi yācitabbā”ti bhikkhū sandhāya bahuvacanaṃ vuttam̄. **No ce sabbo saṅgho ussahatīti** sace sabbo saṅgho na icchati, sajjhāyamanasikārādīsu uyyuttā te te bhikkhū honti. **Sārambham̄ anārambhanti** sa-upaddavaṃ anupaddavaṃ. **Saparikkamaṃ aparikkamananti** sa-upacāraṃ anupacāraṃ.

350. **Pattakallanti** patto kālo imassa olokanassāti pattakālam̄, pattakālameva pattakallam̄, idañca vatthu-olokanatthāya sammutikammaṃ anusāvanāyena oloketvāpi kātum̄ vaṭṭati. Parato pana vatthudesanākammaṃ yathāvuttāya eva ñattiyā ca anusāvanāya ca kātabbaṃ, oloketvā kātum̄ na vaṭṭati.

353. **Kipillikānanti** rattakāḷapiṅgalādibhedānam̄ yāsam̄ kāsāñci kipillikānam̄. Kipillakānantipi pāṭho<sup>1</sup>. **Āsayoti** nibaddhavasanaṭṭhānam̄, yathā ca kipillikānam̄, evam̄ upacikādīnampi nibaddhavasanaṭṭhānam̄yeva āsayo veditabbo. Yattha pana te gocaratthāya āgantvā gacchanti, sabbesampi tādiso sañcaraṇappadeso avārito. Tasmā tattha apanetvā sodhetvā kātum̄ vaṭṭati. Imāni tāva cha ṭhānāni sattānuddayāya paṭikkhittāni.

**Hatthīnam̄ vāti** hatthīnam̄ pana nibaddhavasanaṭṭhānampi nibaddhagocaraṭṭhānampi na vaṭṭati. Sihādīnam̄ āsayo ca gocarāya pakkamantānam̄ nibaddhagamanamaggo ca na vaṭṭati. Etesam̄ cārabhūmi<sup>2</sup> na gahitā. **Yesam̄ kesañcīti** aññesampi vāḷānam̄

1. Kapīlakānantipi pāṭho (Sī, Syā)

2. Cāribhūmi (Ka)

tiracchānagatānaṃ. Imāni satta ṭhānāni sappātibhayāni bhikkhūnaṃ ārogyatthāya paṭikkhittāni. Sesāni nānā-upaddavehi sa-upaddavāni. Tattha **pubbaṇṇanissitanti** pubbaṇṇaṃ nissitaṃ, sattannaṃ dhaññānaṃ viruhanakakhettsāmantā ṭhitaṃ. Eseva nayo aparāṇṇanissitādīsupi. Ettha pana **abbhāghātanti** kāraṇāgharaṃ, verigharaṃ corānaṃ māraṇatthāya katanti **Kurundi-ādīsu**.

**Āghātananti** dhammagandhikā vuccati. **Susānanti** mahāsusānaṃ. **Saṃsaraṇanti**<sup>1</sup> anibbijjhagamanīyo gatapaccāgatamaggo vuccati. Sesāṃ uttānameva.

**Na sakkā hoti yathāyuttena sakaṭeṇāti** dvīhi balībaddehi yuttena sakaṭeṇa ekaṃ cakkam nibbodakapātanaṭṭhāne ekaṃ bahi katvā āviñjituṃ<sup>2</sup> na sakkā hoti. **Kurundiyaṃ** pana “catūhi yuttēnā”ti vuttaṃ. **Samantā nisseṇiyā anuparigantuntī** nisseṇiyaṃ ṭhatvā gehaṃ chādentehi na sakkā hoti samantā nisseṇiyā āviñjituṃ. Iti evarūpe sārāmbhe ca aparikkamane ca ṭhāne na kāretabbā. Anārāmbhe pana saporikkamane kāretabbā. Taṃ vuttapaṭipakkhanayena Pāliyaṃ āgatameva.

Puna **saññācīkā nāmāti** evamādi “sārāmbhe ce bhikkhu vatthusmiṃ aparikkamane saññācīkāya kuṭiṃ kāreyyā”ti evaṃ vuttasaṃyācīkādīnaṃ atthappakāsanattham vuttaṃ.

**Payoge dukkaṭanti** evaṃ adesitavatthukaṃ vā pamāṇātikantaṃ vā kuṭiṃ karissāmīti araññato rukkhā haraṇatthāya vāsīṃ vā pharasuṃ vā niseti, dukkaṭaṃ. Araññaṃ pavisati, dukkaṭaṃ. Tattha allatiṇāni chindati, dukkaṭeṇa saddhiṃ pācittiyaṃ. Sukkhāni chindati, dukkaṭaṃ. Rukkhesupi eseva nayo. Bhūmiṃ sodheti, khaṇati, paṃsum uddharati, cināti<sup>3</sup>, evaṃ yāva pācinaṃ<sup>4</sup> bandhati, tāva pubbaṇṇapayogo nāma hoti, tasmīṃ pubbaṇṇapayoge sabbattha pācittiyatṭhāne dukkaṭeṇa saddhiṃ pācittiyaṃ, dukkaṭatṭhāne dukkaṭaṃ. Tato paṭṭhāya saḥapayogo nāma. Tattha thambhehi kātabbāya thambhaṃ ussāpeti, dukkaṭaṃ. Itṭhakāhi cinitabbāya iṭṭhakaṃ ācināti, dukkaṭaṃ. Evaṃ yaṃ yaṃ upakaraṇaṃ yojeti, sabbattha payoge payoge dukkaṭaṃ. Tacchantassa hatthavāre hatthavāre tadatthāya gacchantassa pade pade dukkaṭaṃ. Evaṃ kataṃ pana dārukuṭṭikaṃ vā iṭṭhakuṭṭikaṃ vā silākuṭṭikaṃ vā antamaso paṇṇasālampi “sabhitticchadanaṃ

---

1. Sañcaraṇanti (Sī) 2. Āvijjituṃ (Ka) 3. Mināti (Syā) 4. Pāciraṃ (Sī, Syā)

limpissāmī”ti sudhāya vā mattikāya vā limpantassa payoge payoge yāva thullaccayaṃ na hoti, tāva dukkaṭaṃ. Etaṃ pana dukkaṭaṃ mahālepeneva vaṭṭati, setarattavaṇṇakaraṇe vā cittakamme vā anāpatti.

**Ekam piṇḍam anāgateti** yo sabbapacchimo eko lepapiṇḍo, taṃ ekam piṇḍam asampatte kuṭikamme. Idam vuttaṃ hoti—idāni dvihi piṇḍehi niṭṭhānaṃ gamissatīti tesu paṭhamapiṇḍadāne thullaccayanti.

**Tasmim piṇḍe āgateti** yaṃ ekam piṇḍam anāgate kuṭikamme thullaccayaṃ hoti, tasmim avasānapiṇḍe āgate dinne ṭhapite lepessa ghaṭitattā āpatti saṃghādisesassa. Evaṃ limpantassa ca antolepe vā antolepena saddhim bhittiṅca chadanaṅca ekābaddham katvā ghaṭite bahilepe vā bahilepena saddhim ghaṭite saṃghādiseso. Sace pana dvārabaddham vā vātapānaṃ vā aṭṭhapetvāva mattikāya limpati, tasmim ca tassokāsaṃ puna vaddhetvā vā avaddhetvā vā ṭhapite lepo na ghaṭayati<sup>1</sup>, rakkhati tāva. Puna limpantassa pana ghaṭitamatte saṃghādiseso. Sace taṃ ṭhapiyamānaṃ paṭhamaṃ dinnalepena saddhim nirantameva hutvā tiṭṭhati, paṭhamameva saṃghādiseso. Upacikāmocanatham aṭṭhaṅgulamattena appattacchadanaṃ katvā bhittim limpati, anāpatti. Upacikāmocanatham eva heṭṭhā pāsāṇakuṭṭam katvā taṃ alimpitvā upari limpati, lepo na ghaṭayati<sup>1</sup> nāma, anāpattiyeva.

Iṭṭhakakuṭṭikāya iṭṭhakāhiyeva vātapāne ca dhūmanettāni ca karoti, lepaghaṭaneneva āpatti. Paṇṇasālam limpati, lepaghaṭaneneva āpatti. Tattha ālokatthāya aṭṭhaṅgulamattam ṭhapetvā limpati, lepo na ghaṭayati nāma, anāpattiyeva. Sace “vātapānaṃ laddhā ettha ṭhapessāmī”ti karoti, vātapāne ṭhapite lepaghaṭanena āpatti. Sace mattikāya kuṭṭam karoti, chadanalepena saddhim ghaṭane āpatti. Eko ekapiṇḍāvasesam katvā ṭhabeti, añño taṃ disvā “dukkataṃ idan”ti vattasīsena limpati, ubhinnampi anāpatti.

354. **Bhikkhu kuṭim karoti**ti evamādini chattimsa catukkāni āpattibhedadassanatham vuttāni, tattha sārambhāya dukkaṭam, aparikkamanāya

---

1. Ghaṭiyati (Ka) evamuparipi.

dukkaṭaṃ, pamāṇātikantāya saṃghādiseso, adesitavattukāya saṃghādiseso, etesaṃ vasena vomissakāpattiyo veditabbā.

355. **Āpatti dvinnam saṃghādisesena dvinnam dukkaṭānanti-ādīsu** ca dvīhi saṃghādisesehi saddhim dvinnam dukkaṭānanti-ādinā nayena attho veditabbo.

361. **So ce vippakate āgacchatīti-ādīsu** pana ayaṃ attha vinicchayo. **Soti** samādisitvā pakkantabhikkhu. **Vippakateti** aṇiṭṭhite kuṭīkamme. **Aññassa vā dātabbāti** aññassa puggalassa vā saṃghassa vā cajitvā dātabbā. **Bhinditvā vā puna kātabbāti** kittakena bhinnā hoti, sace thambhā bhūmiyaṃ nikhātā, uddharitabbā. Sace pāsāṇaṇaṃ upari ṭhapitā, apanetabbā. **Īṭṭhakacitāya yāva maṅgaliṭṭhakā,** tāva kuṭṭā apacinitabbā. Saṅkhepato bhūmisamaṃ katvā vināsitā bhinnā hoti, bhūmito upari caturaṅgulamattepi ṭhite abhinnāva. Sesam sabbacatukkesu pākaṭameva. Na hettha aññaṃ kiñci atthi, yaṃ Pāli-anusāreneva dubbhiññeyaṃ siyā.

363. **Attanā vippakatanti-ādīsu** pana attanā āradham kuṭim. **Attanā pariyoṣāpetīti** mahāmatikāya vā thusamattikāya vā yāya kataṃ pariyoṣitabhāvaṃ pāpetukāmo hoti, tāya avasānapinḍaṃ dento pariyoṣāpeti.

**Parehi pariyoṣāpetīti** attanova atthāya parehi pariyoṣāpeti<sup>1</sup>. Attanā vā hi vippakatā hotu parehi vā ubhayehi vā, taṃ ce attano atthāya attanā vā pariyoṣāpeti, parehi vā pariyoṣāpeti<sup>1</sup>, attanā ca parehi cāti yuganaddham<sup>2</sup> vā pariyoṣāpeti, saṃghādisesoyevāti ayamettha vinicchayo.

**Kurundiyaṃ** pana vuttaṃ “dve tayo bhikkhū ‘ekato vasissāmā’ti karonti, rakkhati tāva, avibhattattā anāpatti. ‘Idaṃ ṭhānaṃ tava, idaṃ mamā’ti vibhajitvā karonti, āpatti. Sāmaṇero ca bhikkhu ca ekato karonti, yāva avibhattā, tāva rakkhati. Purimanayena vibhajitvā karonti, bhikkhussa āpatti”ti.

1. Pariyoṣāpeti (Ka)

2. Yuganandham (Ka)

364. **Anāpatti leṇeti**-ādīsu leṇaṃ mahantampi karontassa anāpatti. Na hettha lepo ghaṭayati. Guhampi iṭṭhakāguhaṃ vā silāguhaṃ vā dāruḡuhaṃ vā bhūmigūhaṃ vā mahantampi karontassa anāpatti.

**Tiṇakuṭikāyāti** sattabhūmikopi pāsādo tiṇapaṇṇacchadano “tiṇakuṭikā”ti vuccati. Aṭṭhakathāsu pana kukkuṭacchikagehanti chadanam daṇḍakehi jālabandham katvā tiṇehi vā paṇṇehi vā chādītakūṭikāva vuttā, tattha anāpatti. Mahantampi tiṇacchadanageham kātum vaṭṭati. Ullittādībhāvo eva hi kuṭiyā lakkhaṇam. So ca chadanameva sandhāya vuttoti veditabbo. “Caṅkamanasālāyam tiṇacuṇṇam paripatati. Anujānāmi bhikkhave ogumphetvā ullittāvalittam kātun”ti-ādīni<sup>1</sup> cettha sādhakāni, tasmā ubhatopakkham vā kūṭabaddham vā vaṭṭam vā caturassam vā yam “imam etassa gehassa chadanam”ti chadanasāṅkhepena kataṃ hoti, tassa bhittilepena saddhim lepe ghaṭīte āpatti. Sace pana ullittāvalittacchadanassa gehassa leparakkhaṇattham upari tiṇena chādenti, ettāvata tiṇakuṭi nāma na hoti. Kim panettha adesitavattukappamāṇātikkantapaccayāva anāpatti, udāhu sārāmbha-āparikkamanapaccayāpīti? Sabbathāpi anāpattiyeva. Tathā hi tādisam kuṭim sandhāya **Parivāre** vuttam—

“Bhikkhu saññācīkāya kuṭim karoti,  
Adesitavattukam pamāṇātikkantaṃ.  
Sārāmbham aparikkamanaṃ anāpatti,  
Pañhā mesā kusalehi cintitā”ti<sup>2</sup>.

**Aññassatthāyāti** kuṭilakkhaṇappattampi kuṭim aññassa upajjhāyassa vā ācariyassa vā saṅghassa vā atthāya karontassa anāpatti. Yam pana “āpatti kārukānam tiṇṇam dukkaṭānan”ti-ādi Pāliyam vuttam, tam yathāsamādiṭṭhāya<sup>3</sup> akaraṇapaccayā vuttam.

**Vāsāgāram ṭhapetvā sabbatthāti** attano vasanatthāya agāram ṭhapetvā aññam uposathāgāram vā jantāgharam vā bhojanasālā vā aggisālā vā bhavissatīti kāreti, sabbattha anāpatti. Sacepissa hoti “uposathāgāraṇca bhavissati, ahaṇca vasissāmi, jantāgharaṇca,

1. Vi 4. 257 piṭṭhe.

2. Vi 5. 373 piṭṭhe.

3. Yathāsamādiṭṭhāya (Syā, Ka)

bhojanasālā ca, aggisālā ca bhavissati, ahañca vasissāmī”ti kārītepi anāpattiyeva. **Mahāpaccariyaṃ** pana “anāpattī”ti vatvā “attano vāsāgaratthāya karontasseva āpattī”ti vuttam. **Ummattakassa ādikammikānañca Ālavakānaṃ bhikkhūnaṃ** anāpatti.

Samuṭṭhānādīsu chasamuṭṭhānaṃ, kiriyañca kiriyākiriyañca, idañhi vatthum desāpetvā pamāṇātikantaṃ karoto kiriyato samuṭṭhāti, vatthum adesāpetvā karoto kiriyākiriyaṃ. Nosaññāvimokkham, acittakam, paṇṇattivajjam, kāyakammaṃ vacīkammaṃ, ticittam, tivedananti.

Kuṭikārasikkhāpadavaṇṇanā niṭṭhitā.

## 7. Vihārakārasikkhāpadavaṇṇanā

365. **Tena samayenāti** Vihārakārasikkhāpadaṃ. Tattha **Kosambiyanti** evaṃnāmake nagare. **Ghositārāmeti** Ghositassa ārāme. Ghositanāmakena kira seṭṭhinā so kārīto, tasmā “Ghositārāmo”ti vuccati. **Channassāti** bodhisattakāle upaṭṭhākachannassa. **Vihāravatthum bhante jānāhīti** vihārassa paṭiṭṭhānaṭṭhānaṃ bhante jānāhi. Ettha ca **vihāroti** na sakalavihāro eko āvāso, tenevāha “ayyassa vihāraṃ kārāpessāmī”ti.

**Cetiyarukkanti** ettha cittikataṭṭhena cetiyaṃ, pūjārahānaṃ devaṭṭhānānametaṃ adhivacanam, “cetiyan”ti sammataṃ rukkham cetiyarukkham. Gāmena pūjitaṃ, gāmassa vā pūjitaṃ **gāmapūjitaṃ**. Eseva nayo sesapadesupi. Apicettha **janapadoti** ekassa rañño rajje ekeko koṭṭhāso. **Raṭṭhanti** sakalarajjam veditabham. Sakalarajjampi hi kadāci kadāci tassa rukkhasa pūjam karoti. Tena vuttam “raṭṭhapūjitaṃ”ti. **Ekindriyanti** kāyindriyaṃ sandhāya vadanti. **Jīvasaññīnoti** sattasaññīno.

366. **Mahallakanti** sassāmikabhāvena saṃyācīkakuṭito mahantabhāvo etassa atthīti mahallako. Yasmā vā vatthum desāpetvā pamāṇātikkaṃmenapi kātum vaṭṭati, tasmā pamāṇamahantatāyapi

mahallako, taṃ mahallakaṃ. Yasmā paṇassa taṃ pamāṇamahattaṃ sassāmikattāva labbhati, tasmā tadatthadassanatthaṃ “**mahallako nāma vihāro sassāmiko vuccati**”ti padabhājanam vuttam. Sesam sabbam kuṭikārasikkhāpade vuttanayeneva veditabbam saddhim samuṭṭhānādīhi. Sassāmikabhāvamattameva hi ettha kiriyato samuṭṭhānābhāvo, pamāṇaniyamābhāvo ca viseso, pamāṇaniyamābhāvā ca catukkapārihānīti.

Vihārakārasikkhāpadavaṇṇanā niṭṭhitā.

### 8. Paṭhamaduṭṭhadosasikkhāpadavaṇṇanā

380. **Tena samayena Buddho Bhagavāti** Duṭṭhadosasikkhāpadam. Tattha **Veḷuvane Kalandakanivāpeti Veḷuvananti** tassa uyyānassa nāmam, taṃ kira veḷūhi ca parikkhittam ahoṣi aṭṭhārasahatthena ca pākārena, gopuraṭṭālakayuttam nīlobhāsam manoramam, tena “**Veḷuvanan**”ti vuccati. Kalandakānañcetta nivāpam adamsu, tena “**Kalandakanivāpan**”ti<sup>1</sup> vuccati.

Pubbe kira aññataro rājā tattha uyyānakīlanattham āgato, surāmadena matto divāseyyam supi. Parijanopissa “**sutto rājā**”ti pupphaphalādīhi palobhiyamāno ito cito ca pakkami. Atha surāgandhena aññatarasmā susirarukkā kaṇhasappo nikkhamitvā rañño abhimukho āgacchati, taṃ disvā rukkadevatā “**rañño jīvitam dassāmī**”ti kālakavesena āgantvā kaṇṇamūle saddamakāsi, rājā paṭibujjhi, kaṇhasappo nivatto, so taṃ disvā “**imāya kālākāya mama jīvitam dinnan**”ti kālakanam tattha nivāpam paṭṭhapesi, abyayaghosanañca ghosāpesi, tasmā taṃ tato pabhuṭi “**kalandakanivāpan**”ti saṅkyam gataṃ. **Kalandakāti** hi kālakanam etam nāmam.

**Dabboti** tassa therassa nāmam. **Mallaputtoti** Mallarājassa putto. **Jātiyā sattavassena arahattam sacchikatanti** thero kira sattavassikova samvegam labhitvā pabbajito khurageyeva arahattam pāpuṇīti veditabbo. **Yamkiñci sāvakena pattabam, sabbam tena anuppattanti** sāvakena

1. Kalandakanivāpoti (Sī, Syā, Ka)

pattabbaṃ nāma tisso vijjā, catasso paṭisambhidā, cha abhiññā, nava lokuttaradhammāti idaṃ guṇajātaṃ, taṃ sabbaṃ tena anuppattaṃ hoti.

**Natthi cassa kiñci uttari karaṇīyanti** catūsu saccesu catūhi maggehi soḷasavidhassa kiccassa katattā idānissa kiñci uttari karaṇīyaṃ natthi.

**Katassa vā paticayoti** tasseva katassa kiccassa puna vaḍḍhanampi natthi.

Dhotassa viya vatthassa paṭidhovanam, pisitassa viya gandhassa paṭipisanam<sup>1</sup>, pupphitassa viya ca pupphassa paṭipupphananti. **Rahogatassāti** rahasi gatassa. **Paṭisallīnassāti** tato tato paṭikkamitvā sallīnassa, ekībhāvaṃ gatassāti vuttaṃ hoti.

Atha kho āyasmato Dabbassa Mallaputtassa etadahosi “yannūnāhaṃ saṃghassa senāsanañca paññapeyyaṃ, bhattāni ca uddiseyyaṃ”ti thero kira attano katakiccabhāvaṃ disvā “ahaṃ imaṃ antimasarīraṃ dhāremi, tañca kho vātamukhe ṭhito padīpo viya aniccatāmukhe ṭhitam, nacirasseva<sup>2</sup> nibbāyanadhammaṃ, yāva na nibbāyati, tāva kinnu kho ahaṃ saṃghassa veyyāvaccam kareyyaṃ”ti cintento iti paṭisañcikkhati “tioraṭṭhesu bahū kulaputtā Bhagavantaṃ adisvāva pabbajanti, te ‘Bhagavantaṃ passissāma ceva vandissāma cā’ti dūratopi āgacchanti, tatra yesaṃ senāsanam nappahoti, te silāpaṭṭakepi seyyaṃ kappenti. Pahomi kho panāhaṃ attano ānubhāvena tesam kulaputtānaṃ icchāvasena pāsādavihāra-aḍḍhayogādīni, mañcapīṭhattharaṇādīni ca senāsanāni nimminivā dātum. Punadivase cettha ekacce ativiya kilantarūpā honti, te gāravena bhikkhūnaṃ purato ṭhatvā bhattānipi na uddisāpentī. Ahaṃ kho pana nesaṃ bhattānipi uddisitum pahomī”ti. Iti paṭisañcikkhantassa **atha kho āyasmato Dabbassa Mallaputtassa etadahosi “yannūnāhaṃ saṃghassa senāsanañca paññapeyyaṃ, bhattāni ca uddiseyyaṃ”ti.**

Nanu ca imāni dve ṭhānāni bhassārāmatādīmanuyuttassa yuttāni, ayañca khīṇāsavo nippapañcārāmo, imassa kasmā imāni paṭibhaṃsūti?

Pubbapatthanāya coditattā. \* Sabbabuddhānaṃ kira imaṃ ṭhānantaraṃ pattā sāvakā hontiyeva. Ayañca Padumuttarassa Bhagavato kāle aññatarasmim kule paccājāto imaṃ ṭhānantaraṃ pattassa bhikkhuno ānubhāvaṃ disvā aṭṭhasaṭṭhiyā

1. Paṭipimsanam (Sī, Syā) 2. Nacirassam (Ka) \* Am-Ṭṭha 1. 213 piṭṭhe vitthāro.



bhikkhusatasahasseehi saddhiṃ Bhagavantam satta divasāni nimantetvā mahādānam datvā pādamūle nipajjitvā “anāgate tumhādisassa Buddhassa uppannakāle ahampi itthannāmo tumhākam sāvako viya senāsanapaññāpako ca bhattuddesako ca assan”ti patthanam akāsi. Bhagavā anāgataṃsaññaṃ pesetvā addasa, disvā ca “ito kappasatasahassassa accayena Gotamo nāma Buddho uppajjissati, tadā tvaṃ Dabbo nāma Mallaputto hutvā jātiyā sattavasso nikkhamma pabbajitvā arahattam sacchikarissasi, imaṃca ṭhanantaram lacchasi”ti byākāsi. So tato pabhuti dānasīlādīni pūrayamāno devamanussasampattim anubhavitvā amhākam Bhagavato kāle tena Bhagavatā byākatasadisameva arahattam sacchākāsi. Athassa rahogatassa “kim nu kho aham saṃghassa veyyāvaccam kareyyan”ti cintayato tāya pubbapatthanāya coditattā imāni dve ṭhānāni paṭibhamsūti.

Athassa etadahosi “aham kho anissarosmi attani, Satthārā saddhiṃ ekaṭṭhāne vasāmi, sace maṃ Bhagavā anujānissati, imāni dve ṭhānāni samādiyissāmi”ti Bhagavato santikam agamāsi. Tena vuttam “atha kho āyasmā Dabbo Mallaputto -pa- bhattāni ca uddisitun”ti. Atha nam Bhagavā “sādhu sādhu Dabbā”ti sampahamsetvā yasmā arahati evarūpo agatigamanaparibāhiro bhikkhu imāni dve ṭhānāni vicāretum, tasmā **“tena hi tvaṃ Dabba saṃghassa senāsanāñca paññapehi, bhattāni ca uddisā”**ti āha. **Bhagavato paccassosīti** Bhagavato vacanam pati-assosi abhimukho assosi, sampatiicchīti vuttam hoti.

**Paṭhamam Dabbo yācitabboti** kasmā Bhagavā yācāpeti.

Garahamocanattam. Passati hi Bhagavā “anāgate Dabbassa imam ṭhānam nissāya Mettiyabhūmajakānam vasena mahā-upaddavo uppajjissati, tatra keci garahissanti ‘ayam tuṅhībhūto attano kammam akatvā kasmā īdisam ṭhānam vicāretī’ti. Tato aññe vakkhanti ‘ko imassa doso, eteheva yācitvā ṭhapito’ti evam garahato muccissati”ti. Evam garahamocanattam yācāpetvāpi puna yasmā asammate bhikkhusmim saṃghamajjhe kiñci kathayamāne khiyyanadhammo uppajjati “ayam kasmā saṃghamajjhe uccāsaddam karoti, issariyam dasseti”ti. Sammate pana

kathente “māyasmanto kiñci avacuttha, sammato ayaṃ, kathetu yathāsukhan”ti vattāro bhavanti. Asammatañca abhūtena abbhācikkhantassa lahukā āpatti hoti dukkaṭamattā. Sammataṃ pana abbhācikkhato garukatarā pācittiyāpatti hoti. Atha sammato bhikkhu āpattiyā garukabhāvena verīhipi duppadhamsiyataro hoti. Tasmā taṃ āyasantam sammannāpetum “**byattena bhikkhunā**”ti-ādimāha. Kim pana dve sammutiyo ekassa dātuṃ vaṭṭantīti? Na kevalam dve, sace pahoti, terasāpi dātuṃ vaṭṭanti. Appahontānaṃ pana ekāpi dvinnam vā tiṇṇam vā dātuṃ vaṭṭati.

382. **Sabhāgānanti** guṇasabhāgānaṃ, na mittasanthavasabhāgānaṃ. Tenevāha “ye te bhikkhū suttantikā, tesam ekajjhan”ti-ādi. Yāvaticā hi suttantikā honti, te uccinitvā ekato tesam anurūpameva senāsanam paññapeti. Evaṃ sesānaṃ. **Kāyadalībahulāti** kāyassa dalhībhāvakaṇabahulā<sup>1</sup>, kāyaposanabahulāti attho. **Imāyapime āyasmanto ratiyāti** imāya saggamaggassa tiracchānabhūtāya tiracchānakathāratiyā. **Acchissantīti** viharissantīti.

**Tejodhātuṃ samāpajjitvā tenevālokenāti** tejokasiṇacatutthajjhānaṃ samāpajjitvā vuṭṭhāya abhiññāñāṇena aṅgulijalanaṃ adhiṭṭhāya teneva tejodhātusamāpattijanitena aṅgulijālālokenāti attho. Ayaṃ pana therassa ānubhāvo nacirasseva sakalajambudīpe pākaṭo ahosi, taṃ sutvā iddhipāṭihāriyaṃ daṭṭhukāmā **apisu bhikkhū sañcicca vikāle āgacchanti. Te sañcicca dūre apadisantīti** jānantāva dūre apadisanti. Kathaṃ? “**Amhākaṃ āvuso Dabba Gijjhakūṭe**”ti iminā nayena.

**Aṅguliyaṃ jalamānāya purato purato gacchatīti** sace eko bhikkhu hoti, sayameva gacchati. Sace bahū honti, bahū attabhāve nimmināti. Sabbe attanā sadisā eva senāsanam paññapenti.

**Ayaṃ mañcoti-ādīsu** pana there “ayaṃ mañco”ti vadante nimmitāpi attano attano gatagataṭṭhāne “ayaṃ mañco”ti vadanti, evaṃ sabbapadesu. Ayañhi nimmitānaṃ dhammatā—

---

1. Dalhābhāvakaṇabahulā (Sī)

“Ekasmim bhāsamānasmim, sabbe bhāsanti nimmitā.  
Ekasmim tuṇhimāsīne, sabbe tuṇhī bhavanti te”ti.

Yasmim pana vihāre mañcapīḥhādīni na paripūranti, tasmim attano ānubhāvena pūrenti. Tena nimmitānaṃ avatthukavacanaṃ na hoti.

**Sesāsanam paññapetvā punadeva Veḷuvanaṃ paccāgacchatī** tehi saddhim janapadakatham kamento na nisīdati, attano vasanaṭṭhānameva paccāgacchati.

383. **Mettiyabhūmajakāti** Mettiyo ca Bhūmajako ca, chabbaggiyānaṃ aggapurisā etc. **Lāmakāni ca bhattānī** senāsanāni tāva navakānaṃ lāmakāni pāpuṇantīti anacchariyametaṃ. Bhattāni pana salākāyo pacchiyam vā cīvarabhoge vā pakkhipitvā āloḷetvā ekamekaṃ uddharitvā paññāpentī, tānīpi tesam mandapuññatāya lāmakāni sabbapacchimāneva pāpuṇanti. Yampi ekacārikabhattam hoti, tampi etesam pattadivase lāmakam vā hoti, ete vā disvāva paṇītam adatvā lāmakameva denti.

**Abhisāṅkhārikanti** nānāsambhārehi abhisāṅkharitvā kataṃ susajjitam, susampādītanti attho. **Kaṇājakanti** sakuṇḍakabhattam. **Bilaṅgadutiyaṃ** kañjiyadutiyaṃ.

**Kalyāṇabhattikoti** kalyāṇam sundaram ativiya paṇītam bhattamassāti kalyāṇabhattiko, paṇītaḍāyakattā bhatteneva paññāto. **Catukkabhattam detī** cattāri bhattāni deti, taddhitavohārena pana “catukkabhattan”ti vuttam. **Upatiṭṭhitvā parivisatī** sabbakammante vissajjetvā mahantam pūjāsakkāram katvā samīpe ṭhatvā parivisati. **Odanaena pucchantī** odanahatthā upasaṅkamitvā “kim bhante odanam demā”ti pucchanti, evam<sup>1</sup> karaṇattheyeva karaṇavacanaṃ hoti. Esa nayo sūpādīsu.

**Svātanāyāti** sve bhavo bhattaparibhogo svātano, tassatthāya svātanāya, sve kattabbassa bhattaparibhogassatthāyāti vuttam hoti. **Uddiṭṭham hotī**ti pāpetvā dinnam hoti. **Mettiyabhūmajakānaṃ kho gahapatī**ti idaṃ thero asamannāharitvā āha. Evambalavatī hi

1. Etam (Ka)

tesaṃ mandapuññatā, yaṃ sativepullappattānampi asamannāhāro hoti. **Ye jeti ettha jeti dāsīṃ ālapati.**

**Hiyyo kho āvuso amhākaṃti** rattīṃ sammantayamānā atītaṃ divasabhāgaṃ sandhāya “hiyyo”ti vadanti. **Na citta rūpanti** na cittaṇurūpaṃ, yathā pubbe yattakaṃ icchanti, tattakaṃ supanti, na evaṃ supimsu, appakameva supimsūti vuttaṃ hoti.

**Bahārāmakotṭhake**ti Veḷuvanavihārassa bahidvāraṅkṭṭhake. **Pattakkhandhāti** patitakkhandhā khandhaṅgikāṃ nāmetvā nisinnā. **Pajjhāyantāti** padhūpāyantā.

**Yato nivātaṃ, tato savātanti**<sup>1</sup> yattha nivātaṃ appakopi vāto natthi, tattha mahāvāto uṭṭhitoti adhippāyo. **Udakaṃ maññe ādittanti** udakaṃ viya ādittaṃ.

384. **Sarasi tvaṃ Dabba evarūpaṃ kattāti** tvaṃ Dabba evarūpaṃ kattā sarasi. Atha vā sarasi tvaṃ Dabba evarūpaṃ, yathāyaṃ bhikkhunī āha, kattā cāsi<sup>2</sup> evarūpaṃ, yathāyaṃ bhikkhunī āhāti evaṃ yojetvāpettha attho daṅṅhabbo. Ye pana “katvā”ti paṭhanti, tesaṃ ujukameva.

**Yathā maṃ bhante Bhagavā jānātīti** thero kiṃ dasseti. Bhagavā bhante sabbaññū, ahañca khīṇāsavo, natthi mayhaṃ vatthupaṭisevanā, taṃ maṃ Bhagavā jānāti, tatrāhaṃ kiṃ vakkhāmi, yathā maṃ Bhagavā jānāti, tathevāhaṃ daṅṅhabboti.

**Na kho Dabba Dabbā evaṃ nibbeṭṭenti**ti ettha na kho Dabba paṇḍitā ‘yathā tvaṃ parappaccayena nibbeṭṭhesi’ evaṃ nibbeṭṭenti, apica kho yadeva sāmaṃ ñātaṃ, tena nibbeṭṭenti evamattho daṅṅhabbo. **Sace tayā kataṃ katanti** iminā kiṃ dasseti. Na hi sakkā parisabalena vā pakkhupatthambhena vā akārako kārako kātum, kārako vā akārako kātum, tasmā yaṃ sayāṃ kataṃ vā akataṃ vā, tadeva vattabbanti dasseti. Kasmā pana Bhagavā jānantopi “ahaṃ jānāmi, khīṇāsavo tvaṃ, natthi tuyhaṃ doso, ayaṃ

1. Pavātanti (Sī, Syā)

2. Kattā vāsi (Sī, Syā)

bhikkhunī musāvādinī”ti nāvocāti? Parānuddayatāya. Sace hi Bhagavā yaṃ yaṃ jānāti, taṃ taṃ vadeyya, aññena pārājikaṃ āpannena puṭṭhena “ahaṃ jānāmi, tvaṃ pārājiko”ti vattabbaṃ bhaveyya, tato so puggalo “ayaṃ pubbe Dabbaṃ Mallaputtaṃ suddhaṃ katvā idāni maṃ asuddhaṃ karoti, kassa dāni kiṃ vadāmi, yatra Satthāpi sāvakesu chandāgatiṃ gacchati, kuto imassa Sabbaññubhāvo”ti āghātaṃ bandhitvā apāyūpago bhaveyya, tasmā Bhagavā imāya parānuddayatāya jānantopi nāvoca.

Kiñca bhiyyo upavādaparivajjanatopi nāvoca. Yadi hi Bhagavā evaṃ vadeyya, evaṃ upavādo bhaveyya “Dabbassa Mallaputtassa vuṭṭhānaṃ nāma bhāriyaṃ, Sammāsambuddhaṃ pana sakkhiṃ labhitvā vuṭṭhito”ti. Idañca vuṭṭhānalakkhaṇaṃ maññamānā “Buddhakālepi sakkhinā suddhi vā asuddhi vā hoti, mayaṃ jānāma, ayaṃ puggalo asuddho”ti evaṃ pāpabhikkhū lajjimpi vināseyyunti. Apica anāgatepi bhikkhū otiṇṇe vatthusmiṃ codetvā sāretvā “sace tayā kataṃ ‘katan’ti vadehī”ti lajjīnaṃ paṭiññaṃ gahetvā kammaṃ karissantīti vinayalakkhaṇe tantim ṭhapento “ahaṃ jānāmi”ti avatvāva “sace tayā kataṃ ‘katan’ti vadehī”ti āha.

**Nābhijānāmi supinantenapi methunaṃ dhammaṃ paṭisevitāti** supinantenapi methunaṃ dhammaṃ na abhijānāmi, na paṭisevitā ahanti vuttaṃ hoti. Atha vā paṭisevitā hutvā supinantenapi methunaṃ dhammaṃ na jānāmīti vuttaṃ hoti. Ye pana “paṭisevitvā”ti paṭhanti, tesaṃ ujukameva. **Pageva jāgaroti jāgaranto pana paṭhamameva na jānāmīti.**

**Tena hi bhikkhave Mettiyaṃ bhikkhuniṃ nāsethāti** yasmā Dabbassa ca imissā ca vacanaṃ na ghaṭayati, tasmā Mettiyaṃ bhikkhuniṃ nāsethāti vuttaṃ hoti.

Tattha **tisso nāsanā** liṅganāsanā saṃvāsanāsanā daṇḍakammaṇāsanāti. Tāsu “dūsako nāsetabbo”ti<sup>1</sup> ayaṃ **liṅganāsanā**. Āpattiyā adassane vā appaṭikamme vā pāpikāya diṭṭhiyā appaṭinissagge vā ukkhepanīyakammaṃ karonti, ayaṃ **saṃvāsanāsanā**.

“cara pire vinassā”<sup>1</sup>ti<sup>1</sup> daṇḍakammaṃ karonti, ayaṃ **daṇḍakammaṃnāsanā**.  
Idha pana liṅganāsanam sandhāyāha “Mettiyam bhikkhunim nāsethā”ti.

**Ime ca bhikkhū anuyuñjathā**ti iminā imam dīpeti “ayaṃ bhikkhunī  
attano dhammatāya akārikā, addhā aññehi uyyojitā, tasmā yehi uyyojitā, ime  
bhikkhū anuyuñjatha gavesatha jānāthā”ti.

Kim pana Bhagavatā Mettiyā bhikkhunī paṭiññāya nāsitā, appaṭiññāya  
nāsitāti, kiñcetha yadi tāva paṭiññāya nāsitā, thero kārako hoti sadoso. Atha  
appaṭiññāya, thero akārako hoti niddoso.

Bhātiyarājakālepi mahāvihāravāsīnañca Abhayagirivāsīnañca therānam  
imasmimyeva pade vivādo ahoṣi, Abhayagirivāsīnopi attano suttam vatvā  
“tumahākam vāde thero kārako hotī”ti vadanti. Mahāvihāravāsīnopi attano  
suttam vatvā “tumahākam vāde thero kārako hotī”ti vadanti, pañho na  
chijjati. Rājā sutvā there sannipātetvā Dīghakārāyanam nāma  
brāhmaṇajātiyam amaccam “therānam katham suñāhī”ti āṇāpesi. Amacco  
kira paṇḍito bhāsantarakusalo, so āha “vadantu tāva therā<sup>2</sup> suttan”ti. Tato  
Abhayagiritherā attano suttam vadimsu “tena hi bhikkhave Mettiyam  
bhikkhunim sakāya paṭiññāya nāsethā”ti. Amacco “bhante tumhākam vāde  
thero kārako hoti sadoso”ti āha. Mahāvihāravāsīnopi attano suttam vadimsu  
“tena hi bhikkhave Mettiyam bhikkhunim nāsethā”ti. Amacco “bhante  
tumhākam vāde thero akārako hoti niddoso”ti āha. Kimpanettha yuttam,  
yam pacchā vuttam, vicāritam hetam Aṭṭhakathācariyehi, bhikkhu bhikkhum  
amūlakena antimavatthunā anuddhamseti, saṃghādiseso, bhikkhunim  
anuddhamseti dukkaṭam. **Kurundiyam** pana “musāvāde pācittiyam”ti vuttam.

Tatrāyam vicāraṇā, purimanaye tāva anuddhamānādhippāyattā  
dukkāṭameva yujjati. Yathā satipi musāvāde bhikkhuno bhikkhusmim  
saṃghādiseso, satipi ca musāvāde asuddham suddhadiṭṭhino  
akkosādhippāyena vadantassa

1. Vi 2. 183 piṭṭhe.

2. Vadantu therā (Sī, Syā)

omasavādeneva pācittiyam, na sampajānamusāvādena, evam idhāpi anuddhamśanādhippāyattā sampajānamusāvādena<sup>1</sup> pācittiyam na yujjati, dukkaṭameva yuttam. Pacchimanayepi musāvādattā pācittiyameva yujjati. Vacanappamāṇato hi anuddhamśanādhippāyena bhikkhussa bhikkhusmim saṅghādiseso, akkosādhippāyassa ca omasavādo. Bhikkhussa pana bhikkhuniyā dukkaṭantivacanam natthi, “sampajānamusāvāde pācittiyam”ti vacanamatthi, tasmā pācittiyameva yujjati.

Tatra pana idam upaparikkhitabbaṃ “anuddhamśanādhippāye asati pācittiyam, tasmim sati kena bhavitabban”ti. Tatra yasmā musā bhaṇantassa pācittiye siddhepi amūlakena saṅghādisesena anuddhamśane visum pācittiyam vuttam, tasmā anuddhamśanādhippāye sati sampajānamusāvāde pācittiyassa okāso na dissati, na ca sakkā anuddhamśentassa anāpattiyā bhavitunti purimanayovettha parisuddhataro khāyati. Tathā bhikkhunī bhikkhunim amūlakena antimavatthunā anuddhamseti, saṅghādiseso, bhikkhum anuddhamseti, dukkaṭam. Tatra saṅghādiseso vuṭṭhānagāmī, dukkaṭam desanāgāmī, etehi nāsanā natthi. Yasmā pana sā pakatiyāva dussilā pāpabhikkhunī, idāni ca sayameva “dussilāmhī”ti vadati, tasmā nam Bhagavā asuddhattāyeva nāsesīti.

**Atha kho Mettiyabhūmajakā**ti evam “Mettiyam bhikkhunim nāsetha, ime ca bhikkhū anuyuñjathā”ti vatvā uṭṭhāyāsanā vihāram pavitṭhe Bhagavati tehi bhikkhūhi “detha dāni imissā setakānī”ti nāsiyamānam tam bhikkhunim disvā te bhikkhū tam mocetukāmatāya attano aparādham āvi karimsu, etamattham dassetuṃ “**atha kho Mettiyabhūmajakā**”ti-ādi vuttam.

385-6. **Duṭṭho dosoti** dūsito ceva dūsako ca. Uppanne hi dose puggalo tena dosena dūsito hoti, pakatibhāvam jahāpito, tasmā “duṭṭho”ti vuccati. Parañca dūseti vināseti, tasmā “doso”ti vuccati. Iti “duṭṭho doso”ti ekassevetam puggalassa ākāranānattena nidassanam. Tena vuttam “duṭṭho dosoti dūsito

---

1. Sampajānamusāvāde (Sī, Syā)

ceva dūsako cā”ti, tattha saddalakkhaṇaṃ pariyesitabbaṃ. Yasmā pana so “duṭṭho doso”ti saṅkhyāṃ gato paṭighasamaṅgīpuggalo kupitādibhāve ṭhitova hoti. Tenassa padabhājane “**kupito**”ti-ādi vuttaṃ. Tattha **kupitoti** kuppabhāvaṃ pakatito cavanabhāvaṃ patto. **Anattamanoti** na sakamano attano vase aṭṭhitacitto. Apica pītisukhehi na attamano na attacittoti anattamano. **Anabhiraddhoti** na sukhito na vā pasāditoti anabhiraddho. Paṭighena āhataṃ cittamassāti **āhatacitto**. Cittathaddhabhāvacittakacavarasaṅkhātaṃ paṭighakhīlaṃ jātamassāti **khīlajāto**. **Appatītoti** nappatīto pītisukhādīhi vajjito, na abhisatōti attho. Padabhājane pana yesaṃ dhammānaṃ vasena appatīto hoti, te dassetuṃ “**tena ca kopenā**”ti-ādi vuttaṃ.

Tattha **tena ca kopenā**ti yena “duṭṭho”ti ca “kupito”ti ca vutto, ubhayampi hetāṃ pakatibhāvaṃ jahāpanato ekākāraṃ hoti. **Tena ca dosenā**ti yena “doso”ti vutto. Imehi dvīhi saṅkhārakkhandhameva dasseti.

**Tāya ca anattamanatāyāti** yāya “anattamano”ti vutto. **Tāya ca anabhiraddhiyāti** yāya “anabhiraddho”ti vutto. Imehi dvīhi vedanākkhandhaṃ dasseti.

**Amūlakena pārājikenāti** ettha nāssa mūlanti amūlakaṃ, taṃ paṇassa amūlakattaṃ yasmā codakavasena adhippetāṃ, na cuditakavasena. Tasmā tamatthaṃ dassetuṃ padabhājane “amūlakaṃ nāma adiṭṭhaṃ asutaṃ aparisaṅkitaṃ”ti āha. Tena imaṃ dīpeti “yaṃ pārājikaṃ codakena cuditakamhi puggale neva diṭṭhaṃ na sutāṃ na parisāṅkitaṃ, idaṃ etesaṃ dassanasavanaparisaṅkā<sup>1</sup> saṅkhātānaṃ mūlānaṃ abhāvato amūlakaṃ nāma. Taṃ pana so āpanno vā hotu anāpanno vā, etaṃ idha appamāṇaṃ”ti.

Tattha **adiṭṭhaṃ** nāma attano pasādacakkhunā vā dibbacakkhunā vā adiṭṭhaṃ. **Asutaṃ** nāma tatheva kenaci vuccamānaṃ na sutāṃ. **Aparisaṅkitaṃ** nāma cittaena aparisaṅkitaṃ.

---

1. ...parisaṅkita... (Ka)



**Diṭṭham** nāma attanā vā parena vā pasādacakkhunā vā dibbacakkhunā vā diṭṭham. **Sutam** nāma tatheva sutam. **Parisaṅkitampi** attanā vā parena vā parisaṅkitam. Tattha attanā diṭṭham diṭṭhameva, parehi diṭṭham attanā sutam, parehi sutam, parehi parisaṅkitanti idam pana sabbampi attanā sutaṭṭhāneyeva tiṭṭhati.

Parisaṅkitam pana tividham diṭṭhaparisaṅkitam sutaparisaṅkitam mutaparisaṅkitanti. Tattha **diṭṭhaparisaṅkitam** nāma eko bhikkhu uccārapassāvakammena gāmasamīpe ekaṃ gumbaṃ pavīṭṭho, aññatarāpi itthī kenacideva karaṇīyena taṃ gumbaṃ pavisitvā nivattā, nāpi bhikkhu itthim addasa, na itthī bhikkhum, adisvāva ubhopi yathārucci pakkantā. Aññataro bhikkhu ubhinnam tato nikkhamanam sallakkhetvā “addhā imesam kataṃ vā, karissanti vā”ti parisaṅkati, idam diṭṭhaparisaṅkitam nāma.

**Sutaparisaṅkitam** nāma idhekacco andhakāre vā paṭicchanne vā okāse mātugāmena saddhim bhikkhuno tādisaṃ paṭisanthāravacanam suṇāti, samīpe aññam vijjamānampi “atthi, natthī”ti na jānāti, so “addhā imesam kataṃ vā, karissanti vā”ti parisaṅkati. Idam sutaparisaṅkitam nāma.

**Mutaparisaṅkitam** nāma sambahulā dhuttā rattibhāge pupphagandhamānsasurādīni gahetvā itthīhi saddhim ekaṃ paccantavihāram gantvā<sup>1</sup> maṇḍape vā bhojanasālādīsu vā yathāsukham kīṭitvā pupphādīni vikiritvā gatā, punadivase bhikkhū taṃ vippakāram disvā “kassidam kamman”ti vicinanti. Tatra ca kenaci bhikkhunā pageva vuṭṭhahitvā vattasīsenā maṇḍapam vā bhojanasālam vā paṭijaggantena pupphādīni āmaṭṭhāni honti, kenaci upaṭṭhākakulato ābhatehi pupphādīhi pūjā katā hoti, kenaci bhesajjattam ariṭṭham pītam hoti. Atha te “kassidam kamman”ti vicinantā bhikkhū tesam hatthagandhañca mukhagandhañca ghāyitvā te bhikkhū parisaṅkanti. Idam mutaparisaṅkitam nāma.

Tattha diṭṭham atthi samūlakam, atthi amūlakam, diṭṭhameva atthi saññāsamūlakam, atthi saññā-amūlakam. Esa nayo sutepi. Parisaṅkate pana diṭṭhaparisaṅkitam atthi samūlakam, atthi amūlakam. Diṭṭhaparisaṅkitameva atthi

---

1. Āgantvā (?)

saññāsamūlakam, atthi saññā-amūlakam. Esa nayo sutamutaparisaṅkitesu. Tattha **diṭṭham samūlakam** nāma pārājikam āpajjantam disvāva “diṭṭho mayā”ti vadati. **Amūlakam** nāma paṭicchannokāsato nikkhamantam disvā vītikkamaṃ adisvā “diṭṭho mayā”ti vadati. **Diṭṭhameva saññāsamūlakam** nāma disvāva diṭṭhasaññī hutvā codeti. **Saññā-amūlakam** nāma pubbe pārājikavītikkamaṃ disvā pacchā adiṭṭhasaññī jāto, so saññāya amūlakam katvā “diṭṭho mayā”ti codeti. Etena nayena sutamutaparisaṅkitānipi<sup>1</sup> vitthārato veditabbāni. Ettha ca sabbappakārenāpi samūlakena vā saññāsamūlakena vā codentassa anāpatti, amūlakena vā pana saññā-amūlakena vā codentasseva āpatti.

**Anuddhamseyyā**ti dhamseyya padhamseyya abhibhaveyya ajjhotthareyya. Tam pana anuddhamsanam yasmā attanā codentopi parena vā codāpentopi karotiyeva, tasmāssa padabhājane “codeti vā codāpeti vā”ti vuttaṃ.

Tattha **codetī**ti “pārājikam dhammam āpannosī”ti-ādīhi vacanehi sayam codeti, tassa vācāya vācāya saṅghādiseso. **Codāpetī**ti attanā samīpe thatvā aññam bhikkhum āṇāpeti, so tassa vacanena tam codeti, codāpakasseva vācāya vācāya saṅghādiseso. Atha sopi “mayāpi diṭṭham sutam atthī”ti codeti, dvinnampi janānam vācāya vācāya saṅghādiseso.

Codanāppabhedakosallattham panettha ekavatthu-ekacodakādicatukkam tāva veditabbanam. Tattha eko bhikkhu ekam bhikkhum ekena vatthunā codeti, imissā codanāya ekam vatthu eko codako. Sambahulā ekam ekavatthunā codenti, pañcasatā Mettiyabhūmajakappamukhā chabbaggiyā bhikkhū āyasmantam Dabham Mallaputtamiva, imissā codanāya ekam vatthu nānācodakā. Eko bhikkhu ekam bhikkhum sambahulehi vatthūhi codeti, imissā codanāya nānāvatthūni eko codako. Sambahulā sambahule sambahulehi vatthūhi codenti, imissā codanāya nānāvatthūni nānācodakā.

---

1. Sutamutaparisaṅkitāni (Sī, Syā)

Codetuṃ pana ko labhati ko na labhatīti? Dubbalacodakavacanaṃ tāva gahetvā koci na labhati. Dubbalacodako nāma sambahulesu kathāsallāpena nisinnesu eko ekaṃ ārabba anodissakaṃ katvā pārājikavattthuṃ katheti, añño taṃ sutvā itarassa gantvā āroceti. So taṃ upasaṅkamtivā “tvaṃ kira maṃ idaṅcīdaṅca vadasi”ti vadati. So “nāhaṃ evarūpaṃ jānāmi, kathāpavattiyāṃ pana mayā anodissakaṃ katvā vuttamatthi. Sace ahaṃ tava imaṃ dukkhuppattim jāneyyāṃ, ettakampi na katheyyan”ti. Ayaṃ dubbalacodako. Tassetāṃ kathāsallāpaṃ gahetvā taṃ bhikkhuṃ koci codetuṃ na labhati. Etaṃ pana aggahetvā sīlasampanno bhikkhu bhikkhuṃ vā bhikkhuniṃ vā, sīlasampannā ca bhikkhunī bhikkhunimeva codetuṃ labhatīti **Mahāpadumatto** āha. **Mahāsumatto** pana “pañcapi sahadhammikā labhanti”ti āha. **Godattatto** pana “na koci na labhati”ti vatvā “bhikkhussa sutvā codeti, bhikkhuniyā sutvā codeti -pa-titthiyasāvakaṇaṃ sutvā codeti”ti idaṃ suttamāhari. Tiṇṇampi therānaṃ vāde cuditakasseva paṭiññāya kāretabbo.

Ayaṃ pana codanā nāma dūtaṃ vā paṇṇaṃ vā sāsanaṃ vā pesetvā codentassa sīsaṃ na eti, puggalassa pana samīpe ṭhatvāva hatthamuddāya vā vacībhedena vā codentasseva sīsaṃ eti. Sikkhāpaccakkhānameva hi hatthamuddāya sīsaṃ na eti, idaṃ pana anuddhamānaṃ abhūtārocanaṅca etiyeva. Yo pana dvinnāṃ ṭhitaṭṭhāne ekaṃ niyametvā codeti, so ce jānāti, sīsaṃ eti. Itaro jānāti, sīsaṃ, na eti. Dvepi niyametvā codeti, eko vā jānātu dve vā, sīsaṃ etiyeva. Eseva nayo sambahulesu. Taṅkhaṇeyeva ca jānanaṃ nāma dukkaraṃ, samayena<sup>1</sup> āvajjitvā ñāte pana ñātameva hoti. Pacchā ce jānāti, sīsaṃ na eti. Sikkhāpaccakkhānaṃ abhūtārocanaṃ duṭṭhullavācā-attakāmaduṭṭhadosa bhūtārocana sikkhāpadānīti sabbāneva hi imāni ekaparicchadāni.

Evam kāyavācāvasena cāyaṃ duvidhāpi codanā puna diṭṭhacodanā sutacodanā parisāṅkitacodanāti tividhā hoti. Aparāpi catubbidhā hoti sīlavipatticodanā ācāravipatticodanā diṭṭhivipatticodanā ājīvavipatticodanāti. Tattha garukānaṃ dvinnāṃ āpattikkhandhānaṃ vasena

---

1. Aparena samayena (Ka)

**sīlavipatticodanā** veditabbā, avasesānaṃ vasena **ācāravipatticodanā**. Micchādiṭṭhi-antaggāhikadiṭṭhivasena **diṭṭhivipatticodanā**. Ājīvahetu paññattānaṃ channaṃ sikkhāpadānaṃ vasena **ājīvavipatticodanā** veditabbā.

Aparāpi catubbidhā hoti vatthusandassanā āpattisandassanā samvāsapaṭikkhepo sāmīcipaṭikkhepoti. Tattha **vatthusandassanā** nāma “tvaṃ methunaṃ dhammaṃ paṭisevittha<sup>1</sup>, adinnaṃ ādiyittha, manussaṃ ghātayittha, abhūtaṃ ārocayitthā”ti evaṃ pavattā. **Āpattisandassanā** nāma “tvaṃ methunadhammapārājikāpattiṃ āpanno”ti evamādinayappavattā. **Samvāsapaṭikkhepo** nāma “natthi tayā saddhiṃ uposatho vā pavāraṇā vā Saṃghakammaṃ vā”ti evaṃ pavattā. Ettāvataṃ pana sīsaṃ na eti, “assamaṇosi asakyaputtiyosī”ti-ādivacanehi saddhiṃ ghaṭiteyeva sīsaṃ eti. **Sāmīcipaṭikkhepo** nāma abhivādanapaccuṭṭhāna-añjalikammabījanādikammānaṃ akaraṇaṃ. Taṃ paṭipāṭiyā vandanādīni karoto ekassa akatvā sesānaṃ karaṇakāle veditabbaṃ. Ettāvataṃ ca codanā nāma hoti, āpatti pana sīsaṃ na eti. “Kasmā mama vandanādīni na karosi”ti pucchite pana “assamaṇosi asakyaputtiyosī”ti-ādivacanehi saddhiṃ ghaṭiteyeva sīsaṃ eti. Yāgubhattādinā pana yaṃ icchati, taṃ āpucchati, na tāvatā codanā hoti.

Aparāpi **Pātimokkhaṭṭhapanakkhandhake** “ekam bhikkhave adhammikaṃ pātimokkhaṭṭhapanam, ekam dhammikan”ti-ādiṃ katvā “yāva dasa adhammikāni pātimokkhaṭṭhapanāni dasa dhammikāni”ti<sup>2</sup> evaṃ adhammikā pañcapaññāsa dhammikā pañcapaññāsāti dasuttarasataṃ codanā vuttā. Tā diṭṭhena codentassa dasuttarasataṃ, sutena codentassa dasuttarasataṃ, parisaṅkītena<sup>3</sup> codentassa dasuttarasatanti tiṃsāni<sup>4</sup> tīṇi satāni honti. Tāni kāyena codentassa, vācāya codentassa, kāyavācāhi codentassāti tiguṇāni katāni navutāni<sup>5</sup> nava satāni honti. Tāni attanā codentassāpi parena codāpentassāpi tattakānevāti vīsati-ūnāni dve saḥassāni honti. Puna diṭṭhādibhede samūlakāmūlakavasena anekasahassā codanā hontīti veditabbā.

1. Paṭisevi (Sī, Syā)

2. Vi 4. 425 piṭṭhe.

3. Parisaṅkāya (Sī, Syā)

4. Bhimsādhikāni (Sī, Syā)

5. Navutādhikāni (Sī, Syā)

Imasmim̐ pana ṭhāne ṭhatvā Aṭṭhakathāya “attādānaṃ ādātukāmena Upāli bhikkhunā pañcaṅgasamannāgataṃ attādānaṃ ādātabban”ti<sup>1</sup> ca, “codakena Upāli bhikkhunā param codetukāmena pañca dhamme ajjhattaṃ paccavekkhitvā paro codetabbo”ti<sup>2</sup> ca evaṃ Upālipañcakādīsū vuttāni bahūni suttāni āharitvā attādānalakkhaṇaṅca codakavattaṅca cuditakavattaṅca saṃghena kātabbakiccaṅca anuvijjakavattaṅca sabbaṃ vitthārena kathitaṃ, taṃ mayaṃ yathā-āgataṭṭhāneyeva vaṇṇayissāma.

Vuttappabhedāsu pana imāsu codanāsu yāya kāyaci<sup>3</sup> codanāya vasena saṃghamajjhe osaṭe vatthusmim̐ cuditakacodakā vattabbā “tumhe amhākaṃ vinicchayena tuṭṭhā bhavissathā”ti. Sace “bhavissāmā”ti vadanti, saṃghena taṃ adhikaraṇaṃ sampaṭicchitabbaṃ. Atha pana “vinicchinata tva bhante, sace amhākaṃ khamissati, gaṇhissāmā”ti vadanti. “Cetiyaṃ tva vandathā”ti-ādīni vatvā dīghasuttaṃ katvā vissajjitabbaṃ. Te ce cirarattaṃ kilantā pakkantaparisaṃ upacchinnapakkhā hutvā puna yācanti, yāvatiyaṃ paṭikkhipitvā yadā nimmadā honti, tadā tesāṃ adhikaraṇaṃ vinicchinitabbaṃ. Vinicchinantehi ca sace alajjussannā hoti parisā, ubbāhikāya taṃ adhikaraṇaṃ vinicchinitabbaṃ. Sace bālussannā hoti parisā, “tumhākaṃ sabhāge vinayadhare pariyesathā”ti vinayadhare pariyesāpetvā yena dhammena yena vinayena yena Satthusāsanena taṃ adhikaraṇaṃ vūpasamati, tathā taṃ adhikaraṇaṃ vūpasametabbaṃ.

Tattha ca **dhammoti** bhūtaṃ vatthu. **Vinayoti** codanā sāraṇā ca. **Satthusāsananti** ṇattisampadā anusāvanasampadā ca. Tasmā codakena vatthusmim̐ ārocite cuditako pucchitabbo “santametaṃ, no”ti. Evaṃ vatthuṃ upaparikkhitvā bhūtena vatthunā codetvā, sāretvā ca ṇattisampadāya, anusāvanasampadāya ca taṃ adhikaraṇaṃ vūpasametabbaṃ. Tatra ce alajjī lajjim̐ codeti, so ca alajjī bālo hoti abyatto, nāssa nayo dātabbo. Evaṃ pana vattabbo “kimhi naṃ codesī”ti. Addhā so vakkhati “kimidaṃ bhante kimhi naṃ nāmā”ti. Tvaṃ kimhi nampi na jānāsī, na yuttaṃ tayā evarūpena bālena param codetunti uyyojetabbo, nāssa anuyogo dātabbo. Sace pana so alajjī paṇḍito

1. Vi 4. 434 piṭṭhe. 2. Vi 4. 437 piṭṭhe. 3. Yassā kissāci (Syā), yassā kassāci (Ka)

hoti byatto, diṭṭhena vā sutena vā ajjhottharivā sampādetuṃ sakkoti, etassa anuyogaṃ datvā lajjisseva paṭiññāya kammaṃ kātappaṃ.

Sace lajjī alajjīṃ codeti, so ca lajjī bālo hoti abyatto, na sakkoti anuyogaṃ dātuṃ. Tassa nayo dātabbo “kimhi naṃ codesi sīlavipattiyā vā ācāravipatti-ādīsu vā ekissā”ti. Kasmā pana imasseva evaṃ nayo dātabbo, na itarassa, nanu na yuttaṃ vinayadharānaṃ agatigamananti? Na yuttameva. Idaṃ pana agatigamaṃ na hoti, dhammānuggaho nāma eso, alajjīniggahatthāya, hi lajjīpaggahatthāya ca sikkhāpadaṃ paññattaṃ. Tatra alajjī nayaṃ labhitvā ajjhottharanto eheti, lajjī pana nayaṃ labhitvā diṭṭhe diṭṭhasantānena, sute sutasantānena patiṭṭhāya kathessati, tasmā tassa dhammānuggaho vaṭṭati. Sace pana so lajjī paṇḍito hoti byatto, patiṭṭhāya katheti, alajjī ca “etampi natthi, etampi natthi”ti paṭiññāṃ na deti, alajjissa paṭiññāya eva kātappaṃ.

Tadatthadīpanatthaṅca idaṃ vatthu veditappaṃ.

**Tepiṭakacūlābhayatthero** kira lohapāsādassa heṭṭhā bhikkhūnaṃ vinayaṃ kathetvā sāyanhasamaye vuṭṭhāti, tassa vuṭṭhānasamaye dve atthapaccatthikā kathaṃ pavattesuṃ. Eko “etampi natthi, etampi natthi”ti paṭiññāṃ na deti. Atha appāvasese paṭhamayāme therassa tasmīṃ puggale “ayaṃ patiṭṭhāya katheti, ayaṃ pana paṭiññāṃ na deti. Bahūni ca vatthūni osaṭāni, addhā etaṃ kataṃ bhavissatī”ti asuddhaladdhi uppannā. Tato bījanīdaṇḍakena pādakathalikāya saññaṃ datvā “ahaṃ āvuso vinicchinituṃ ananucchaviko, aññaṃ vinicchināpehi”ti āha. Kasmā bhanteti. Thero tamatthaṃ ārocesi. Cuditakapuggalassa kāye dāho uṭṭhito, tato so therāṃ vanditvā “bhante vinicchinituṃ anurūpena vinayadharena nāma tumhādiseneva bhavituṃ vaṭṭati. Codakena ca īdiseneva bhavituṃ vaṭṭatī”ti vatvā setakāni nivāsetvā “ciraṃ kilamita’ttha mayā”ti khamāpetvā pakkāmi.

Evaṃ lajjinā codiyamāno alajjī bahūsupi vatthūsu uppannesu paṭiññāṃ na deti, so neva “suddho”ti vattabbo na “asuddho”ti. Jīvamatako nāma āmakapūṭiko nāma cesa.

Sace panassa aññampi tādisaṃ vatthu uppajjati, na vinicchinitabbaṃ. Tathā nāsitaḥ bhavissati. Sace pana alajjīyeva alajjīṃ codeti, so vattabbo “āvuso tava vacanenāyaṃ kiṃ sakkā vattun”ti, itarampi tatheva vatvā ubhopi “ekasambhogaparibhogā hutvā jīvathā”ti vatvā uyyojetabbā, sīlatthāya tesāṃ vinicchayo na kātabbo. Pattacīvarapariveṇādi-atthāya pana patirūpaṃ sakkhiṃ labhitvā kātabbo.

Atha lajjī lajjīṃ codeti, vivādo ca nesaṃ kismiñcīdeva appamattako hoti, saññāpetvā “mā evaṃ karoṭhā”ti accayaṃ desāpetvā uyyojetabbā. Atha panettha cuditakena sahasā viraddhaṃ hoti, ādīto paṭṭhāya alajjī nāma natthi. So ca pakkhānurakkhaṇatthāya paṭiññāṃ na deti, “mayaṃ saddahāma, mayaṃ saddahāmā”ti bahū utṭhahanti. So tesāṃ paṭiññāya ekavāraṃ dēvāraṃ suddho hotu. Atha pana viraddhakālato paṭṭhāya ṭhāne na tiṭṭhati, vinicchayo na dātabbo.

Evaṃ yāya kāyaci codanāya vasena saṃghamajjhe osaṭe vatthusmiṃ cuditakacodakesu paṭipattiṃ ṇatvā tassāyeva codanāya sampattivipattijānanatthaṃ ādimajjhapariyosānādīnaṃ vasena vinicchayo veditabbo. Seyyathidaṃ? Codanāya ko ādi, kiṃ majjhe, kiṃ pariyosānaṃ? Codanāya “ahaṃ taṃ vattukāmo, karotu me āyasmā okāsaṃ”ti evaṃ okāsakammaṃ ādi. Otiṇṇena vatthunā codetvā sāretvā vinicchayo majjhe. Āpattiyāṃ vā anāpattiyāṃ vā paṭiṭṭhāpanena samatho pariyosānaṃ.

Codanāya kati mūlāni, kati vatthūni, kati bhūmiyo? Codanāya dve mūlāni samūlikā vā amūlikā vā. Tīṇi vatthūni diṭṭhaṃ sutāṃ parisaṅkitaṃ. Pañca bhūmiyo kālena vakkhāmi, no akālena, bhūtena vakkhāmi, no abhūtena, saṅghena vakkhāmi, no pharusena, atthasaṃhitena vakkhāmi, no anatthasaṃhitena, mettacitto vakkhāmi, no dosantarotī. Imāya ca pana codanāya codakena puggalena “parisuddhakāyasamācāro nu khomhī”ti-ādinā<sup>1</sup> nayena Upālīpaṅcake vuttesu pannarasasu dhammesu paṭiṭṭhātabbaṃ, cuditakena dvīsu dhammesu paṭiṭṭhātabbaṃ sacce ca akuppe cāti.

---

1. Vi 4. 436 piṭṭhe.

**Appeva nāma naṃ imamhā brahmacariyā cāveyyanti** api eva nāma naṃ puggalaṃ imamhā seṭṭhacariyā cāveyyaṃ, sādhu vatassa sacāhaṃ imaṃ puggalaṃ imamhā brahmacariyā cāveyyanti iminā adhippāyena anuddhamseyyāti vuttamhoti. Padabhājane pana “brahmacariyā cāveyyan”ti imasseva pariyāyamattaṃ dassetuṃ “bhikkhubhāvā cāveyyan”ti-ādi vuttaṃ.

Khaṇādinī samayavevacanāni. **Taṃ khaṇaṃ taṃ layaṃ taṃ muhuttaṃ vītivatteti** tasmim khaṇe tasmim laye tasmim muhutte vītivatte, bhummappattiyā hi idaṃ upayogavacanaṃ.

Samanuggāhiyamānaniddese **yena vatthunā anuddhamṣito hotīti** catūsū pārājikavatthūsū yena vatthunā codakena cuditako anuddhamṣito abhibhūto ajjhotthato hoti. **Tasmim vatthusmim samanuggāhiyamānoti** tasmim codakena vuttavatthusmim so codako anuvijjakena “kim te diṭṭhaṃ, kinti te diṭṭhan”ti-ādinā nayena anuvijjiyamāno vīmaṃsiyamāno upaparikkhiyamāno.

Asamanuggāhiyamānaniddese **na kenaci vuccamānoti** anuvijjakena vā aññaena vā kenaci, atha vā diṭṭhādīsu vatthūsū kenaci avuccamāno. Etesañca dvinnam mātīkāpadānaṃ parato “bhikkhu ca dosaṃ paṭiṭṭhātī”ti-iminā sambandho veditabbo. Idañhi vuttaṃ hoti “evaṃ samanuggāhiyamāno vā asamanuggāhiyamāno vā bhikkhu ca dosaṃ paṭiṭṭhātī paṭicca tiṭṭhati paṭijānāti, saṃghādiseso”ti. Idañca amūlakabhāvassa pākaṭakāladassanattameva vuttaṃ. Āpattim pana anuddhamṣitakkhaṇeyeva āpajjati.

Idāni “amūlakañceva taṃ adhikaraṇaṃ hotī”ti ettha yasmā amūlakalakkhaṇaṃ pubbe vuttaṃ, tasmā taṃ avatvā apubbameva dassetuṃ “**adhikaraṇaṃ nāmā**”ti-ādimāha. Tattha yasmā adhikaraṇaṃ adhikaraṇaṭṭhena ekampi vatthuvaseṇa nānā hoti, tenassa taṃ nānattaṃ dassetuṃ “**cattāri adhikaraṇāni vivādādhikaraṇaṃ**”ti-ādimāha. Ko pana so adhikaraṇaṭṭho, yenetam ekaṃ hotīti. Samathehi adhikaraṇīyatā. Tasmā yaṃ adhikicca ārabha paṭicca sandhāya samathā vattanti, taṃ “adhikaraṇaṃ”ti veditabbaṃ.



**Aṭṭhakathāsu** pana vuttaṃ “adhikaraṇanti keci gāhaṃ vadanti, keci cetanaṃ, keci akkhantiṃ, keci vohāraṃ, keci paṇṇattin”ti. Puna evaṃ vicāritaṃ “yadi gāho adhikaraṇaṃ, eko attādānaṃ gahetvā sabhāgena bhikkhunā saddhiṃ mantayamāno tattha ādīnaṃ disvā puna cajati, tassa taṃ adhikaraṇaṃ samathappattaṃ bhavissati. Yadi cetanā adhikaraṇaṃ, idaṃ attādānaṃ gaṇhāmīti uppannā cetanā nirujjhati. Yadi akkhanti adhikaraṇaṃ, akkhantiyā attādānaṃ gahetvāpi aparabhāge vinicchayaṃ alabhamāno vā khamāpito vā cajati. Yadi vohāro adhikaraṇaṃ, kathento āhiṇḍitvā aparabhāge tuṅhī hoti niravo, evamassa taṃ adhikaraṇaṃ samathappattaṃ bhavissati, tasmā paṇṇatti adhikaraṇaṃ”ti.

Taṃ panetaṃ “methunadhammapārājikāpatti methunadhammapārājikāpattiyā tabbhāgiyā -pa-. Evaṃ āpattādhikaraṇaṃ āpattādhikaraṇassa tabbhāgiyan”ti ca “vivādādhikaraṇaṃ siyā kusalaṃ, siyā akusalaṃ, siyā abyākatan”ti<sup>1</sup> ca evamādīhi virujjhati. Na hi te paṇṇattiyā kusalādibhāvaṃ icchanti, na ca “amūlakena pārājikena dhammenā”ti ettha āgato pārājikadhammo paṇṇatti nāma hoti. Kasmā? Accanta-akusalattā. Vuttampi hetarṃ “āpattādhikaraṇaṃ siyā akusalaṃ siyā abyākatan”ti<sup>1</sup>.

Yañcetaṃ “amūlakena pārājikena”ti ettha amūlakaṃ pārājikaṃ niddiṭṭhaṃ, tassevāyaṃ “amūlakañceva taṃ adhikaraṇaṃ hoti”ti paṭiniddeso, na paṇṇattiyā, na hi aññaṃ niddisitvā aññaṃ paṭiniddisati. Yasmā pana yāya paṇṇattiyā yena abhilāpena codakena so puggalo “pārājikaṃ dhammaṃ ajjhāpanno”ti paññatto, pārājikasaṅkhātassa adhikaraṇassa amūlakattā sāpi paññatti amūlikā hoti, adhikaraṇe pavattattā ca adhikaraṇaṃ. Tasmā iminā pariyāyena paṇṇatti “adhikaraṇaṃ”ti yujjeyya, yasmā vā yaṃ amūlakaṃ nāma adhikaraṇaṃ, taṃ sabhāvato natthi, paññattimattameva atthi. Tasmāpi paṇṇatti “adhikaraṇaṃ”ti yujjeyya. Tañca kho idheva, na sabbattha. Na hi vivādādīnaṃ paṇṇatti adhikaraṇaṃ<sup>2</sup>. Adhikaraṇaṭṭho pana tesarṃ pubbe vuttasamathehi adhikaraṇīyatā. Iti iminā adhikaraṇaṭṭhena idhekacco vivādo vivādo ceva adhikaraṇaṇcāti vivādādhikaraṇaṃ. Esa nayo sesesu.

1. Vi 5. 191 piṭṭhe.

2. Adhikaraṇaṭṭho (Sī, Syā)

Tattha “idha bhikkhū vivadanti dhammoti vā adhammoti vā”<sup>1</sup> evaṃ aṭṭhārasa bhedakaravatthūni nissāya uppanno vivādo **vivādādhikaraṇaṃ**. “Idha bhikkhū bhikkhuṃ anuvadanti sīlavipattiyā vā”<sup>1</sup> evaṃ catasso vipattiyo nissāya uppanno anuvādo **anuvādādhikaraṇaṃ**. “Pañcapi āpattikkhandhā āpattādhikaraṇaṃ, sattapi āpattikkhandhā āpattādhikaraṇaṃ”<sup>1</sup> evaṃ āpattiyeva **āpattādhikaraṇaṃ**. “Yā saṃghassa kiccayatā karaṇīyatā apalokanakammaṃ ñattikammaṃ ñattidutiyakammaṃ ñatticatutthakammaṃ”<sup>1</sup> evaṃ catubbidham saṃghakiccā **kiccādhikaraṇanti** veditabbaṃ.

Imasmim panatthe pārājikāpattisaṅkhātāṃ āpattādhikaraṇameva adhippetāṃ. Sesāni atthuddhāravasena vuttāni, ettakā hi adhikaraṇasaddassa atthā. Tesu pārājikameva idha adhippetāṃ. Taṃ diṭṭhādīhi mūlehi amūlakañceva adhikaraṇaṃ hoti, ayañca bhikkhu dosaṃ paṭiṭṭhāti paṭicca tiṭṭhati “tucchakaṃ mayā bhaṇitaṃ”<sup>2</sup>ti-ādīni vadanto paṭijānāti. Tassa bhikkhuno anuddhamisitakkhaṇeyeva saṃghādisesoti ayaṃ tāvassa sapadānukkamaniddesassa sikkhāpadassa attho.

387. Idāni yāni tāni saṅkhepato diṭṭhādīni<sup>2</sup> codanāvattūni vuttāni, tesāṃ vasena vitthārato āpattim ropetvā dassento “**adiṭṭhassa hotī**”<sup>2</sup>ti-ādīmāha. Tattha **adiṭṭhassa hotī**ti adiṭṭho assa hoti, etena codakena adiṭṭho hoti so puggalo pārājikaṃ dhammaṃ ajjhāpajjantoti attho. Esa nayo **asutassa hotī**ti-ādīsipi.

**Diṭṭho mayāti** “diṭṭhosi mayā”<sup>2</sup>ti vuttaṃ hoti. Esa nayo **suto mayāti**-ādīsipi. Sesāni adiṭṭhamūlake uttānatthameva. Diṭṭhamūlake pana tañce codeti “suto mayā”<sup>2</sup>ti evaṃ vuttānaṃ sutādīnaṃ abhāvena amūlakattaṃ veditabbaṃ.

Sabbasmimyeva ca imasmim codakavāre yathā idhāgatesu “pārājikaṃ dhammaṃ ajjhāpannosi, assamaṇosi, asakyaputtiyosī”<sup>2</sup>ti imesu vacanesu ekekassa vasena vācāya vācāya saṃghādiseso hoti,

1. Vi 4. 211-2 piṭṭhesu.

2. Adiṭṭhādīni (Sī, Syā)

evaṃ aññaṭṭra āgatesu “dussīlo, pāpadhammo, asucisaṅkassarasamācāro, paṭicchannakammanto, assamaṇo samaṇapaṭiñño, abrahmacārī brahmacāripaṭiñño, antopūti, avassuto, kasambujāto”ti imesupi vacanesu ekekassa vasena vācāya vācāya saṅghādiseso hotiyeva.

“Natthi tayā saddhim uposatho vā pavāraṇā vā saṅghakammaṃ vā”ti imāni pana suddhāni sīsaṃ na enti, “dussīlo, natthi tayā saddhim uposatho vā”ti evaṃ dussilādīpadesu pana “pārājikaṃ dhammaṃ ajjhāpannosi”ti-ādīpadesu vā yena kenaci saddhim ghaṭitāneva sīsaṃ enti, saṅghādisesakarāni honti.

**Mahāpadumatto** panāha “na kevalaṃ idha Pāḷiyaṃ anāgatāni ‘dussīlo pāpadhammo’ti-ādīpadāneva sīsaṃ enti, ‘koṅṭhosi, mahāsāmaṇerosi, mahā-upāsakosi, jeṭṭhabbatikosi, nigaṅṭhosi, ājīvakosi, tāpasosi, paribbājakosi, paṇḍakosi, theyyasaṃvāsakosi, titthiyapakkantakosi, tiracchānagatosi, mātughātakosi, pitughātakosi, arahantaghātakosi, saṅghabhedakosi, lohituppādakosi, bhikkhunīdūsakosi, ubhatobyañjanakosi’ti imānīpi sīsaṃ entiyevā”ti. **Mahāpadumatto**royeva ca “diṭṭhe vematikoti-ādīsu yadaggena vematiko, tadaggena no kappeti. Yadaggena no kappeti, tadaggena nassarati. Yadaggena nassarati, tadaggena pamuṭṭho hoti”ti vadati.

**Mahāsumatto** pana ekekaṃ dvidhā bhindivā catunnampi pāṭekkaṃ nayaṃ dasseti. Kathaṃ—**diṭṭhe vematikoti** ayaṃ tāva dassane vā vematiko hoti puggale vā. Tattha diṭṭho nukho mayā, na diṭṭhoti evaṃ dassane vematiko hoti. Ayaṃ nukho mayā diṭṭho, aññoti evaṃ **puggale vematiko** hoti. Evaṃ dassanaṃ vā no kappeti puggalaṃ vā, dassanaṃ vā nassarati puggalaṃ vā, dassanaṃ vā pamuṭṭho hoti puggalaṃ vā. Ettha ca **vematikoti** vimatijāto. **No kappeti**ti na saddahati. **Nassarati**ti asāriyamāno nassarati. Yadā pana taṃ “asukasmiṃ nāma bhante ṭhāne asukasmiṃ nāma kāle”ti sārenti tadā sarati. **Pamuṭṭhoti** yo tehi tehi upāyehi sāriyamānopi

nassaratiyevāti. Etenevupāyena codāpakavāropi veditabbo, kevalam hi tattha “mayā”ti parihīnam, sesam codakavārasadisameva.

389. Tato param āpattibhedam, anāpattibhedañca dassetum “**asuddhe suddhaditṭhi**”ti-ādikam catukkam ṭhapetvā ekamekam padam catūhi catūhi bhedehi nidditṭham. Tam sabbam Pāḷinayeneva sakkā jānitum. Kevalam hetthādhippāyabhedo veditabbo. Ayañhi adhippāyo nāma cāvanādhippāyo, akkosādhippāyo, kammādhippāyo, vuṭṭhānādhippāyo, uposathapavāraṇaṭṭhapanādhippāyo, anuvijjanādhippāyo, dhammakathādhippāyoti anekavidho. Tattha purimesu catūsu adhippāyesu okāsam akārāpentassa dukkaṭam. Okāsam kārāpetvāpi ca sammukhā amūlakena pārājikena anuddhamsentassa saṃghādiseso. Amūlakena saṃghādisesena anuddhamsentassa pācittiyam. Ācāravipattiyā anuddhamsentassa dukkaṭam. Akkosādhippāyena vadantassa pācittiyam. Asammukhā pana sattahipi āpattikkhandhehi vadantassa dukkaṭam. Asammukhā eva sattavidhampi kammam karontassa dukkaṭameva.

**Kurundiyaṃ** pana “vuṭṭhānādhippāyena tvaṃ imam nāma āpattim āpanno, tam paṭikarohīti vadantassa okāsakiccam natthī”ti vuttam. Sabbattheva pana “uposathapavāraṇam ṭhapentassa okāsakammam natthī”ti vuttam. Ṭhapanakkhetam pana jānitabbam. “Suṇātu me bhante saṃgho, ajjuposatho pannaraso. Yadi saṃghassa pattakallam, saṃgho uposatham kare”ti etasmim hi re-kāre anatikkanteyeva ṭhapetum labbhati. Tato param pana **yya**-kāre patte na labbhati, esa nayo pavāraṇāya. Anuvijjakassāpi oṣaṭe vatthusmim “atthetam tavā”ti anuvijjanādhippāyena vadantassa okāsakammam natthi.

Dhammakathikassāpi dhammāsane nisīditvā “yo idañcidañca karoti, ayam bhikkhu assamaṇo”ti-ādinā nayena anodissa dhammam kathentassa okāsakammam natthi. Sace pana odissa niyamevā “asuko ca asuko ca assamaṇo anupāsako”ti katheti, dhammāsanato orohitvā āpattim desetvā gantabbam. Yam pana tattha tattha “anokāsam kārāpetvā”ti vuttam, tassa okāsam akārāpetvāti evamattho veditabbo, na hi koci anokāso nāma atthi,

yamokāsaṃ<sup>1</sup> kārāpetvā āpattiṃ āpajjati, okāsaṃ pana akārāpetvā āpajjatīti. Sesaṃ uttānameva.

Samuṭṭhānādisu tisamuṭṭhānaṃ, kāyacittato, vācācittato, kāyavācācittato ca samuṭṭhāti. Kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Paṭhamaduṭṭhadosaikkhāpadavaṇṇanā niṭṭhitā.

### 9. Dutiyaduṭṭhadosaikkhāpadavaṇṇanā

391. **Tena samayena Buddho Bhagavāti** Dutiyaduṭṭhadosaikkhāpadaṃ. Tattha **handa mayaṃ āvuso imaṃ chagalakaṃ<sup>2</sup> Dabbaṃ Mallaputtaṃ nāma karomāti** te kira paṭhamavattthusmiṃ attano manorathaṃ sampādetuṃ asakkontā laddhaniggahā vighātappattā “idāni jānissāmā”ti tādisaṃ vatthuṃ pariyesamānā vicaranti. Athekadivasaṃ disvā tuṭṭhā aññamaññaṃ oloketvā evamāhaṃsu “handa mayaṃ āvuso imaṃ chagalakaṃ Dabbaṃ Mallaputtaṃ nāma karomā”ti, “Dabba Mallaputto nāmāyan”ti evamassa nāmaṃ karomāti vuttaṃ hoti. Esa nayo **Mettiyaṃ nāma bhikkhuninti** etthāpi.

**Te bhikkhū Mettiyabhūmajake bhikkhū anuyuñjimsūti** evaṃ anuyuñjimsu “āvuso kuhiṃ tumhehi Dabba Mallaputto Mettiyāya bhikkhuniyā saddhiṃ diṭṭho”ti. Gijjhakūṭapabbatapādeti. Kāya velāyāti? Bhikkhācāragamanavelāyāti. Āvuso Dabba ime evaṃ vadanti, tvaṃ tadā kuhinti? Veḷuvane bhattāni uddisāmīti. Tava tāya velāya Veḷuvane atthibhāvaṃ ko jānātīti? Bhikkhusaṃgho bhanteti. Te saṃghaṃ pucchimsu “jānātha tumhe tāya velāya imassa Veḷuvane atthibhāvaṃ”ti. Āma āvuso jānāma, thero sammuttiladdhadivasato paṭṭhāya Veḷuvaneyevāti. Tato Mettiyabhūmajake āhaṃsu “āvuso tumhākaṃ kathā na sameti, kacci no lesaṃ oḍḍetvā vadathā”ti. Evaṃ te tehi bhikkhūhi anuyuñjijyamānā “āma āvuso”ti vatvā etamatthaṃ ārocesuṃ.

1. Yamanokāsaṃ (Ka)

2. Chakalakaṃ (Sī, Syā)

**Kim pana tumhe āvuso āyasmantaṃ Dabbaṃ Mallaputtaṃ aññabhāgiyassa adhikaraṇassāti** ettha aññabhāgassa idaṃ, aññabhāgo vā assa atthīti **aññabhāgiyaṃ. Adhikaraṇanti** ādhāro vedītabbo, vatthu adhiṭṭhānanti vuttaṃ hoti. Yo hi so “Dabbo Mallaputto nāma”ti chagalako vutto, so yvāyaṃ āyasmato Dabbassa Mallaputtassa bhāgo koṭṭhāso pakkho manussajāti ceva bhikkhubhāvo ca, tato aññassa bhāgassa koṭṭhāsassa pakkhassa hoti tiracchānajātiyā ceva chagalakabhāvassa ca, so vā aññabhāgo assa atthīti tasmā aññabhāgiyasaṅkhyāṃ labhati. Yasmā ca tesāṃ “imaṃ mayāṃ Dabbaṃ Mallaputtaṃ nāma karomā”ti vadantānaṃ tassā<sup>1</sup> nāmakaraṇasaññāya ādhāro vatthu adhiṭṭhānaṃ, tasmā adhikaraṇanti vedītabbo. Tañhi sandhāya te bhikkhū “aññabhāgiyassa adhikaraṇassā”ti āhaṃsu, na vivādādhikaraṇādīsu aññataraṃ. Kasmā? Asambhavato. Na hi te catunnaṃ adhikaraṇānaṃ kassaci aññabhāgiyassa adhikaraṇassa kañcidesaṃ lesamattaṃ upādiyīṃsu. Na ca catunnaṃ adhikaraṇānaṃ lesa nāma atthi. Jātilēsādāyo hi puggalānaṃyeva lesā vuttā, na vivādādhikaraṇādīnaṃ. Idañca “Dabbo Mallaputto”ti nāmaṃ tassa aññabhāgiyādhikaraṇabhāve ṭhitassa chagalakassa koci deso hoti therāṃ amūlakena pārājikena anuddhamsetuṃ lesamatto.

Ettha ca dissati apadissati “assa<sup>2</sup> ayan”ti voharīyatīti **deso**. Jāti-ādīsu aññatarakoṭṭhāsassetāṃ adhivacanaṃ. Aññampi vatthuṃ lissati silissati vohāramatteneva īsakaṃ allīyatīti **leso**. Jāti-ādīnaṃyeva aññatarakoṭṭhāsassetāṃ adhivacanaṃ. Tato paraṃ uttānatthameva. Sikkhāpadapaññattiyampi ayamevattho. Padabhājane pana yassa aññabhāgiyassa adhikaraṇassa kañcidesaṃ lesamattaṃ upādāya pārājikena dhammena anuddhamseyya, taṃ yasmā aṭṭhuppattivaseneva āvibhūtaṃ, tasmā na vibhattanti vedītabbaṃ.

393. Yāni pana adhikaraṇanti vacanasāmaññato atthuddhārasena pavattāni cattāri adhikaraṇāni, tesāṃ aññabhāgiyatā ca tabbhāgiyatā ca yasmā apākaṭā, jānitabbā ca vinayadharehi, tasmā vacanasāmaññato

1. Tassa (Sī, Syā)

2. Tassa (Ka)

laddham adhikaraṇam nissāya tam āvikaronto “**aññabhāgiyassa adhikaraṇassāti āpattaññabhāgiyam vā hoti adhikaraṇaññabhāgiyam vā**”ti-ādimāha. Yā ca sā avasāne āpattaññabhāgiyassa adhikaraṇassa vasena codanā vuttā, tampi dassetuṃ ayaṃ sabbādhikaraṇānam tabbhāgiya-aññabhāgiyatā samāhaṭṭi veditabbā.

Tattha ca **āpattaññabhāgiyam vā**ti paṭhamam uddiṭṭhattā “kathaṅca āpatti āpattiyā aññabhāgiyā hoti”ti niddese ārabhitabbe yasmā āpattādhikaraṇassa tabbhāgiyavicāraṇāyameva ayamattho āgamissati, tasmā evam anārabhitvā “kathaṅca<sup>1</sup> adhikaraṇam adhikaraṇassa aññabhāgiyam”ti pacchimapaḍamāyeva gahetvā niddeso āraddhoti veditabbo.

Tattha aññabhāgiyavāro uttānatthoyeva. Ekamekam hi adhikaraṇam itaresam tiṇṇam tiṇṇam aññabhāgiyam aññapakkiyam aññakoṭṭhāsiyam hoti vatthuisabhāgattā. Tabbhāgiyavāre pana vivādādhikaraṇam vivādādhikaraṇassa tabbhāgiyam tappakkiyam tamkoṭṭhāsiyam vatthusabhāgattā. Tathā anuvādādhikaraṇam anuvādādhikaraṇassa. Katham? Buddhakālato paṭṭhāya hi aṭṭhārasa bhedakaravatthūni nissāya uppannavivādo ca idāni uppajjanakavivādo ca vatthusabhāgatāya ekam vivādādhikaraṇameva hoti. Tathā Buddhakālato paṭṭhāya catasso vipattiyō nissāya uppanna-anuvādo ca idāni uppajjanaka-anuvādo ca vatthusabhāgatāya ekam anuvādādhikaraṇameva hoti. Yasmā pana āpattādhikaraṇam āpattādhikaraṇassa sabhāgavisabhāgavatthuto, sabhāvasarikkhāsarikkhato ca ekamsena tabbhāgiyam na hoti, tasmā “**āpattādhikaraṇam āpattādhikaraṇassa siyā tabbhāgiyam siyā aññabhāgiyam**”ti vuttam. Tattha ādito paṭṭhāya aññabhāgiyassa paṭhamam niddiṭṭhattā idhāpi aññabhāgiyameva paṭhamam niddiṭṭham. Tattha aññabhāgiyattaṅca parato tabbhāgiyattaṅca vuttanayeneva veditabbam.

**Kiccādhikaraṇam kiccādhikaraṇassa tabbhāgiyanti** ettha pana Buddhakālato paṭṭhāya cattāri saṅghakammāni nissāya uppannam adhikaraṇaṅca idāni cattāri saṅghakammāni nissāya uppajjanakam adhikaraṇaṅca sabhāgatāya, sarikkhatāya ca ekam kiccādhikaraṇameva hoti. Kim pana saṅghakammāni nissāya uppannam

---

1. Katham (Pāliyam)

adhikaraṇaṃ kiccādhikaraṇaṃ, udāhu saṃghakammānamevetāṃ  
adhivacananti. Saṃghakammānamevetāṃ adhivacanaṃ. Evaṃ santepi  
saṃghakammaṃ nāma “idañcidañca evaṃ kattabban”ti yaṃ<sup>1</sup>  
kammalakkhaṇaṃ manasi karoti, taṃ nissāya uppajjanato, purimaṃ  
purimaṃ saṃghakammaṃ nissāya uppajjanato ca “saṃghakammāni nissāya  
uppannaṃ adhikaraṇaṃ kiccādhikaraṇaṃ”ti vuttaṃ.

394. **Kaṅci desaṃ lesamattaṃ upādāyāti** ettha pana yasmā desoti vā  
lesamattoti vā pubbe vuttanayeneva byañjanato nānaṃ, atthato ekaṃ, tasmā  
“leso nāma<sup>2</sup> dasa lesā jātileso nāmaleso”ti-ādimāha. Tattha jātiyeva **jātileso**.  
Esa nayo sesesu.

395. Idāni tameva lesaṃ vitthārato dassetuṃ yathā taṃ upādāya  
anuddhamsanā hoti, tathā savatthukaṃ katvā dassento “**jātileso nāma  
khattiyo diṭṭho hoti**”ti-ādimāha. Tattha **khattiyo diṭṭho hoti**ti añño koci  
khattiyajātiyo iminā codakena diṭṭho hoti. **Pārājikaṃ dhammaṃ  
ajjhāpajjantoti** methunadhammādisu aññataraṃ āpajjanto. **Aññaṃ khattiyāṃ  
passitvā codetī**ti atha so aññaṃ attano verim khattiyajātiyaṃ bhikkhuṃ  
passitvā taṃ khattiyajātilesaṃ gahetvā evaṃ codeti “khattiyo mayā diṭṭho  
pārājikaṃ dhammaṃ ajjhāpajjanto, tvaṃ khattiyo pārājikaṃ dhammaṃ  
ajjhāpannosi, atha vā tvaṃ so khattiyo, na añño, pārājikaṃ dhammaṃ  
ajjhāpannosi, assamaṇosi, asakyaputtīyosi, natthi tayā saddhim uposatho vā  
pavāraṇā vā saṃghakammaṃ vā”ti, āpatti vācāya vācāya saṃghādisesassa.  
Ettha ca tesāṃ khattiyānaṃ aññamaññaṃ asadisassa tassa tassa dighādino vā  
diṭṭhādino vā vasena aññabhāgiyatā, khattiyajātipaññattiyā ādhārasena  
adhikaraṇatā ca veditabbā. Etenupāyena sabbapadesu yojanā veditabbā.

400. Pattalesaniddese ca **sātakapattoti** lohapattasadiṣo susaṅṭhāno  
succhavi siniddho bhamaravaṇṇo mattikāpatto vuccati. **Sumbhakapattoti**  
pakatimattikāpatto.

1. Evaṃ kātabbanti yaṃ (Sī), evaṃ iti yaṃ (Syā)

2. Lesoti (sabbattha)



406. Yasmā pana āpattilesassa ekapadeneva saṅkhepato niddeso vutto, tasmā vitthāratopi taṃ dassetuṃ “**bhikkhu saṅghādisesaṃ ajjhāpajjanto diṭṭho hoti**”ti-ādi vuttaṃ. Kasmā panassa tattheva niddesaṃ avatvā idha visuṃ vuttoti? Sesaniddesehi asabhāgattā. Sesaniddesā hi aññaṃ disvā aññaṃ codanāvasena vuttā. Ayaṃ pana ekameva aññaṃ āpattiṃ āpajjantaṃ disvā aññāya āpattiyā codanāvasena vutto. Yadi evaṃ kathaṃ aññabhāgiyaṃ adhikaraṇaṃ hotīti? Āpattiyā. Teneva vuttaṃ “evampi āpattaññabhāgiyaṃ ca lesa ca upādinno”ti. Yañhi so saṅghādisesaṃ āpanno, taṃ pārājikassa aññabhāgiyaṃ adhikaraṇaṃ. Tassa pana aññabhāgiyassa adhikaraṇassa lesa nāma yo so sabbakhattiyānaṃ sādharmaṇo khattiyabhāvo viya sabbāpattīnaṃ sādharmaṇo āpattibhāvo. Etenupāyena sesāpattimūlakanayo, codāpakavāro ca veditabbo.

408. **Anāpatti tathāsaññī codeti vā codāpeti vāti** “pārājikaṃyeva ayaṃ āpanno”ti yo evaṃ tathāsaññī codeti vā codāpeti vā, tassa anāpatti. Sesāṃ sabbattha uttānameva. Samuṭṭhānādīnīpi paṭhamaduṭṭhadosasadisānevāti.

Dutiyaduṭṭhadosasikkhāpadavaṇṇanā niṭṭhitā.

### 10. Paṭhamasaṅghabhedasikkhāpadavaṇṇanā

409. **Tena samayena Buddho Bhagavāti** Saṅghabhedasikkhāpadaṃ. Tattha **atha kho Devadattoti-ādīsu** yo ca Devadatto, yathā ca pabbajito, yena ca kāraṇena Kokālikādayo upasaṅkamitvā “etha mayaṃ āvuso samaṇassa Gotamassa saṅghabhedāṃ karissāma cakkabhedan”ti āha, taṃ sabbaṃ **Saṅghabhedakkhandhake**<sup>1</sup> āgatameva. Pañcavatthuyācanā pana kiñcāpi tattheva āgamissati, atha kho idhāpi āgatattā yadettha vattabbaṃ, taṃ vatvāva gamissāma.

**Sādhu bhanteti** āyācanā. **Bhikkhū yāvajīvaṃ āraññikā assūti** āraññikadhutaṅgaṃ samādāya sabbepi bhikkhū yāva jīvanti, tāva āraññikā

1. Vi 4. 358 piṭṭhe.

hontu araññeyeva vasantu. **Yo gāmantarṃ osareyya, vajjarṃ narṃ phuseyyāti** yo ekabhikkhupi araññarṃ pahāya nivāsathāya gāmantarṃ osareyya, vajjarṃ tarṃ phuseyya, narṃ bhikkhurṃ doso phusatu, āpattiyā narṃ Bhagavā kāretūti adhippāyena vadati. Esa nayo sesavatthūsupi.

410. **Janarṃ saññāpessāmāti** janarṃ amhākarṃ appicchatādibhāvarṃ jānāpessāma, atha vā paritossāma, pasādessāmāti vuttarṃ hoti.

Imāni pana pañca vatthūni yācato Devadattassa vacanarṃ sutvāva aññāsi Bhagavā “saṃghabhedatthiko hutvā ayarṃ yācatī”ti. Yasmā pana tāni anujānīyamānāni bahūnarṃ kulaputtānarṃ maggantarāyāya saṃvattanti, tasmā Bhagavā “**alarṃ Devadattā**”ti paṭikkhipitvā “**yo icchati āraññiko hotū**”ti-ādimāha.

Ettha pana Bhagavato adhippāyarṃ viditvā kulaputtana attano patirūparṃ veditabbarṃ. Ayarṃ hettha Bhagavato adhippāyo—eko bhikkhu mahajjhāsayo hoti mahussāho, sakkoti gāmantasenāsanarṃ paṭikkhipitvā araññe viharanto dukkhassantarṃ kāturṃ. Eko dubbalo hoti appathāmo<sup>1</sup>, araññe na sakkoti, gāmanteyeva sakkoti. Eko mahabbalo samappavattadhātuko adhivāsanakhantisampanno iṭṭhāniṭṭhesu samacitto, araññepi gāmantepi sakkotiyeva. Eko neva gāmante na araññe sakkoti, padaparamo hoti.

Tatra yvāyarṃ mahajjhāsayo hoti mahussāho, sakkoti gāmantasenāsanarṃ paṭikkhipitvā araññe viharanto dukkhassantarṃ kāturṃ, so araññeyeva viharatu, idamassa patirūparṃ. Saddhivihārikādayopi cassa anusikkhamānā araññe vihātabbameva maññissanti.

Yo pana dubbalo hoti appathāmo, gāmanteyeva sakkoti dukkhassantarṃ kāturṃ. Na araññe, so gāmanteyeva vasatu. Yvāyarṃ mahabbalo samappavattadhātuko adhivāsanakhantisampanno iṭṭhāniṭṭhesu samacitto, araññepi gāmantepi sakkotiyeva, ayampi gāmantasenāsanarṃ

---

1. Appathāmo (Sī)

pahāya araṇṇe viharatu, idamassa patirūpaṃ. Saddhivihārikāpi hissa anusikkhamānā araṇṇe vihātabbaṃ maññissanti.

Yo panāyaṃ neva gāmate, na araṇṇe sakkoti, padaparamo hoti. Ayampi araṇṇeyeva vasatu. Ayaṃ hissa dhutaṅgasevanā, kammatṭhānabhāvanā ca āyatim maggaphalānaṃ upanissayo bhavissati. Saddhivihārikādayo cassa anusikkhamānā araṇṇe vihātabbaṃ maññissantīti.

Evam yvāyaṃ dubbalo hoti appathāmo, gāmanteyeva viharanto sakkoti dukkhassantaṃ kātuṃ, na araṇṇe, imaṃ puggalaṃ sandhāya Bhagavā “yo icchati gāmate viharatū”ti āha. Iminā ca puggalena aññesampi dvāraṃ dinnam.

Yadi pana Bhagavā Devadattassa vādaṃ sampaṭiccheyya, yvāyaṃ puggalo pakatiyā dubbalo hoti appathāmo, yopi daharakāle araṇṇavāsaṃ abhisambhuṇṭvā jīṇṇakāle vā vātapittādīhi samuppannadhātukkhobhakāle vā nābhisambhuṇṭvāti, gāmanteyeva pana viharanto sakkoti dukkhassantaṃ kātuṃ, tesaṃ ariyamaggupacchedo bhaveyya, arahattaphalādhigamo na bhaveyya, uddhammaṃ ubbinayaṃ vilomaṃ aniyyānikaṃ Satthu sāsanaṃ bhaveyya, Satthā ca tesaṃ asabbaññū assa, “sakavādaṃ chaḍḍetvā Devadattavāde paṭiṭṭhito”ti gārayho ca bhaveyya. Tasmā Bhagavā evarūpe puggale saṅgaṇhanto Devadattassa vādaṃ paṭikkhipi. Etenevūpāyena piṇḍapātikavatthusmimpi paṃsukūlikavatthusmimpi aṭṭha māse rukkhamūlikavatthusmimpi vinicchayo veditabbo. Cattāro pana māse rukkhamūlasenāsanam paṭikkhittameva.

Macchamaṃsavatthusmim **tikoṭiparisuddhanti** tīhi koṭīhi parisuddham, diṭṭhādīhi aparisuddhīhi<sup>1</sup> virahitanti attho. Tenevāha “adiṭṭham asutaṃ aparisaṅkitaṃ”ti. Tattha **adiṭṭham** nāma bhikkhūnaṃ atthāya migamacche vadhitvā gayhamānaṃ adiṭṭham. **Asutaṃ** nāma bhikkhūnaṃ atthāya migamacche vadhitvā gahitanti asutaṃ. **Aparisaṅkitaṃ** pana diṭṭhāparisaṅkitaṃ, sutāparisaṅkitaṃ, tadubhayavimuttāparisaṅkitaṃca ñatvā tabbipakkhato jānitabbaṃ. Kathaṃ? Idha bhikkhū passanti manusse

---

1. Aparisuddhāhi (Ka)

jālavāgurādihatthe gāmato vā nikkhamante araññe vā vicarante, dutiyadivase ca nesaṃ taṃ gāmaṃ piṇḍāya pavīṭṭhānaṃ samacchamaṃsaṃ piṇḍapātāṃ abhiharanti. Te tena diṭṭhena parisāṅkanti “bhikkhūnaṃ nukho atthāya katan”ti, idaṃ **diṭṭhaparisaṅkitaṃ** nāma, etaṃ gahetuṃ na vaṭṭati. Yaṃ evaṃ aparisaṅkitaṃ, taṃ vaṭṭati. Sace pana te manussā “kasmā bhante na gaṇhathā”ti pucchitvā tamatthaṃ sutvā “nayidaṃ bhante bhikkhūnaṃ atthāya kataṃ, amhehi attano atthāya vā rājayuttādīnaṃ atthāya vā katan”ti vadanti, kappati.

Naheva kho bhikkhū passanti, apica suṇanti “manussā kira jālavāgurādihatthā gāmato vā nikkhamanti araññe vā vicaranti”ti. Dutiyadivase ca nesaṃ taṃ gāmaṃ piṇḍāya pavīṭṭhānaṃ samacchamaṃsaṃ piṇḍapātāṃ abhiharanti. Te tena sutena parisāṅkanti “bhikkhūnaṃ nukho atthāya katan”ti, idaṃ **sutaparisaṅkitaṃ** nāma, etaṃ gahetuṃ na vaṭṭati. Yaṃ evaṃ aparisaṅkitaṃ, taṃ vaṭṭati. Sace pana te manussā “kasmā bhante na gaṇhathā”ti pucchitvā tamatthaṃ sutvā “nayidaṃ bhante bhikkhūnaṃ atthāya kataṃ, amhehi attano atthāya vā rājayuttādīnaṃ atthāya vā katan”ti vadanti, kappati.

Naheva kho pana bhikkhū passanti na suṇanti, apica kho tesāṃ gāmaṃ piṇḍāya pavīṭṭhānaṃ pattāṃ gahetvā samacchamaṃsaṃ piṇḍapātāṃ abhisāṅkharitvā abhiharanti, te parisāṅkanti “bhikkhūnaṃ nukho atthāya katan”ti, idaṃ **tadubhayavimuttaparisaṅkitaṃ** nāma, etaṃ gahetuṃ na vaṭṭati. Yaṃ evaṃ aparisaṅkitaṃ, taṃ vaṭṭati. Sace pana te manussā “kasmā bhante na gaṇhathā”ti pucchitvā tamatthaṃ sutvā “nayidaṃ bhante bhikkhūnaṃ atthāya kataṃ, amhehi attano atthāya vā rājayuttādīnaṃ atthāya vā kataṃ, pavattamaṃsaṃ vā kappiyameva labhitvā bhikkhūnaṃ atthāya sampāditan”ti vadanti, kappati. Matānaṃ petakiccathāya, maṅgalādīnaṃ vā atthāya katepi eseva nayo. Yaṃ yaṃ hi bhikkhūnaṃyeva atthāya akataṃ, yattha ca nibbematiko hoti, taṃ sabbaṃ kappati.

Sace pana ekasmiṃ vihāre bhikkhū uddissa kataṃ hoti, te ca attano atthāya katabhāvaṃ na jānanti, aññe jānanti. Ye jānanti, tesāṃ na vaṭṭati, itaresāṃ vaṭṭati. Aññe na jānanti, teyeva jānanti, tesāṃyeva na vaṭṭati, aññesaṃ vaṭṭati. Tepi “amhākaṃ atthāya katan”ti jānanti, aññepi “etesāṃ atthāya katan”ti jānanti, sabbesampi na vaṭṭati.

Sabbe na jānanti, sabbesampi vaṭṭati. Pañcasu hi sahadhammikesu yassa vā tassa vā atthāya uddissa kataṃ sabbesaṃ na kappati.

Sace pana koci ekaṃ bhikkhuṃ uddissa pāṇaṃ vadhitvā tassa pattam pūretvā deti, so ca attano atthāya katabhāvaṃ jānaṃyeva gahetvā aññassa bhikkhuno deti, so tassa saddhāya paribhuñjati, kassa āpattī? Dvinnampi anāpatti. Yañhi uddissa kataṃ, tassa abhuttatāya anāpatti, itarassa ajānanatāya. Kappiyamaṃsassa hi paṭiggahaṇe āpatti natthi. Uddissa katañca ajānitvā bhuttassa pacchā ñatvā āpattidesanākiccaṃ nāma natthi, akappiyamaṃsaṃ pana ajānitvā bhuttena pacchā ñatvāpi āpatti desetabbā, uddissa katañhi ñatvā bhuñjatova āpatti. Akappiyamaṃsaṃ ajānitvā bhuñjantassāpi āpattiyeva. Tasmā āpattibhīrukena rūpaṃ sallakkhentaṃ napi pucchitvāva maṃsaṃ paṭiggahetabbam. Paribhogakāle pucchitvā paribhuñjissāmīti vā gahetvā pucchitvāva paribhuñjitabbam. Kasmā? Duvīññeyyattā. Acchamaṃsaṃ hi sūkaramaṃsasadisaṃ hoti, dīpimaṃsādīnīpi migamaṃsādisāsāni<sup>1</sup>, tasmā pucchitvā gahaṇameva vattanti vadanti.

**Haṭṭho udaggo**ti tuṭṭho ceva unnatakāyacitto ca hutvā. So kira “na Bhagavā imāni pañca vatthūni anujānāti, idāni sakkhissāmi saṃghabhedam kātun”ti Kokālikassa iṅgitākāram<sup>2</sup> dassetvā yathā viṣaṃ vā khādītva rajjuyā vā ubbandhitvā sattham vā āharitvā maritukāmo puriso viṣādīsu aññataram labhitvā tappaccayā āsannampi maraṇadukkham ajānanto haṭṭho udaggo hoti, evameva saṃghabhedapaccayā āsannampi Avīcimhi nibbattitvā paṭisaṃvedaniyam dukkham ajānanto “laddho dāni me saṃghabhedassa upāyo”ti haṭṭho udaggo sapaṃsāro uṭṭhāyāsana teneva haṭṭhābhāvena Bhagavantam abhivādetvā padakkhiṇam katvā pakkāmi<sup>3</sup>.

**Te mayam imehi pañcahi vatthūhi samādāya vattāmāti** ettha pana “imāni pañca vatthūni”ti vattabbepi te mayam imehi pañcahi vatthūhi janam saññāpessāmāti abhiṇham parivittakavasena vibhattivipallāsam asallakkhetvā abhiṇham parivittakānurūpameva “te mayam imehi pañcahi vatthūhi”ti āha, yathā tam vikkhittacitto.

1. Migamaṃsādisāsāni (Ka)

2. Icchitākāram (Ka)

3. Pakkami (Ka)

**Dhutā sallekhevuttinoti** yā paṭipadā kilese dhunāti, tāya samannāgatattā **dhutā**. Yā ca kilese sallikhati, sā etesaṃ vuttīti **sallekhevuttino**.

**Bāhuliko**<sup>1</sup>ti cīvarādīnaṃ paccayānaṃ bahulabhāvo bāhullaṃ, taṃ bāhullamassa atthi, tasmīṃ vā bāhulle niyutto ṭhitoti bāhuliko<sup>1</sup>. **Bāhullāya cetetīti** bahulatāya<sup>2</sup> ceteti kappeti pakappeti. Kathañhi nāma mayhañca sāvakānañca cīvarādīnaṃ paccayānaṃ bahulabhāvo bhaveyyāti evaṃ ussukkamāpannoti adhippāyo. **Cakkabhedāyāti** āṇābhedāya.

**Dhammiṃ katham katvāti** Khandhake vuttanayena “alaṃ Devadatta mā te rucci kaṅghabhedo, garuko kho Devadatta saṅghabhedo, yo kho Devadatta samaggaṃ saṅghaṃ bhindati, kappāṭṭhikaṃ kibbisam pasavati, kappam nirayamhi paccati. Yo ca kho Devadatta bhinnaṃ saṅghaṃ samaggaṃ karoti, brahmaṃ puññaṃ pasavati, kappam saggamhi modatī”<sup>3</sup>ti<sup>3</sup> evamādikaṃ anekappakāraṃ Devadattassa ca bhikkhūnañca tadanucchavikaṃ tadanulomikaṃ dhammiṃ katham katvā.

411. **Samaggassāti** sahitassa, cittena ca sarīrena ca aviyuttassāti attho. Padabhājanepi hi ayameva attho dassito. **Samānasamvāsakoti** hi vadatā cittena aviyogo dassito hoti. **Samānasīmāyaṃ ṭhitoti** vadatā sarīrena. Kathaṃ? Samānasamvāsako hi laddhinānāsamvāsakena vā kammanānāsamvāsakena vā virahito samacittatāya cittena aviyutto hoti. Samānasīmāyaṃ ṭhito kāyasāmaggidānato sarīrena aviyutto.

**Bhedanasamvattanikaṃ vā adhikaraṇanti** bhedanassa saṅghabhedassa atthāya samvattanikaṃ kāraṇaṃ. Imasmiñhi okāse “kāmahetu kāmanidānaṃ kāmādhikaraṇaṃ”<sup>4</sup>ti-ādīsu<sup>4</sup> viya kāraṇaṃ adhikaraṇanti adhippetam. Tañca yasmā aṭṭhārasavidhaṃ hoti, tasmā padabhājane “aṭṭhārasa bhedakaravattūni”<sup>4</sup>ti vuttaṃ. Tāni pana “idhūpāli bhikkhū adhammaṃ dhammoti

1. Bāhulliko (Syā, Ka) Ṭikā passitabbā.

3. Vi 4. 360 piṭṭhe.

2. Bāhullatthāya (Syā, Ka)

4. Ma 1. 121 piṭṭhe.

dīpentī”ti-ādinā<sup>1</sup> nayena Khandhake āgatāni, tasmā tatveva nesaṃ atthaṃ vaṇṇayissāma. Yopi cāyaṃ imāni vatthūni nissāya aparehipi kammaṇa, uddesena, vohārena, anusāvanāya, salākaggāhenāti pañcahi kāraṇehi saṃghabhedo hoti, tampi āgataṭṭhāneyeva pakāsayissāma. Saṅkhepato pana **bhedanasāmvattanikaṃ vā adhikaraṇaṃ samādāyā**ti ettha saṃghabhedassa atthāya saṃvattanikaṃ saṃghabhedanipphattisamatthaṃ kāraṇaṃ gahetvāti evamattho veditabbo. **Paggayhāti** paggahitaṃ abhussitaṃ pakaṭaṃ katvā. **Tiṭṭheyā**ti yathāsamādinnaṃ, yathāpaggahitameva ca katvā accheyya. Yasmā pana evaṃ paggaṇhatā, tiṭṭhatā ca taṃ dīpitañceva appaṭinissaṭṭhañca hoti, tasmā padabhājane “dīpeyyā”ti ca “nappaṭinissajjeyyā”ti ca vuttaṃ.

**Bhikkhūhi evamassa vacanīyoti** aññehi lajjīhi bhikkhūhi evaṃ vattabbo bhaveyya. Padabhājane cassa **ye passantīti** ye sammukhā paggayha tiṭṭhantaṃ passanti. **Ye suṇantīti** yepi “asukasmiṃ nāma vihāre bhikkhū bhedanasāmvattanikaṃ adhikaraṇaṃ samādāya paggayha tiṭṭhantī”ti suṇanti.

**Sametāyasmā saṃghenāti** āyasmā saṃghena saddhiṃ sametu samāgacchatu, ekaladdhiko hotūti attho. Kim kāraṇā? **Samaggo hi saṃgho sammodamāno avivadamāno ekuddeso phāsu viharatīti.**

Tattha **sammodamānoti** aññamaññaṃ sampattiyā suṭṭhu modamāno. **Avivadamānoti** ayaṃ dhammo nāyaṃ dhammoti evaṃ na vivadamāno. Eko uddeso assāti **ekuddeso**, ekato pavattavātimokkhuddeso, na visunti attho. **Phāsu viharatīti** sukhaṃ viharati.

**Icetaṃ kusalanti** etaṃ paṭinissajjanaṃ kusalaṃ khemaṃ sotthibhāvo tassa bhikkhuno. **No ce paṭinissajjati, āpatti dukkaṭassāti** tikkhattuṃ vuttassa appaṭinissajjato dukkaṭaṃ. **Sutvā na vadanti, āpatti dukkaṭassāti** ye sutvā na vadanti, tesampi dukkaṭaṃ. Kīvadūre sutvā avadantānaṃ dukkaṭaṃ? Ekavihāre tāva vattabbaṃ natthi. **Aṭṭhakathāyaṃ** pana vuttaṃ “samantā addhajojane bhikkhūnaṃ bhāro. Dūtaṃ vā paṇṇaṃ vā pesetvā vadatopi āpattimokkho natthi. Sayameva gantvā ‘garuko kho āvuso

---

1. Vi 4. 368 piṭṭhe.

saṅghabhedo, mā saṅghabhedāya parakkamī'ti nivāretabbo"ti. Pahontena pana dūrampi gantabbaṃ. Agilānānaṃ hi dūrepi bhāroyeva.

Idāni "evañca so bhikkhu bhikkhūhi vuccamāno"ti-ādīsu atthamattameva dassetuṃ "**so bhikkhu saṅghamajjhampi ākaḍḍhitvā vattabbo**"ti-ādīmāha. Tattha **saṅghamajjhampi ākaḍḍhitvā** sace purimanayena vuccamāno na paṭinissajjati, hatthesu ca bāhāsu ca<sup>1</sup> gahetvāpi saṅghamajjhaṃ ākaḍḍhitvā punapi "mā āyasmā"ti-ādīnā nayena tikkhattuṃ vattabbo.

**Yāvatiyaṃ samanubhāsītabboti** yāva tatiyaṃ samanubhāsanāṃ, tāva samanubhāsītabbo, tīhi samanubhāsanakammavācāhi kammaṃ kātabbanti vuttaṃ hoti. Padabhājane panassa atthameva gahetvā samanubhāsanavidhiṃ dassetuṃ "so bhikkhu samanubhāsītabbo. Evañca pana bhikkhave samanubhāsītabbo"ti-ādi vuttaṃ.

414. Tattha **ñattiyā dukkaṭaṃ, dvīhi kammavācāhi thullaccayā paṭippassambhantī**ti yañca ñattipariyosāne dukkaṭaṃ āpanno, ye ca dvīhi kammavācāhi thullaccaye, tā tissopi āpattiyo "yassa nakkhamati so bhāseyyā"ti evaṃ **yya-kārappattamattāya** tatiyakammavācāya paṭippassambhanti, saṅghādisesoyeva<sup>2</sup> tiṭṭhati. Kim pana āpannāpattiyo paṭippassambhanti anāpannāti? **Mahāsumatthero** tāva vadati "yo avasāne paṭinissajjissati, so tā āpattiyo na āpajjati. Tasmā anāpannā paṭippassambhanti"ti. **Mahāpadumatthero** pana "liṅgaparivattena asādhāraṇāpattiyo viya āpannā paṭippassambhanti, anāpannānaṃ kim paṭippassaddhiyā"ti āha.

415. **Dhammakamme dhammakammasaññī**ti tañce samanubhāsanakammaṃ dhammakammaṃ hoti, tasmim dhammakammasaññīti attho. Esa nayo sabbattha. Idha saññā na rakkhati, kammaassa dhammikattā eva appaṭinissajjanto āpajjati.

416. **Asamanubhāsantassā**ti asamanubhāsiyamānassa appaṭinissajjantassāpi saṅghādisesena anāpatti.

1. Pādesu ca (Sī, Syā)

2. Saṅghādiseseyeva (Sī, Syā)



**Paṭinissajjantassāti** ñattito pubbe vā ñattikkhaṇe vā ñattipariyosāne vā paṭhamāya vā anusāvanāya dutiyāya vā tatiyāya vā yāva **yya-kāraṃ** na sampāpuṇāti, tāva paṭinissajjantassa saṃghādisesena anāpatti.

**Ādikammikassāti** ettha pana “Devadatto samaggassa saṃghassa bhedāya parakkami, tasmim vatthusmin”ti **Parivāre**<sup>1</sup> āgatattā Devadatto ādikammiko. So ca kho saṃghabhedāya parakkamanasseva, na appaṭinissajjanassa<sup>2</sup>. Na hi tassa taṃ kammaṃ kataṃ. Kathamidam jānitabbanti ce, suddato. Yathā hi “Ariṭṭho bhikkhu gaddhabādhipubbo yāvattiyam samanubhāsanāya na paṭinissajji, tasmim vatthusmin”ti **Parivāre**<sup>3</sup> āgatattā Ariṭṭhassa kammaṃ katanti paññāyati, na tathā Devadattassa. Athāpissa katena bhavitabbanti koci attano rucimattena vadeyya, tathāpi appaṭinissajjane ādikammikassa anāpatti nāma natthi. Na hi paññattam sikkhāpadam vītikkamantassa aññatra uddissa anuññātato anāpatti nāma dissati. Yampi Ariṭṭhasikkhāpadassa anāpattiyam “**ādikammikassā**”ti potthakesu likhitam, tam **pamādalikhitam**. Pamādalikhitabhāvo cassa “paṭhamam Ariṭṭho bhikkhu codetabbo, codetvā sāretabbo, sāretvā āpattim āropetabbo”ti evam Kammakkhandhake<sup>4</sup> āpattiropanavacanato veditabbo.

Iti bhedāya parakkamane ādikammikassa Devadattassa yasmā taṃ kammaṃ na kataṃ, tasmāssa āpattiyeva na jātā. Sikkhāpadam pana taṃ ārabha paññattanti katvā “**ādikammiko**”ti vutto. Iti āpattiyā abhāvatoyevassa anāpatti vuttā. Sā panesā kiñcāpi asamanubhāsantassāti imināva siddhā, yasmā pana asamanubhāsanto nāma yassa kevalam samanubhāsanam na karonti, so vuccati, na ādikammiko. Ayañca Devadatto ādikammikoyeva, tasmā “**ādikammikassā**”ti vuttam. Etenupāyena ṭhapetvā Ariṭṭhasikkhāpadam sabbasamanubhāsanāsu vinicchayo veditabbo. Sesam sabbattha uttānameva.

Samuṭṭhānādīsu tivaṅgikam ekasamuṭṭhānam,  
samanubhāsanasamuṭṭhānam nāmametam, kāyavācācittato samuṭṭhāti.  
Paṭinissajjāmīti kāyavikāram vā vacībhedaṃ

1. Vi 5. 9 piṭṭhe.

2. Parakkamantoyeva, na appaṭinissajjanto (Ka)

3. Vi 5. 36 piṭṭhe.

4. Vi 4. 70 piṭṭhe.

vā akarontasseva pana āpajjanato akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Paṭhamasaṃghabhedasikkhāpadavaṇṇanā niṭṭhitā.

### 11. Dutiyasaṃghabhedasikkhāpadavaṇṇanā

417-8. **Tena samayena Buddho Bhagavāti**

Dutiyasaṃghabhedasikkhāpadam. Tattha **anuvattakā**ti tassa diṭṭhikhanṭiruciggahaṇena anupaṭipajjanakā. Vaggam asāmaggipakkhiyavacanam vadantīti **vaggavādakā**. Padabhājane pana “tassa vaṇṇāya pakkhāya ṭhitā hontī”ti vuttam, tassa saṃghabhedāya parakkamantassa vaṇṇatthāya ca pakkhavuḍḍhi-atthāya ca ṭhitāti attho. Ye hi vaggavādakā, te niyamena īdisā honti, tasmā evam vuttam. Yasmā pana tiṇṇam uddham kammārahā na honti, na hi saṃgho saṃghassa kammaṃ karoti, tasmā “eko vā dve vā tayo vā”ti vuttam.

**Jānāti noti** amhākaṃ chandādīni jānāti. **Bhāsati**ti “evam karomā”ti amhehi saddhim bhāsati. **Amhākampetaṃ khamatī**ti yaṃ so karoti, etaṃ amhākampi rucati.

**Sametāyasmantānam saṃghenāti** āyasmantānam cittaṃ saṃghena saddhim sametu samāgacchatu, ekībhāvaṃ yātūti vuttam hoti. Sesamettha paṭhamasikkhāpade vuttanayattā, uttānatthattā ca pākaṭameva.

Samuṭṭhānādīnīpi paṭhamasikkhāpadasadisānevāti.

Dutiyasaṃghabhedasikkhāpadavaṇṇanā niṭṭhitā.

### 12. Dubbasikkhāpadavaṇṇanā

424. **Tena samayena Buddho Bhagavāti** Dubbasikkhāpadam. Tattha **anācāram ācaratī**ti anekappakāram kāyavacīdvāravītikkaṃ karoti. **Kiṃ nu kho nāmāti** vambhanavacanametam. **Ahaṃ kho nāmāti** ukkaṃsavacanam. **Tumhe vadeyyanti** “idaṃ karoṭha, idaṃ mā karoṭhā”ti ahaṃ tumhe

vattum arahāmīti dasseti. Kasmāti ce. Yasmā amhākaṃ Buddho, Bhagavā Kaṇḍakaṃ<sup>1</sup> āruyha mayā saddhim nikkhamitvā pabbajitoti-evamādimatthaṃ sandhāyāha. “Amhākaṃ dhammo”ti vatvā pana attano santakabhāve yuttim dassento “**amhākaṃ ayyaputtana dhammo abhisamito**”ti āha. Yasmā amhākaṃ ayyaputtana catusaccadhammo paṭividdho, tasmā dhammopi amhākanti vuttaṃ hoti. Saṃghaṃ pana attano veripakkhe ṭhitaṃ maññamāno “amhākaṃ saṃgho”ti na vadati, upamaṃ pana vatvā saṃghaṃ apasādetukāmo “**seyyathāpi nāmā**”ti-ādimāha. **Tiṇakaṭṭhapapaṇṇasaṭanti** tattha tattha patitaṃ tiṇakaṭṭhapapaṇṇaṃ. Atha vā tiṇaṅca nissārakaṃ lahukaṃ kaṭṭhaṅca **tiṇakaṭṭhaṃ. Pannaṣaṭanti** purāṇapaṇṇaṃ. **Ussāreyyāti** rāsīm kareyya.

**Pabbateyyāti** pabbatappabhavā, sā hi sīghasotā hoti, tasmā tameva gaṇhāti. **Saṅkhasevālapapaṇakanti** ettha **saṅkhoti** dīghamūlako paṇṇasevālo vuccati. **Sevāloti** nīlasevālo, avaseso udakapappaṭakatilabījakādi sabbopi **paṇakoti** saṅkhyāṃ gacchati. **Ekato ussāritāti** ekaṭṭhāne kenāpi<sup>2</sup> sampiṇḍitā rāsikatāti dasseti.

425-6. **Dubbacajātikoti** dubbacasabhāvo, vattum asakkuṇeyyoti attho. Padabhājanepissa **dubbacoti** dukkhena kicchena vaditabbo, na sakkā sukhena vattunti attho. **Dovacassakaraṇehīti** dubbacabhāvakaraṇīyehi, ye dhammā dubbacaṃ puggalaṃ karonti, tehi samannāgatoti attho. Te pana “katame ca āvuso dovacassakaraṇā dhammā. Idhāvuso bhikkhu pāpiccho hoti”ti-ādinā nayena paṭipāṭiyā **Anumānasutte**<sup>3</sup> āgatā pāpicchatā, attukkaṃsakaparavambhakatā, kodhanatā, kodhahetu upanāhitā, kodhahetu abhisāṅgitā, kodhahetu kodhasāmantavācānicchāraṇatā, codakaṃ paṭippaharaṇatā, codakaṃ apasādanatā, codakassa paccāropanatā, aññaṇa aññaṃ paṭicaraṇatā, apadānena na sampāyanatā, makkhi, paḷāsītā, issuki, maccharitā, saṭha, māyāvitā, thaddhātīmānitā, sandiṭṭhiparāmāsī-ādhānaggāhi duppaṭinissaggitāti ekūnavīsati<sup>4</sup> dhammā veditabbā.

1. Kaṇṭhakaṃ (Sī, Syā), Kaṇṭakaṃ (Ka) (Jātaka-Ṭṭha 1. 63; Khu 2 Vimānavatthusmin 110 piṭṭhesu passitabbaṃ.)

2. Tenāpi (Ka) 3. Ma 1. 132 piṭṭhe.

4. Pāḷiyāṃ pana soḷasavidhena vibhattaṃ.

Ovādaṃ nakkhamati na sahatīti **akkhamo**. Yathānusiṭṭhaṃ appaṭipajjanato padakkhiṇena anusāsanīṃ na gaṇhātīti **appadakkhiṇaggāhī anusāsanīṃ**.

**Uddesapariyāpannesūti** uddese pariyāpannesu antogadhesu. “Yassa siyā āpatti, so āvikareyyā”ti evaṃ saṅgahitattā anto pātimokkhassa vattamānesūti attho. **Sahadhammikaṃ vuccamānoti** sahadhammikenā vuccamāno, karaṇatthe upayogavacanāṃ, pañcahi sahadhammikehi sikkhitabbattā, tesāṃ vā santakattā sahadhammikanti laddhanāmena Buddhapaññattena sikkhāpadena vuccamānoti attho.

**Viramathāyasmanto mama vacanāyāti** yena vacanena maṃ vadatha, tato mama vacanato viramatha, mā maṃ taṃ vacanāṃ vadathāti vuttaṃ hoti.

**Vadatu sahadhammenāti** sahadhammikenā sikkhāpadena, sahadhammena vā aññenapī pāsādikabhāvasaṃvattanikenā vacanena vadatu. **Yadidanti** vuḍḍhikāraṇanidassanatthe nipāto. Tena “yaṃ idaṃ aññamaññassa hitavacanāṃ, āpattito vuṭṭhāpanaṃca, tena aññamaññavacanena, aññamaññavuṭṭhāpanena ca saṃvaḍḍhā parisā”ti evaṃ parisāya vuḍḍhikāraṇaṃ dassitaṃ hoti. Sesāṃ sabbattha uttānameva.

Samuṭṭhānādīni paṭhamasaṃghabhedasadisānevāti.

Dubbacasikkhāpadavaṇṇanā niṭṭhitā.

### 13. Kuladūsakasikkhāpadavaṇṇanā

431. Tena samayena **Buddho Bhagavāti** Kuladūsakasikkhāpadaṃ. Tattha **Assajipunabbasukā nāmāti** Assaji ceva Punabbasuko ca. **Kīṭāgirisminti** evaṃnāmake janapade. **Āvāsikā hontīti** ettha āvāso etesaṃ atthīti āvāsikā. Āvāsoti vihāro vuccati. So yesaṃ āyatto navakammakaraṇapurāṇapaṭisaṅkharāṇādibhārahāratāya, te āvāsikā. Ye pana kevalaṃ vihāre vasanti, te nevāsikāti vuccanti. Ime āvāsikā ahesuṃ. **Alajjino pāpabhikkhūti** nillajjā lāmakabhikkhū, te hi chabbaggiyānaṃ jeṭṭhakachabbaggiyā.

Sāvatthiyaṃ kira cha janā saḥāyakā “kasikammādīni dukkarāni, handa mayāṃ sammā pabbajāma, pabbajantehi ca uppanne kicce nittharaṇakaṭṭhāne pabbajitum vaṭṭati”ti sammantayitvā dvinnāṃ aggasāvakaṇāṃ santike pabbajimsu. Te pañcavassā hutvā mātikaṃ paguṇaṃ katvā mantayimsu “janapado nāma kadāci subhikkho hoti, kadāci dubbhikkho, mayāṃ mā ekaṭṭhāne vasimha, tīsu ṭhānesu vasāmā”ti. Tato paṇḍukalohitake āhaṃsu “āvuso Sāvattī nāma sattapaññāsāya kulasatasahassehi ajjhāvutthā, asītigāmasahassapaṭimaṇḍitānaṃ tiyojanasatikānaṃ dvinnāṃ Kāsikosalaratṭhānaṃ āyamukhabhūtā, tatra tumhe dhuraṭṭhāneyeva pariveṇāni kāretvā ambapanasanaḷikerādīni ropetvā pupphehi ca phalehi ca kulāni saṅgaṇhantā kuladārake pabbājetvā parisāṃ vaḍḍhethā”ti.

Mettiyabhūmajake āhaṃsu “āvuso Rājagahaṃ nāma aṭṭhārasahi manussakoṭṭhi ajjhāvuttham, asītigāmasahassapaṭimaṇḍitānaṃ tiyojanasatikānaṃ dvinnāṃ Aṅgamagadharatṭhānaṃ āyamukhabhūtā, tatra tumhe dhuraṭṭhāneyeva -pa- parisāṃ vaḍḍhethā”ti.

Assajipunabbasuke āhaṃsu “āvuso Kīṭāgiri nāma dvīhi meghehi anuggahito, tīṇi sassāni pasavanti, tatra tumhe dhuraṭṭhāneyeva pariveṇāni kāretvā -pa- parisāṃ vaḍḍhethā”ti. Te tathā akaṃsu. Tesu ekamekassa pakkhassa pañca pañca bhikkhusatāni parivārā. Evaṃ samadhikaṃ diyaḍḍhabhikkhusahassaṃ hoti. Tatra paṇḍukalohitakā sapaṇḍarā sīlavantova, Bhagavatā saddhiṃ janapadacārikampi vicaranti, te akatavatthum uppādentī, paññattasikkhāpadaṃ pana na maddanti, itare sabbe alajjino, akatavatthuṅca uppādentī, paññattasikkhāpadaṅca maddanti. Tena vuttam “alajjino pāpabhikkhū”ti.

**Evarūpanti** evaṃjātikaṃ. **Anācāraṃ ācarantī**ti anācaritabbaṃ ācaranti, akātabbaṃ karontī. **Mālāvacchantī** taruṇapuppharukkhaṃ, taruṇakā hi puppharukkhaṃ pupphagacchāpi “mālāvacchā”tveva vuccanti. Te ca anekappakāraṃ mālāvacchaṃ sayampi ropenti aññenapi ropāpentī. Tena vuttam “mālāvacchaṃ ropentī ropāpentī”ti. **Siñcantī**ti sayameva<sup>1</sup> udakena siñcanti. **Siñcāpentī**ti aññenapi siñcāpentī.

---

1. Tameva (Ka)

Ettha pana akappiyavohāro kappiyavohāro pariyāyo obhāso nimittakammanti imāni pañca jānitabbāni. Tattha **akappiyavohāro** nāma allaharītānaṃ koṭṭanaṃ koṭṭāpanaṃ, āvāṭassa khaṇanaṃ khaṇāpanaṃ, mālāvacchassa ropanaṃ ropāpanaṃ, āḷiyā bandhanaṃ bandhāpanaṃ, udakassa secanaṃ secāpanaṃ, mātikāya sammukhakarāṇaṃ kappiya-udakasiñcanaṃ, hatthamukhapādadhovananhānodakasiñcanaṃti.

**Kappiyavohāro** nāma “imaṃ rukkhaṃ jāna, imaṃ āvāṭaṃ jāna, imaṃ mālāvacchaṃ jāna, ettha udakaṃ jānā”ti vacanaṃ sukkhamātikāya ujukaraṇaṃca. **Pariyāyo** nāma “paṇḍitena nāma mālāvacchādayo ropāpetabbā nacirasseva upakārāya saṃvattanti”ti-ādivacanaṃ. **Obhāso** nāma kudālakhaṇittādīni ca mālāvacche ca gahetvā ṭhānaṃ. Evaṃ ṭhitaṃ hi sāmaṇerādayo disvā “thero kārāpetukāmo”ti gantvā karonti.

**Nimittakammaṃ** nāma kudālakhaṇittivāsipharasu-udakabhājanāni āharitvā samīpe ṭhapanāni.

Imāni pañcapi **kulasaṅgahatthāya** ropane na vaṭṭanti, **phalaparibhogatthāya** kappiyākappiyavohāradvayameva na vaṭṭati, itarattayaṃ vaṭṭati. **Mahāpaccariyaṃ** pana “kappiyavohāropi vaṭṭati. Yañca attano paribhogatthāya vaṭṭati, taṃ aññapuggalassa vā saṅghassa vā cetiyassa vā atthāyapi vaṭṭati”ti vuttaṃ.

**Ārāmatthāya** pana **vanatthāya**<sup>1</sup> ca **chāyatthāya** ca akappiyavohāramattameva na vaṭṭati, sesaṃ vaṭṭati. Na kevalaṅca sesaṃ, yaṃkiñci mātikampi ujum kātuṃ, kappiya-udakaṃ siñcituṃ, nhānakotṭhakaṃ katvā nhāyituṃ, hatthapādamukhadhovanudakāni ca tattha chaḍḍetumpi vaṭṭati. **Mahāpaccariyaṃ**, pana **Kurundiyañca** “kappiyapathaviyaṃ sayam ropetumpi vaṭṭati”ti vuttaṃ. **Ārāmādi-atthāya** pana ropitassa vā ropāpitassa vā phalaṃ paribhuñjitumpi vaṭṭati.

Ocinana-ocināpane pakatiyāpi pācittiyaṃ. Kuladūsanatthāya pana pācittiyañceva dukkaṭaṅca. Ganthanādīsu ca uracchadapariyosānesu kuladūsanatthāya aññatthāya vā karontassa dukkaṭameva. Kasmā? Anācārattā, “pāpasamācāro”ti ettha vuttapāpasamācārattā ca. **Ārāmādi-atthāya** rukkharopane viya vatthupūjanatthāya kasmā na anāpattīti ce. Anāpattiyeva. Yathā hi tattha kappiyavohārena, pariyāyādīhi ca anāpatti, tathā vatthupūjanatthāyapi anāpatti.

---

1. Vatathāya (Vajira-Ṭī. 207 piṭṭhe.)

Nanu ca tattha “kappiyapathaviyaṃ sayam ropetumpi vaṭṭatī”ti vuttanti. Vuttam, na pana **Mahā-aṭṭhakathāyaṃ**. Athāpi maññeyyāsi “itarāsu vuttampi pamāṇam. Mahā-aṭṭhakathāyañca kappiya-udakasecanam vuttam, tam kathan”ti. Tampi na virujjhati, tatra hi avisesena “rukkham ropentipi ropāpentipi siñcantipi siñcāpentipi”ti vattabbe “mālāvacchan”ti vadanto ñāpeti “kulasaṅgahatthāya pupphaphalūpagameva sandhāyetaṃ vuttam, aññatra pana pariyāyo atthī”ti. Tasmā tattha pariyāyam, idha ca pariyāyābhāvaṃ ñatvā yaṃ **Aṭṭhakathāsu** vuttam, tam suvuttameva. Vuttañcetaṃ—

“Buddhena dhammo vinayo ca vutto,  
Yo tassa puttehi tatheva ñāto.  
So yehi tesam matimaccajantā,  
Yasmā pure Aṭṭhakathā akamsu.

Tasmā hi yaṃ Aṭṭhakathāsu vuttam,  
Tam vajjayitvāna pamādalekham.  
Sabbampi sikkhāsu sagāravānam,  
Yasmā pamāṇam idha paṇḍitānan”ti.

Sabbam vuttanayeneva veditabbam. Tattha siyā—yadi vatthupūjanatthāyapi ganthānādīsu āpatti, haraṇādīsu kasmā anāpattīti. Kulitthi-ādīnam atthāya haraṇato, haraṇādhikāre hi visesetvā “te kulitthīnan”ti-ādi vuttam. Tasmā Buddhādīnam atthāya harantassa anāpatti.

Tattha **ekatovaṇṭikanti** pupphānam vaṇṭe ekato katvā katamālam.  
**Ubhatovaṇṭikanti** ubhohi passehi pupphavaṇṭe katvā katamālam.  
**Mañjarikanti**-ādīsu pana mañjarī viya katā pupphavikati mañjarikāti vuccati.  
**Vidhūtikāti** sūciyā vā salākāya vā sinduvārapupphādīni vijjhivā katā.  
**Vaṭṭamsakoti** vataṃsako<sup>1</sup>. **Āvelāti** kaṇṇikā. **Uracchadoti** hārasadisam ure ṭhapanakapupphadāmam. Ayam tāva ettha padavaṇṇanā.

Yam pana ādito paṭṭhāya vitthārena āpattivinicchayo—kuladūsanatthāya akappiyapathaviyaṃ mālāvaccham ropentassa pācittiyañceva dukkaṭaṅca, tathā akappiyavohārena ropāpentassa. Kappiyapathaviyaṃ

---

1. Vataṃsakoti vaṭṭamsako (Ka)

ropanepi ropāpanepi dukkaṭameva. Ubhayatthāpi sakim āṇattiyā bahūnampi ropane ekameva sapācittiyadukkaṭam vā suddhadukkaṭam vā hoti. Paribhogatthāya hi kappiyabhūmiyam vā akappiyabhūmiyam vā kappiyavohārena ropāpane anāpatti. Ārāmādi-atthāyapi akappiyapathaviyam ropentassa vā akappiyavacanena ropāpentassa vā pācittiyam. Ayam pana nayo **Mahā-aṭṭhakathāyam** na suṭṭhu vibhatto, **Mahāpaccariyam** vibhattoti.

Siñcanasiñcāpane pana akappiya-udakena sabbattha pācittiyam, kuladūsanaparibhogatthāya dukkaṭampi. Kappiyena tesamiyeva dvinnamatthāya dukkaṭam. Paribhogatthāya cettha kappiyavohārena siñcāpane anāpatti. Āpattiṭṭhāne pana dhārāvaccchedavasena<sup>1</sup> payogabahulatāya āpattibahulatā veditabbā.

Kuladūsanatthāya ocinane pupphagaṇanāya dukkaṭapācittiyāni. Aññattha pācittiyāneva. Bahūni pana pupphāni ekapayogena ocinanto payogavasena kāretabbo. Ocinaṇe kuladūsanatthāya sakim āṇatto bahumpi ocinati, ekameva sapācittiyadukkaṭam, aññatra pācittiyameva.

Ganthanādīsu sabbāpi cha pupphavikatiyo veditabbā ganthimam gopphimam vedhimam veḥhimam pūrimam vāyimanti. Tattha **ganthimam** nāma sadaṇḍakesu vā uppalapadumādīsu aññesu vā dīghavaṇṭesu pupphesu daṭṭhabbam. Daṇḍakena daṇḍakam, vaṇṭena vā vaṇṭam ganthetvā katameva hi ganthimam. Tam bhikkhussa vā bhikkhuniyā vā kātumpi akappiyavacanena kārapetumpi na vaṭṭati. Evam jāna, evam kate sobheyya, yathā etāni pupphāni na vikiriṇanti, tathā karohīti-ādinā pana kappiyavacanena kāretum vaṭṭati.

**Gopphimam** nāma suttana vā vākādīhi vā vassikapupphādīnam ekatovaṇṭika-ubhatovaṇṭikamālāvasena gopphanam, vākam vā rajjum vā dīguṇam katvā tattha avaṇṭakāni nīpapupphādīni pavesetvā paṭipāṭiyā bandhanti, etampi gopphimeva. Sabbam purimanayeneva na vaṭṭati.

**Vedhimam** nāma savaṇṭakāni vassikapupphādīni vaṇṭesu, avaṇṭakāni vā vakulapupphādīni antochidde sūcitālahīrādīhi vinivijjhivā āvunanti, etam vedhimam nāma. Tampi purimanayeneva na vaṭṭati. Keci pana kadalikkhandhamhi kaṇṭake

---

1. Dhūrūpacchedavasena (Sī), dhāropacchedavasena (Syā)



vā tālahīrādīni vā pavesetvā tattha pupphāni vijjhivā ṭhapenti, keci kaṇṭakasākhāsu, keci pupphacchattapupphakūṭāgārakaraṇattham chatte ca bhittiyañca pavesetvā ṭhapitakaṇṭakesu, keci dhammāsanavitāne baddhakaṇṭakesu, keci kaṇikārapupphādīni salākāhi vijjhanti, chattādichattam viya ca karonti, taṃ ati-oḷārikameva. Pupphavijjhanattham pana dhammāsanavitāne kaṇṭakampi bandhitum kaṇṭakādīhi vā ekapupphampi vijjhivum puppheyeva vā puppham pavesetum na vaṭṭati. Jālavitāna vedikanāgadantaka pupphapaṭicchakatālapaṇṇagulaḷakādīnam pana chiddesu asokaṇḍiyā vā antaresu pupphāni pavesetum na doso, etaṃ vedhimam nāma na hoti. Dhammarajjuyampi eseva nayo.

**Veṭṭhimam** nāma pupphadāmapupphahatthakesu daṭṭhabbam. Keci hi matthakadāmam karontā heṭṭhā ghaṭakākāram dassetum pupphehi veṭṭenti, keci aṭṭhaṭṭha vā dasa dasa vā uppalapupphādīni suttana vā vākena vā daṇḍakesu bandhitvā uppalahatthake vā padumahatthake vā karonti, taṃ sabbam purimanayeneva na vaṭṭati. Sāmaṇerehi uppāṭetvā thale ṭhapita-uppalādīni kāsāvena bhaṇḍikampi bandhitum na vaṭṭati. Tesamyeva pana vākena vā daṇḍakena vā bandhitum aṃsabhaṇḍikam vā kātum vaṭṭati. Aṃsabhaṇḍikā nāma khandhe ṭhapitakāsāvassa ubho ante āharitvā bhaṇḍikam katvā tasmim pasibbake viya pupphāni pakkhipanti, ayam vuccati aṃsabhaṇḍikā, etaṃ kātum vaṭṭati. Daṇḍakehi paduminīpaṇṇam vijjhivā uppalādīni paṇṇena veṭṭetvā gaṇhanti, tatrāpi pupphānam upari paduminīpaṇṇameva bandhitum vaṭṭati, heṭṭhā daṇḍakam<sup>1</sup> pana bandhitum na vaṭṭati.

**Pūrimam** nāma mālāguṇe ca pupphapaṭe ca daṭṭhabbam. Yo hi mālāguṇena cetiyam vā bodhim vā vedikam vā parikkhipanto puna ānetvā purimaṭṭhānam atikkāmeti, ettāvātāpi pūrimam nāma hoti. Ko pana vādo anekakkhattum parikkhipantassa. Nāgadantakantarehi<sup>2</sup> pavesetvā haranto olambakam katvā puna nāgadantakam parikkhipati, etaṃ pūrimam nāma. Nāgadantake pana pupphavalayam pavesetum vaṭṭati. Mālāguṇehi pupphapaṭam karonti. Tatrāpi ekameva mālāguṇam haritum vaṭṭati. Puna paccāharato pūrimameva hoti, taṃ sabbam purimanayeneva na vaṭṭati. Mālāguṇehi pana bahūhipi kataṃ pupphadāmam labhitvā āsanamatthakādīsu bandhitum vaṭṭati. Atidīgham pana

1. Daṇḍakā (Ka), daṇḍako (Syā), daṇḍake (?)

2. Nāgadantakantarehi vā (Sī)

mālāguṇaṃ ekavāraṃ haritvā vā parikkhipitvā vā puna aññassa bhikkhuno dātuṃ vaṭṭati. Tenāpi tatheva kātuṃ vaṭṭati.

**Vāyimaṃ** nāma pupphajālapupphapaṭapuppharūpesu datṭhabbaṃ. Cetiyesu pupphajālaṃ karontassa ekamekamhi jālacchidde dukkaṭaṃ. Bhatticchattabodhitthambhādīsupi eseva nayo. Pupphapaṭaṃ pana parehi pūritampi vāyituṃ na labbhati. Gopphimapuppheveva hatthi-assādirūpakāni karonti, tānipi vāyimaṭṭhāne tiṭṭhanti. Purimanayeneva sabbaṃ na vaṭṭati. Aññehi kataparicchede pana pupphāni ṭhapentena hatthi-assādirūpakampi kātuṃ vaṭṭati. **Mahāpaccariyaṃ** pana kalambakena, aḍḍhacandakena ca saddhiṃ aṭṭhapupphavikatiyo vuttā. Tattha **kalambakoti** aḍḍhacandakantare ghaṭikadāma-olambako vutto, **aḍḍhacandakoti** aḍḍhacandākārena mālāguṇaparikkhepo. Tadubhayampi pūrimeyeva pavitṭhaṃ. **Kurundiyaṃ** pana “dve tayo mālāguṇe ekato katvā pupphadāmakaraṇampi vāyimaṃyevā”ti vuttaṃ. Tampi idha pūrimaṭṭhāneyeva pavitṭhaṃ. Na kevalaṅca pupphaguḷadāmameva<sup>1</sup>, piṭṭhamayadāmampi geṇḍukapupphadāmampi Kurundiyaṃ vuttaṃ, kharapattadāmampi sikkhāpadassa sādharmaṇattā bhikkhūnampi bhikkhunīnampi neva kātuṃ, na kārapetuṃ vaṭṭati. Pūjānimittaṃ pana kappiyavacanaṃ sabbattha vattuṃ vaṭṭati. Pariyāya-obhāsanimittakammāni vaṭṭantiyeva.

**Tuvaṭṭentīti** nipajjanti. **Lāsenti**ti pītiyā uppilavamānā viya utṭahitvā lāsianāṭakaṃ nāṭenti, recakaṃ denti. **Naccantiyāpi naccanti**ti yadā nāṭakitthī naccati, tadā tepi tassā purato vā pacchato vā gacchantā naccanti. **Naccantiyāpi gāyantīti** yadā sā naccati, tadā naccānurūpaṃ gāyanti. Esa nayo sabbattha. **Aṭṭhapadepi kīlanti**ti aṭṭhapadaphalake jūtaṃ kīlanti. Tathā **dasapade. Ākāsepīti** aṭṭhapadadasapadesu viya ākāseyeva kīlanti. **Parihārapathepīti** bhūmiyaṃ nānāpathamaṇḍalaṃ katvā tattha pariharitabbapathaṃ pariharantā kīlanti. **Santikāyapi kīlanti**ti santikakīlāya kīlanti, ekajjhaṃ ṭhapitā sāriyo vā pāsāṇasakkharāyo vā acālentā nakheneva apanenti upanenti ca, sace tattha kāci calati, parājayo hoti. **Khalikāyāti** jūtaphalake pāsakakīlāya kīlanti. **Ghaṭikāyāti** ghaṭikā vuccati daṇḍakakīlā, tāya kīlanti. Dīghadaṇḍakena rassadaṇḍakaṃ paharantā vicaranti.

1. Pupphadāmameva (Sī), pupphaguḷapupphadāmameva (Ka)

**Salākahatthenā**ti lākhāya vā mañjattḥiyā<sup>1</sup> vā piṭṭha-udake vā salākahattham temetvā “kiṃ hotū”ti bhūmiyaṃ vā bhittiyaṃ vā taṃ paharivā hatthi-assādirūpāni dassentā kīḷanti, **akkhenā**ti guḷena. **Paṅgacīrenā**ti paṅgacīraṃ vuccati paṅṇanālikā, taṃ dhamantā kīḷanti. **Vaṅkakenā**ti gāmadārakānaṃ kīḷanakena khuddakanaṅgalena. **Mokkhacikāyā**ti mokkhacikā vuccati samparivattakakīḷā, ākāse vā daṇḍam gahetvā, bhūmiyaṃ vā sīsaṃ ṭhapetvā heṭṭhupariyabhāvena parivattantā kīḷantīti attho. **Ciṅgulakenā**ti ciṅgulakaṃ vuccati tālapaṅṇādīhi kataṃ vātappahārena paribbhamanacakkaṃ, tena kīḷanti. **Pattāḷhakenā**ti pattāḷhakaṃ vuccati paṅṇanāḷi, tāya vālikādīni minantā kīḷanti. **Rathakenā**ti khuddakarathena. **Dhanukenā**ti khuddakadhanunā.

**Akkharikāyā**ti akkharikā vuccati ākāse vā piṭṭhiyaṃ vā akkharajānanakīḷā, tāya kīḷanti. **Manesikāyā**ti manesikā vuccati manasā cintitajānanakīḷā, tāya kīḷanti. **Yathāvajjenā**ti yathāvajjaṃ vuccati kāṇakuṇikhañjādīnaṃ yaṃ yaṃ vajjaṃ, taṃ taṃ payojetvā dassanakīḷā, tāya kīḷanti velambhakā viya. **Hatthismimpi sikkhantī**ti hatthinimittaṃ yaṃ sippaṃ sikkhitabbaṃ, taṃ sikkhanti. Eseva nayo assādīsu. **Dhāvanti**piṭi parammukhā gacchantā dhāvanti, **ādhāvanti**piṭi yattakaṃ dhāvanti, tattakameva abhimukhā puna āgacchantā ādhāvanti. **Nibbujjantī**ti mallayuddham karonti. **Nalāṭikampi dentī**ti “sādhu sādhu bhaginī”ti attano nalāṭe aṅgulim ṭhapetvā tassā nalāṭe ṭhapenti. **Vividhampi anācāraṃ ācarantī**ti aññampi Pāḷiyaṃ anāgatā mukhaḍḍimādivividham anācāraṃ ācaranti.

432. **Pāsādikenā**ti pasādāvahena sārūpena samaṇānucchavikena. **Abhikkantenā**ti gamanena. **Paṭikkantenā**ti nivattanena. **Ālokitenā**ti purato dassanena. **Vilokitenā**ti ito cito ca dassanena. **Samiñjitenā**ti pabbasaṅkocanena. **Pasāritenā**ti tesamīyeva pasāraṇena. Sabbattha itthambhūtākyānatthe karaṇavacanāṃ, satisampajaññehi abhisāṅkhatattā pāsādika abhikkanta paṭikkanta ālokita vilokita samiñjita pasārito hutvāti vuttaṃ hoti. **Okkhittacakkhū**ti

---

1. Mañjittḥiyā (Sī, Syā)

heṭṭhākhattacakkhu. **Iriyāpathasampannoti** tāya pāsādika-abhikkantāditāya sampanna-iriyāpatho.

**Kvāyanti** ko ayam. **Abalabalo viyāti** abalo kira bondo vuccati, atisayatthe ca idam āmeḍitam<sup>1</sup>, tasmā atibondo viyāti vuttam hoti. **Mandamandoti** bhikkantādīnam anuddhatatāya atimando atisaṇhoti evam guṇameva dosato dassenti. **Bhākuṭikabhākuṭiko viyāti** okkhittacakkhutāya bhakuṭim katvā saṅkuṭitamukho kupito viya vicaratīti maññamānā vadanti. **Sanhāti** nipuṇā, “ammatāta bhaginī”ti evam upāsakajanam yuttaṭṭhāne upanetuṃ chekā, na yathā ayam, evam abalabalā viyāti adhippāyo. **Sakhilāti** sākhalena<sup>2</sup> yuttā. **Sukhasambhāsāti** idam purimassa kāraṇavacanam. Yesam hi sukhasambhāsā sammodanīyakathā nelā hoti kaṇṇasukhā, te sakhilāti vuccanti. Tenāhaṃsu “sakhilā sukhasambhāsā”ti. Ayam panettha adhippāyo—“amhākam ayyā upāsake disvā madhuraṃ sammodanīyam katham kathenti, tasmā sakhilā sukhasambhāsā, na yathā ayam, evam mandamandā viyā”ti. **Mihitapubbaṅgamāti** mihitam pubbaṅgamam etesam vacanassāti mihitapubbaṅgamā, paṭhamam sitam katvā pacchā vadantīti attho. **Ehisvāgatavādinoti** upāsakam disvā “ehi svāgatam tavā”ti evamvādino, na yathā ayam, evam saṅkuṭitamukhatāya bhākuṭikabhākuṭikā viya. Evam mihitapubbaṅgamāditāya abhākuṭikabhāvam atthato dassetvā puna sarūpenapi dassento āhaṃsu “**abhākuṭikā uttānamukhā pubbabhāsino**”ti. Uppaṭipāṭiyā vā tiṇṇampi ākārānam abhāvadassanametanti veditabbaram. Katham? Ettha hi “**abhākuṭikā**”ti iminā bhākuṭikabhākuṭikākārassa abhāvo dassito. “**Uttānamukhā**”ti iminā mandamandākārassa, ye hi cakkhūni ummīletvā ālokanena uttānamukhā honti, na te mandamandā. “**Pubbabhāsino**”ti iminā abalabalākārassa abhāvo dassito. Ye hi ābhāsanakusalatāya “amma, tātā”ti paṭhamataram ābhāsanti, na te abalabalāti.

**Ehi bhante gharam gamissāmāti** so kira upāsako “na kho āvuso piṇḍo labbhatī”ti vutte “tumhākam bhikkhūhiyeva etam

1. Āmeḍitam (Sī)

2. Sākhallena (Sī, Syā)

kataṃ, sakalampi gāmaṃ vicarantā na lacchathā”ti vatvā piṇḍapātaṃ dātukāmo “ehi bhante gharaṃ gamissāmā”ti āha. Kiṃ panāyaṃ payuttavācā hoti na hotīti. Na hoti. Pucchitapañho nāmāyaṃ, kathetuṃ vaṭṭati. Tasmā idāni cepi pubbaṅhe vā sāyanhe vā antaragharaṃ pavitṭhaṃ bhikkhuṃ koci puccheyya “kasmā bhante carathā”ti. Yenatthena carati, taṃ ācikkhitvā “laddhaṃ, na laddhaṃ”ti vutte sace na laddhaṃ, “na laddhaṃ”ti vatvā yaṃ so deti, taṃ gahetuṃ vaṭṭati.

**Duṭṭhoti** na pasādādīnaṃ vināsenā duṭṭho, puggalavasena duṭṭho. **Dānapathānīti** dānāniyeva vuccanti. Atha vā **dānapathānīti** dānanibaddhāni, dānavattānīti vuttaṃ hoti. **Upacchinnānīti** dāyakehi upacchinnāni, na te tāni etarahi denti. **Riñcantīti** visuṃ honti nānā honti, pakkamantīti vuttaṃ hoti. **Sanṭhaheyyāti** sammā tiṭṭheyya, pesalānaṃ bhikkhūnaṃ patiṭṭhā bhaveyya.

“Evamāvuso”ti kho so bhikkhu saddhassa pasannassa upāsakassa sāsanaṃ sampaṭicchi. Evarūpaṃ kira sāsanaṃ kappiyaṃ harituṃ vaṭṭati. Tasmā “mama vacanena Bhagavato pāde vandathā”ti vā “cetiyaṃ paṭimam bodhiṃ saṃghattheraṃ vandathā”ti vā “cetiye gandhapūjaṃ karoṭha, pupphapūjaṃ karoṭhā”ti vā “bhikkhū sannipāṭetha, dānaṃ dassāma, dhammaṃ sossāmā”ti vā īdisesu sāsanesu kukkuccaṃ na kātabbāṃ. Kappiyasāsanaṃ etāni, na gihīnaṃ gihikammaṭṭisaṃyuttānīti. **Kuto ca tvaṃ bhikkhu āgacchasīti** nisinno so bhikkhu na āgacchati, atthato pana āgato hoti. Evaṃ santepi vattamānasamīpe vattamānavacanaṃ labbhati, tasmā na doso. Pariyosāne “tato ahaṃ Bhagavā āgacchāmi”ti etthāpi vacane eseva nayo.

433. **Paṭhamaṃ Assajipunabbasukā bhikkhū codetabbāti** mayaṃ tumhe vattukāmāti okāsaṃ kāretvā vatthunā ca āpattiyā ca codetabbā. Codetvā yaṃ na saranti, taṃ sāretabbā. Sace vatthuṅca āpattiṅca paṭijānanti, āpattimeva vā paṭijānanti, na vatthuṃ, āpattiṃ ropetabbā. Atha vatthumeva paṭijānanti, nāpattiṃ, evampi “imasmim vatthusmim ayaṃ nāma āpatti”ti ropetabbā eva. Yadi neva vatthuṃ, nāpattiṃ paṭijānanti, āpattiṃ na ropetabbā. Ayamettha vinicchayo. Yathāpaṭiññāya pana

āpattiṃ ropetvā evaṃ pabbājanīyakammaṃ kātābanti dassento “**byattena bhikkhunā**”ti-ādimāha. Taṃ uttānatthameva.

Evaṃ pabbājanīyakammakatena bhikkhunā yasmim vihare vasantena yasmim gāme kuladūsakakammaṃ kataṃ hoti, tasmim vihare vā tasmim gāme vā na vasitabbaṃ. Tasmim vihare vasantena sāmantaḡāmeḡe piṇḡāya na caritabbaṃ. Sāmantavihāreḡe vasantena tasmim gāme piṇḡāya na caritabbaṃ. **Upatissatthero** pana “bhante nagaraṃ nāma mahantaṃ dvādasayojanikampi hoti”ti antevāsikehi vutto “yassā vīthiyā kuladūsakakammaṃ kataṃ, tattheva vāritan”ti āha. Tato “vīthipi mahatī nagarappamaṇāva hoti”ti vutto “yassā gharapaṭipāṭiyā”ti āha, “gharapaṭipāṭipi vīhippamaṇāva hoti”ti vutto “īto cito ca satta gharāni vāritāni”ti āha. Taṃ pana sabbaṃ therassa manorathamattameva. Sacepi vihāro tiyojanaparamo hoti dvādasayojanaparamaṇca nagaraṃ, neva vihare vasitum labbhati, na nagare caritunti.

435. **Te saṃghena pabbājanīyakammakatā**ti kathaṃ saṃgho tesam kammaṃ akāsi? Na gantvāva ajjhottharivā akāsi, atha kho kulehi nimantetvā saṃghabhattesu kariyamānesu tasmim tasmim ṭhāne therā samaṇapaṭipadaṃ kathetvā “ayaṃ samaṇo, ayaṃ assamaṇo”ti manusse saṇṇāpetvā ekaṃ dve bhikkhū sīmaṃ pavesetvā etenevupāyena sabbesaṃ pabbājanīyakammaṃ akaṃsūti. Evaṃ pabbājanīyakammakatassa ca aṭṭhārasa vattāni pūretvā yācantassa kammaṃ paṭippassambhetabbaṃ. Paṭippassaddhakammenāpi ca tena yesu kulesu pubbe kuladūsakakammaṃ kataṃ, tato paccayā na gahetabbā, āsavakkhayappattenāpi na gahetabbā, akappiyāva honti. “Kasmā na gaṇhathā”ti pucchitena “pubbe evaṃ katattā”ti vutte sace vadanti “na mayaṃ tena kāraṇena dema, idāni sīlavantatāya demā”ti, gahetabbā. Pakatiyā dānaṭṭhāneyeva kuladūsakakammaṃ kataṃ hoti. Tato pakatidānameva gahetum vaṭṭati, yaṃ vaḡḡhetvā denti, taṃ na vaṭṭati.

**Na sammā vattantī**ti te pana Assajipunabbasukā aṭṭhārasasu vattesu sammā na vattanti. **Na lomam pātentī**ti anulomapaṭipadaṃ appaṭipajjanatāya na pannalomā honti. **Na netthāram vattantī**ti attāno nittharaṇamaggaṃ na

paṭipajjanti. **Na bhikkhū khamāpentīti** “dukkaṭaṃ bhante amhehi, na puna evaṃ karissāma, khamatha amhākaṃ”ti evaṃ bhikkhūnaṃ khamāpanaṃ na karonti. **Akkosantīti** kārakasaṃghaṃ dasahi akkosavattūhi akkosanti. **Paribhāsantīti** bhayaṃ nesaṃ dassenti. **Chandagāmitā -pa- bhayagāmitā pāpentīti** ete chandagāmino ca -pa- bhayagāmino cāti evaṃ chandagāmitāyapi -pa- bhayagāmitāyapi pāpenti, yojentīti attho. **Pakkamantīti** tesāṃ parivāresu pañcasu samaṇasatesu ekacce disā pakkamanti. **Vibbhamantīti** ekacce gihī honti. **Kathañhi nāma Assajipunabbasukā bhikkhūti** ettha dvinnaṃ pāmokkhānaṃ vasena sabbepi “Assajipunabbasukā”ti vuttā.

436-7. **Gāmaṃ vāti** ettha nagarampi gāmaggaḥaṇeṇeva gahitaṃ. Tenassa padabhājane “gāmopi nigamopi nagarampi gāmo ceva nigamo cā”ti vuttam. Tattha apākāraparikkhepo sa-āpaṇo **nigamoti** veditaḥbo.

Kulāni dūsetīti **kuladūsako**. Dūseto ca na asucikaddamādīhi dūseti, atha kho attano duppaṭipattiyā tesāṃ pasādaṃ vināseti. Tenevassa padabhājane “pupphena vā”ti-ādi vuttam. Tattha yo haritvā vā harāpetvā vā pakkositvā vā pakkosāpetvā vā sayam vā upagātānaṃ yaṃkiñci attano santakaṃ pupphaṃ kulasaṅghatthāya deti, dukkaṭaṃ. Parasantakaṃ deti, dukkaṭameva. Theyyacittena deti, bhaṇḍagghena kāretabbo. Eseva nayo saṃghikepi. Ayam pana viseso, senāsanatthāya niyāmitaṃ issaravatāya dadato thullaccayaṃ.

Pupphaṃ nāma kassa dātum vaṭṭati, kassa na vaṭṭatīti. Mātāpitūnaṃ tāva haritvāpi harāpetvāpi pakkositvāpi pakkosāpetvāpi dātum vaṭṭati, sesañātakānaṃ pakkosāpetvāva. Tañca kho vatthupūjanatthāya. Maṇḍanatthāya pana sivaliṅgādipūjanatthāya vā kassacipi dātum na vaṭṭati. Mātāpitūnañca harāpentena ñātisāmaṇereheva harāpetabbaṃ. Itare pana yadi sayameva icchanti, vaṭṭati. Sammatena pupphabhājakena bhājanakāle sampattānaṃ sāmaṇeraṇaṃ upaḍḍhabhāgaṃ dātum vaṭṭati. **Kurundiyam** sampattagihīnaṃ upaḍḍhabhāgaṃ. **Mahāpaccariyam** “cūḷakaṃ dātum vaṭṭati”ti vuttam. Asammatena apaloketvā dātubbaṃ.

Ācariyupajjhāyesu sagāravā sāmaṇerā bahūni pupphāni āharitvā rāsīm katvā ṭhapenti, therā pātova sampattānaṃ saddhivihārikādīnaṃ upāsakānaṃ vā “tvam idaṃ gaṇha, tvam idaṃ gaṇhā”ti denti, pupphadānaṃ nāma na hoti. “Cetiyaṃ pūjessāmā”ti gahetvā gacchantāpi pūjaṃ karontāpi tattha tattha sampattānaṃ cetiyapūjanatthāya denti, etampi pupphadānaṃ nāma na hoti. Upāsake akkapupphādīhi pūjente disvā “vihāre kaṇikārapupphādīni atthi, upāsakā tāni gahetvā pūjethā”ti vattumpi vaṭṭati. Bhikkhū pupphapūjaṃ katvā divātaraṃ gāmaṃ pavitṭhe “kiṃ bhante atidivā pavitṭhatthā”ti pucchanti, “vihāre bahūni pupphāni pūjaṃ akarimhā”ti vadanti. Manussā “bahūni kira vihāre pupphāni”ti punadivase pahūtaṃ khādanīyaṃ bhojanīyaṃ gahetvā vihāraṃ gantvā pupphapūjaṃ karonti, dānañca denti, vaṭṭati. Manussā “mayam bhante asukadivasam nāma pūjessāmā”ti pupphavāraṃ yācivā anuññātatdivase āgacchanti, sāmaṇerehi ca pageva pupphāni ocinitvā ṭhapitāni honti, te rukkhesu pupphāni apassantā “kuhim bhante pupphāni”ti vadanti, sāmaṇerehi ocinitvā ṭhapitāni, tumhe pana pūjetvā gacchatha, saṃgho aññaṃ divasaṃ pūjessatīti. Te pūjetvā dānaṃ datvā gacchanti, vaṭṭati. **Mahāpaccariyaṃ**, pana **Kurundiyañca** “therā sāmaṇerehi dāpetum na labhanti. Sace sayameva tāni pupphāni tesam denti, vaṭṭati. Therehi pana ‘sāmaṇerehi ocinitvā ṭhapitāni’ti ettakameva vattabban”ti vuttam. Sace pana pupphavāraṃ yācivā anocitesu pupphesu yāgubhattādīni ādāya āgantvā sāmaṇere “ocinitvā dethā”ti vadanti. Ñātakasāmaṇeranāmyeva ocinitvā dātum vaṭṭati. Aññātake ukkhipitvā rukkhasākhāya ṭhapenti, na orohitvā palāyitabban, ocinitvā dātum vaṭṭati. Sace pana koci dhammakathiko “bahūni upāsakā vihāre pupphāni, yāgubhattādīni ādāya gantvā pupphapūjaṃ karoṭhā”ti vadati, tasseva na kappatīti **Mahāpaccariyañca Kurundiyañca** vuttam. **Mahā-aṭṭhakathāyaṃ** pana “etaṃ akappiyaṃ na vaṭṭatī”ti avisesena vuttam.

Phalampi attano santakam vuttanayeneva mātāpitūnaṃ, sesaññātakānañca dātum vaṭṭati. Kulasaṅgahatthāya pana dentassa vuttanayeneva attano santake, parasantake, saṃghike, senāsanatthāya niyāmite ca dukkaṭādīni veditabbāni. Attano santakamyeva gilānamanussānaṃ vā sampatta-issarānaṃ



vā khīṇaparibbayānaṃ vā dātuṃ vaṭṭati, phaladānaṃ na hoti. Phalabhājanāpi sammatena saṃghassa phalabhājanakāle sampattamanussānaṃ upaḍḍhabhāgaṃ dātuṃ vaṭṭati. Asammatena apaloketvā dātabbāṃ. Saṃghārāmepe phalaparicchena vā rukkharicchena vā katikā kātabbā. Tato gilānamanussānaṃ vā aññesaṃ vā phalaṃ yācantaṃ yathāparicchena cattāri pañca phalāni dātabbāni. Rukkha vā dassetabbā “ito gahetuṃ labbhatī”ti. “Idha phalāni sundarāni, ito gaṇhāthā”ti evaṃ pana na vattabbāṃ.

**Cuṇṇenāti** ettha attano santakaṃ sirīsacuṇṇaṃ vā aññaṃ vā kasāvaṃ yaṃkiñci kulasaṅgahatthāya deti, dukkaṭaṃ. Parasantakādīsupi vuttanayeneva vinicchayo veditabbo. Ayaṃ pana viseso, idha saṃghassa rakkhitagopitāpi rukkhaḥchalli garubhaṇḍameva. Mattikādantakaṭṭhaveḷūsupi garubhaṇḍūpagaṃ ñatvā cuṇṇe vuttanayeneva vinicchayo veditabbo. Paṇḍadānaṃ pana ettha na āgataṃ, tampi vuttanayeneva veditabbāṃ. Paratopi garubhaṇḍavinicchaye sabbaṃ vitthārena vaṇṇayissāma.

**Vejjikāya vāti** ettha vejjakammavidhi tatiyapārājikavaṇṇanāyaṃ vuttanayeneva veditabbo.

**Jaṅghapesanikenāti** ettha jaṅghapesaniyanti gihīnaṃ dūteyyasāsanaharaṇakammaṃ vuccati, taṃ na kātabbāṃ. Gihīnaṃ hi sāsanaṃ gahetvā gacchantassa pade pade dukkaṭaṃ. Taṃ kammaṃ nissāya laddhabhojanaṃ bhuñjantassāpi ajjhohāre ajjhohāre dukkaṭaṃ. Paṭhamāṃ sāsanaṃ aggahetvāpi pacchā “ayaṃ dāni so gāmo, handa taṃ sāsanaṃ ārocemī”ti maggā okkamantassāpi pade pade dukkaṭaṃ. Sāsanaṃ ārocetvā laddhabhojanaṃ bhuñjato purimanayeneva dukkaṭaṃ. Sāsanaṃ aggahetvā āgatena pana “bhante tasmim̐ gāme itthannāmassa kā pavattī”ti pucchiamānena kathetuṃ vaṭṭati, pucchitapañhe doso natthi. Pañcannaṃ pana sahadhammikānaṃ, mātāpitūnaṃ, paṇḍupalāsassa, attano veyyāvaccakarassa ca sāsanaṃ harituṃ vaṭṭati, gihīnañca pubbe vuttappakāraṃ kappiyasāsanaṃ. Idañhi jaṅghapesaniyakammaṃ nāma na hoti. Imehi pana aṭṭhahi kuladūsakakammehi uppannapaccayā pañcannampi sahadhammikānaṃ na kappanti, abhūtārocanarūpiyasamvohārehi uppannapaccayasadisāva honti.

Pāpā samācārā assāti **pāpasamācāro**. Te pana yasmā mālāvacccharopanādayo idha adhippetā, tasmā “mālāvaccchaṃ ropentipi”ti-ādinā nayanassa padabhājanam vuttam. **Tirokkhāti** parammukhā. **Kulāni ca tena duṭṭhānī**ti ettha pana yasmā “kulāni”ti vohāramattametam, atthato hi manussā tena duṭṭhā honti, tasmāssa padabhājane “pubbe saddhā hutvā”ti-ādimāha. **Chandagāminoti** chandena gacchantīti chandagāmino. Esa nayo sesesu. **Samanubhāsitaḥ tassa paṭinissaggāyāti** ettha kuladūsakakammena dukkaṭameva. Yam pana so saṅgham paribhavitvā chandagāminoti-ādimāha, tassa paṭinissaggāya samanubhāsanakammaṃ kātābanti evamattho daṭṭhabbo. Sesam sabbattha uttānatthameva.

Samuṭṭhānādīnipi paṭhamasaṅghabhedasadisānevāti.

Kuladūsakasikkhāpadavaṇṇanā niṭṭhitā.

### Nigamanavaṇṇanā

442. **Uddiṭṭhā kho -pa- evametaṃ dhārayāmīti** ettha paṭhamam āpatti etesanti **paṭhamāpattikā**, paṭhamam vītikkamakkhaṇeyeva āpajjitabbāti attho. Itare pana yathā tatiye, catutthe ca divase hotīti jaro “tatiyako, catutthako”ti ca vuccati, evam yāvatatiye samanubhāsanakamme hontīti **yāvatatiyakāti** veditabbā.

**Yāvatiham jānam paṭicchādetīti** yattakāni ahāni jānanto paṭicchādeti, “aham itthannāmaṃ āpattim āpanno”ti sabrahmacārīnam nāroceti. **Tāvatiḥanti** tattakāni ahāni. **Akāmā parivatthabbanti** na kāmāna na vasena, atha kho akāmāna avasena parivāsam samādāya vatthabbaṃ. **Uttari chārattanti** parivāsato uttari cha rattiyo. **Bhikkhumānattāyāti** bhikkhūnam mānanabhāvāya, ārādhanaṭṭhāyāti vuttam hoti, vīsatisaṅgho<sup>1</sup> gaṇo assāti **vīsati gaṇo**. **Tatrāti** yatra sabbantimena paricchadena vīsati gaṇo bhikkhusaṅgho atthi, tatra. **Abbhetabboti** abhi-etabbo sampaṭicchitabbo, abbhānakammavasena osāretabboti vuttam

1. Vīsatisaṅkho (Sī)

hoti, avhātabboti vā attho. **Anabbhito**ti na abbhito asampaṭicchito, akatabbhānakammoti vuttaṃ hoti, anavhātoti vā attho. **Sāmīcī**ti anudhammatā, lokuttaradhammaṃ anugatā ovādānusāsānī, sāmīci dhammatāti vuttaṃ hoti. Sesamettha vuttanayamevāti.

Samantapāsādikāya Vinayasamvāṇṇanāya

Terasakavaṇṇanā niṭṭhitā.

### 3. Aniyatakaṇḍa

#### 1. Paṭhama-aniyatasikkhāpadavaṇṇanā

443. **Tena समयena Buddho Bhagavāti** Paṭhama-aniyatasikkhāpadam. Tattha **kālayuttam samullapantoti** kālam sallakkhetvā yadā na añño koci samīpena gacchati vā āgacchati vā, tadā tadanurūpaṃ “kacci na ukkaṇṭhasi na kilamasi na chātāsī”ti-ādikaṃ gehassitaṃ kathaṃ kathento. **Kālayuttam dhammam bhaṇantoti** kālam sallakkhetvā yadā añño koci samīpena gacchati vā āgacchati vā, tadā tadanurūpaṃ “uposatham kareyyāsi, salākabhattam dadeyyāsi”ti-ādikaṃ dhammakatham kathento.

Bahū dhītaro ca puttā ca assāti **bahuputtā**. Tassā kira dasa puttā dasa dhītaro ahesum. Bahū nattāro assāti **bahunattā**. Yatheva hi tassā, evamassā puttadhītānampi vīsati vīsati dārakā ahesum, iti sā vīsuttaracatusatapputtanattaparivārā ahoṣi. **Abhimaṅgalasammatāti** uttamamaṅgalasammatā. **Yaññesūti** dānappadānesu. **Chaṇesūti** āvāhavivāhamaṅgalādīsū antarussavesu. **Ussavesūti** āsālhipavāraṇanakkhattādīsū mahussavesu. **Paṭhamam bhojenti** “imepi dārakā tayā samānyukā nirogā hontū”ti āyācantā paṭhamāmyeva bhojenti. Yepi saddhā honti pasannā, tepi bhikkhū bhojetvā tadanantaram sabbapaṭhamam tamyeva bhojenti. **Nādiyīti** tassā vacanam na ādiyi na gaṇhi, na vā ādaramakāsīti attho.

444-5. **Alamkammaniyeti** kammakkhamam kammayogganti kammaniyam, alam pariyyattam kammaniyabhāvāyāti<sup>1</sup> alamkammaniyam, tasmim alamkammaniye, yattha ajjhācāram karontā sakkonti tam kammam kātum, tādiseti attho. Tenevassa padabhājane vuttam “sakkā hoti methunam dhammam paṭisevitun”ti, yattha methunam dhammam sakkā hoti paṭisevituntū vuttam hoti. **Nisajjam kappeyyāti** nisajjam kareyya, nisīdeyyāti attho. Yasmā pana

---

1. Kammaniyam assāti (Ka)

nisīditvāva nipajjati, tenassa padabhājane ubhayampi vuttaṃ. Tattha **upanisinnoti** upagantvā nisinno. Evaṃ **upanipannopi** veditabbo. **Bhikkhu nisinneti** bhikkhumhi nisinneti attho. **Ubho vā nisinnāti** dvepi apacchā apurimaṃ nisinnā. Ettha ca kiñcāpi Pāḷiyaṃ “sotassa raho”ti āgataṃ, cakkhussa raheneva pana paricchedo veditabbo. Sacepi hi pihitakavāṭassa gabbhassa dvāre nisinno viññū puriso hoti, neva anāpattiṃ karoti. Apihitakavāṭassa pana dvāre nisinno anāpattiṃ karoti. Na kevalaṅca dvāre, antodvādasahatthepe okāse nisinno sace sacakkhuko, vikkhittopi niddāyantopi anāpattiṃ karoti. Samīpe ṭhitopi andho na karoti, cakkhumāpi nipajjitvā niddāyanto na karoti. Itthinaṃ pana satampi anāpattiṃ na karotiyeva.

**Saddheyyavacasāti** saddhātabbavacanā. Sā pana yasmā ariyasāvikaḥva hoti, tenassa padabhājane “āgataphalā”ti-ādi vuttaṃ. Tattha āgataṃ phalaṃ assāti **āgataphalā**, paṭiladdhasotāpattiphalāti attho. **Abhisametāvinīti** paṭividdhacatusaccā. Viññātaṃ sikkhattayasāsanam etāyāti **viññātasāsanā**. **Nisajjaṃ bhikkhu paṭijānamānoti** kiñcāpi evarūpā upāsikā disvā vadati, atha kho bhikkhu nisajjaṃ paṭijānamānoyeva tiṇṇaṃ dhammānaṃ aññatarena kāretabbo, na appaṭijānamānoti attho.

**Yena vā sā saddheyyavacasā upāsikā vadeyya, tena so bhikkhu kāretabboti** nisajjādīsu ākāresu yena vā ākārena saddhiṃ methunadhammādīni āropetvā sā upāsikā vadeyya, paṭijānamānova tena so bhikkhu kāretabbo. Evarūpāyapi upāsikāya vacanamattena na kāretabboti attho. Kasmā? Yasmā diṭṭhaṃ nāma tathāpi hoti, aññathāpi hoti.

Tadatthajotanatthaṅca idaṃ vatthum udāharanti—Mallārāmavihāre kira eko khīṇāsavatthero ekadivasam upaṭṭhākakulaṃ gantvā antogehe nisīdi, upāsikāpi sayanapallaṅkaṃ nissāya ṭhitā hoti. Atheke piṇḍacāriko dvāre ṭhito disvā “thero upāsikāya saddhiṃ ekāsane nisinno”ti saññaṃ paṭilabhitvā punappunam olokesi. Theropi “ayam mayi asuddhaladdhiko jāto”ti sallakkhetvā katabhattakicco vihāram gantvā attano vasanaṭṭhānam pavisitvā antova nisīdi. Sopi bhikkhu “theram

codessāmī”ti āgantvā ukkāsitvā dvāraṃ vivari. Thero tassa cittaṃ ñatvā ākāse uppativā kūṭāgāraṇṇikaṃ nissāya pallaṅkena nisīdi. Sopi bhikkhu anto pavisitvā mañcaṅca heṭṭhāmañcaṅca oloketvā therāṃ apassanto uddhaṃ ullokesi, atha ākāse nisinnaṃ therāṃ disvā “bhante evaṃmahiddhikā nāma tumhe mātugāmena saddhiṃ ekāsane nisinnabhāvaṃ vadāpetha evā”ti āha. Thero “antaragharasseveso āvuso doso, ahaṃ pana taṃ saddhāpetum asakkonto evamakāsim, rakkheyyāsi man”ti vatvā otarīti.

446. Ito param **sā ce evaṃ vadeyyāti**-ādi sabbaṃ paṭiññāya kāraṇākāradassanattaṃ vuttaṃ. Tattha **mātugāmassa methunaṃ dhammaṃ paṭisevantoti** mātugāmassa magge methunaṃ dhammaṃ paṭisevantoti attho. **Nisajjāya kāretabboti** nisajjaṃ paṭijānitvā methunadhammapaṭisevanaṃ appaṭijānanto methunadhammapārājikāpattiyā akāretvā nisajjāmatteṇa yaṃ āpattiṃ āpajjati, tāya kāretabbo, pācittiyāpattiyā kāretabboti attho. Etena nayena sabbacatukkesu vinicchayo veditabbo.

451. Sikkhāpadapariyosāne pana āpattānāpattiparicchedadassanattaṃ vuttesu **gamaṇaṃ paṭijānātīti**-ādīsu **gamaṇaṃ paṭijānātīti** “raho nisajjassādatthaṃ gatomi”ti evaṃ gamaṇaṃ paṭijānāti, **nisajjanti** nisajjassādeneva nisajjaṃ paṭijānāti. **Āpattinti** tīsu aññataraṃ āpattiṃ. **Āpattiyā kāretabboti** tīsu yaṃ paṭijānāti, tāya kāretabbo. Sesametta catukke uttānādhippāyameva. Dutiyacatukke pana **gamaṇaṃ na paṭijānātīti** raho nisajjassādavaseṇa na paṭijānāti, “salākabhattādinā attano kammaṇaṃ gatomi, sā pana mayhaṃ nisinnaṭṭhānaṃ āgatā”ti vadati. Sesamethāpi uttānādhippāyameva.

Ayaṃ pana sabbattha vinicchayo—**raho nisajjassādoti** methunadhammasannissitakilesa vuccati. Yo bhikkhu tenassādena mātugāmassa santikaṃ gantukāmo akkhiṃ añjeti, dukkaṭaṃ. Nivāsaṇaṃ nivāseti, kāyabandhanaṃ bandhati, cīvaram pārupati, sabbattha payoge payoge dukkaṭaṃ. Gacchati, padavāre padavāre dukkaṭaṃ. Gantvā nisīdati, dukkaṭameva. Mātugāme āgantvā

nisinnamate pācittiyam. Sace sā itthī kenaci karaṇīyena uṭṭhāyūṭṭhāya punappunam nisīdati, nisajjāya nisajjāya pācittiyam. Yam sandhāya gato, sā na diṭṭhā, aññā āgantvā nisīdati, assāde uppanne pācittiyam.

**Mahāpaccariyam** pana “gamanakālato paṭṭhāya asuddhacittattā āpattiyevā”ti vuttam. Sace sambahulā āgacchanti, mātugāmagāṇanāya pācittiyāni. Sace uṭṭhāyūṭṭhāya punappunam nisīdanti, nisajjāḡaṇanāya pācittiyāni.

Aniyametvā “diṭṭhadiṭṭhāya saddhim rahassādam kappessāmī”ti gantvā nisinnassāpi āgatāgatānam vasena, punappunam nisajjāvasena ca vuttanayeneva āpattiyo veditabbā. Sace suddhacittena gantvā nisinnassa santikam āgantvā nisinnāya itthiyā rahassādo uppajjati, anāpatti.

Samuṭṭhānādīni paṭhamapārājikasadisānevāti.

Paṭhama-aniyatasikkhāpadavaṇṇanā niṭṭhitā.

## 2. Dutiya-aniyatasikkhāpadavaṇṇanā

452. **Tena समयena Buddho Bhagavāti** Dutiya-aniyatasikkhāpadam. Tattha **Bhagavatā paṭikkhittanti**-ādimhi “yam eko ekāya raho paṭicchanne āsane alamkammaniye nisajjam kappeyya, tam nisajjam kappetuṃ paṭikkhittan”ti evam sambandho veditabbo. Itarathā hi “ekassa ekāyā”ti vattabham siyā, kasmā? “Paṭikkhittan”ti vuttattā. Sāmi-atthe vā etam paccattavacanam veditabham.

453. **Na heva kho pana paṭicchannanti** ettha pana yampi bahi parikkhittam anto vivaṭam pariveṇaṅgaṇādi, tampi antogadhanti veditabham. Evarūpam hi ṭhānam appaṭicchanneyeva gahitanti **Mahāpaccariyam** vuttam. Sesam paṭhamasikkhāpadanayeneva veditabham. Kevalaṅhi idha itthīpi purisopi yo koci viññū anandho abadhiro antodvādasahatthe okāse ṭhito vā nisinno vā vikkhittopi niddāyantopi anāpattiṃ karoti. Badhiro pana cakkhumāpi, andho vā abadhiropi na karoti. Pārājikāpattiṅca parihāpetvā duṭṭhullāpatti vuttāti ayam viseso. Sesam purimasadisameva. Ubhayatthāpi ummattaka-ādikammikānam anāpatti.

Samuṭṭhānādisu idaṃ sikkhāpadaṃ tisamuṭṭhānaṃ—kāyacittato vācācittato kāyavācācittato samuṭṭhāti, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, sukhamajjhattavedanāhi dvivedanaṃ. Sesāṃ uttānatthamevāti.

Dutiya-aniyatasikkhāpadavaṇṇanā niṭṭhitā.

Samantapāsādikāya Vinayasamvaṇṇanāya

Aniyatavaṇṇanā niṭṭhitā.



## 4. Nissaggiyakaṇṭa

### 1. Cīvaravagga 1. Paṭhamakathinasikkhāpadavaṇṇanā

Timsa nissaggiyā dhammā, ye vuttā samitāvinā.  
Tesam dāni karissāmi<sup>1</sup>, apubbapadavaṇṇanam.

459. Tena समयेना **Buddho Bhagavā Vesāliyam viharati Gotamake cetiye.** Tena kho pana समयेना **Bhagavatā bhikkhūnam ticīvaram anuññātam hotīti ettha ticīvaranti antaravāsako, uttarāsaṅgo, saṅghāṭīti idam cīvarattayam paribhuñjītum anuññātam hoti.** Yattha panetaṃ anuññātam, yadā ca anuññātam, yena ca kāraṇena anuññātam, tam sabbam Cīvarakkhandhake **Jīvakavatthusmim<sup>2</sup> āgatameva. Aññeneva ticīvarena gāmam pavisantīti** yena vihāre acchanti, nhānañca otaranti, tato aññena, evam divase divase nava cīvarāni dhārenti.

460. **Uppannam hotīti** anupaññattiyā dvāram dadamānam paṭilābhavasena uppannam hoti, no nipphattivasena<sup>3</sup>.

**Āyasmato Sāriputtassa dātukāmo hotīti** āyasmā kira Ānando “Bhagavantam ṭhapetvā añño evarūpo guṇavisiṭṭho puggalo natthī”ti guṇabahumānena āyasmantam Sāriputtam atimamāyati. So sadāpi manāpam cīvaram labhitvā rajitvā kappabindum datvā therasseva deti, purebhatte paṇītam yāgukhajjakam vā piṇḍapātam vā labhitvāpi therasseva deti, pacchābhatte madhuphāṇitādīni labhitvāpi therasseva deti, upaṭṭhākakulehi dārake nikkhāmetvā pabbājetvāpi therassa santike upajjham gāhāpetvā sayam anusāvanakammaṃ karoti. Āyasmāpi Sāriputto “pitu kattabbakiccaṃ nāma jeṭṭhaputtassa bhāro, tam mayā Bhagavato kattabham kiccaṃ Ānando karoti, aham Ānandam nissāya apposukko viharitum labhāmī”ti āyasmantam Ānandam ativiya mamāyati, sopi manāpam cīvaram labhitvā Ānandattherasseva detīti sabbam

1. Karissāma (Si)

2. Vi 3. 377 piṭṭhe.

3. Nibbattivasena (Ka)

purimasadisameva. Evaṃ guṇabahumānena mamāyanto tadā uppannampi taṃ cīvaram āyasmato Sāriputtassa dātukāmo hotīti veditabbo.

**Navamaṃ vā Bhagavā divasaṃ dasamaṃ vā**ti ettha pana sace bhaveyya “kathaṃ thero jānātī”ti. Bahūhi kāraṇehi jānāti. Sāriputtatthero kira janapadacārikaṃ pakkamanto Ānandattheraṃ āpucchitvāva pakkamati “ahaṃ ettakena nāma kālena āgacchissāmi, etthantare Bhagavantam mā pamajjī”ti. Sace sammukhā na āpucchati, bhikkhū pesetvāpi āpucchitvāva gacchati. Sace aññattha vassaṃ vasati, ye paṭhamataram bhikkhū āgacchanti, te evaṃ paḥiṇāti “mama vacanena Bhagavato ca pāde sirasā vandatha, Ānandassa ca ārogyaṃ vatvā maṃ ‘asukadivase nāma āgamissatī’ti vadathā”ti. Sadā ca yathāparicchinnavaseyeva eti. Apicāyasmā Ānando anumānenapi jānāti “ettake divase Bhagavatā viyogaṃ sahanto addivāsentō āyasmā Sāriputto vasi, ito dāni paṭṭhāya asukaṃ nāma divasaṃ na atikkamissati, addhā āgamissati”ti. Yesam yesam hi paññā mahatī, tesam tesam Bhagavati pemañca gāravo ca mahā hotīti iminā nāyenaṃpi jānāti. Evaṃ bahūhi kāraṇehi jānāti. Tenāha “navamaṃ vā Bhagavā divasaṃ dasamaṃ vā”ti. Evaṃ vutte yasmā idaṃ sikkhāpadaṃ paṇṇattivajjam, na lokavajjam, tasmā āyasmatā Ānandena vuttasadisameva<sup>1</sup> paricchedam karonto “**atha kho Bhagavā -pa- dhāretun**”ti. Sace pana therena addhamāso vā māso vā uddiṭṭho abhavissa, sopi Bhagavatā anuññāto assa.

462-3. **Niṭṭhitacīvarasminti** yena kenaci niṭṭhānena niṭṭhite cīvarasmim, yasmā pana taṃ cīvaram kāraṇenapi niṭṭhitam hoti nassanādīhipi, tasmāssa padabhājane atthamattameva dassetuṃ “bhikkhuno cīvaram kataṃ vā hotī”ti-ādi vuttam. Tattha **katanti** sūcikkammaṃpariyosānena kataṃ, sūcikkammaṃpariyosānaṃ nāma yaṃkiñci sūciyā kattabbaṃ pāsapaṭṭagaṇṭhikapattapariyosānaṃ katvā sūciyā paṭisāmanaṃ. **Naṭṭhanti** corādīhi haṭam, etampi hi kāraṇapalibodhassa niṭṭhitattā niṭṭhitanti vuccati. **Vinaṭṭhanti** upacikādīhi khāyitam. **Daddhanti** agginā daddham. **Cīvarāsā vā upacchinnāti** “asukasmim nāma

---

1. Vuttadivasameva (Sī, Syā)

kule cīvaram labhissāmī”ti yā cīvarāsā uppannā hoti, sā vā upacchinnā, etesampi hi karaṇapalibodhasseva niṭṭhitattā niṭṭhitabhāvo veditabbo.

**Ubbhatasmim kathineti** kathine ca ubbhatasmim, etena dutiyassa palibodhassa abhāvam dasseti. Tam pana kathinam yasmā aṭṭhasu vā mātikāsu ekāya antarubbhārena vā uddharīyati, tenassa niddese “aṭṭhannaṃ mātikānan”ti-ādi vuttaṃ. Tattha “aṭṭhimā bhikkhave mātikā kathinassa ubbhārāya pakkamanantikā niṭṭhānantikā sannīṭṭhānantikā nāsanantikā savanantikā āsāvachedikā sīmātikantikā sahubbhārā”ti<sup>1</sup> evaṃ aṭṭha mātikāyo **Kathinakkhandhake** āgatā. Antarubbhāropi “suṇātu me bhante saṃgho, yadi saṃghassa pattakallaṃ, saṃgho kathinam uddhareyya, esā ñatti. . Suṇātu me bhante saṃgho, saṃgho kathinam uddharati, yassāyasmato khamati kathinassa uddhāro, so tuṇhassa. Yassa nakkhamati, so bhāseyya. . Uddhataṃ saṃghena kathinam, khamati saṃghassa, tasmā tuṇhī, evametaṃ dhārayāmi”ti<sup>2</sup> evaṃ Bhikkhunīvibhaṅge āgato. Tattha yaṃ vattabbaṃ, taṃ āgataṭṭhāneyeva vaṇṇayissāma. Idha pana vuccamāne Pāḷi āharitabbā hoti, atthopi vattabbo. Vuttopi ca na suviññeyyo hoti, aṭṭhāne vuttatāya.

**Dasāhaparamanti** dasa ahāni paramo paricchedo assāti dasāhaparamo, taṃ dasāhaparamaṃ kālaṃ dhāretabbanti attho. Padabhājane pana atthamattameva dassetuṃ “dasāhaparamatā dhāretabban”ti vuttaṃ. Idañhi vuttaṃ hoti “**dasāhaparamanti** ettha yā dasāhaparamatā dasāhaparamabhāvo, ayaṃ ettako kālo yāva nātikkamati, tāva dhāretabban”ti.

Adhiṭṭhitavikappitesu apariyāpannattā atirekaṃ cīvaranti **atirekacīvaram**. Tenevassa padabhājane vuttaṃ “anadhiṭṭhitaṃ avikappitaṃ”ti.

**Channaṃ cīvarānaṃ aññataranti** khomaṃ kappāsikaṃ koseyyaṃ kambalaṃ sāṇaṃ bhaṅganti imesaṃ channaṃ cīvarānaṃ aññataram. Etena cīvarassa jātiṃ dassetvā idāni pamāṇaṃ dassetuṃ “**vikappanupagaṃ pacchiman**”ti āha. Tassa pamāṇaṃ

1. Sa-ubbhārāti (Syā, Ka) Vi 3. 353 piṭṭhe passitabbaṃ.

2. Vi 2. 377 piṭṭhe.

dīghato dve vidatthiyo, tiriyaṃ vidatthi. Tatrāyaṃ Pāḷi “anujānāmi bhikkhave āyāmena aṭṭhaṅgulaṃ Sugataṅguleṇa caturaṅgulavitthataṃ pacchimaṃ cīvaraṃ vikappetun”ti<sup>1</sup>.

**Taṃ atikkāmayato nissaggiyaṃ pācittiyanti taṃ**  
yathāvuttajātippamāṇaṃ cīvaraṃ dasāhaparamaṃ kālaṃ atikkāmayato, etthantare yathā atirekacīvaraṃ na hoti, tathā akubbato nissaggiyaṃ pācittiyaṃ, tañca cīvaraṃ nissaggiyaṃ hoti, pācittiyāpatti cassa hotīti attho. Atha vā nissajjanaṃ nissaggiyaṃ, pubbabhāge kattabbassa vinayakammassetāṃ nāmaṃ. Nissaggiyamassa atthīti nissaggiyamicceva. Kintaṃ? Pācittiyaṃ. Taṃ atikkāmayato sanissaggiyavinayakammaṃ<sup>2</sup> pācittiyaṃ hotīti ayamettha attho. Padabhājane pana paṭhamaṃ tāva atthavikappaṃ dassetuṃ “taṃ atikkāmayato nissaggiyaṃ hotī”ti mātikaṃ ṭhapetvā “ekādase aruṇuggamane nissaggiyaṃ hoti, nissajjitabbaṃ”ti vuttaṃ. Puna yassa ca nissajjitabbaṃ, yathā ca nissajjitabbaṃ, taṃ dassetuṃ “saṃghassa vā”ti-ādi vuttaṃ. Tattha **ekādase aruṇuggamaneti** ettha yaṃ divasaṃ cīvaraṃ uppannaṃ, tassa yo aruṇo, so uppannadivasanissito, tasmā cīvaruppādadivasena saddhiṃ ekādase aruṇuggamane nissaggiyaṃ hotīti veditabbaṃ. Sacepi bahūni ekajjhaṃ bandhitvā vā veḥetvā vā ṭhapitāni, ekāva āpatti. Abaddhāveḥitesu vatthugaṇanāya āpattiyo.

**Nissajjitvā āpatti desetabbāti** kathaṃ desetabbā? Yathā **Khandhake** vuttaṃ. Kathanca tattha vuttaṃ? Evaṃ vuttaṃ “tena bhikkhave bhikkhunā saṃghaṃ upasaṅkamitvā ekaṃsaṃ uttarāsaṅgaṃ karitvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjalim paggahetvā evamassa vacanīyo ‘ahaṃ bhante itthannāmaṃ āpattim āpanno, taṃ paṭidesemī’ti”<sup>3</sup>. Idha pana sace ekaṃ cīvaraṃ hoti “ekaṃ nissaggiyaṃ pācittiyaṃ”ti vattabbaṃ. Sace dve, “dve”ti vattabbaṃ. Sace bahūni, “sambahulānī”ti vattabbaṃ. Nissajjanepi sace ekaṃ, yathāpāḷimeva “idaṃ me bhante cīvaraṃ”ti vattabbaṃ. Sace dve vā bahūni vā, “imāni me bhante cīvarāni dasāhātikkantāni nissaggiyāni, imānāhaṃ saṃghassa nissajjāmi”ti vattabbaṃ. Pāḷim vattum asakkontena aññathāpi vattabbaṃ.

1. Vi 3. 412 piṭṭhe.

2. Sahanissaggiyavinayakammaṃ (Ka)

3. Vi 4. 235 piṭṭhe.

**Byattena bhikkhunā paṭibalena āpatti paṭiggahetabbā** Khandhake vuttanayeneva paṭiggahetabbā. Evañhi tattha vuttaṃ “byattena bhikkhunā paṭibalena saṃgho ñāpetabbo—

Suṇātu me bhante saṃgho, ayaṃ itthannāmo bhikkhu āpattiṃ sarati vivarati uttāniṃ karoti deseti, yadi saṃghassa pattakallaṃ, ahaṃ itthannāmassa bhikkhuno āpattiṃ paṭiggaṇheyyanti.

Tena vattabbo ‘passasī’ti. Āma passāmīti. Āyatiṃ saṃvareyyāsī”ti<sup>1</sup>.  
Dvīsu pana sambahulāsu vā purimanayeneva vacanabhedo ñātabbo.

Cīvaradānepi “saṃgho imaṃ cīvaraṃ, imāni cīvarāni”ti vatthuvaseṇa vacanabhedo vedītabbo. Gaṇassa ca puggalassa ca nissajjanepi eseṇa nayo.

Āpattidesanāpaṭiggahaṇesu panettha ayaṃ Pāḷi—“tena bhikkhave bhikkhunā sambahule bhikkhū upasaṅkamtivā ekaṃsaṃ uttarāsaṅgaṃ katvā vuḍḍhānaṃ bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassu vacanīyā ‘ahaṃ bhante itthannāmaṃ āpattiṃ āpanno, taṃ paṭidesemī’ti”. Byattena bhikkhunā paṭibalena te bhikkhū ñāpetabbā—

Suṇantu me āyasmantā, ayaṃ itthannāmo bhikkhu āpattiṃ sarati vivarati uttāniṃ karoti deseti, yadāyasmantānaṃ pattakallaṃ, ahaṃ itthannāmassa bhikkhuno āpattiṃ paṭiggaṇheyyanti.

Tena vattabbo “passasī”ti. Āma passāmīti. Āyatiṃ saṃvareyyāsīti.

Tena bhikkhunā ekaṃ bhikkhuṃ upasaṅkamtivā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo “ahaṃ āvuso itthannāmaṃ āpattiṃ āpanno, taṃ paṭidesemīti. Tena vattabbo ‘passasī’ti. Āma passāmīti. Āyatiṃ saṃvareyyāsī”ti<sup>2</sup>.

---

1. Vi 4. 235 piṭṭhe.

2. Vi 4. 234 piṭṭhe.

Tattha purimanayeneva āpattiyā nāmaggaṇaṃ, vacanabhedo ca veditabbo.

Yathā ca gaṇassa nissajjane, evaṃ dvinnaṃ nissajjanepi Pāḷi veditabbā. Yadi hi viseso bhaveyya, yatheva “anujānāmi bhikkhave tiṇṇannaṃ pārisuddhi-uposathaṃ kātuṃ, evañca pana bhikkhave kātabbo. Byattena bhikkhunā paṭibalena te bhikkhū nāpetabbā”ti-ādinā nayena “tiṇṇannaṃ pārisuddhi-uposathaṃ kātun”ti vatvā puna “anujānāmi bhikkhave dvinnaṃ pārisuddhi-uposathaṃ kātuṃ, evañca pana bhikkhave kātabbo. Therena bhikkhunā ekamsaṃ uttarāsaṅgan”ti-ādinā<sup>1</sup> nayena visumyeva dvinnaṃ pārisuddhi-uposatho vutto, evamidhāpi visum Pāḷim vadeyya, yasmā pana natthi, tasmā avatvā gatoti gaṇassa vuttā Pāḷiyevettha Pāḷi.

Āpattiṭṭhaggaṇe pana ayaṃ viseso, yathā gaṇassa nissajjitvā āpattiyā desiyamānāya āpattiṭṭhaggaṇako bhikkhu ñattim ṭhapeti, evaṃ aṭṭhapetvā dvīsu aññatarena yathā ekapuggalo paṭiggaṇhāti, evaṃ āpatti paṭiggahetabbā. Dvinnaṃ hi ñattitṭhapanā nāma natthi, yadi siyā, dvinnaṃ pārisuddhi-uposathaṃ visum na vadeyya.

Nissaṭṭhacīvaradānēpi yathā “imaṃ cīvaraṃ āyasmato dammi”ti eko vadati, evaṃ “imaṃ mayam cīvaraṃ āyasmato demā”ti vattum vaṭṭati. Ito garukatarāni hi ñattidutiyakammānipi “apaloketvā kātabbānī”ti vuttāni atthi, tesam etaṃ anulomaṃ. Nissaṭṭhacīvaraṃ pana dātābameva, adātuṃ na kabbhati, vinayakammamattañhetam. Na tam tena saṃghassa vā gaṇassa vā puggalassa vā dinnameva hotīti.

468. **Dasāhātikkante atikkantasaññī**ti dasāham atikkante cīvare “atikkantaṃ idan”ti evaṃsaññī, dasāhe vā atikkante “atikkanto dasāho”ti evaṃsaññī. **Nissaggiyaṃ pācittiyanti** na idha saññā rakkhati. Yopi<sup>2</sup> evaṃsaññī, tassapi tam cīvaraṃ nissaggiyaṃ, pācittiyāpatti ca. Sanissaggiyavinayakammaṃ vā pācittiyanti ubhopi atthavikappā yujjanti. Esa nayo sabbattha.

1. Vi 3. 167 piṭṭhe.

2. Yo hi (Sī)

**Avissajjite vissajjitasaññī**ti kassaci adinne apariccatte “pariccattaṃ mayā”ti evamsaññī.

**Anaṭṭhe naṭṭhasaññī**ti attano cīvarena saddhim bahūni aññesaṃ cīvarāni ekato ṭhapitāni corā haranti. Tatresa attano cīvare anaṭṭhe naṭṭhasaññī hoti. Esa nayo avinaṭṭhādīsupi.

**Avilutteti** ettha pana gabbhaṃ bhinditvā pasayhāvahāravasena avilutteti veditabbaṃ.

**Anissajjitvā paribhuñjati, āpatti dukkaṭassā**ti sakimnivatthaṃ vā sakim pārutaṃ vā kāyato amocetvā divasampi vicarati, ekāva āpatti. Mocetvā mocetvā nivāseti vā pārupati vā, payoge payoge dukkaṭaṃ. Dunnivatthaṃ vā duppārutaṃ vā saṅṭhapentassa anāpatti. Aññassa taṃ paribhuñjatopi anāpatti, “anāpatti aññena kataṃ paṭilabhitvā paribhuñjati”ti<sup>1</sup> ādivacanañcettha sādhaṃ. Anatikkante atikkantasaññīno, vematikassa ca dukkaṭaṃ paribhogam sandhāya vuttaṃ.

469. **Anāpatti antodasāhaṃ adhiṭṭheti, vikappeti**ti ettha pana adhiṭṭhānupagaṃ, vikappanupagañca veditabbaṃ. Tatrāyaṃ Pāḷi—atha kho bhikkhūnaṃ etadahosi “yāni tāni Bhagavatā anuññātāni ‘ticīvaran’ti vā ‘vassikasāṭikā’ti vā ‘nisīdanan’ti vā ‘paccattharaṇan’ti vā ‘kaṇḍuppaṭicchādī’ti vā ‘mukhapuñchanacoḷan’ti vā ‘parikkhāraṇan’ti vā, sabbāni tāni adhiṭṭhātābāni nu kho, udāhu vikappetabbāni”ti. Bhagavato etamatthaṃ ārocesuṃ.

Anujānāmi bhikkhave ticīvaraṃ adhiṭṭhātuṃ, na vikappetuṃ, vassikasāṭikaṃ vassānaṃ<sup>2</sup> cātumāsaṃ adhiṭṭhātuṃ, tato paramvikappetuṃ, nisīdanaṃ adhiṭṭhātuṃ, na vikappetuṃ, paccattharaṇaṃ adhiṭṭhātuṃ, na vikappetuṃ, kaṇḍuppaṭicchādimaṃ yāva ābādhaṃ adhiṭṭhātuṃ, tato param vikappetuṃ, mukhapuñchanacoḷaṃ adhiṭṭhātuṃ, na vikappetuṃ, parikkhāraṇaṃ adhiṭṭhātuṃ, na vikappetunti<sup>3</sup>.

1. Vi 1. 339 piṭṭhe.

2. Vassānassa (Syā, Ka)

3. Vi 3. 411 piṭṭhe.

Tattha **ticīvaram** adhiṭṭhahantena rajitvā kappabindum datvā pamāṇayuttameva adhiṭṭhātabbam. Tassa pamāṇam ukkaṭṭhaparicchedena Sugatacīvarato ūnakam vaṭṭati, lāmakaparicchedena saṅghāṭiyā, uttarāsaṅgassa ca dīghato muṭṭhipaṅcakam, tiriyaṃ muṭṭhittikam pamāṇam vaṭṭati. Antaravāsako dīghato muṭṭhipaṅcako, tiriyaṃ dvihatthopi vaṭṭati. Pārūpanenapi hi sakkā nābhim paṭicchādetunti. Vuttappamāṇato pana atirekam, ūnakaṅca “parikkhāraḥaṇam”ti adhiṭṭhātabbam.

Tattha yasmā “dve cīvarassa adhiṭṭhānā kāyena vā adhiṭṭheti, vācāya vā adhiṭṭheti”ti<sup>1</sup> vuttam, tasmā purāṇasaṅghāṭim “imam saṅghāṭim paccuddharāmī”ti paccuddharitvā navam saṅghāṭim<sup>2</sup> hatthena gahetvā “imam saṅghāṭim adhiṭṭhāmī”ti cittena ābhogaṃ katvā kāyavikāram karontena kāyena adhiṭṭhātabbā. Idam **kāyena adhiṭṭhānam**, tam yena kenaci sarīravayavena aphasantassa na vaṭṭati. **Vācāya adhiṭṭhāne** pana vacībhedaṃ katvā vācāya adhiṭṭhātabbā. Tatra duvidham adhiṭṭhānam—sace hatthapāse hoti “imam saṅghāṭim adhiṭṭhāmī”ti vācā bhinditabbā. Atha antogabbhe vā uparipāsāde vā sāmantavihāre vā hoti, ṭhapitaṭṭhānam sallakkhetvā “etaṃ saṅghāṭim adhiṭṭhāmī”ti vācā bhinditabbā. Esa nayo uttarāsaṅge antaravāsake ca. Nāmamattameva hi viseso. Tasmā sabbāni saṅghāṭim uttarāsaṅgam antaravāsakanti evam attano nāmeneva adhiṭṭhātabbāni. Sace adhiṭṭhahitvā ṭhapitavatthehi saṅghāṭi-ādīni karoti, niṭṭhite rajane ca kappe ca “imam paccuddharāmī”ti paccuddharitvā puna adhiṭṭhātabbāni. Adhiṭṭhitena pana saddhim mahantatarameva dutiyapaṭṭam vā khaṇḍam vā saṃsibbantena puna adhiṭṭhātabbameva. Same vā khuddake vā adhiṭṭhānakiccam natthi.

Ticīvaram pana parikkhāraḥaṇam adhiṭṭhātum vaṭṭati na vaṭṭatīti? **Mahāpadumatthero** kirāha “ticīvaram ticīvareva adhiṭṭhātabbam. Sace parikkhāraḥaṇādhiṭṭhānam labheyya, udositasikkhāpade parihāro niratthako bhavēyyā”ti. Evam vutte kira avasesā bhikkhū āhaṃsu “parikkhāraḥaṇampi Bhagavatāva adhiṭṭhātabbanti vuttam tasmā vaṭṭatī”ti. **Mahāpaccariyampi** vuttam “parikkhāraḥaṇam nāma pāṭekkam nidhānamukhametanti

1. Vi 5. 214 piṭṭhe.

2. Navā saṅghāṭi (Sī)



ticīvaraṃ ‘parikkhāraḷaṇ’ti adhiṭṭhahitvā paribhuñjituṃ vaṭṭati.  
 Udositasikkhāpade pana ticīvaraṃ adhiṭṭhahitvā pariharantassa parihāro  
 vutto”ti. Ubhatovibhaṅgabhāṇako Puṇṇavālikavāsī **Mahātissattheropi** kira  
 āha “mayam pubbe mahātherānaṃ assumha araññāvāsino bhikkhū  
 rukkkhasusirādīsu cīvaraṃ ṭhapetvā padhānaṃ padahanatthāya gacchanti.  
 Sāmantavihāre dhammasavanatthāya gatānañca nesam sūriye uṭṭhite  
 sāmaṇerā vā daharabhikkhū vā pattacīvaraṃ gahetvā gacchanti, tasmā  
 sukharipibhogattham ticīvaraṃ ‘parikkhāraḷaṇ’ti adhiṭṭhātum vaṭṭati”ti.  
**Mahāpaccariyampi** vuttam “pubbe āraññikā bhikkhū abaddhasīmāyam  
 dupparihāranti ticīvaraṃ parikkhāraḷameva adhiṭṭhahitvā  
 paribhuñjimsū”ti.

**Vassikasātikā** anarittappamāṇā nāmaṃ gahetvā vuttanayeneva cattāro  
 vassike māse adhiṭṭhātabbā, tato param paccuddharitvā vikappetabbā.  
 Vaṇṇabhedamattarattāpi cesā vaṭṭati. Dve pana na vaṭṭanti. **Nisīdanam**  
 vuttanayena adhiṭṭhātabbameva, tañca kho pamāṇayuttam ekameva, dve na  
 vaṭṭanti. **Paccattharaṇampi** adhiṭṭhātabbameva, tam pana mahantampi vaṭṭati,  
 ekampi vaṭṭati, bahūnipi vaṭṭanti. Nīlampi pītakampi sadasampi  
 pupphadasampīti sabbappakāram vaṭṭati. Sakim adhiṭṭhitam adhiṭṭhitameva  
 hoti. **Kaṇḍuppaṭicchādi** yāva ābādho atthi, tāva pamāṇikā adhiṭṭhātabbā.  
 Ābādhe vūpasante paccuddharitvā vikappetabbā, ekāva vaṭṭati.  
**Mukhapuñchanacoḷam** adhiṭṭhātabbameva, yāva ekam dhovīyati, tāva aññaṃ  
 paribhogatthāya icchitabbanti dve vaṭṭanti. Apare pana therā  
 “nidhānamukhametaṃ bahūnipi vaṭṭanti”ti vadanti. **Parikkhāraḷe** gaṇanā  
 natthi, yattakam icchati, tattakam adhiṭṭhātabbameva. **Thavikāpi**  
**parissāvanampi** vikappanupagam pacchimaḷarappamāṇam  
 “parikkhāraḷaṇ”ti adhiṭṭhātabbameva. Bahūni ekato katvā “imāni cīvarāni  
 parikkhāraḷāni adhiṭṭhāmī”ti adhiṭṭhātumpi vaṭṭatiyeva.  
 Bhesajjanavakamma mātāpitu-ādīnam<sup>1</sup> atthāya ṭhapentenapi  
 adhiṭṭhātabbameva. **Mahāpaccariyam** pana “anāpattī”ti vuttam. Mañcabhisi  
 pīṭhakabhisi bimbohanam pāvāro kojavoti etesu pana  
 senāsanaparikkhāratthāya dinnapaccattharaṇe ca adhiṭṭhānakiccam  
 natthiyeva.

Adhiṭṭhitacīvaraṃ pana paribhuñjato katham adhiṭṭhānam vijatīti?  
 Aññassa dānena, acchinditvā gahaṇena, vissāsaggāhena, hīnāyāvattanena,

---

1. ...mātāpitūnam (Sī)

sikkhāpaccakkhānena, kālamkiriyāya, liṅgaparivattanena, paccuddharaṇena, chiddabhāvenāti imehi navahi kāraṇehi vijahati. Tattha purimehi aṭṭhahi sabbacīvarāni adhiṭṭhānaṃ vijahanti, chiddabhāvena pana ticīvarasseva sabba-aṭṭhakathāsu adhiṭṭhānavijahanam vuttaṃ, tañca nakhapīṭṭhippamāṇena chiddena. Tattha na khapīṭṭhippamāṇam kaniṭṭhaṅgulinakhavasena veditabbaṃ, chiddaṅca vinibiddhachiddameva. Chiddassa hi abbhantare ekatantu cepi acchinno hoti, rakkhati. Tattha saṅghāṭiyā ca uttarāsaṅgassa ca dīghantato vidatthippamāṇassa, tiriyaṅtato aṭṭhaṅgulappamāṇassa padesassa orato chiddam adhiṭṭhānaṃ bhindati, parato na bhindati. Antaravāsakassa pana dīghantato vidatthippamāṇasseva tiriyaṅtato caturaṅgulappamāṇassa padesassa orato chiddam adhiṭṭhānaṃ bhindati, parato na bhindati. Tasmā jāte chidde taṃ cīvaram atirekacīvaraṭṭhāne tiṭṭhati, sūcikkammaṃ katvā puna adhiṭṭhātabbaṃ. **Mahāsumatthero** panāha “pamāṇacīvarassa yattha katthaci chiddam adhiṭṭhānaṃ bhindati, mahantassa pana pamāṇato bahi chiddam adhiṭṭhānaṃ na bhindati, antojātaṃ bhindatī”ti. **Karavīkatissatthero** āha “khuddakam mahantaṃ na pamāṇam, dve cīvarāni pārupantassa vāmahatthe saṅgharivā<sup>1</sup> ṭhapitaṭṭhāne chiddam adhiṭṭhānaṃ na bhindati, orabhāge bhindati. Antaravāsakassapi ovaṭṭikam karontena saṅgharitaṭṭhāne chiddam na bhindati, tato oraṃ bhindatī”ti. **Andhakatṭhakathāyaṃ** pana ticīvare **Mahāsumatthera** vādam pamāṇam katvā uttaripi idaṃ vuttaṃ “pacchimappamāṇam adhiṭṭhānaṃ rakkhatī”ti. Parikkhāraṇe dīghaso aṭṭhaṅgule Sugataṅgule tiriyaṃ caturaṅgule yattha katthaci chiddam adhiṭṭhānaṃ vijahati. Mahante ṇe tato parena chiddam adhiṭṭhānaṃ na vijahati. Esa nayo sabbesu adhiṭṭhātabbakesu cīvaresūti.

Tattha yasmā sabbesampi adhiṭṭhātabbakacīvarānaṃ vikappanupagapacchimappamāṇato aññaṃ<sup>2</sup> pacchimappamāṇam nāma natthi. Yañhi nisīdanakaṇḍuppaṭṭicchādivassikasāṭikānaṃ pamāṇam vuttaṃ, taṃ ukkaṭṭham, tato uttari paṭisiddhattā, na pacchimaṃ, tato heṭṭhā appaṭisiddhattā. Ticīvarassāpi Sugatacīvarappamāṇato ūnakattaṃ ukkaṭṭhappamāṇameva. Pacchimaṃ pana visuṃ sutte vuttaṃ natthi. Mukhapuñchanapaccattharaṇaparikkhāraṇaṃ ukkaṭṭhaparicchedo natthiyeva. Vikappanupagapacchimaṃ pana pacchimaricchedo vutto. Tasmā yaṃ tāva

1. Saṃharitvā (Sī)

2. Ūnakam aññaṃ (Syā)

**Andhakatṭhakathāyaṃ** “pacchimappamāṇaṃ adhiṭṭhānaṃ rakkhatī”ti vatvā tattha parikkhāraḥasseva Sugataṅgulena aṭṭhaṅgulacaturāṅgulapacchimappamāṇaṃ dassetvā itaresaṃ ticīvarādīnaṃ muṭṭhipaṇḍakādīpabhedaṃ pacchimappamāṇaṃ sandhāya “esa nayo sabbesu adhiṭṭhātabbakesu cīvaresū”ti vuttaṃ, taṃ na sameti.

**Karavīkatissatthera**vādepi dīghantatoyeva chiddaṃ dassitaṃ, tiriyaṇtato na dassitaṃ, tasmā so aparicchinnō. **Mahāsumatthera**vāde “pamāṇacīvarassa yattha katthaci chiddaṃ adhiṭṭhānaṃ bhindati, mahantassa pana pamāṇato bahi chiddaṃ adhiṭṭhānaṃ na bhindatī”ti vuttaṃ. Idaṃ pana na vuttaṃ “idaṃ nāma pamāṇacīvaraṃ, ito uttari mahantaṃ cīvaraṃ”ti. Apicettha ticīvarādīnaṃ muṭṭhipaṇḍakādībhedaṃ pacchimappamāṇanti adhippetāṃ. Tattha yadi pacchimappamāṇato bahi chiddaṃ adhiṭṭhānaṃ na bhindeyya, ukkatṭhapattassāpi majjhimapattassa vā omakappamāṇato bahi chiddaṃ adhiṭṭhānaṃ na bhindeyya, na ca na bhindati. Tasmā ayampi vādo aparicchinnō.

Yo panāyaṃ sabbapaṭṭhamo **Aṭṭhakathāvādo**, ayamevettha pamāṇaṃ. Kasmā? Paricchedaḥabbhāvato. Ticīvarassa hi pacchimappamāṇaṇca chiddappamāṇaṇca chidduppattidesappamāṇaṇca **sabba-aṭṭhakathāsuyeva**<sup>1</sup> paricchinditvā vuttaṃ, tasmā sveva vādo pamāṇaṃ. Addhā hi so Bhagavato adhippāyaṃ anugantvā vutto. Itaresu pana neva paricchedo atthi, na pubbāparaṃ sametīti.

Yo pana dubbalatṭhāne paṭṭhamāṃ aggaḷaṃ datvā pacchā dubbalatṭhānaṃ chinditvā apaneti, adhiṭṭhānaṃ na bhijjati. Maṇḍalaparivattanepi eseva nayo. Dupatṭassa ekasmiṃ paṭale chidde vā jāte gaḷite vā adhiṭṭhānaṃ na bhijjati. Khuddakaṃ cīvaraṃ mahantaṃ karoti, mahantaṃ vā khuddakaṃ karoti, adhiṭṭhānaṃ na bhijjati. Ubho koṭṭiyo majjhe karonto sace paṭṭhamāṃ chinditvā pacchā ghaṭeti, adhiṭṭhānaṃ bhijjati. Atha ghaṭetvā chindati, na bhijjati. Rajakehi dhovāpetvā setaṃ kārāpentassāpi adhiṭṭhānaṃ adhiṭṭhānamevāti. Ayaṃ tāva **antodasāhaṃ adhiṭṭheti, vikappetīti** ettha adhiṭṭhāne vinicchayo.

---

1. Sabbaṃ Aṭṭhakathāsuyeva (Sī)

**Vikappane** pana dve vikappanā sammukhāvikappanā ca parammukhāvikappanā ca. Kathaṃ **sammukhāvikappanā** hotīti? Cīvarānaṃ ekabahubhāvaṃ, sannihitāsannihitabhāvaṅca ñatvā “imaṃ cīvaranti vā, imāni cīvarānīti vā, etaṃ cīvaranti vā, etāni cīvarānīti vā tuyhaṃ vikappemī”ti vattabbaṃ, ayamekā sammukhāvikappanā. Ettāvatā nidhetuṃ vaṭṭati, paribhuñjituṃ pana vissajjetuṃ vā adhiṭṭhātuṃ vā na vaṭṭati. “Mayhaṃ santakaṃ, mayhaṃ santakāni paribhuñja vā vissajjehi vā yathāpaccayaṃ vā karohī”ti evaṃ pana vutte paccuddhāro nāma hoti. Tato pabhuti paribhogādayopi vaṭṭanti.

Aparopi nayo tatheva cīvarānaṃ ekabahubhāvaṃ, sannihitāsannihitabhāvaṅca ñatvā tasseva bhikkhuno santike “imaṃ cīvaranti vā, imāni cīvarānīti vā, etaṃ cīvaranti vā, etāni cīvarānīti vā vatvā pañcasu sahadhammikesu aññatarassa attanā<sup>1</sup> abhirucitassa yassa kassaci nāmaṃ gahetvā tissassa bhikkhuno vikappemīti vā, tissāya bhikkhuniyā, sikkhamānāya, tissassa sāmaṇerassa, tissāya sāmaṇeriyā vikappemī”ti vā vattabbaṃ. Ayaṃ aparāpi **sammukhāvikappanā**. Ettāvatā nidhetuṃ vaṭṭati, paribhogādīsu pana ekampi na vaṭṭati. Tena pana bhikkhunā “tissassa bhikkhuno santakaṃ -pa- tissāya sāmaṇeriyā santakaṃ paribhuñja vā vissajjehi vā yathāpaccayaṃ vā karohī”ti vutte paccuddhāro nāma hoti. Tato pabhuti paribhogādayopi vaṭṭanti.

Kathaṃ **parammukhāvikappanā** hotīti? Cīvarānaṃ tatheva ekabahubhāvaṃ, sannihitāsannihitabhāvaṅca ñatvā “imaṃ cīvaranti vā, imāni cīvarānīti vā, etaṃ cīvaranti vā, etāni cīvarānīti vā vatvā tuyhaṃ vikappanattāya dammī”ti vattabbaṃ. Tena vattabbo “ko te mitto vā sandiṭṭho vā”ti<sup>2</sup>. Tato itarena purimanayeneva “tisso bhikkhūti vā -pa- tissā sāmaṇerī”ti vā vattabbaṃ. Puna tena bhikkhunā “ahaṃ tissassa bhikkhuno dammīti vā -pa- tissāya sāmaṇeriyā dammī”ti vā vattabbaṃ. Ayaṃ parammukhāvikappanā. Ettāvatā nidhetuṃ vaṭṭati. Paribhogādīsu pana ekampi na vaṭṭati. Tena pana bhikkhunā dutiyasammukhāvikappanāyaṃ vuttanayeneva “itthannāmassa santakaṃ paribhuñja vā vissajjehi vā yathāpaccayaṃ vā karohī”ti vutte paccuddhāro nāma hoti. Tato pabhuti paribhogādayopi vaṭṭanti.

1. Attano (Sī)

2. Sandiṭṭho vā sambhatto vāti (Syā, Ka)

Dvinnam vikappanānam kim nānākaraṇam? Sammukhāvīkappanāya sayam vikappetvā parena paccuddharāpeti. Parammukhāvīkappanāya pareneva vikappāpetvā pareneva paccuddharāpeti, idamettha nānākaraṇam. Sace pana yassa vikappeti, so paññattikovidō na hoti, na jānāti paccuddharitum<sup>1</sup>, tam cīvaram gahetvā aññassa byattassa santikam gantvā puna vikappetvā paccuddharāpetabbam. Vikappitavīkappanā nāmesā vaṭṭati. Ayam “**vikappeti**”ti imasmim pade vinicchayo.

“Anujānāmi bhikkhave ticīvaram adhiṭṭhātum na vikappetun”ti-ādivacanato ca idam “vikappeti”ti avisesena vuttavacanam viruddham viya dissati, na ca viruddham Tathāgatā bhāsanti. Tasmā evamassa attho vedītabbo—ticīvaram ticīvarasaṅkhepeneva pariharato adhiṭṭhātumeva anujānāmi, na vikappetum. Vassikasāṭīkam pana cātumāsato param vikappetumeva, na adhiṭṭhātum. Evañca sati yo ticīvare ekena cīvarena vippavasitukāmo hoti, tassa ticīvarādhiṭṭhānam paccuddharitvā vippavāsasukhattham vikappanāya okāso dinno hoti. Dasāhātikkame ca anāpattīti. Etenupāyena sabbattha vikappanāya appaṭisiddhabhāvo vedītabbo.

**Vissajjēti** aññassa deti. Katham pana dinnam hoti? Katham gahitam? “Imam tuyham demi dadāmi dajjāmi oṇojemi pariccajāmi vissajjāmi nissajjāmi”ti vā “itthannāmassa demi -pa- nissajjāmi”ti vā vadati, sammukhāpi parammukhāpi dinnamyeva hoti. “Tuyham gaṇhāhi”ti vutte “mayham gaṇhāmi”ti vadati, sudinnam, suggahitañca. “Tava santakam karohi, tava santakam hotu, tava santakam karissasi”ti<sup>2</sup> vutte “mama santakam karomi, mama santakam hotu, mama santakam karissāmi”ti vadati, duddinnam, duggahitañca. Neva dātā dātum jānāti, na itaro gahetum. Sace pana “tava santakam karohi”ti vutte “sādhu bhante mayham gaṇhāmi”ti gaṇhāti, suggahitam. Sace pana eko “gaṇhāhi”ti vadati, itaro “na gaṇhāmi”ti, puna so “dinnam mayā tuyham, gaṇhāhi”ti vadati, itaropi “na mayham iminā attho”ti vadati. Tato purimopi “mayā dinnan”ti dasāham atikkāmeti, pacchimopi “mayā paṭikkhittan”ti. Kassa āpattīti? Na kassaci āpatti. Yassa pana ruccati, tena adhiṭṭhahitvā paribhuñjitabbam.

1. Paccuddharitvā (Ka)

2. Kārāpēhīti (Ka)

Yo pana adhiṭṭhāne vematiko, tena kiṃ kātappaṃ? Vematikabhāvaṃ ārocetvā sace anadhiṭṭhitāṃ bhavissati, evaṃ me kappiyaṃ hotīti vatvā vuttanayeneva nissajjitappaṃ. Na hi evaṃ jānāpetvā vinayakammaṃ karontassa musāvādo hoti. Keci pana “ekena bhikkhunā vissāsaṃ gahetvā puna dinnāṃ vaṭṭati”ti vadanti. Taṃ na yujjati. Na hi tassetāṃ vinayakammaṃ, nāpi taṃ ettakena aññaṃ vatthu hoti.

**Nassatīti**-ādi uttānatthameva. **Yo na dadeyya, āpatti dukkaṭassāti** ettha “mayhaṃ dinnāṃ iminā”ti imāya saññāya na dentassa dukkaṭaṃ. Tassa santakabhāvaṃ pana ñatvā lesena acchindanto bhaṇḍaṃ agghāpetvā kāretabboti.

Samuṭṭhānādīsu idaṃ sikkhāpadaṃ kathinasamuṭṭhānaṃ nāma— kāyavācāto ca kāyavācācittato ca samuṭṭhāti, anadhiṭṭhānena ca avikappanena ca āpajjanato akiriyaṃ, saññāya abhāvepi na muccati, ajānantopi āpajjatīti nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Paṭhamakathinasikkhāpadavaṇṇanā niṭṭhitā.

## 2. Udositasikkhāpadavaṇṇanā

471. **Tena samayena Buddho Bhagavāti** Udositasikkhāpadaṃ<sup>1</sup>. Tattha **santaruttarenāti antaranti** antaravāsako vuccati. **Uttaranti** uttarāsaṅgo, saha antarena uttaraṃ santaruttaraṃ, tena santaruttarena, saha antaravāsakena uttarāsaṅgenāti attho. **Kaṇṇakitānīti** sedena phuṭṭhokāsesu sañjātakāḷasetamaṇḍalāni. **Addasa kho āyasmā Ānando senāsanacārikaṃ āhiṇḍantoti** thero kira Bhagavati divā paṭisallānatthāya Gandhakuṭiṃ pavitṭhe taṃ okāsaṃ labhitvā dunnikkhittāni dārubhaṇḍamattikābhaṇḍāni paṭisāmento asammaṭṭhatṭhānaṃ sammajjanto gilānehi bhikkhūhi saddhiṃ paṭisanthāraṃ karonto tesāṃ

1. Uddositasikkhāpadaṃ (Sī, Syā)

bhikkhūnaṃ senāsanatṭhānaṃ sampatto addasa. Tena vuttaṃ “addasa kho āyasmā Ānando senāsanacārikāṃ ahiṇḍanto”ti.

473. **Avippavāsasammutiṃ dātunti** avippavāse sammuti avippavāsasammuti, avippavāsāya vā sammuti avippavāsasammuti. Ko panettha ānisaṃso? Yena cīvarena vippavasati, taṃ nissaggiyaṃ na hoti, āpattiṅca nāpajjati. Kittakaṃ kālaṃ? **Mahāsumatthero** tāva āha “yāva rogo na vūpasamati, vūpasante pana roge sīghaṃ cīvaraṭṭhānaṃ āgantabban”ti. **Mahāpadumatthero** āha “sīghaṃ āgacchato rogo paṭikuppeyya, tasmā saṅikaṃ āgantabbaṃ. Yato paṭṭhāya hi satthaṃ vā pariyesati, ‘gacchāmi’ti ābhogaṃ vā karoti, tato paṭṭhāya vaṭṭati. ‘Na dāni gamissāmi’ti evaṃ pana dhuranikkhepaṃ karontena paccuddharitabbaṃ, atirekacīvaraṭṭhāne ṭhassati”ti. Sace panassa rogo paṭikuppati, kiṃ kātābbanti? **Phussadevatthero** tāva āha “sace soyeva rogo paṭikuppati, sā eva sammuti, puna sammutidānakiccaṃ natthi. Athañño kuppati, puna dātābbā sammuti”ti. **Upatissatthero** āha “so vā rogo hotu, añño vā, puna sammutidānakiccaṃ natthi”ti.

475-6. **Niṭṭhitacīvarasmim bhikkhunāti** idha pana purimasikkhāpade viya atthaṃ aggahetvā niṭṭhite cīvarasmim bhikkhunoti evaṃ sāmivasena karaṇavacanassa attho veditabbo. Karaṇavasena hi bhikkhunā idaṃ nāma kātābbanti natthi. Sāmivasena pana bhikkhuno cīvarasmim niṭṭhite, kathine ca ubbhate evaṃ chinnapalibodho ekarattampi ce bhikkhu ticīvarena vippavaseyyāti evaṃ attho yujjati. Tattha **ticīvarenāti** adhiṭṭhitesu tisu cīvaresu yena kenaci. Ekena vippavutthopi hi ticīvarena vippavuttho hoti paṭisiddhāpariyāpanna vippavutthattā. Tenevassa padabhājjane “saṅghāṭiyā vā”ti-ādi vuttaṃ. **Vippavaseyyāti** vippayutto vaseyya.

477-8. **Gāmo ekūpacāroti**-ādi avippavāsālakkaṇavavattāpanatthaṃ vuttaṃ. Tato paraṃ yathākkamena tāneva pannarasa mātikāpadāni vitthārento “**gāmo ekūpacāro nāmā**”ti-ādimāha. Tattha **ekakulassa gāmoti** ekassa rañño vā bhojakassa vā gāmo. **Parikkhittoti**

yena kenaci pākārena vā vatiyā vā<sup>1</sup> parikhāya vā parikkhitto. Ettāvataṅ ekakulagāmassa ekūpacāratā dassitā. **Antogāme vatthabbanti** evarūpe gāme cīvaram nikkhipitvā gāmbhantare yathārucite ṭhāne aruṇam uṭṭhāpetum vaṭṭati. **Aparikkhittoti** iminā tasseva gāmassa nānūpacāratā dassitā. Evarūpe gāme yasmim ghare cīvaram nikkhittam, tattha vatthabbam. **Hatthapāsā vā na vijahitabbanti** atha vā tam gharam samantato hatthapāsā na vijahitabbam, adḍhateyyaratanappamāṇappadesā uddham na vijahitabbanti vuttam hoti. Adḍhateyyaratanabbhantare pana vatthum vaṭṭati. Tam pamāṇam atikkamitvā sacepi iddhimā bhikkhu ākāse aruṇam uṭṭhāpeti, nissaggiyameva hoti. Ettha ca **yasmim ghareti** gharaparichedo “ekakulassa nivesanam hoti”ti-ādinā<sup>2</sup> lakkhaṇena veditabbo.

479. **Nānakulassa gāmoti** nānārājūnam vā bhojakānam vā gāmo Vesālīkusinārādisadiso. **Parikkhittoti** iminā nānakulagāmassa ekūpacāratā dassitā. **Sabhāye vā dvāramūle vāti** ettha sabhāyanti liṅgabyattayena sabhā vuttā. **Dvāramūleti** nagaradvārassa samīpe. Idam vuttam hoti—evarūpe gāme yasmim ghare cīvaram nikkhittam, tattha vā vatthabbam. Tattha saddasaṅghaṭṭanena vā janasambādhenā vā vasitum asakkontena sabhāye vā vatthabbam nagaradvāramūle vā. Tatrapi vasitum asakkontena yattha katthaci phāsukaṭṭhāne vasitvā anto-aruṇe āgamma tesamīyeva sabhāyadvāramūlānam hatthapāsā vā na vijahitabbam. Gharassa pana cīvarassa vā hatthapāse vattabbameva natthi.

**Sabhāyam gacchantena hatthapāse cīvaram nikkhipitvā**ti sace ghare aṭṭhāpetvā “sabhāye ṭhappesāmī”ti sabhāyam gacchati, tena sabhāyam gacchantena, hatthapāse hattham pasāretvā “handimam cīvaram ṭhappemī”ti<sup>3</sup> evam nikkhepasukhe hatthapāsagate kismiñci āpaṇe cīvaram nikkhipitvā purimanayeneva sabhāye vā vatthabbam dvāramūle vā, hatthapāsā vā na vijahitabbam.

Tatrāyam vinicchayo—**Phussadevatthero** tāva āha “cīvarahatthapāse vasitabbam natthi, yattha katthaci vīthihatthapāsepi sabhāyahatthapāsepi

1. Vatiyā vā sākāya vā (Ka)

2. Vi 1. 300 piṭṭhe.

3. ṭhappēhī (Sī, Ka)



dvārahathapāsepi vasitum vaṭṭati”ti. **Upatissatthero** panāha “nagarassa bahūnipi dvārāni honti bahūnipi sabhāyāni, tasmā sabbattha na vaṭṭati. Yassā pana vīthiyā cīvaram̐ ṭhapitam̐, yam̐ tassā sammukhatṭhāne sabhāyañca dvārañca, tassa sabhāyassa ca dvārassa ca hatthapāsā na vijahitabbaṃ. Evañhi sati sakkā cīvarassa pavatti jānitun”ti. Sabhāyam̐ pana gacchantena yassa āpaṇikassa hatthe nikkhittam̐, sace so tam̐ cīvaram̐ atiharitvā ghare nikkhipati, vīthihatthapāso na rakkhati, gharassa hatthapāse vatthabbaṃ. Sace mahantam̐ gharam̐ hoti, dve vīthiyo pharitvā ṭhitam̐, purato vā pacchato vā hatthapāseyeva aruṇam̐ uṭṭhāpetabbaṃ. Sabhāye nikkhipitvā pana sabhāye vā tassa sammukhe nagaradvāramūle vā tesam̐yeva hatthapāse vā aruṇam̐ uṭṭhāpetabbaṃ.

**Aparikkhittoti**-iminā tasseva gāmassa nānūpacāratā dassitā. Etenevūpāyena sabbattha ekūpacāratā ca nānūpacāratā ca veditabbā. Pāḷiyam̐ pana “gāmo ekūpacāro nāmā”ti evam̐ ādimhi, “ajjhokāso ekūpacāro nāmā”ti evam̐ ante ca ekameva mātīkāpadaṃ uddharitvā padabhājanam̐ vitthāritam̐. Tasmā tasseva padassānusārena sabbattha parikkhepādivasena ekūpacāratā ca nānūpacāratā ca veditabbā.

480-1. Nivesanādīsu **ovarakāti** gabbhānam̐yevetaṃ pariyāyavacanam̐. **Hatthapāsā vāti** gabbhassa hatthapāsā. **Dvāramūle vāti** sabbesam̐ sādharmaṇe gharadvāramūle. **Hatthapāsā vāti** gabbhassa vā gharadvāramūlassa vā hatthapāsā.

482-7. **Udositoti** yānādīnam̐ bhaṇḍānam̐ sālā. Ito paṭṭhāya ca nivesane vuttanayeneva vinicchayo veditabbo. **Aṭṭoti** paṭirājādipaṭibāhanattham̐ iṭṭhakāhi kato bahalabhittiko catupañcabhūmiko patissayaviseso. **Māloti** ekakūṭasaṅgahito caturassapāsādo. **Pāsādoti** dīghapāsādo. **Hammiyanti** muṇḍacchadanapāsādo.

489. **Sattabbhantarāti**-ettha ekaṃ abbhantaram̐ aṭṭhavīsatihattham̐ hoti. Sace sattho gacchanto gāmam̐ vā nadim̐ vā pariyādiyitvā tiṭṭhati, antopaviṭṭhena saddhim̐ ekābaddho hutvā orañca pārañca pharitvā ṭhito hoti, satthaparihārova labbhati. Atha gāme vā nadiyā vā pariyāpanno hoti

antopaviṭṭho, gāmaparihāro ceva nadīparihāro ca labbhati. Sace vihārasīmaṃ atikkamitvā tiṭṭhati, antosīmāya ca cīvaram hoti, vihāram gantvā vasitabbaṃ. Sace bahisīmāya cīvaram hoti, satthasamīpeyeva vasitabbaṃ. Sace gacchanto sakaṭe vā bhagge, goṇe vā naṭṭhe antarā chijjati, yasmim koṭṭhāse cīvaram, tattha vasitabbaṃ.

490. Ekakulassa khette hatthapāso nāma cīvarahatthapāsoyeva. Nānakulassa khette hatthapāso nāma khetadvārassa hatthapāso. Aparikkhitte cīvarasseva hatthapāso.

491-4. **Dhaññakaraṇanti** khalaṃ vuccati. **Ārāmoti** pupphārāmo vā phalārāmo vā, dvīsupi khette vuttasadisova vinicchayo. **Vihāro** nivesanasadiso. Rukkhamūle **antochāyāyanti** chāyāya phuṭṭhokāsassa anto eva. Virāṣasākhassa pana rukkassa ātapena phuṭṭhokāse ṭhapitaṃ nissaggiyameva hoti. Tasmā tādisassa sākchāyāya vā khandhacchāyāya vā ṭhapetabbaṃ. Sace sākchāyāya vā viṭape vā ṭhabeti, upari aññasākchāyāya phuṭṭhokāseyeva ṭhapetabbaṃ. Khujjarukkassa chāyā dūram gacchati, chāyāya gataṭṭhāne ṭhabetuṃ vaṭṭatiyeva. Idhāpi hatthapāso cīvarahatthapāsoyeva.

**Agāmake araññeti** agāmakam nāma araññam viñjhāṭavī-ādīsu vā samuddamajjhe vā macchabandhānam agamanapathe dīpakesu labbhati. **Samantā sattabbhantarāti** majjhe ṭhitassa samantā sabbadisāsu sattabbhantarā, vinibbedhena cuddasa honti. Majjhe nisinnō puratthimāya vā pacchimāya vā disāya pariyante ṭhapitacīvaram rakkhati. Sace pana aruṇuggamanasamaye kesaggamattampi puratthimaṃ disaṃ gacchati, pacchimāya disāya cīvaram nissaggiyaṃ hoti. Esa nayo itarasimīṃ. Uposathakāle pana parisapariyante nisinnabhikkhuto paṭṭhāya sattabbhantarasīmā sodhetabbā. Yattakam bhikkhusaṃgho vaḍḍhati, sīmāpi tattakam vaḍḍhati.

495. **Anissajjitvā paribhuñjati, āpatti dukkaṭassāti** ettha sace padhāniko bhikkhu sabbarattim padhānamanuyūñjitvā paccūsasamaye “nhāyissāmī”ti tīṇipi cīvarāni tīre ṭhabetvā nadim otarati, nhāyantasseva cassa aruṇam uṭṭhahati, kim kātabbaṃ. So hi yadi uttaritvā cīvaram nivāseti,

nissaggiyacīvaraṃ anissajjivā paribhuñjanapaccayā dukkaṭaṃ āpajjati. Atha naggo gacchati, evampi dukkaṭaṃ āpajjatīti. Na āpajjati. So hi yāva aññaṃ bhikkhuṃ disvā vinayakammaṃ na karoti, tāva tesāṃ cīvarānaṃ aparibhogārahattā naṭṭhacīvaraṭṭhāne ṭhito hoti. Naṭṭhacīvarassa ca akappiyaṃ nāma natthi. Tasmā ekaṃ nivāsetvā dve hatthena gahetvā vihāraṃ gantvā vinayakammaṃ kātappaṃ. Sace dūre vihāro hoti. Antarāmagge manussā sañcaranti. Ekaṃ nivāsetvā ekaṃ pārupitvā ekaṃ aṃsakūṭe ṭhapetvā gantappaṃ. Sace vihāre sabhāgabhikkhū na passati, bhikkhācāraṃ gatā honti. Saṅghāṭim bahigāme ṭhapetvā santaruttarena āsanasālaṃ gantvā vinayakammaṃ kātappaṃ. Sace bahigāme corabhayaṃ hoti, pārupitvā gantappaṃ. Sace āsanasālā sambādha hoti janākiṇṇā, na sakkā ekamante cīvaraṃ apanetvā vinayakammaṃ kātuṃ, ekaṃ bhikkhuṃ ādāya bahigāmaṃ gantvā vinayakammaṃ katvā cīvarāni paribhuñjitabbāni.

Sace bhikkhū daharānaṃ hatthe pattacīvaraṃ datvā maggaṃ gacchantā pacchime yāme sayitukāmā honti, attano attano cīvaraṃ hatthapāse katvāva sayitappaṃ. Sace gacchantānaṃyeva asampattesu daharesu aruṇaṃ uggacchati, cīvaraṃ nissaggiyaṃ hoti, nissayo pana na paṭippassambhati. Daharānampi purato gacchantānaṃ theresu asampattesu eseva nayo. Maggaṃ virajjhivā araṇṇe aññaṃaṇñaṃ apassantesupi eseva nayo. Sace pana daharā “mayāṃ bhante muhuttaṃ sayitvā asukasmiṃ nāma okāse tumhe sampāpuṇissāmā”ti vatvā yāva aruṇuggamaṇā sayanti, cīvaraṇca nissaggiyaṃ hoti nissayo ca paṭippassambhati. Dahare uyyojtvā theresu sayantesupi eseva nayo. Dvedhāpathaṃ disvā therā “ayaṃ maggo”, daharā “ayaṃ maggo”ti vatvā aññaṃaṇñaṃ vacanaṃ aggahetvā gatā, saha aruṇuggamaṇā cīvarāni ca nissaggiyāni honti, nissayo ca paṭippassambhati. Sace daharā maggato okkamma “anto-aruṇeyeva nivattissāmā”ti bhesajjathāya gāmaṃ pavisitvā āgacchanti. Asampattānaṃyeva ca tesāṃ aruṇo uggacchati, cīvarāni nissaggiyāni honti, nissayo pana na paṭippassambhati. Sace pana dhenubhayena vā sunakhabhayena vā “muhuttaṃ ṭhatvā gamissāmā”ti ṭhatvā vā nisīditvā vā gacchanti, antarā aruṇe uggate cīvarāni nissaggiyāni honti, nissayo ca paṭippassambhati. Sace “anto-aruṇeyeva āgamissāmā”ti

antosīmāyaṃ gāmaṃ pavīṭṭhānaṃ antarā aruṇo uggacchati, neva cīvarāni nissaggiyāni honti, na nissayo paṭippassambhati. Sace pana “vibhāyatu tāvā”ti nisīdanti, aruṇe uggatepi na cīvarāni nissaggiyāni honti, nissayo pana paṭippassambhati. Yepi “anto-aruṇeyeva āgamissāmā”ti sāmantavihāraṃ dhammasavanatthāya sa-ussāhā gacchanti, antarāmaggeyeva ca nesam aruṇo uggacchati, cīvarāni nissaggiyāni honti, nissayo pana na paṭippassambhati. Sace dhammagāravena “yāva pariyosānaṃ sutvāva gamissāmā”ti nisīdanti, saha aruṇassuggamanā cīvarānipi nissaggiyāni honti, nissayopi paṭippassambhati.

Therena daharaṃ cīvaradhovanatthāya gāmakaṃ pesentena attano cīvaraṃ paccuddharitvāva dātabbaṃ. Daharassāpi cīvaraṃ paccuddharāpetvā ṭhapetabbaṃ. Sace assatiyā gacchati, attano cīvaraṃ paccuddharitvā daharassa cīvaraṃ vissāsenā gahetvā ṭhapetabbaṃ. Sace thero nassarati, daharo eva sarati, daharena attano cīvaraṃ paccuddharitvā therassa cīvaraṃ vissāsenā gahetvā gantvā vattabbo “bhante tumhākaṃ cīvaraṃ adhiṭṭhahitvā paribhuñjathā”ti. Attanopi cīvaraṃ adhiṭṭhātabbaṃ. Evaṃ ekassa satiyāpi āpattimokkho hotīti. Sesam uttānatthameva.

Samuṭṭhānādīsu paṭhamakathinasikkhāpade anadhiṭṭhānaṃ avikappanañca akiriyaṃ, idha apaccuddharaṇaṃ, ayameva viseso. Sesam sabbattha vuttanayamevāti.

Udositasikkhāpadavaṇṇanā niṭṭhitā.

### 3. Tatiyakathinasikkhāpadavaṇṇanā

397. **Tena samayenāti** Tatiyakathinasikkhāpadaṃ. Tattha **ussāpetvā punappunaṃ vimajjati**ti “valīsu naṭṭhāsu idaṃ mahantaṃ bhavissati”ti maññamāno udakena siñcivā pādehi akkamitvā hatthehi ussāpetvā ukkhipitvā piṭṭhiyaṃ ghaṃsati, taṃ ātape sukkaṃ paṭhamappamaṇameva hoti. So punapi tathā karoti. Tena vuttaṃ “ussāpetvā punappunaṃ vimajjati”ti. Taṃ evaṃ kilamantaṃ Bhagavā Gandhakuṭiyaṃ nisinnova disvā nikkhamitvā senāsanacārikaṃ āhiṇḍanto viya tattha agamāsī. Tena vuttaṃ “addasa kho Bhagavā”ti-ādi.

500. **Ekādasamāseti** ekaṃ pacchimakattikamāsaṃ ṭhapetvā sese ekādasamāse. **Sattamāseti** kattikamāsaṃ hemantike ca cattāroti pañcamāse ṭhapetvā sese sattamāse. **Kālepi ādissa dinnanti** saṃghassa vā “idaṃ akālacīvaran”ti uddisitvā dinnam, ekapuggalassa vā “idaṃ tuyham dammi”ti dinnam.

**Samghato vāti** attano pattabhāgavasena saṃghato vā uppajjeyya. **Gaṇato vāti** idaṃ suttantikagaṇassa dema, idaṃ ābhidhammikagaṇassāti evaṃ gaṇassa denti. Tato attano pattabhāgavasena gaṇato vā uppajjeyya.

**No cassa pāripūrīti** no ce pāripūrī bhavēyya, yattakena kariyamānaṃ adhiṭṭhānacīvaraṃ pahoti, tañce cīvaraṃ tattakaṃ na bhavēyya, ūnakaṃ bhavēyyāti attho.

**Paccāsā hoti saṃghato vāti**-ādīsu asukadivasam nāma saṃgho cīvarāni labhissati, gaṇo labhissati, tato me cīvaraṃ uppajjissatīti evaṃ saṃghato vā gaṇato vā paccāsā hoti. Nātakehi me cīvaratthāya pesitam. Mittehi pesitam, te āgatā<sup>1</sup> cīvare dassantīti evaṃ nātito vā mittato vā paccāsā hoti. **Paṃsukūlaṃ vāti** ettha pana paṃsukūlaṃ vā lacchāmīti evaṃ paccāsā hotīti yojetabbarṃ. **Attano vā dhanenāti** attano kappāsasuttādinā dhanena asukadivasam nāma lacchāmīti evaṃ vā paccāsā hotīti attho.

**Tato ce uttari nikkhipeyya satiyāpi paccāsāyāti** māsaparamato ce uttari nikkhipeyya, nissaggiyaṃ pācittiyanti attho. Evaṃ pana avatvā yasmā antarā uppajjamāne paccāsācīvare mūlacīvarassa uppannadivasato yāva vīsatimo divaso, tāva uppannam paccāsācīvaraṃ mūlacīvaraṃ attano gatikam karoti. Tato uddham mūlacīvaraṃ paccāsācīvaraṃ attano gatikam karoti. Tasmā taṃ visesaṃ dassetuṃ “tadahuppanne mūlacīvare”ti-ādinā nayena padabhājanaṃ vuttaṃ. Taṃ uttānatthameva.

**Visabhāge uppanne mūlacīvareti** yadi mūlacīvaraṃ saṅham, paccāsācīvaraṃ thūlaṃ, na sakkā yojetuṃ. Rattiyo ca sesā honti, na tāva māso

---

1. Te āgate (Ka)

pūراتi, na akāmā niggaheṇa cīvaram kāretabbam. Aññaṃ paccāsācīvaram labhitvāyeva kālabbhantare kāretabbam. Paccāsācīvarampi parikkhāraḥaṇam adhiṭṭhātabbam. Atha mūlacīvaram thulam hoti, paccāsācīvaram saṅham, mūlacīvaram parikkhāraḥaṇam adhiṭṭhahitvā paccāsācīvameva mūlacīvaram katvā ṭhapetabbam. Tam puna māsaparihāram labhati. Etenupāyena yāva icchati, tāva aññaṃaññaṃ mūlacīvaram katvā ṭhapetum vaṭṭatīti. Sesam uttānameva.

Samuṭṭhānādīni paṭhamakathinasadisānevāti.

Tatīyakathinasikkhāpadavaṇṇanā niṭṭhitā.

#### 4. Purāṇacīvarasikkhāpadavaṇṇanā

503-5. **Tena samayenāti** Purāṇacīvarasikkhāpadam. Tattha **yāva sattamā pitāmahayugāti** pitupitā pitāmaho, pitāmahassa yugam pitāmahayugam. Yuganti āyuppamaṇam vuccati. Abhilāpamattameva cetam. Atthato pana pitāmahoyeva pitāmahayugam. Tato uddham sabbepi pubbapurisā pitāmahaggaṇeṇeva gahitā. Evaṃ yāva sattamo puriso, tāva yā asambaddhā, sā yāva sattamā pitāmahayugā asambaddhāti vuccati. Desanāmukhameva cetam. “Mātito vā pitito vā”tivacanato pana pitāmahayugampi pitāmahiyyugampi mātāmahayugampi mātāmahiyyugampi tesam bhātubhaginībhāgineyyaputtapaputtādayopi sabbe idha saṅgahitā evāti veditabbā.

Tatrāyam vitthāranayo—pitā pitupitā tassa pitā tassāpi pitāti evam yāva sattamā yugā, pitā pitumātā tassā pitā ca mātā ca bhātā ca bhaginī ca puttā ca dhītarō cāti evampi uddhaṇca adho ca yāva sattamā yugā, pitā pitubhātā pitubhaginī pituputtā pitudhītarō tesampi puttadhītoparamparāti evampi yāva sattamā yugā, mātā mātumātā tassā mātā tassāpi mātāti evam yāva sattamā yugā, mātā mātupitā tassa mātā ca pitā ca bhātā ca bhaginī ca puttā ca dhītarō cāti evampi uddhaṇca adho ca yāva sattamā yugā, mātā mātubhātā mātubhaginī mātuputtā mātudhītarō tesampi

puttadhītoparamparāti evampi yāva sattamā yugā neva mātusambandhena na pitusambandhena sambaddhā, ayam **aññātikā nāma**.

**Ubhato saṅgheti** bhikkhunisaṅghe ñatticatutthena, bhikkhusaṅghe ñatticatutthenāti aṭṭhavācīkavinayakammena upasampannā.

**Sakim nivatthampi sakim pārutampīti** rajitvā kappam katvā ekavārampi nivattham vā pārutam vā antamaso paribhogasīsenā amse vā matthake vā katvā maggam gato hoti, ussīsakam vā katvā nipanno hoti, etampi purāṇacīvameva. Sace pana paccattharaṇassa heṭṭhā katvā nipajjati. Hatthehi vā ukkhipitvā ākāse vitānam katvā sīsenā aphasanto gacchati, ayam paribhogo nāma na hotīti **Kurundiyaṃ** vuttam.

**Dhotam nissaggiyanti** ettha evam āṇattā bhikkhunī dhovanatthāya uddhanam sajjeti, dārūni samharati, aggam karoti, udakam āharati, yāva nam dhovitvā ukkhipati, tāva bhikkhuniyā payoge payoge bhikkhussa dukkaṭam. Dhovitvā ukkhittamatte nissaggiyam hoti. Sace duddhotanti maññamānā puna siṅcati vā dhovati vā, yāva niṭṭhānam na gacchati, tāva payoge payoge dukkaṭam. Esa nayo rajanākoṭanesu. Rajanadoṇiyañhi rajanam ākiritvā yāva sakim cīvaram rajati, tato pubbe yamkiñci rajanatthāya karoti, pacchā vā paṭirajati, sabbattha payoge payoge bhikkhussa dukkaṭam. Evam ākoṭanepi payogo veditabbo.

506. **Aññātikāya aññātikasaññī purāṇacīvaram dhovāpetīti** no cepi “imam dhovā”ti vadati, atha kho dhovanatthāya kāyavikāram katvā hatthena vā hatthe deti, pādāmūle vā ṭhapeti, upari vā khipati, sikkhamānāsāmaṇerīsāmaṇera-upāsakatitthiyādīnam vā hatthe peseti, nadītīthe dhovantiyā upacāre vā khipati antodvādasahatthe okāse ṭhatvā<sup>1</sup>, dhovāpitāmyeva hoti. Sace pana upacāram muñcitvā orato ṭhapeti, sā ce dhovitvā āneti, anāpatti. Sikkhamānāya vā sāmaṇeriyā vā upāsikāya vā hatthe dhovanatthāya deti, sā ce upasampajjitvā dhovati, āpattiyeva. Upāsakassa hatthe deti, so ce liṅge parivatte bhikkhunīsu pabbajitvā upasampajjitvā

---

1. Okāse ṭhatvā dhovāpitam (Sī)

dhovati, āpattiyeva. Sāmaṇerassa vā bhikkhussa vā hatthe dinnepi liṅgaparivattane e seva nayo.

**Dhovāpeti rajāpetīti**-ādīsu ekena vatthunā nissaggiyaṃ, dutiyena dukkaṭaṃ. Tīṇipi kārāpentassa ekena nissaggiyaṃ, sesehi dve dukkaṭāni. Yasmā panetāni dhovanādīni paṭipāṭiyā vā uppaṭipāṭiyā vā kārentassa mokkho natthi, tasmā ettha tīṇi catukkāni vuttāni. Sacepi hi “īmaṃ cīvaraṃ rajitvā dhovitvā ānehī”ti vutte sā bhikkhunī paṭhamāṃ dhovitvā pacchā rajati, nissaggiyena dukkaṭameva. Evaṃ sabbesu viparītavacanesu nayo netabbo. Sace pana “dhovitvā ānehī”ti vuttā dhovati ceva rajati ca, dhovāpanapaccayā eva āpatti, rajane anāpatti. Evaṃ sabbattha vuttādhikakaraṇe “avuttā dhovati”ti iminā lakkhaṇena anāpatti veditabbā. “Imasmim cīvare yaṃ kātappaṃ, sappaṃ taṃ tuyhaṃ bhāro”ti vadanto pana ekavācāya sambahulā āpattiyo āpajjatīti.

**Aññātikāya vematiko, aññātikāya ñātikasaññīti** imānipi padāni vuttānamyeva tiṇṇaṃ catukkānaṃ vasena vitthārato veditabbāni.

**Ekato upasampannāyāti** bhikkhunīnaṃ santike upasampannāya dhovāpentassa dukkaṭaṃ. Bhikkhūnaṃ santike upasampannāya pana yathāvatthukameva. Bhikkhūnaṃ santike upasampannā nāma pañcasatā sākiyāniyo.

507. **Avuttā dhovatīti** uddesāya vā ovādāya vā āgatā kilinnaṃ cīvaraṃ disvā ṭhapitaṭṭhānato gahetvā vā, “detha ayya dhovissāmī”ti āharāpetvā vā dhovati ceva rajati ca ākoṭeti ca, ayaṃ avuttā dhovati nāma. Yāpi “īmaṃ cīvaraṃ dhovā”ti daharaṃ vā sāmaṇeraṃ vā āpāpentassa bhikkhuno sutvā “āharathayya ahaṃ dhovissāmī”ti dhovati, tāvakālikaṃ vā gahetvā dhovitvā rajitvā deti, ayampi avuttā dhovati nāma.

**Aññaṃ parikkhāraṇti** upāhanatthavika pattatthavika aṃsabaddhaka kāyabandhanamañcapīṭṭhabhisitaṭṭikādīm<sup>1</sup> yaṃkiñci dhovāpeti, anāpatti. Sesamettha uttānatthameva.

---

1. Mañcapīṭṭhataṭṭikādi (Sī)



Samuṭṭhānādīsu pana idaṃ sikkhāpadaṃ chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Purāṇacīvarasikkhāpadavaṇṇanā niṭṭhitā.

### 5. Cīvarapaṭiggahaṇasikkhāpadavaṇṇanā

508. **Tena samayenāti** Cīvarapaṭiggahaṇasikkhāpadaṃ. Tattha **piṇḍapātapaṭikkantāti** piṇḍapātato paṭikkantā. **Yena Andhavanaṃ tenupasaṅkamīti** apaññatte sikkhāpade yena Andhavanaṃ tenupasaṅkami. **Katakammāti** katacorikakammā, sandhicchedanādīhi parabhaṇḍaṃ haritāti vuttaṃ hoti. **Coragāmaṇikoti** corajeṭṭhako. So kira pubbe theriṃ jānāti, tasmā corānaṃ purato gacchanto disvā “etto mā gacchatha, sabbe ito ethā”ti te gahetvā aññena maggena agamāsi. **Samādhimhā vuṭṭhahitvāti** therī kira paricchinnavelāyaṃyeva samādhimhā vuṭṭhahi. Sopi tasmimyeva khaṇe evaṃ avaca, tasmā sā assosi. Sutvā ca “natthi dāni añño ettha samaṇo vā brāhmaṇo vā aññatra mayā”ti taṃ maṃsaṃ aggahesi. Tena vuttaṃ “atha kho Uppalavaṇṇā bhikkhunī”ti-ādi.

**Ohiyyakoti** avahīyako avaseso, viharavāraṃ patvā ekova vihare ṭhitoti attho. **Sace me tvaṃ antaravāsakaṃ dadeyyāsīti** kasmā āha. Saṅhaṃ ghanamaṭṭhaṃ<sup>1</sup> antaravāsakaṃ disvā lobhena. Apica appako tassā antaravāsake lobho, theriyā pana sikhāppattā koṭṭhāsasampatti, tenassā sarīrapāripūriṃ passissāmīti visamalobhaṃ uppādetvā evamāha. **Antimanti** mañcannaṃ cīvarānaṃ sabbapariyantaṃ hutvā antimaṃ. Antimanti pacchimam. Aññaṃ lesenāpi vikappetvā vā paccuddharitvā vā ṭhapitaṃ cīvaraṃ natthīti evaṃ yathā-anuññātānaṃ pañcannaṃ cīvarānaṃ dhāraṇavaseneva āha, na lobhena, na hi khīṇāsavānaṃ lobho atthi. **Nippīliyamānāti** upamaṃ dassetvā gāḷhaṃ pīliyamānā.

1. Ghanabaddhaṃ (Sī)

**Antaravāsakaṃ datvā upassayaṃ agamāsīti** saṅkaccikaṃ nivāsetvā yathā tassa manoratho na pūراتي, evaṃ hatthataleyeva dassetvā agamāsi.

510. Kasmā pārivattakacīvaraṃ appaṭiggaṇhante ujjhāyimsu? Sace ettakopi amhesu ayyānaṃ vissāso natthi, kathaṃ mayaṃ yāpessāmāti vihatthatāya samabhitunnattā.

**Anujānāmi bhikkhave imesaṃ pañcannanti** imesaṃ pañcannaṃ sahadhammikānaṃ samasaddhānaṃ samasīlānaṃ samadiṭṭhīnaṃ pārivattakaṃ gahetuṃ anujānāmīti attho.

512. **Payoge dukkaṭanti** gahaṇatthāya hatthappasāraṇādīsu dukkaṭaṃ. **Paṭilābhenāti** paṭiggahaṇena. Tattha ca hatthena vā hatthe detu, pādāmūle vā ṭhapetu, upari vā khipatu, so ce sādiyati,<sup>1</sup> gahitameva hoti. Sace pana sikkhamānāsāmaṇerasāmaṇerī-upāsaka-upāsikādīnaṃ hatthe pesitaṃ paṭiggaṇhāti, anāpatti. Dhammakathaṃ kathentassa catassopi parisā cīvarāni ca nānavirāgavatthāni ca ānetvā pādāmūle ṭhapenti, upacāre vā ṭhatvā upacāraṃ vā muñcitvā khipanti, yaṃ tattha bhikkhunīnaṃ santakaṃ, taṃ aññatra pārivattakā gāṇhantassa āpattiyeva. Atha pana rattibhāge khittāni honti “idaṃ bhikkhuniyā, idaṃ aññesan”ti nātumuṃ na sakkā, pārivattakakiccaṃ natthīti **Mahāpaccariyaṃ Kurundiyañca** vuttam, taṃ acittakabhāvena na sameti. Sace bhikkhunī vassāvāsikaṃ deti, pārivattakameva kātabbaṃ. Sace pana saṅkarakūṭādīsu ṭhapeti “paṃsukūlaṃ gāṇhissanti”ti, paṃsukūlaṃ adhiṭṭhahitvā gahetuṃ vaṭṭati.

513. **Aññātikāya aññātikasaññīti** tikapācittiyaṃ. **Ekato upasampannāyāti** bhikkhunīnaṃ santike upasampannāya hatthato gāṇhantassa dukkaṭaṃ, bhikkhūnaṃ santike upasampannāya pana pācittiyameva.

514. **Parittena vā vipulanti** appagghacīvarena vā upāhanatthavikapattatthavika aṃsabaddhaka kāyabandhanādīnā vā mahagghaṃ cetāpetvā sacepi

---

1. Sādayati (Ka)

cīvaram paṭiggaṇhāti, anāpatti. **Mahāpaccariyaṃ** pana “antamaso harītakīkhaṇḍenāpī”ti vuttam. **Vipulena vā parittanti** idam vuttavipallāsena vedītabbam. **Aññaṃ parikkhārenti** pattatthavikādiṃ yaṃkiñci, vikappanupagapacchimarappamāṇam pana paṭaparissāvanampi na vaṭṭati. Yam neva adhiṭṭhānupagam na vikappanupagam, tam sabbam vaṭṭati. Sacepi mañcappamāṇā bhisicchavi hoti, vaṭṭatiyeva, ko pana vādo pattatthavikādīsu. Sesam uttānatthameva.

Samuṭṭhānādīsu idam chasamuṭṭhānam, kiriyākiriyaṃ, nosaññāvīmokkham, acittakam, paṇṇattivajjam, kāyakammavacīkammam, ticittam, tivedananti.

Cīvarapaṭiggaṇhasikkhāpadavaṇṇanā niṭṭhitā.

### 6. Aññātakaviññattisikkhāpadavaṇṇanā

515. **Tena samayenāti** Aññātakaviññattisikkhāpadam. Tattha **Upanando Sakyaputtoti** asītisahassamattānam Sakyakulā pabbajitānam bhikkhūnam patikiṭṭho lolajātiko. **Paṭṭoti** cheko samattho paṭibalo sarasampanno kaṇṭhamādhuriyena samannāgato. **Kismim viyāti** kimsu viya, kilesa viya hirottappavasena kampanam viya saṅkampanam viya hotīti attho.

**Addhānamagganti**<sup>1</sup> addhānasaṅkhātam dīghamaggam, na nagaravīthimagganti attho. **Te bhikkhū acchindimsūti** musimsu, pattacīvarāni nesam hariṃsūti attho. **Anuyuñjāhīti** bhikkhubhāvajānanatthāya puccha. **Anuyuñjyamānāti** pabbajjā-upasampadāpattacīvarādhiṭṭhānādīni pucchiyamānā. **Etamattham ārocesunti** bhikkhubhāvam jānāpetvā yo “sāketā Sāvattim addhānamaggappaṭipannā”ti-ādīnā nayena vutto, etamattham ārocesum.

517. **Aññātakam gahapatim vāti**-ādīsu yaṃ parato “tiṇena vā paṇṇena vā paṭicchādetvā”ti vuttam, tam ādiṃ katvā evam anupubbakathā vedītabbā—sace core passivā daharā pattacīvarāni gahetvā palātā, corā therānam nivāsanapārupanamattaṃyeva haritvā gacchanti,

1. Addhānamaggappaṭipannā (Pāḷiyam)

therehi neva tāva cīvaram̐ viññāpetabbam̐, na sākḥāpalāsam̐ bhañjītabbam̐. Atha daharā sabbam̐ bhaṇḍakam̐ chaḍḍetvā palātā, corā therānam̐ nivāsanapārupanam̐, tañca bhaṇḍakam̐ gahetvā gacchanti, daharehi āgantvā attano nivāsanapārupanāni na tāva therānam̐ dātabbāni, na hi anacchinnacīvarā attano atthāya sākḥāpalāsam̐ bhañjītuṃ labhanti, acchinnacīvarānam̐ pana atthāya labhanti, acchinnacīvarāva attanopi paresampi atthāya labhanti. Tasmā therehi vā sākḥāpalāsam̐ bhañjītvā vākādīhi ganthetvā daharānam̐ dātabbam̐, daharehi vā therānam̐ atthāya bhañjītvā ganthetvā tesam̐ hatthe datvā vā adatvā vā attanā nivāsetvā attano nivāsanapārupanāni therānam̐ dātabbāni. Neva bhūtagāmapātabyatāya pācittiyam̐ hoti, na tesam̐ dhāraṇe dukkaṭam̐.

Sace antarāmagge rajakattharaṇam̐ vā hoti, aññe vā tādise manusse passanti, cīvaram̐ viññāpetabbam̐. Yāni ca nesam̐ te vā viññattamanussā, aññe vā sākḥāpalāsanivāsane bhikkhū disvā ussāhajātā vatthāni denti, tāni sadasāni vā hontu adasāni vā nilādinānāvaṇṇāni vā, kappiyānipi akappiyānipi sabbāni acchinnacīvaraṭṭhāne ṭhitattā tesam̐ nivāsetuñca pārupituñca vaṭṭanti. Vuttampihetaṃ **Parivāre**—

“Akappakataṃ napi rajanāya rattam̐,  
Tena nivattho yena kāmam̐ vajejya.  
Na cassa hoti āpatti,  
So ca dhammo Sugatena desito.  
Pañhā mesā kusalehi cintitā”ti<sup>1</sup>.

Ayam̐ hi pañho acchinnacīvarakam̐ bhikkhuṃ sandhāya vutto. Atha pana titthiyehi saha gacchanti<sup>2</sup>, te ca nesam̐ kusacīravākacīraphalakacīrāni denti, tānipi laddhiṃ aggahetvā nivāsetuṃ vaṭṭanti, nivāsetvāpi laddhi na gahetabbā.

Idāni “yam̐ āvāsam̐ paṭhamam̐ upagacchati, sace tattha hoti saṃghassa vihāracīvaram̐ vā”ti-ādīsu **vihāracīvaram̐** nāma manussā āvāsam̐ kāretvā “cattāropi paccayā amhākamyeva santakā paribhogam̐

1. Vi 5. 378 piṭṭhe.

2. Samāgacchanti (Sī, Syā)

gacchantū”ti ticīvaram sajjetvā attanā kārāpīte āvāse ṭhapenti, etaṃ vihāracīvaram nāma. **Uttarattharaṇanti** mañcakassa upari attharaṇakam<sup>1</sup> vuccati. **Bhūmattharaṇanti** parikkammakathāya bhūmiyā rakkhaṇattham<sup>2</sup> cimilikāhi kata-attharaṇam<sup>3</sup>, tassa upari taṭṭikam pattharivā caṅkamanti. **Bhisicchavīti** mañcabhisīyā vā pīṭhabhisīyā vā chavi, sace pūritā hoti, vidhunitvāpi gahetum vaṭṭati. Evametesu vihāracīvarādīsu yaṃ tattha āvāse hoti, taṃ anāpucchāpi gahetvā nivāsetum vā pārūpītum vā acchinnacīvarakānam bhikkhūnam labbhatīti vedītabbam. Tañca kho labhitvā odahissāmi puna ṭhappessāmīti adhippāyena, na mūlacchejjāya. Labhitvā ca pana nātīto vā upaṭṭhākato vā aññato vā kutoci pākatikameva kātabbam. Videsagatena ekasmiṃ saṅghike āvāse saṅghikaparibhogena paribhuñjanatthāya ṭhappetabbam. Sacassa paribhogeneva taṃ jīrati vā nassati vā, gīvā na hoti. Sace pana etesaṃ vuttappakārānam gihivatthādīnam bhisicchavipariyantānam kiñci na labbhati, tena tiṇena vā paṇṇena vā paṭicchādetvā āgantabbanti.

519. **Yehi kehici vā**<sup>4</sup> **acchinnanti** ettha yampi acchinnacīvarā ācariyupajjhāyā aññe “āharatha āvuso cīvaran”ti yācītvā vā vissāseṇa vā gaṇhanti, tampi saṅgaham gacchatīti vattum yujjati.

**Paribhogajjīṇam vāti** ettha ca acchinnacīvarānam ācariyupajjhāyādīnam attanā tiṇapaṇṇehi paṭicchādetvā dinnacīvarampi saṅgaham gacchatīti vattum yujjati. Evaṃ hi te acchinnacīvaraṭṭhāne, naṭṭhacīvaraṭṭhāne ca ṭhitā bhavissanti. Tena nesaṃ viññattiyam akappiyacīvaraparibhoge ca anāpatti anurūpā bhavissati.

521. **Ñātakānam pavāritānanti** ettha “etesam santakam dethā”ti viññāpentassa yācantassa anāpattīti evamattho daṭṭhabbo. Na hi ñātakapavāritānam āpatti vā anāpatti vā hoti. **Attano dhanenāti** etthāpi attano kappiyabhaṇḍena kappiyavohāreṇa cīvaram viññāpentassa

1. Attharaṇakam paccattharaṇam (Sī)

3. Katvā attharanti (Ka)

2. Vaṇṇarakkhaṇattham (Sī)

4. Kehici vā (Sī, Syā)

cetāpentassa parivattāpentassa anāpattīti evamattho daṭṭhabbo. **Pavāritānanti** ettha ca saṅghavasena pavāritesu pamāṇameva vaṭṭati. Puggalikapavāraṇāya yaṃ yaṃ pavāreti, taṃ tanyeva viññāpetabbaṃ. Yo catūhi paccayehi pavāretvā sayameva sallakkhetvā kālānukālaṃ cīvarāni divase divase yāgubhattādīnīti evaṃ yena yenattho, taṃ taṃ deti, tassa viññāpanakiccaṃ natthi. Yo pana pavāretvā bālatāya vā satisammosena vā na deti, so viññāpetabbo. Yo “mayhaṃ gehaṃ pavāremī”ti vadati, tassa gehaṃ gantvā yathāsukhaṃ nisīditabbaṃ nipajjitabbaṃ, na kiñci gahetabbaṃ. Yo pana “yaṃ mayhaṃ gehe atthi, taṃ pavāremī”ti vadati. Yaṃ tattha kappiyaṃ, taṃ viññāpetabbaṃ, gehe pana nisīdituṃ vā nipajjituṃ vā na labbhatīti **Kurundiyaṃ** vuttam.

**Aññassatthāyāti** ettha attano ñātakapavārite na kevalaṃ attano atthāya, atha kho aññassatthāya viññāpentassa anāpattīti ayameko attho. Ayaṃ pana dutiyo, **aññassāti** ye aññassa ñātakapavāritā, te tasseva “aññassā”ti laddhavohārassa Buddharakkhitassa vā Dhammarakkhitassa vā atthāya viññāpentassa anāpattīti. Sesam uttānatthameva.

Samuṭṭhānādīsu idampi chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Aññātakaviññāttisikkhāpadavaṇṇanā niṭṭhitā.

## 7. Tatuttarisikkhāpadavaṇṇanā

522-4. **Tena samayenāti** Tatuttarisikkhāpadaṃ. Tattha **abhihaṭṭhanti abhīti** upasaggo, haritunti attho, gaṇhitunti vuttam hoti. **Pavāreyyāti** icchāpeyya, icchaṃ ruciṃ uppādeyya vadeyya nimanteyyāti attho. Abhihaṭṭhuṃ pavārentena pana yathā vattabbaṃ, taṃ ākāraṃ dassetuṃ “yāvatakaṃ icchasi, tāvatakaṃ gaṇhāhi”ti evamassa padabhājanaṃ vuttam. Atha vā yathā “nekkhammaṃ daṭṭhu khemato”ti<sup>1</sup> ettha disvāti attho, evamidhāpi “abhihaṭṭhuṃ pavāreyyā”ti abhiharitvā pavāreyyāti attho.

1. Khu 1. 341, 445; Khu 8. 145 piṭṭhādīsu.

Tattha kāyābhīhāro, vācābhīhāroti duvidho abhīhāro, kāyena vā hi vatthāni abhīharitvā pādamūle ṭhapetvā “yattakaṃ icchasi, tattakaṃ gaṇhāhī”ti vadanto pavāreyya, vācāya vā “amhākaṃ dussakoṭṭhāgāraṃ paripuṇṇaṃ, yattakaṃ icchasi, tattakaṃ gaṇhāhī”ti vadanto pavāreyya, tadubhayampi ekajjhaṃ katvā “abhihaṭṭhūṃ pavāreyyā”ti vuttaṃ.

**Santaruttaraparamanti** sa-antaraṃ uttaraṃ paramaṃ assa cīvarassāti santaruttaraparamaṃ, nivāsanena saddhiṃ pārupanaṃ ukkaṭṭhaparicchedo assāti vuttaṃ hoti. **Tato cīvaraṃ sādītabbanti** tato abhihaṭṭhacīvarato ettakaṃ cīvaraṃ gahetabbaṃ, na ito paranti attho. Yasmā pana acchinnasabbacīvarena ticīvarikeneva bhikkhunā evaṃ paṭipajjitabbaṃ, aññaena aññathāpi, tasmā taṃ vibhāgaṃ dassetuṃ “**sace tīni naṭṭhāni hontī**”ti-ādinā nāyenaṃ padabhājanaṃ vuttaṃ.

Tatrāyaṃ vinicchayo—yassa tīni naṭṭhāni, tena dve sādītabbāni, ekaṃ nivāsetvā ekaṃ pārupitvā aññaṃ sabhāgaṭṭhānato pariyesissati. Yassa dve naṭṭhāni, tena ekaṃ sādītabbāni. Sace pakatiyāva santaruttarena carati, dve sādītabbāni. Evaṃ ekaṃ sādīyanteneva samo bhavissati. Yassa tīsu ekaṃ naṭṭhaṃ, na sādītabbāni. Yassa pana dvīsu ekaṃ naṭṭhaṃ, ekaṃ sādītabbāni. Yassa ekaṃyeva hoti, tañca naṭṭhaṃ, dve sādītabbāni. Bhikkhuniyā pana pañcasupī naṭṭhesu dve sādītabbāni, catūsu naṭṭhesu ekaṃ sādītabbāni, tīsu naṭṭhesu kiñci na sādītabbāni, ko pana vādo dvīsu vā ekasmiṃ vā. Yena kenaci hi santaruttaraparamatāya ṭhātabbāni, tato uttari na labbhatīti idamettha lakkhaṇaṃ.

526. **Sesakaṃ āharissāmīti** dve cīvarāni katvā sesaṃ puna āharissāmīti attho. **Na acchinnakāraṇāti** bāhusaccādiḡuṇavasena denti. **Ñātakānanti**-ādīsu ñātakānaṃ dentānaṃ sādīyantassa, pavāritānaṃ dentānaṃ sādīyantassa, attano dhanena sādīyantassa anāpattīti attho. Aṭṭhakathāsu pana “ñātakapavāritaṭṭhāne pakatiyā bahumpi vaṭṭati, acchinnakāraṇā pamāṇameva vaṭṭati”ti vuttaṃ. Taṃ Pāḷiyā na sameti. Yasmā panidaṃ sikkhāpadaṃ aññassatthāya viññāpanavattusmiṃyeva paññattaṃ, tasmā idha “aññassatthāya”ti na vuttaṃ. Sesaṃ uttānatthameva.

Samuṭṭhānādīsu idampi chasamuṭṭhānaṃ, kiriyāṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Tatuttarisikkhāpadavaṇṇanā niṭṭhitā.

### 8. Paṭhama-upakkhaṭasikkhāpadavaṇṇanā

527. **Tena samayenāti** Upakkhaṭasikkhāpadaṃ. Tattha **atthāvuso maṃ so upaṭṭhākoti** āvuso yaṃ tvaṃ bhaṇasi, atthi evarūpo so mama upaṭṭhākoti ayamettha attho. **Api meyya<sup>1</sup> evaṃ hotīti** api me ayya evaṃ hoti. Api mayyā evantipi pāṭho.

528-9. **Bhikkhuṃ paneva uddissāti** ettha **uddissāti** apadissa ārabba. Yasmā pana yaṃ uddissa upakkhaṭaṃ hoti, taṃ tassatthāya upakkhaṭaṃ nāma hoti. Tasmāssa padabhājane “bhikkhussatthāyā”ti vuttaṃ.

**Bhikkhuṃ ārammaṇaṃ karitvāti** bhikkhuṃ paccayaṃ katvā, yaṃ hi bhikkhuṃ uddissa upakkhaṭaṃ, taṃ niyameneva bhikkhuṃ paccayaṃ katvā upakkhaṭaṃ hoti. Tena vuttaṃ “bhikkhuṃ ārammaṇaṃ karitvā”ti. Paccayopi hi “labhati māro ārammaṇaṃ”ti-ādīsu<sup>2</sup> ārammaṇanti āgato. Idāni “uddissā”ti ettha yo kattā, tassa ākāradassanatthaṃ “bhikkhuṃ acchādetukāmo”ti vuttaṃ. Bhikkhuṃ acchādetukāmena hi tena taṃ uddissa upakkhaṭaṃ, na aññena kāraṇena. Iti so acchādetukāmo hoti. Tena vuttaṃ “bhikkhuṃ acchādetukāmo”ti.

**Aññātakassa gahapatissa vāti** aññātakena gahapatinā vāti attho, karaṇatthe hi idaṃ sāmivacanaṃ. Padabhājane pana byañjanaṃ avicāretvā atthamattameva dassetuṃ “aññātakō nāma -pa- gahapati nāmā”ti-ādī vuttaṃ.

**Cīvaracetāpannanti** cīvaramūlaṃ, taṃ pana yasmā hiraññādīsu aññātarāṃ hoti, tasmā padabhājane “hiraññaṃ vā”ti-ādī vuttaṃ. **Upakkhaṭaṃ hotīti** sajjitaṃ hoti saṃharitvā ṭhapitaṃ, yasmā pana “hiraññaṃ

1. Api mayya (Syā)

2. Saṃ 2. 391 piṭṭhe paṭhamapantiyaṃ.



vā”ti-ādinā vacanenassa upakkhaṭabhāvo dassito hoti, tasmā “upakkhaṭam nāmā”ti padaṃ uddharitvā visuṃ padabhājanam na vuttam. **Imināti** upakkhaṭam sandhāyāha, tenevassa padabhājane “paccupaṭṭhitenā”ti vuttam. Yañhi upakkhaṭam samharitvā ṭhapitam, taṃ paccupaṭṭhitam hotīti. **Acchādessāmī**ti vohāravacanametam, “itthannāmassa bhikkhuno dassāmī”ti ayam panettha attho. Tenevassa padabhājanepi “dassāmī”ti vuttam.

**Tatra ce so bhikkhū**ti yatra so gahapati vā gahapatānī vā, tatra so bhikkhu pubbe appavārīto upasaṅkamtivā cīvare vikappam āpajjeyya ceti ayamettha padasambandho. Tattha “upasaṅkamtivā”ti imassa “gantvā”ti imināva atthe siddhe pacuravohāravasena “gharan”ti vuttam. Yatra pana so dāyako, tatra gantvāti ayamevettha attho. Tasmā punapi vuttam “yattha katthaci upasaṅkamtivā”ti. **Vikappam āpajjeyyāti** visiṭṭhakappam adhikavidhānam āpajjeyya, padabhājane pana yenākārena vikappam āpanno hoti, tameva dassetuṃ “āyatham vā”ti-ādi vuttam. **Sādhū**ti āyācane nipāto. **Vatāti** parivitatke. **Manti** attānam niddisati. **Āyasmāti** param ālapati āmanteti. Yasmā panidaṃ sabbam byañjanamattameva, uttānatthameva, tasmāssa padabhājane attho na vutto. **Kalyāṇakamyatham upādāyāti** sundarakāmataṃ visiṭṭhakāmataṃ cittena gahetvā, tassa “āpajjeyya ce”ti iminā sambandho. Yasmā pana yo kalyāṇakamyatham upādāya āpajjati, so sādhatthiko mahagghatthiko hoti, tasmāssa padabhājane byañjanam pahāya adhippetatthameva dassetuṃ tadeva vacanam vuttam. Yasmā pana na imassa āpajjanamatteneva āpatti sīsam eti, tasmā “tassa vacanenā”ti-ādi vuttam.

531. **Anāpatti nātakānanti**-ādīsu nātakānam cīvare vikappam āpajjantassa anāpattīti evamattho daṭṭhabbo. **Mahaggham cetāpetukāmassa appaggham cetāpetūti** gahapatissa vīsati-agghanakam cīvaram cetāpetukāmassa “alam mayham etena, dasagghanakam vā aṭṭhagghanakam vā dehi”ti vadati, anāpatti. **Appagghanti** idañca atirekanivāraṇatthameva vuttam, samakepi pana anāpatti, tañca kho agghavaseneva, na pamānavasena, agghavaḍḍhanakam hi idam sikkhāpadaṃ. Tasmā yo vīsati-agghanakam antaravāsakam

cetāpetukāmo, taṃ “ettakameva me agghanakaṃ cīvaraṃ dehi”ti vattumpi vaṭṭati, sesaṃ uttānatthameva.

Samuṭṭhānādīnipi tatuttarisikkhāpadasadisānevāti.

Paṭhama-upakkhaṭasikkhāpadavaṇṇanā niṭṭhitā.

---

### 9. Dutīya-upakkhaṭasikkhāpadavaṇṇanā

532. Dutīya-upakkhaṭepi imināva nayena attho veditabbo. Tañhi imassa anupaññattisadisam. Kevalaṃ paṭhamasikkhāpade ekassa piḷā katā, dutīye dvinnam, ayamevettha viseso. Sesaṃ sabbam paṭhamasadisameva. Yathā ca dvinnam, evam bahūnam piḷam katvā gaṇhatopi āpatti veditabbāti.

Dutīya-upakkhaṭasikkhāpadavaṇṇanā niṭṭhitā.

---

### 10. Rājasikkhāpadavaṇṇanā

537. **Tena samayenāti** Rājasikkhāpadam. Tattha **upāsakaṃ saññāpetvāti** jānāpetvā, “iminā mūlena cīvaraṃ kiṇitvā therassa dehi”ti evam vatvāti adhippāyo. **Paññāsabandhoti** paññāsakahāpaṇadaṇḍoti vuttam hoti. Paññāsam bandhotipi pāṭho, paññāsam jito paññāsam dāpetabboti adhippāyo. **Ajjaṇho bhante āgamehīti** bhante ajja ekadivasam amhākaṃ tiṭṭha, adhivāsehīti attho. **Parāmasīti** gaṇhi. **Jinosīti** jitosi.

538-9. **Rājabhoggoti** rājato bhogaṃ bhuñjitabbam assatthīti rājabhoggo. **Rājabhoggoti** pāṭho, rājato bhogo assa atthīti attho.

**Pahiṇeyyāti** peseyya, uttānatthattā panassa padabhājanam na vuttam. Yathā ca etassa, evam “cīvaraṃ, itthannāmam, bhikkhun”ti-ādīnampi padānam uttānatthattāyeva padabhājanam na vuttanti veditabbam. **Ābhatanti** ānītam.

**Kālena kappiyanti** yuttapattakālena, yadā no attho hoti, tadā kappiyam̐ cīvaram̐ gaṇhāmāti attho.

**Veyyāvaccakaroti** kiccakaro, kappiyakārakoti attho. **Saññatto so mayāti** āṇatto so mayā, yathā tumhākam̐ cīvarena atthe sati cīvaram̐ dassati, evam̐ vuttoti attho. **Attho me āvuso cīvarenāti** codanālakkhaṇanidassanametaṃ. Idañhi vacanam̐ vattabbam̐, assa vā attho yāya kāyaci bhāsāya. Idam̐ codanālakkhaṇam̐. **Dehi me cīvaranti**-ādīni pana navattabbākāradassanattam̐ vuttāni, etāni hi vacanāni, etesam̐ vā attho yāya kāyaci bhāsāya na vattabbo.

**Dutiyaṃpi vattabbo. Tatiyaṃpi vattabboti** “attho me āvuso cīvarenā”ti idameva yāvatatiyaṃ vattabboti. Evam̐ “dvattikkhattuṃ codetabbo sāretabbo”ti ettha uddiṭṭhacodanāparicchedam̐ dassetvā idāni “dvattikkhattuṃ codayamāno sārāyamāno tam̐ cīvaram̐ abhinipphādeyya, iccetam̐ kusalan”ti imesam̐ padānam̐ saṅkhepato attham̐ dassento “sace abhinipphādeti, iccetam̐ kusalan”ti āha. Evam̐ yāvatatiyaṃ codento tam̐ cīvaram̐ yadi nipphādeti, sakkoti attano paṭilābhavasena nipphādetuṃ, **iccetam̐ kusalam̐** sādhu suṭṭhu sundaram̐.

**Catukkhattuṃ pañcakkhattuṃ chakkhattuparamam̐ tuṇhībhūtena** uddissa ṭhātābanti ṭhānalakkhaṇanidassanametaṃ. **Chakkhattuparamanti** ca bhāvanapumsakavacanametam̐. Chakkattuparamam̐ hi etena cīvaram̐ uddissa tuṇhībhūtena ṭhātābām̐, na aññam̐ kiñci kātābām̐. Idam̐ ṭhānalakkhaṇam̐. Tattha yo sabbaṭhānānam̐ sādharāṇo tuṇhībhāvo, tam̐ tāva dassetuṃ padabhājane “tattha gantvā tuṇhībhūtenā”ti-ādi vuttam̐. Tattha **na āsane nisīditābanti** “idha bhante nisīdathā”ti vuttenāpi na nisīditābām̐. **Na āmisam̐ paṭiggahetābanti** yāgukhajjakādibhedam̐ kiñci āmisam̐ “gaṇhatha bhante”ti yāciyamānenāpi na gaṇhitābām̐. **Na dhammo bhāsītābboti** “maṅgalam̐ vā anumodanam̐ vā bhāsathā”ti yāciyamānenāpi kiñci na bhāsītābām̐, kevalam̐ “kim̐ kāraṇā āgatosī”ti pucchiyamānena “jānāhi āvuso”ti vattabbo. **Pucchiyamānoti** idañhi karaṇatthe paccattavacanam̐. Atha vā puccham̐ kurumāno pucchiyamānoti evampettha attho daṭṭhabbo. Yo hi puccham̐ karoti, so ettakam̐ vattabboti. **Ṭhānam̐ bhañjatīti** āgatakāraṇam̐ bhañjati.

Idāni yā tisso codanā, cha ca ṭhānāni vuttāni. Tattha vuḍḍhiñca hāniñca dassento “**catukkhattum codetvā**”ti-ādimāha. Yasmā ca ettha ekacodanāvuddhiyā dvinnam ṭhānānam hāni vuttā, tasmā “ekā codanā diguṇam ṭhānan”ti lakkhaṇam dassitam hoti. Iti iminā lakkhaṇena tikkhattum codetvā chakkhattum ṭhātabbam, dvikkhattum codetvā aṭṭhakkhattum ṭhātabbam, sakim codetvā dasakkhattum ṭhātabbanti. Yathā ca “chakkhattum codetvā na ṭhātabban”ti vuttam, evam “dvādasakkhattum ṭhatvā na codetabban”tipi vuttameva hoti. Tasmā sace codetiyeva na tiṭṭhati, cha codanā labbhanti. Sace tiṭṭhatiyeva na codeti, dvādasā ṭhānāni labbhanti. Sace codetipi tiṭṭhatipi, ekāya codanāya dve ṭhānāni hāpetabbāni. Tattha yo ekadivasameva punappunam gantvā chakkhattum codeti, sakimyeva vā gantvā “attho me āvuso cīvarenā”ti chakkhattum vadati. Tathā ekadivasameva punappunam gantvā dvādasakkhattum tiṭṭhati, sakimyeva vā gantvā tatra tatra ṭhāne tiṭṭhati, sopi sabbacodanāyo, sabbāṭhānāni ca bhañjati. Ko pana vādo nānādivasesu evam karontassāti evamettha vinicchayo veditabbo.

**Yatassa cīvaracetāpannam ābhatanti** yato rājato vā rājabhoggato vā assa bhikkhuno cīvaracetāpannam ānītam. **Yatvassāti** pi pāṭho. Ayamevattho. **Yatthassāti** pi paṭhanti, yasmim ṭhāne assa cīvaracetāpannam pesitanti ca attham kathenti, byañjanam pana na sameti. **Tatthāti** tassa rañño vā rājabhoggassa vā santike, samīpatthe hi idam bhummavacanam. **Na tam tassa bhikkhuno kiñci attham anubhotīti** tam cīvaracetāpannam tassa bhikkhuno kiñci appamattakampi kammam na nipphādeti. **Yuñjantāyasmanto sakanti** āyasmanto attano santakam dhanam pāpuṇantu. **Mā vo sakam vinassāti** tumhākam santakam mā vinassatu. Yo pana neva sāmam gacchati, na dūtam pāheti, vattabhede dukkaṭam āpajjati.

Kim pana sabbakappiyakārakesu evam paṭipajjitabbanti? Na paṭipajjitabbam. Ayañhi kappiyakārako nāma saṅkhepato duvidho niddiṭṭho ca aniddiṭṭho ca. Tattha niddiṭṭho duvidho bhikkhunā niddiṭṭho, dūtena niddiṭṭhoti. Aniddiṭṭhopi duvidho mukhavevaṭika<sup>1</sup> kappiyakārako, parammukhakappiyakārakoti. Tesu

bhikkhunā niddiṭṭho sammukhāsammukhavasena catubbidho hoti. Tathā dūtena niddiṭṭhopi.

Katham? Idhekacco bhikkhussa cīvaratthāya dūtena akappiyavattum paṇiṇati, dūto taṃ bhikkhum upasaṅkamitvā “idaṃ bhante itthannāmena tumhākaṃ cīvaratthāya pahitaṃ, gaṇhatha naṃ”ti vadati, bhikkhu “nayidaṃ kappatī”ti paṭikkhipati. Dūto “atthi pana te bhante veyyāvaccakaro”ti pucchati, puññatthikehi ca upāsakehi “bhikkhūnaṃ veyyāvaccam karoṭhā”ti āṇattā vā, bhikkhūnaṃ vā sandiṭṭhā sambhattā keci veyyāvaccakarā honti, tesam aññataro tasmim khaṇe bhikkhussa santike nisinno hoti, bhikkhu taṃ niddisati “ayaṃ bhikkhūnaṃ veyyāvaccakaro”ti. Dūto tassa hatthe akappiyavattum datvā “therassa cīvaram kiṇitvā dehī”ti gacchati, ayaṃ bhikkhunā **sammukhāniddiṭṭho**.

No ce bhikkhussa santike nisinno hoti, apica kho bhikkhu niddisati “asukasmim nāma gāme itthannāmo bhikkhūnaṃ veyyāvaccakaro”ti, so gantvā tassa hatthe akappiyavattum datvā “therassa cīvaram kiṇitvā dadeyyāsi”ti āgantvā bhikkhussa ārocetvā gacchati, ayameko bhikkhunā **asammukhāniddiṭṭho**.

Na heva kho so dūto attanā āgantvā āroceti, apica kho aññaṃ paṇiṇati “dinnaṃ mayā bhante tassa hatthe cīvaracetāpannaṃ, cīvaram gaṇheyyāthā”ti, ayaṃ dutiyo bhikkhunā **asammukhāniddiṭṭho**.

Na heva kho aññaṃ paṇiṇati, apica kho gacchantova bhikkhum vadati “ahaṃ tassa hatthe cīvaracetāpannaṃ dassāmi, tumhe cīvaram gaṇheyyāthā”ti, ayaṃ tatiyo bhikkhunā **asammukhāniddiṭṭho**ti evaṃ eko sammukhāniddiṭṭho, tayo asammukhāniddiṭṭhāti ime cattāro bhikkhunā niddiṭṭhaveyyāvaccakarā nāma. Etesu imasmim Rājasikkhāpade vuttanayeneva paṭipajjitabbaṃ.

Aparo bhikkhu purimanayeneva dūtena pucchito natthitāya vā avicāretukāmatāya vā “natthamhākaṃ kappiyakārako”ti vadati, tasmīṃca khaṇe koci manusso āgacchati, dūto tassa hatthe akappiyavattum datvā “imassa hatthato cīvaram gaṇheyyāthā”ti vatvā gacchati, ayaṃ dūtena **sammukhāniddiṭṭho**.

Aparo dūto gāmaṃ pavisitvā attanā abhirucitassa kassaci hatthe akappiyavatthum datvā purimanayeneva āgantvā āroceti, aññaṃ vā paṇṇati, “ahaṃ asukassa nāma hatthe cīvaracetāpannaṃ dassāmi, tumhe cīvaraṃ gaṇḥeyyāthā”ti vatvā vā gacchati, ayaṃ tatiyo dūtena **asammukhāniddiṭṭho**ti evaṃ eko sammukhāniddiṭṭho, tayo asammukhāniddiṭṭhāti ime cattāro dūtena niddiṭṭhaveyyāvaccakarā nāma. Etesu Meṇḍakasikkhāpade vuttanayena paṭipajjitabbaṃ. Vuttañhetam “santi bhikkhave manussā saddhā pasannā, te kappiyakāraṇaṃ hatthe hiraññaṃ upanikkhipanti ‘iminā ayyassa yaṃ kappiyaṃ, taṃ dethā’ti. Anujānāmi bhikkhave yaṃ tato kappiyaṃ, taṃ sādituṃ, na tvevāhaṃ bhikkhave kenaci pariyāyena jātarūparajataṃ sādītābbaṃ pariyesitābanti vadāmi”ti<sup>1</sup>. Ettha ca codanāya pamāṇaṃ natthi, mūlaṃ asādiyantena sahaṣṣakkhattumpi codanāya vā ṭhānena vā kappiyabhaṇḍaṃ sādituṃ vaṭṭati. No ce deti, aññaṃ kappiyakāraṇaṃ ṭhapetvāpi āharāpetābbaṃ. Sace icchati, mūlasāmikānampi kathetābbaṃ. No ce icchati, na kathetābbaṃ.

Aparo bhikkhu purimanayeneva dūtena pucchito “natthamhākaṃ kappiyakāraṇaṃ”ti vadati, tadañño samīpe ṭhito sutvā “āhara bho, ahaṃ ayyassa cīvaraṃ cetāpetvā dassāmi”ti vadati. Dūto “handa bho dadeyyāsī”ti tassa hatthe datvā bhikkhussa anārocetvāva gacchati, ayaṃ **mukhavevaṭṭikakappiyakāraṇaṃ**. Aparo bhikkhuno upaṭṭhākassa vā aññassa vā hatthe akappiyavatthum datvā “therassa cīvaraṃ dadeyyāsī”ti ettova pakkamati, ayaṃ **parammukhakappiyakāraṇaṃ**ti ime dve **aniddiṭṭhakappiyakāraṇaṃ** nāma. Etesu aññātaka-appavāritesu viya paṭipajjitābbaṃ. Sace sayameva cīvaraṃ ānetvā denti, gaḥetābbaṃ. No ce, kiñci na vattābbaṃ. Desanāmetameva cetam “dūtena cīvaracetāpannaṃ paṇṇeyyā”ti, sayam āharitvāpi piṇḍapātādīnaṃ atthāya dadantesupi eseva nayo. Na kevalaṇca attanoyeva atthāya sampaṭicchitum na vaṭṭati, sacepi koci jātarūparajataṃ ānetvā “idaṃ saṃghassa dammi, ārāmaṃ vā karotha cetiyaṃ vā bhojanasālādīnaṃ vā aññataran”ti vadati, idampi sampaṭicchitum na vaṭṭati. Yassa kassaci hi aññassatthāya sampaṭicchantassa dukkaṭaṃ hotīti **Mahāpaccariyaṃ** vuttaṃ.

---

1. Vi 3. 342 piṭṭhe.

Sace pana “nayidaṃ bhikkhūnaṃ sampaṭicchitum vaṭṭatī”ti paṭikkhitte “vaḍḍhakīnaṃ vā kammakarānaṃ vā hatthe bhavissati, kevalaṃ tumhe sukata dukkaṭaṃ jānāthā”ti vatvā tesam hatthe datvā pakkamati, vaṭṭati. Athāpi “mama manussānaṃ hatthe bhavissati, mayhameva vā hatthe bhavissati, kevalaṃ tumhe yaṃ yassa dātabbāṃ, tadatthāya peseyyāthā”ti vadati, evampi vaṭṭati.

Sace pana saṃghaṃ vā gaṇaṃ vā puggalaṃ vā anāmasitvā “idaṃ hiraññasuvaṇṇaṃ cetiyassa dema, vihārassa dema, navakammasa demā”ti vadanti, paṭikkhipitum na vaṭṭati. “Ime idaṃ bhaṇantī”ti kappiyakāraṇānaṃ ācikkhitabbaṃ. “Cetiyaḍḍhānaṃ atthāya tumhe gahetvā ṭhapethā”ti vuttena pana “amhākaṃ gahetum na vaṭṭatī”ti paṭikkhipitabbaṃ.

Sace pana koci bahuṃ hiraññasuvaṇṇaṃ ānetvā “idaṃ saṃghassa dammi, cattāro paccaye paribhuñjathā”ti vadati, taṃ ce saṃgho sampaṭicchati, paṭiggahaṇepi paribhogepi āpatti. Tatra ce eko bhikkhu “nayidaṃ kappatī”ti paṭikkhipati, upāsako ca “yadi na kappati, mayhameva bhavissatī”ti gacchati. So bhikkhu “tayā saṃghassa lābhantarāyo kato”ti na kenaci kiñci vattabbo. Yo hi taṃ codeti, sveva sāpattiko hoti, tena pana ekena bahū anāpattikā katā. Sace pana bhikkhūhi “na vaṭṭatī”ti paṭikkhitte “kappiyakāraṇānaṃ vā hatthe bhavissati, mama purisānaṃ vā mayhaṃ vā hatthe bhavissati, kevalaṃ tumhe paccaye paribhuñjathā”ti vadati, vaṭṭati.

Catupaccayatthāya ca dinnāṃ yena yena paccayena attho hoti, tadatthaṃ upanetabbaṃ, cīvaratthāya dinnāṃ cīvareyeva upanetabbaṃ. Sace cīvarena tādiso attho natthi, piṇḍapātādihi saṃgho kilamati, saṃghasuṭṭhūyāya apaloketvā tadatthāyapi upanetabbaṃ. Esa nayo piṇḍapātāgilānapaccayatthāya dinnepi, senāsanatthāya dinnāṃ pana senāsanassa garubhaṇḍatā senāsaneyeva upanetabbaṃ. Sace pana bhikkhūsu senāsanāṃ chaḍḍetvā gatesu senāsanāṃ vinassati, īdise kāle senāsanāṃ vissajjetvāpi bhikkhūnaṃ paribhogo anuññāto, tasmā senāsanajagganatthaṃ mūlacchejjaṃ akatvā yāpanamattaṃ paribhuñjitabbaṃ.

Na kevalañca hiraññasuvaṇṇameva, aññampi khattavathhādi akappiyaṃ na sampāṭicchitabbaṃ. Sace hi koci “mayhaṃ tisassasampādanakaṃ mahātaḷākaṃ atthi, taṃ saṃghassa dammī”ti vadati, taṃ ce saṃgho sampāṭicchati, paṭiggahaṇepi paribhogepi āpattiyeva. Yo pana taṃ paṭikkhipati, so purimanayeneva na kenaci kiñci vattabbo. Yo hi taṃ codeti, sveva sāpattiko hoti, tena pana ekena bahū anāpattikā katā.

Yo pana “tādisaṃyeva taḷākaṃ dammī”ti vatvā bhikkhūhi “na vaṭṭatī”ti paṭikkhitto vadati “asukañca asukañca saṃghassa taḷākaṃ atthi, taṃ kathaṃ vaṭṭatī”ti. So vattabbo “kappiyaṃ katvā dinnam bhavissatī”ti. Kathaṃ dinnam kappiyaṃ hotīti. “Cattāro paccaye paribhuñjathā”ti vatvā dinnanti. So sace “sādhu bhante cattāro paccaye saṃgho paribhuñjatū”ti deti, vaṭṭati. Athāpi “taḷākaṃ gaṇhathā”ti vatvā “na vaṭṭatī”ti paṭikkhitto “kappiyakārako atthī”ti pucchitvā “natthī”ti vutte “idaṃ asuko nāma vicāressati, asukassa vā hatthe, mayhaṃ vā hatthe bhavissati, saṃgho kappiyabhaṇḍam paribhuñjatū”ti vadati, vaṭṭati. Sacepi “na vaṭṭatī”ti paṭikkhitto “udakaṃ paribhuñjissati, bhaṇḍakaṃ dhovissati, migapakkhino pivissantī”ti vadati, evampi vaṭṭati. Athāpi “na vaṭṭatī”ti paṭikkhitto vadati “kappiyasīsena gaṇhathā”ti. “Sādhu upāsaka saṃgho pānīyaṃ pivissati, bhaṇḍakaṃ dhovissati, migapakkhino pivissantī”ti vatvā paribhuñjitum vaṭṭati.

Athāpi “mama taḷākaṃ vā pokkharaniṃ vā saṃghassa dammī”ti vutte “sādhu upāsaka saṃgho pānīyaṃ pivissatī”ti-ādīni vatvā paribhuñjitum vaṭṭatiyeva. Yadi pana bhikkhūhi hatthakammaṃ yācitvā sahatthena ca kappiyapathaviṃ khanitvā udakaparibhogatthāya taḷākaṃ kāritam hoti, taṃ ce nissāya sassam nipphādetvā manussā vihāre kappiyabhaṇḍam denti, vaṭṭati. Atha manussā eva saṃghassa upakāratthāya saṃghikabhūmiṃ khanitvā taṃ nissāya nipphanasassato kappiyabhaṇḍam denti, evampi vaṭṭati. “Amhākaṃ ekaṃ kappiyakārakaṃ ṭhapethā”ti vutte ca ṭhapetumpi labbhati. Atha pana te manussā rājabalinā upaddutā pakkamanti, aññe paṭipajjanti, na ca bhikkhūnam kiñci denti, udakaṃ vāretum labbhati. Tañca kho kasikammakāleyeva, na sassakāle. Sace te vadanti “nanu bhante pubbepi manussā imam nissāya sassam



akāmsū”ti. Tato vattabbā “te saṅghassa imaṅca imaṅca upakāraṃ akāmsu, idaṅcīdaṅca kappiyabhaṇḍaṃ adāmsū”ti. Sace vadanti “mayampi dassāmā”ti, evampi vaṭṭati.

Sace pana koci abyatto akappiyavohārena taḷākāṃ paṭiggahaṇhāti vā kāreti vā, taṃ bhikkhūhi na paribhuñjitabbaṃ, taṃ nissāya laddhaṃ kappiyabhaṇḍampi akappiyameva. Sace bhikkhūhi pariccattabhāvaṃ ñatvā sāmiko vā tassa puttadhītarō vā añño vā koci vaṃse uppanno puna kappiyavohārena deti, vaṭṭati. Pacchinne kulavaṃse yo tassa janapadassa sāmiko, so acchinditvā puna deti, Cittalapabbate bhikkhunā nīhaṭa-udakavāhakaṃ **Aḷanāgarājamahesī viya**, evampi vaṭṭati.

Kappiyavohārepi udakavasena paṭiggahitatalāke suddhacittānaṃ mattikuddharaṇapāḷibandhanādīni ca kātum vaṭṭati. Taṃ nissāya pana sassaṃ karonte disvā kappiyakāraṃ ṭhapetum na vaṭṭati. Yadi te sayameva kappiyabhaṇḍaṃ denti, gahetabbaṃ. No ce denti, na codetabbaṃ, na sāretabbaṃ. Paccayavasena paṭiggahitatalāke kappiyakāraṃ ṭhapetum vaṭṭati. Mattikuddharaṇapāḷibandhanādīni pana kātum na vaṭṭati. Sace kappiyakāraṃ sayameva karonti, vaṭṭati. Abyattena pana lajjibhikkhunā kārapitesu kiṅcāpi paṭiggahaṇe<sup>1</sup> kappiyaṃ, bhikkhussa payogapaccayā uppanna missakattā visagatapiṇḍapāto viya, akappiyamaṃsarasaṃmissakabhōjanaṃ viya ca dubbinihbhogāṃ hoti, sabbesaṃ akappiyameva.

Sace pana “udakassa okāso atthi, taḷākassa pāḷi thirā, yathā bahum udakaṃ gaṇhāti, evaṃ karohi, tīrasamīpe udakaṃ karohī”ti evaṃ udakameva vicāreti, vaṭṭati. Uddhane aggim na pātentī, “udakakammaṃ labbhatu upāsakā”ti vattum vaṭṭati. “Sassaṃ katvā āharathā”ti vattum pana na vaṭṭati. Sace pana taḷāke atibahuṃ udakaṃ disvā passato vā piṭṭhito vā mātikaṃ nīharāpeti, vanaṃ chindāpetvā kedāre kārapeti, porāṇakedāresu vā pakatibhāgaṃ aggahetvā atirekaṃ gaṇhāti, na vasasse vā akālasasse vā aparicchinnabhāge “ettake kahāpaṇe dethā”ti kahāpaṇe uṭṭhāpeti, sabbesaṃ akappiyaṃ.

Yo pana “kassatha vapathā”ti avatvā “ettakāya bhūmiyā ettako nāma bhāgo”ti evaṃ bhūmiṃ vā patiṭṭhpeti, “ettake bhūmibhāge amhehi sassam̐ kataṃ, ettakam̐ nāma bhāgam̐ gaṇhathā”ti vadantesu kassakesu bhūmippamāṇaggahaṇattham̐ rajjuyā vā daṇḍena vā mināti, khale vā ṭhatvā rakkhati, khalato vā nīharāpeti, koṭṭhāgāre vā paṭisāmeti, tasseva tam̐ akappiyam̐.

Sace kassakā kahāpaṇe āharitvā “ime saṃghassa āhaṭā”ti vadanti, aññataro ca bhikkhu “na saṃgho kahāpaṇe khādati”ti saññāya “ettakehi kahāpaṇehi sāṭake āhara, ettakehi yāgu-ādīni sampādehi”ti vadati. Yam̐ te āharanti, sabbesam̐ akappiyam̐. Kasmā? Kahāpaṇānam̐ vicāritattā.

Sace dhaññam̐ āharitvā “idam̐ saṃghassa āhaṭan”ti vadanti, aññataro ca bhikkhu purimanayeneva “ettakehi vīhīhi idañcidañca āharathā”ti vadati. Yam̐ te āharanti, tasseva akappiyam̐. Kasmā? Dhaññassa vicāritattā.

Sace taṇḍulam̐ vā aparāṇṇam̐ vā āharitvā “idam̐ saṃghassa āhaṭan”ti vadanti, aññataro ca bhikkhu purimanayeneva “ettakehi taṇḍulehi idañcidañca āharathā”ti vadati. Yam̐ te āharanti, sabbesam̐ kappiyam̐. Kasmā? Kappiyānam̐ taṇḍulādīnam̐ vicāritattā. Kayavikkayepi anāpatti kappiyakārakassa ācikkhitattā.

Pubbe pana Cittalapabbate eko bhikkhu catusāladvāre “aho vata sve saṃghassa ettakappamāṇe pūve paceyyun”ti ārāmikānam̐ saññājananattham̐ bhūmiyam̐ maṇḍalam̐ akāsi, tam̐ disvā cheko ārāmiko tatheva katvā dutiyadvāse bheriyā ākoṭṭāya sannipatite saṃghe pūvam̐ gahetvā saṃghattheram̐ āha “bhante amhehi ito pubbe neva pitūnam̐ na pitāmahānam̐ evarūpaṃ sutapubbam̐, ekena ayyena catusāladvāre pūvatthāya saññā katā, ito dāni pabhuti ayyā attano attano cittānurūpaṃ vadantu, amhākampi phāsuvihāro bhavissati”ti. Mahāthero tatova nivatti, ekabhikkhunāpi pūvo na gahito. Evaṃ pubbe tatruppādampi<sup>1</sup> na paribhuñjimsu. Tasmā—

---

1. Tatruppādānam̐ (Ka)

Sallekhaṃ accajantena, appamattena bhikkhunā.

Kappiyepi na kātabbā, āmisatthāya lolatāti.

Yo cāyaṃ taḷāke vutto, pokkharāṇī-udakavāhakamātikādīsupi eseva nayo.

Pubbaṇṇāparaṇṇa-ucchuphalāphalādīnaṃ viruṇaṇṇānaṃ yaṃkiñci khettaṃ vā vatthuṃ vā dammīti vuttepi “na vaṭṭati”ti paṭikkhipitvā taḷāke vuttanayeneva yadā kappiyavohārena “catupaccayaparibhogatthāya dammī”ti vadati, tadā sampaṭicchitabbaṃ, “vanaṃ dammi, araṇṇaṃ dammī”ti vutte pana vaṭṭati. Sace manussā bhikkhūhi anāṇattāyeva tattha rukkhe chinditvā aparāṇṇādīni sampādetvā bhikkhūnaṃ bhāgaṃ denti, vaṭṭati, adentā na codetabbā. Sace kenacideva antarāyena tesu pakkantesu aññe karonti, na ca bhikkhūnaṃ kiñci denti, te vāretabbā. Sace vadanti “nanu bhante pubbepi manussā idha sassāni akaṃsū”ti, tato te vattabbā “te saṃghassa idaṇcīdaṇca kappiyabhaṇḍaṃ adaṃsū”ti. Sace vadanti “mayampi dassāmā”ti, evaṃ vaṭṭati.

Kaṅci sassuṭṭhānakaṃ bhūmippadesaṃ sandhāya “sīmaṃ demā”ti vadanti, vaṭṭati. Sīmāparicchedanattaṃ pana thambhā vā pāsāṇā vā sayāṃ na ṭhapetabbā. Kasmā? Bhūmi nāma anagghā, appakenāpi pārājiko bhavēyya. Ārāmikānaṃ pana vattabbaṃ “iminā ṭhānena amhākaṃ sīmā gatā”ti. Sacepi hi te adhikaṃ gaṇhanti, pariyaṇyena kathitattā anāpatti. Yadi pana rājarājamahāmatṭādayo sayameva thambhe ṭhapēpetvā “cattāro paccaye paribhuñjathā”ti denti, vaṭṭatiyeva.

Sace koci antosīmāya taḷākaṃ khaṇati, vihāramajjhena vā mātikaṃ neti, cetiyaṅgaṇabodhiyaṅgaṇādīni dussanti, vāretabbo. Sace saṃgho kiñci labhitvā āmisagarukatāya na vāreti, eko bhikkhu vāreti, sova bhikkhu issaro. Sace eko bhikkhu na vāreti, “netha tumhe”ti tesāmyeva pakkho hoti, saṃgho vāreti, saṃghova issaro. Saṃghikesu hi kammesu yo dhammakammaṃ karoti, sova issaro. Sace vāriyamānopi karoti, heṭṭhā gahitaṃ paṃsum heṭṭhā pakkhipitvā, upari gahitaṃ paṃsum upari pakkhipitvā pūretabbā.

Sace koci yathājātameva ucchuṃ vā aparāṇṇaṃ vā alābukumbhaṇḍādikāṃ vā valliphalaṃ dātukāmo “etaṃ sabbaṃ ucchukhattaṃ aparāṇṇavatthuṃ valliphalāvāṭaṃ dammi”ti vadati, saha vatthunā parāmaṭṭhattā “na vaṭṭati”ti **Mahāsumatthero** āha. **Mahāpadumatthero** pana “abhilāpamattametaṃ, sāmikānaṃyeva hi so bhūmibhāgo, tasmā vaṭṭati”ti āha.

“Dāsaṃ dammi”ti vadati, na vaṭṭati. “Ārāmikaṃ dammi, veyyāvaccakaraṃ dammi, kappiyakāraṃ dammi”ti vutte vaṭṭati. Sace so ārāmiko purebhattampi pacchābhattampi saṃghasseva kammaṃ karoti, sāmaṇerassa viya sabbaṃ bhesajjapaṭijagganampi tassa kātabbaṃ. Sace purebhattameva saṃghassa kammaṃ karoti, pacchābhattaṃ attano kammaṃ karoti, sāyaṃ nivāpo na dātabbo. Yepi pañcādivasavārena vā pakkhavārena vā saṃghassa kammaṃ katvā sesakāle attano kammaṃ karonti, tesampi karaṇakāleyeva bhattaṅca nivāpo ca dātabbo. Sace saṃghassa kammaṃ natthi, attanoyeva kammaṃ katvā jīvanti, te ce hatthakammamūlaṃ ānetvā denti, gahetabbaṃ. No ce denti, na kiñci vattabbā. Yaṃ kiñci rajakadāsampi pesakāradāsampi ārāmikanāmena sampaṭicchitum vaṭṭati.

Sace “gāvo demā”ti vadanti, “na vaṭṭati”ti paṭikkhipitabbā. Imā gāvo kutoti, paṇḍitehi pañca gorasaparibhogatthāya dinnāti. “Mayampi pañcagorasaparibhogatthāya demā”ti vutte vaṭṭati. Ajikādīsupi eseva nayo. “Hatthiṃ dema, assaṃ, mahiṃsaṃ, kukkuṭaṃ, sūkaraṃ demā”ti vadanti, sampaṭicchitum na vaṭṭati. Sace keci manussā “appossukkā bhante tumhe hotha, mayaṃ ime gahetvā tumhākaṃ kappiyabhaṇḍaṃ dassamā”ti gaṇhanti, vaṭṭati. “Kukkuṭasūkarā sukhaṃ jīvanti”ti araṅṅe vissajjetum vaṭṭati. “Imaṃ taḷākāṃ, imaṃ khettaṃ, imaṃ vatthuṃ vihārassa demā”ti vutte paṭikkhipitum na labbhatīti. Sesamettha uttānattameva.

Samuṭṭhānādīsu idampi chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Rājasikkhāpadavaṇṇanā niṭṭhitā.

Niṭṭhito cīvaravaggo paṭhamo.

## 2. Kosiyavagga 1. Kosiyasikkhāpadavaṇṇanā

542. **Tena samayenāti** Kosiyasikkhāpadam. Tattha **santharivā kataṃ hotīti** same bhūmibhāge kosiyamsūni uparūpari santharivā kañjikādīhi siñcitvā kataṃ hoti. **Ekenapi kosiyamsunā missetvāti** tiṭṭhatu attano rucivasena missitam, sacepi tassa karaṇaṭṭhāne vāto ekam kosiyamsunā ānetvā pātetī, evampi missetvā katameva hoti. Sesam uttānatthameva.

Chasamuṭṭhānam, kiriyaṃ, nosaññāvimokkham, acittakam, paṇṇattivajjam, kāyakammavacīkammaṃ, ticittam, tivedananti.

Kosiyasikkhāpadavaṇṇanā niṭṭhitā.

## 2. Suddhakāḷakasikkhāpadavaṇṇanā

547. **Tena samayenāti** Suddhakāḷakasikkhāpadam. Tattha **suddhakāḷakānanti** suddhānam kāḷakānam, aññehi amissitakāḷakānanti attho. Sesam uttānatthameva. Samuṭṭhānādīnīpi kosiyasikkhāpadasadisānevāti.

Suddhakāḷakasikkhāpadavaṇṇanā niṭṭhitā.

## 3. Dvebhāgasikkhāpadavaṇṇanā

552. **Tena samayenāti** Dvebhāgasikkhāpadam. Tattha **ante ādiyivāti** santhatassa ante anuvātam viya dassetvā<sup>1</sup> odātam alliyāpetvā.

**Dve bhāgāti** dve koṭṭhāsā. **Ādātābbāti** gahetabbā. **Gocariyānanti** kapilavaṇṇānam. **Dve tulā ādātābbāti** catūhi tulāhi kāretukāmaṃ sandhāya vuttam, atthato pana yattakehi eḷakalomehi kātukāmo hoti, tesu dve koṭṭhāsā kāḷakānam, eko odātānam, eko gocariyānanti idameva dassitam hotīti veditabbam. Sesam uttānatthameva.

---

1. Dasante (Syā), dassento (Ka)

Samuṭṭhānādīnipi kosiyasikkhāpadasadisāneva. Kevalam idaṃ ādāya, anādāya ca karaṇato kiriyākiriyaṃ veditabbanti.

Dvebhāgasikkhāpadavaṇṇanā niṭṭhitā.

#### 4. Chabbassasikkhāpadavaṇṇanā

557. **Tena samayenāti** Chabbassasikkhāpadam. Tattha **ūhadantipi**<sup>1</sup> **ummihantipīti** santhatānaṃ upari vaccampi passāvampi karontīti vuttam hoti.

**Dinnā sarīghena itthannāmassa bhikkhuno santhatasammutīti** evam laddhasammutiko bhikkhu yāva rogo na vūpasamati, tāva yaṃ yaṃ ṭhānaṃ gacchati, tattha tattha santhataṃ kātuṃ labhati. Sace arogo hutvā puna mūlabyādhināva gilāno hoti, soyeva parihāro, natthaññaṃ sammutikiccanti **Phussadevatthero** āha. **Upatissatthero** pana “so vā byādhi paṭikuppatu, añño vā, sakiṃ ‘gilāno’ti nāmaṃ laddhaṃ laddhameva, puna sammutikiccaṃ natthī”ti āha.

**Orena ce channaṃ vassānanti** channaṃ vassānaṃ orimabhāge, antoti attho. Padabhājane pana saṅkhyāmatadassanatthaṃ “ūnakachabbassāni”ti vuttam.

**Anāpatti chabbassāni karotīti** yadā chabbassāni paripuṇṇāni honti, tadā santhataṃ karoti. Dutiyapadepi “yadā atirekachabbassāni hoti, tadā karotī”ti evamattho daṭṭhabbo. Na hi so chabbassāni karotīti. Sesam uttānatthameva.

Samuṭṭhānāni kosiyasikkhāpadasadisānevāti.

Chabbassasikkhāpadavaṇṇanā niṭṭhitā.

#### 5. Nisīdanasanthasikkhāpadavaṇṇanā

565. **Tena samayenāti** Nisīdanasanthasikkhāpadam. Tattha **icchāmahaṃ bhikkhavesi** Bhagavā kira taṃ temāsaṃ na kañci bodhaneyyasattaṃ addasa,

---

1. Uhadantipi (Ka)

tasmā evamāha. Evaṃ santepi tantivasena dhammadesanā kattabbā siyā. Yasmā panassa etadahosi “mayi okāsaṃ kāretvā paṭisallīne bhikkhū adhammikaṃ katikavattaṃ karissanti, taṃ upaseno bhindissati. Ahaṃ tassa pasīditvā bhikkhūnaṃ dassanaṃ anujānissāmi, tato maṃ passitukāmā bahū bhikkhū dhutaṅgāni samādiyissanti, ahañca tehi ujjhitasanthatapaccayā sikkhāpadaṃ paññapessāmī”ti, tasmā evamāha. Evaṃ bahūni hi ettha ānisaṃsānīti.

**Sapariso yena Bhagavā tenupasaṅkamī**ti thero kira “na bhikkhave ūnadasavassena upasampādetabbo, yo upasampādeyya, āpatti dukkaṭassā”ti<sup>1</sup> imasmim̄ khandhakasikkhāpade “kathañhi nāma tvaṃ moghapurisa aññehi ovadiyo anusāsiyo aññaṃ ovaditum̄ anusāsitum̄ maññissasi”ti evamādinā<sup>1</sup> nayena garahaṃ labhitvā “satthā mayhaṃ parisam̄ nissāya garahaṃ adāsi, so dānāhaṃ Bhagavantaṃ teneva puññacandasassirīkena sabbākāraparipuñña mukhena brahmaghosam̄ nicchāretvā parisam̄yeva nissāya sādhuḅkārāṃ dāpessāmī”ti suhadayo kulaputto atirekayo janasataṃ paṭikkamitvā parisam̄ cinitvā pañcamattehi bhikkhusatehi parivuto puna Bhagavantaṃ upasaṅkamanto. Tena vuttaṃ “sapariso yena Bhagavā tenupasaṅkamī”ti. Na hi sakkā Buddhānaṃ aññathā ārādhetaṃ aññatra vattasampattiyā.

**Bhagavato avidūre nisinnoti** vattasampattiyā parisuddhabhāvena nirāsaṅko siho viya Kañcanapabbatassa Bhagavato avidūre nisinno. **Etadvocāti** kathāsamuṭṭhāpanatthaṃ etaṃ avoca. **Manāpāni te bhikkhu paṃsukūlānīti** bhikkhu tava imāni paṃsukūlāni manāpāni, attano ruciyā khantiyā gahitānīti attho. **Na kho me bhante manāpānīti** bhante na mayā attano ruciyā gahitāni, galaggāhena viya, matthakatālanena viya ca gāhitomhīti dasseti.

**Paññāyissatīti** paññāto abhiññāto bhavissati, tattha sandississatīti<sup>2</sup> vuttaṃ hoti. **Na mayam̄ apaññattaṃ paññapessāmāti** mayam̄ sāvaka nāma apaññattaṃ na paññapessāma, Buddhavisayo hi eso,

1. Vi 3. 74. 75 piṭṭhesu.

2. Sandissatīti (Sī, Syā, Ka)

yadidaṃ “pācittiyaṃ dukkaṭaṇ”ti-ādinā nayena  
apaññattasikkhāpadapaññapanam, paññattasamucchindanam<sup>1</sup> vā. **Samādāyāti**  
taṃ taṃ sikkhāpadaṃ samādiyitvā “sādhu suṭṭhū”ti sampaṭicchitvā.  
Yathāpaññattesu sabbasikkhāpadesu sikkhissāmāti dasseti. Bhagavā tassa  
āraddhacitto punapi “sādhu sādhu”ti sādhu-kāramadāsi.

566. **Anuññātāvusoti** anuññātāṃ āvuso. **Pihentāti** pihayantā. **Santhatāni**  
**ujjhivātī** santhate catutthacīvarasaññitāya sabbasanthatāni ujjhitvā.  
**Dhammiṃ kathaṃ katvā bhikkhū āmantesī**ti Bhagavā santhatāni  
vipakīṇṇāni disvā “saddhādeyyavinipātane kāraṇam natthi,  
paribhogupāyam nesam dassessāmī”ti dhammiṃ kathaṃ katvā bhikkhū  
āmantesī.

567. **Sakim nivatthampi sakim pārutampī**ti sakim nisinnañceva  
nipannañca. **Sāmantāti** ekapassato vaṭṭam vā caturassam vā chinditvā  
gahitaṭṭhānaṃ yathā vidatthimattaṃ hoti. Evaṃ gahetabbaṃ, santharantena  
pana Pāḷiyam vuttanayeneva ekadese vā santharitabbaṃ, vijaṭetvā vā  
missakam katvā santharitabbaṃ, evam thirataṃ hotīti. Sesam  
uttānatthameva.

Samuṭṭhānādīni kiriyākiriyaṭṭā imassa sikkhāpadassa  
dvebhāgasikkhāpadasadisānīti.

Imesu pana pañcasu santhatesu purimāni tīṇi vinayakammaṃ katvā  
paṭilabhivā paribhuñjituṃ na vaṭṭanti, pacchimāni dve vaṭṭantīti  
veditabbānīti.

Nisīdanasanthatasikkhāpadavaṇṇanā niṭṭhitā.

## 6. Eḷakalomasikkhāpadavaṇṇanā

571. **Tena samayenāti** Eḷakalomasikkhāpadaṃ. Tattha **uppaṇḍesunti**  
“kittakena bhante kītānī”ti-ādīni vadantā avahasimsu. **Ṭhitakova āsumbhīti**  
yathā manussā araññato mahantaṃ dārubbhāraṃ ānetvā kilantā ṭhitakāva  
pāṭenti, evam pātesīti attho.

1. Paññattisamucchindanam (Ka), paññattasikkhāpadasamucchindanam (Syā)



572. **Sahatthā**ti sahatthena, attanā haritabbānīti vuttaṃ hoti.

**Bahitijōjanam pātetī**ti tiyōjanato bahi pātetī. Anantarāyena patanake hatthato muttamatte lomagaṇanāya nissaggiyapācittiyāni. Sace bahitijōjane rukkhe vā thambhe vā paṭihaññitvā puna anto patanti, anāpatti. Bhūmiyam patitvā ṭhatvā ṭhatvā vaṭṭamānā eḷakalomabhaṇḍikā puna anto pavisati, āpattiyeva. Anto ṭhatvā hatthena vā pādena vā yaṭṭhiyā vā vaṭṭeti, ṭhatvā vā aṭṭhatvā vā vaṭṭamānā bhaṇḍikā gacchatu, āpattiyeva. “Añño harissati”ti ṭhapeti, tena haritepi āpattiyeva. Suddhacittena ṭhapitaṃ vāto vā añño vā attano dhammatāya bahi pātetī, āpattiyeva sa-ussāhattā, acittakattā ca sikkhāpadassa. **Kurundiyādīsu** pana “ettha anāpattī”ti vuttā, sā anāpatti Pāḷiyā na sameti. Ubhatobhaṇḍikam ekābaddham katvā ekam bhaṇḍikam antosīmāya ekam bahisīmāya karonto ṭhapeti, rakkhati tāva. Ekābaddhe kājēpi eseva nayo. Yadi pana abandhitvā kājakoṭiyam ṭhapitamattameva hoti, na rakkhati. Ekābaddhepi parivattetvā ṭhapite āpattiyeva.

**Aññassa yāne vā**ti ettha gacchante yāne vā hatthipiṭṭhi-ādīsu vā sāmikassa ajānantasseva harissatīti ṭhapeti, tasmim tiyōjanam atikkante āpatti. Agacchantepi eseva nayo. Sace pana agacchante yāne vā hatthipiṭṭhiyādīsu vā ṭhapetvā abhiruhitvā sāreti, heṭṭhā vā gacchanto codeti, pakkosanto vā anubandhāpeti, “aññam harāpetī”ti vacanato anāpatti. **Kurundiyādīsu** pana “āpattī”ti vuttaṃ, tam “aññam harāpetī”ti iminā na sameti. Adinnādāne pana suṅkaghāte āpatti hoti. Yā hi tattha āpatti, sā idha anāpatti. Yā idha āpatti, sā tattha anāpatti. Tam ṭhānam patvā aññavihito vā corādīhi vā upadduto gacchati, āpattiyeva. Sabbatthe lomagaṇanāya āpattiparicchedo vedītabbo.

575. **Tiyōjanam vāsādhippāyo gantvā tato param haratī**ti yattha gato, tattha uddesaparipucchādīnam vā paccayādīnam<sup>1</sup> vā alābhena

---

1. Paccayānam (Si)

tato param aññattha gacchati, tatopi aññatthāti evaṃ yojanasatampi harantassa anāpatti. **Acchinnam paṭilabhivāti** corā acchindivā niratthakabhāvaṃ ñatvā paṭidenti, taṃ harantassa anāpatti. **Nissattham paṭilabhivāti** vinayakammakataṃ paṭilabhivāti attho.

**Katabhaṇḍanti** katabhaṇḍam<sup>1</sup> kambalakojavasanthatādiṃ yaṃkiñci antamaso suttakena baddhamattampi. Yo pana tanukapattatthavikantare vā āyoga-aṃsabaddhakakāyabandhanādīnaṃ antaresu vā pipphalikādīnaṃ malarakkhaṇattham sipāṭikāya<sup>2</sup> vā antamaso vātābādhiko kaṇṇacchiddepi lomāni pakkipitvā gacchati, āpattiyeva. Suttakena pana bandhitvā pakkhittam katabhaṇḍatthāne tiṭṭhati, veṇim katvā harati, idaṃ nidhānamukham nāma, āpattiyevāti. Sesam uttānatthameva.

Samuṭṭhānādīsu idaṃ eḷakalomasamuṭṭhānaṃ nāma—kāyato ca kāyaccittato ca samuṭṭhāti, kiriyaṃ, nosaññāvimokkham, acittakam, paṇṇattivajjam, kāyakammaṃ, ticittam, tivedananti.

Eḷakalomasikkhāpadavaṇṇanā niṭṭhitā.

## 7. Eḷakalomadhovāpanasikkhāpadavaṇṇanā

576. **Tena samayenāti** Eḷakalomadhovāpanasikkhāpadaṃ. Tattha **riñcantī** ujjhanti vissajjenti, na sakkonti anuyuñjitunti vuttam hoti. Sesamettha Purāṇacīvarasikkhāpade vuttanayameva saddhim samuṭṭhānādīhīti.

Eḷakalomadhovāpanasikkhāpadavaṇṇanā niṭṭhitā.

## 8. Rūpiyasikkhāpadavaṇṇanā

582. **Tena samayenāti** Rūpayasikkhāpadaṃ. Tattha **paṭivisoti**<sup>3</sup> koṭṭhāso.

1. Kaṭabhaṇḍanti kataṃ bhaṇḍam (Sī)

2. Sipāṭiyam (Sī, Ka)

3. Paṭivimsoti (Sī, I) Paṭi + vi + aṃsa = paṭivimsa.

583-4. **Jātarūparajatanti** ettha **jātarūpanti** suvaṇṇassa nāmaṃ. Taṃ pana yasmā Tathāgatassa vaṇṇasadisaṃ hoti, tasmā “Satthuvaṇṇo vuccatī”ti padabhājane vuttaṃ. Tassattho—yo Satthuvaṇṇo lohaviseso, idaṃ jātarūpaṃ nāmāti. **Rajataṃ** pana “saṅkho silā pavālaṃ rajataṃ jātarūpaṃ”ti-ādīsu<sup>1</sup> rūpiyaṃ vuttaṃ, idha pana yaṃ kiñci vohāragamaṇiyaṃ kahāpaṇādi adhippetam. Tenevassa padabhājane “kahāpaṇo lohamāsako”ti-ādi vuttaṃ. Tattha **kahāpaṇoti** sovaṇṇamayo vā rūpiyamayo vā pākatiko vā. **Lohamāsakoti** tambalohādīhi katamāsako. **Dārumāsakoti** sārādārunā vā veḷupesikāya vā antamaso tālapaṇṇenāpi rūpaṃ chindivā katamāsako. **Jatumāsakoti** lākhāya vā niyyāsena vā rūpaṃ samuṭṭhāpetvā katamāsako. “**Ye vohāraṃ gacchantī**”ti iminā pana padena yo yo yattha yattha janapade yadā yadā vohāraṃ gacchati, antamaso aṭṭhimayopi cammamayopi rukkhaphalabijamayopi samuṭṭhāpitarūpopi asamuṭṭhāpitarūpopi sabbo saṅgahito.

Iceetaṃ sabbampi rajataṃ, jātarupaṃ, jātarūpamāsako, vuttappabhedo sabbopi rajatamāsakoti catubbidhaṃ nissaggiyavatthu hoti. Muttā maṇi veḷuriyo saṅkho silā pavālaṃ lohitaṅko masāragallaṃ satta dhañṇāni dāsī dāsa khetta vatthu pupphārāma phalārāmādayoti idaṃ dukkaṭavatthu. Suttaṃ phālo paṭako kappāso anekappakāraṃ aparāṇṇaṃ sappi navanīta tela madhu phāṇitādibhesajjaṅca idaṃ kappiyavatthu. Tattha nissaggiyavattum attano vā saṅghagaṇapuggalacetiyānaṃ vā<sup>2</sup> atthāya sampaṭicchitum na vaṭṭati. Attano atthāya sampaṭicchato nissaggiyaṃ pācittiyaṃ hoti, sesānaṃ atthāya dukkaṭaṃ. Dukkaṭavattum sabbesampi atthāya sampaṭicchato dukkaṭameva. Kappiyavattumhi anāpatti. Sabbampi nikkhipanattāya bhaṇḍāgārikasīsenā sampaṭicchato upari ratanasikkhāpade āgatavasena pācittiyaṃ.

**Uggaṇheyyāti** gaṇheyya. Yasmā pana gaṇhanto āpattim āpajjati, tenassa padabhājane “sayam gaṇhāti, nissaggiyaṃ pācittiyaṃ”ti vuttaṃ. Esa nayo sesapadesupi.

1. Vi 2. 212 piṭṭhe.

2. ...cetiyaḍḍhānaṃ vā (Syā)

Tattha jātarūparajatabhaṇḍesu kahāpaṇamāsakesu ca ekaṃ gaṇhato vā gaṇhāpayato vā ekā āpatti. Sahassaṃ cepi ekato gaṇhāti, gaṇhāpeti, vatthugaṇanāya āpattiyo. **Mahāpaccariyaṃ**, pana **Kurundiyañca** “sithilabaddhāya thavikāya sithilapūrite vā bhājane rūpagaṇanāya āpatti. Ghanabaddhe, pana ghanapūrite vā ekāva āpatti”ti vuttaṃ.

Upanikkhittasādiyane pana “idaṃ ayyassa hotū”ti vutte sacepi cittena sādiyati, gaṇhitukāmo hoti, kāyena vā vācāya vā “nayidaṃ kappatī”ti paṭikkhipati, anāpatti. Kāyavācāhi vā appaṭikkhipitvāpi suddhacitto hutvā “nayidaṃ amhākaṃ kappatī”ti na sādiyati, anāpattiyeva. Tīsu dvāresu hi yena kenaci paṭikkhittaṃ paṭikkhittameva hoti. Sace pana kāyavācāhi appaṭikkhipitvā cittena adhvāseti, kāyavācāhi kattabbassa paṭikkhepassa akaraṇato akiriyasamuṭṭhānaṃ kāyadvāre ca vacīdvāre ca āpattiṃ āpajjati, manodvāre pana āpatti nāma natthi.

Eko sataṃ vā sahassaṃ vā pādapūle ṭhapeti “tuyhidaṃ hotū”ti, bhikkhu “nayidaṃ kappatī”ti paṭikkhipati, upāsako “pariccattaṃ mayā tumhākaṃ”ti gato, añño tattha āgantvā pucchati “kiṃ bhante idan”ti. Yaṃ tena attanā ca vuttaṃ, taṃ ācikkhitabbaṃ. So ce vadati “gopayissāmi bhante, guttaṭṭhānaṃ dassethā”ti, sattabhūmikampi pāsādaṃ abhiruhitvā “idaṃ guttaṭṭhānaṃ”ti ācikkhitabbaṃ, “idha nikkhipāhi”ti na vattabbaṃ. Ettāvataṃ kappiyañca akappiyañca nissāya ṭhitaṃ hoti, dvāraṃ pidahitvā rakkhantena vasitabbaṃ. Sace kiñci vikkāyikabhaṇḍaṃ pattaṃ vā cīvaram vā āgacchati, “idaṃ gahessatha bhante”ti vutte “upāsaka atthi amhākaṃ iminā attho, vatthu ca evarūpaṃ nāma saṃvijjati, kappiyakārako natthi”ti vattabbaṃ. Sace so vadati “ahaṃ kappiyakārako bhavissāmi, dvāraṃ vivaritvā dethā”ti. Dvāraṃ vivaritvā “imasmim okāse ṭhapitaṃ”ti vattabbaṃ, “imaṃ gaṇhā”ti na vattabbaṃ. Evampi kappiyañca akappiyañca nissāya ṭhitaṃ hoti. So ce taṃ gahetvā tassa kappiyabhaṇḍaṃ deti, vaṭṭati. Sace adhikaṃ gaṇhāti, “na mayaṃ tava bhaṇḍaṃ gaṇhāma, nikkhamāhi”ti vattabbo.

**Samghamajjhe nissajjitabbanti** ettha yasmā rūpiyaṃ nāma akappiyaṃ, tasmā “nissajjitabbaṃ samghassa vā gaṇassa vā puggalassa vā”ti na vuttaṃ. Yasmā pana taṃ paṭiggahitamattameva, na tena kiñci kappiyabhaṇḍaṃ cetāpitaṃ, tasmā

upāyena paribhogadassanattham “saṅghamajjhe nissajjitabban”ti vuttam.

**Kappiyaṃ ācikkhitabbaṃ sappi vāti** “pabbajitānaṃ sappi vā telam vā vaṭṭati upāsakā”ti evaṃ ācikkhitabbaṃ.

**Rūpiyapaṭiggāhakaṃ ṭhapetvā sabbeheva paribhuñjitabbanti** sabbehi bhājetvā paribhuñjitabbaṃ, rūpiyapaṭiggāhakena bhāgo na gahetabbo. Aññesaṃ bhikkhūnaṃ vā ārāmikānaṃ vā pattabhāgampi labhitvā paribhuñjitum na vaṭṭati, antamaso makkaṭṭādīhi tato haritvā araññe ṭhapitam vā tesam hatthato gaḷitam vā tiracchānagatapariggahitampi paṃsukūlampi na vaṭṭatiyeva, tato āhaṭena phāṇitena senāsanadhūpanampi na vaṭṭati, sappinā vā telena vā paḍīpaṃ katvā dīpāloke nipajjitum, kasiṇaparikkammampi kātum, potthakampi vācetuṃ na vaṭṭati. Telamadhuphāṇitehi pana sarīre vaṇaṃ makkhetum na vaṭṭatiyeva. Tena vatthunā mañcapīṭhādīni vā gaṇhanti, uposathāgāraṃ vā bhojanasālaṃ vā karonti, paribhuñjitum na vaṭṭati. Chāyāpi gehaparicchena ṭhitā na vaṭṭati, paricchedātikkantā āgantukattā vaṭṭati. Taṃ vatthum vissajjetvā katena maggenapi setunāpi nāvāyapi uḷumpenapi gantum na vaṭṭati. Tena vatthunā khanāpitāya pokkharāṇiyā ubbhidodakaṃ pātuṃ vā paribhuñjitum vā na vaṭṭati. Anto udake pana asati aññaṃ āgantukaṃ udakaṃ vā vassodakaṃ vā pavitṭhaṃ vaṭṭati. Kīṭāya yena udakena saddhim kīṭā, taṃ āgantukampi na vaṭṭati. Taṃ vatthum upanikkhepaṃ ṭhapetvā saṅgho paccaye paribhuñjati, tepi paccayā tassa na vaṭṭanti. Ārāmo gahito hoti, sopi paribhuñjitum na vaṭṭati. Yadi bhūmipi bījampi akappiyaṃ, neva bhūmiṃ, na phalaṃ paribhuñjitum vaṭṭati. Sace bhūmiṃyeva kiṇitvā aññāni bījāni ropitāni, phalaṃ vaṭṭati, atha bījāni kiṇitvā kappiyabhūmiyaṃ ropitāni, phalaṃ na vaṭṭati, bhūmiyaṃ nisīditum vā nipajjitum vā vaṭṭati.

**Sace so chaḍḍetīti** yattha katthaci khipati, athāpi na chaḍḍeti, sayam gahetvā gacchati, na vāretabbo. **No ce chaḍḍetīti** atha neva gahetvā gacchati, na chaḍḍeti, “kiṃ mayhaṃ iminā byāpārenā”ti yena kāmaṃ pakkamati, tato yathāvuttalakkhaṇo rūpiyachaḍḍako sammannitabbo.

**Yo na chandāgatinti**-ādīsu lobhavasena taṃ vatthum attano vā karonto, attānaṃ vā ukkaṃsento chandāgatiṃ nāma gacchati. Dosavasena “nevāyaṃ mātikaṃ jānāti, na vinayan”ti paraṃ apasādento **dosāgatiṃ** nāma gacchati. Mohavasena muṭṭhapamuṭṭhassatibhāvaṃ āpajjanto **mohāgatiṃ** nāma gacchati. Rupiyaṭiggāhakassa bhayena chaḍḍetum avisahanto bhayāgatiṃ nāma gacchati. Evaṃ akaronto na chandāgatiṃ gacchati, na dosāgatiṃ gacchati, na mohāgatiṃ gacchati, na bhayāgatiṃ gacchatīti vedittabbo.

585. **Animittarū katvā**ti nimittarū akatvā, akkhīni nimmīletvā nadiyā vā papāte vā vanagahane vā gūtharū viya anapekkhena patitokāsarū asamannāharantena pātetabbanti attho. Evaṃ jigucchitabbepi rūpiye Bhagavā pariyāyena bhikkhūnaṃ paribhogarū ācikkhi. Rūpiyaṭiggāhakassa pana kenaci pariyāyena tato uppannapaccayaparibhogo na vaṭṭati. Yathā cāyārū etassa na vaṭṭati, evaṃ asantasambhāvanāya vā kuladūsakakammena vā kuhanādīhi vā uppannapaccayā neva tassa, na aññassa vaṭṭanti, dhammena samena uppannāpi appaccavekkhitvā paribhuñjitum na vaṭṭanti.

Cattāro hi **paribhogā** theyyaparibhogo iṇaparibhogo dāyajjaparibhogo sāmiparibhogoti. Tattha saṃghamajjhepi nisīditvā paribhuñjantassa dūssīlassa paribhogo **theyyaparibhogo** nāma. Sīlavato appaccavekkhitaparibhogo **iṇaparibhogo** nāma. Tasmā cīvararū paribhoge paribhoge paccavekkhitabbarū, piṇḍapāto ālope ālope. Tathā asakkontena purebhattapacchābhattapurimayāmapacchimayāmesu. Sacassa appaccavekkhatova aruṇo uggacchati, iṇaparibhogatṭhāne tiṭṭhati. Senāsanampi paribhoge paribhoge paccavekkhitabbarū. Bhesajjassa paṭiggahaṇepi paribhogeṇe satipaccayatā vaṭṭati, evaṃ santepi paṭiggahaṇe satirū katvā paribhoge akarontasseva āpatti, paṭiggahaṇe pana satirū akatvā paribhoge karontassa anāpatti.

Catubbidhā hi **suddhi** desanāsuddhi saṃvarasuddhi pariyeṭṭhisuddhi paccavekkhaṇasuddhīti. Tattha **desanāsuddhi** nāma Pātimokkhasaṃvarasīlarū, tañhi desanāya

sujjhanato “desanāsuddhī”ti vuccati. **Samvarasuddhi** nāma indriyasamvarasīlam, taṃ hi “na puna evaṃ karissāmī”ti cittaḍḍhiṭṭhānasamvareneva sujjhanato “samvarasuddhī”ti vuccati. **Pariyeṭṭhisuddhi** nāma ājīvapārisuddhisīlam, taṃ hi anesanaṃ pahāya dhammena samena paccaye uppādentassa pariyesanāya suddhattā “pariyeṭṭhisuddhī”ti vuccati. **Paccavekkhaṇasuddhi** nāma paccayaparibhogasannissitasīlam, taṃ hi “paṭisaṅkhā yoniso cīvaraṃ paṭisevatī”ti-ādinā<sup>1</sup> nayena vuttena paccavekkhaṇena sujjhanato “paccavekkhaṇasuddhī”ti vuccati. Tena vuttam “paṭiggahaṇe pana satim akatvā paribhoge karontassa anāpattī”ti.

Sattanaṃ sekkhānaṃ paccayaparibhogo **dāyajjaparibhogo** nāma, te hi Bhagavato puttā, tasmā pitusantakānaṃ paccayānaṃ dāyādā hutvā te paccaye paribhuñjanti. Kim pana te Bhagavato paccaye paribhuñjanti, gihīnaṃ paccaye paribhuñjantīti. Gihīhi dinnāpi Bhagavatā anuññātattā Bhagavato santakā honti, tasmā te Bhagavato paccaye paribhuñjantīti veditabbaṃ,<sup>2</sup> **Dhammadāyādasuttañ**cettha sādhaṃ.

Khīṇāsavānaṃ paribhogo **sāniparibhogo** nāma, te hi taṇhāya dāsabyaṃ<sup>3</sup> atītattā sāmino hutvā paribhuñjantīti. Imesu paribhogesu sāniparibhogo ca dāyajjaparibhogo ca sabbesampi vaṭṭati, iṇaparibhogo na vaṭṭati, theyyaparibhoge kathāyeva natthi.

Aparepi cattāro **paribhogā** lajjīparibhogo alajjīparibhogo dhammiyaparibhogo adhammiyaparibhogoti.

Tattha alajjino lajjinā saddhim paribhogo vaṭṭati, āpattiyā na kāretabbo. Lajjino alajjinā saddhim yāva na jānāti, tāva vaṭṭati. Ādito paṭṭhāya hi alajjī nāma natthi, tasmā yadāssa alajjībhāvaṃ jānāti, tadā vattabbo “tumhe kāyadvāre ca vacīdvāre ca vītikkamaṃ karotha, taṃ appatirūpaṃ, mā evamakattā”ti. Sace anādiyitvā karotiyeva, yadi tena saddhim paribhogaṃ karoti, sopi alajjīyeva hoti. Yopi attano bhārabhūtena alajjinā saddhim paribhogaṃ karoti, sopi nivāretabbo. Sace na oramati, ayampi alajjīyeva hoti. Evaṃ eko alajjī alajjīsatampi karoti.

1. Ma 1. 12; Am 2. 341 piṭṭhesu.

2. Ma 1. 15 piṭṭhe.

3. Taṇhādāsabyaṃ (Syā)

Alajjino pana alajjināva saddhiṃ paribhoge āpatti nāma natthi. Lajjino lajjinā saddhiṃ paribhogo dvinnam khattiyakumārānam suvaṇṇapātiyaṃ bhojanasadisoti.

Dhammiyādhammiyaparibhogo paccayavasena veditabbo. Tattha sace puggalopi alajjī, piṇḍapātopi adhammiyo, ubho jegucchā. Puggalo alajjī, piṇḍapāto dhammiyo, puggalam jigucchitvā piṇḍapāto na gahetabbo.

**Mahāpaccariyaṃ** pana dussīlo saṃghato uddesabhattādīni labhitvā saṃghasseva deti, etāni yathādānameva gatattā<sup>1</sup> vaṭṭantīti vuttam. Puggalo lajjī, piṇḍapāto adhammiyo, piṇḍapāto jeguccho na gahetabbo. Puggalo lajjī, piṇḍapātopi dhammiyo, vaṭṭati.

Apare **dve paggahā, dve ca paribhogā** lajjīpaggaho alajjīpaggaho, dhammaparibhogo āmisaparibhogoti.

Tattha alajjinā lajjim paggahetuṃ vaṭṭati, na so āpattiyā kāretabbo. Sace pana lajjī alajjim paggaṇhāti, anumodanāya ajjhesati, dhammakathāya ajjhesati, kulesu upatthambheti. Itaropi “amhākaṃ ācariyo īdiso ca īdiso cā”ti tassa parisati<sup>2</sup> vaṇṇam bhāsati, ayaṃ sāsanaṃ osakkāpeti antaradhāpetīti veditabbo.

Dhammaparibhoga-āmisaparibhogesu pana yattha āmisaparibhogo vaṭṭati, tattha dhammaparibhogopi vaṭṭati. Yo pana koṭiyaṃ ṭhito gantho tassa puggalassa accayena nassissati, taṃ dhammānuggahena uggaṇhituṃ vaṭṭatīti vuttam.

Tatridaṃ vatthu—mahābhaye kira ekasseva bhikkhuno mahāniddeso paguṇo ahosi, atha **Catunīkāyikatissattherassa** upajjhāyo **Mahātipīṭakatthero** nāma **Mahārakkhitattheraṃ** āha “āvuso Mahārakkhita etassa santike mahāniddesaṃ gaṇhāhī”ti. Pāpo kirāyaṃ bhante, na gaṇhāmīti. Gaṇhāvuso, ahaṃ te santike nisīdissāmīti. Sādhu bhante, tumhesu nisinnesu gaṇhissāmīti paṭṭhapetvā rattindivaṃ nirantaram

1. Gahitattā (Ka)

2. Parisatiṃ (Sī)



pariyāpuṇanto osānadivase<sup>1</sup> heṭṭhāmañce itthim disvā “bhante sutamīyeva me pubbe, sacāham evaṃ jāneyyaṃ, na īdisassa santike dhammaṃ pariyāpuṇeyyaṃ”ti āha. Tassa pana santike bahū mahātherā uggaṇhitvā mahāniddeṣaṃ paṭiṭṭhāpesuṃ.

586. **Rūpiye rūpiyasaññī**ti ettha sabbampi jātarūparajataṃ rūpiyasaṅgahameva gatanti veditabbaṃ.

**Rūpiye vematikoti** “suvaṇṇaṃ nu kho, kharapattaṃ nu kho”ti-ādinā nayena saṃsayajāto.

**Rūpiye arūpiyasaññī**ti suvaṇṇādīsu kharapattādīsaññī. Apica puññakāmā rājorodhādayo bhattachajjakagandhapiṇḍādīsu pakkhipitvā hiraññasuvaṇṇaṃ denti, coḷabhikkhāya carantānaṃ dussante<sup>2</sup> baddhakahāpaṇādīhiyeva saddhim coḷakāni denti, bhikkhū bhattādīsaññāya vā coḷakasaññāya vā paṭiggaṇhanti, evampi rūpiye arūpiyasaññī rūpiyaṃ gaṇhātīti veditabbo. Paṭiggaṇhantena pana “imasmiṃ gehe idaṃ laddhaṃ”ti sallakkhetabbaṃ. Yena hi assatiyā dinnāṃ hoti, so satim paṭilabhitvā puna āgacchati, athassa vattabbaṃ “tava coḷakaṃ passāhī”ti. Sesamettha uttānatthameva.

Samuṭṭhānādīsu chasamuṭṭhānaṃ, siyā kiriyāṃ gahaṇena āpajjanato, siyā akiriyāṃ paṭikkhepassa akaraṇato, rūpiya-aññavādaka-upassutisikkhāpadāni hi tīṇi ekaparicchedāni. Nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Rūpiyasikkhāpadavaṇṇanā niṭṭhitā.

## 9. Rūpiyasamvohārasikkhāpadavaṇṇanā

587. **Tena samayenā**ti Rūpiyasamvohārasikkhāpadaṃ. Tattha **nānappakārakanti** katākatādivasena anekavidhaṃ. **Rūpiyasamvohāranti** jātarūparajataparivattanaṃ. **Samāpajantī**ti paṭiggahaṇasseva paṭikkhittattā paṭiggahitaparivattane dosaṃ apassantā karonti.

1. Osāpanadivase (Sī)

2. Dasante (Sī)

589. **Sīsūpaganti**-ādīsu sīsāṃ upagacchatīti sīsūpaṃ, potthakesu pana “sīsūpakan”ti likhitaṃ, yassa kassaci sīsālaṅkārassetaṃ adhivacanaṃ. Esa nayo sabbattha. **Katena katanti**-ādīsu suddho rūpiyaṃvohāroyeva.

**Rūpiye rūpiyasaññī**-ādimhi purimasikkhāpade vuttavatthūsu nissaggiyavatthunā nissaggiyavatthum cetāpentassa mūlaggaḥaṇe purimasikkhāpadena nissaggiyaṃ pācittiyaṃ. Aparāparaparivattane<sup>1</sup> iminā nissaggiyapācittiyameva. Nissaggiyavatthunā dukkaṭavatthum vā kappiyavatthum vā cetāpentassapi eseva nayo. Yo hi ayaṃ **arūpiye rūpiyasaññī rūpiyaṃ cetāpetī**-ādi dutiyo tiko vutto, tassānulomattā avuttopi ayamaparopi **rūpiye rūpiyasaññī arūpiyaṃ cetāpetī**-ādi tiko veditabbo. Attano vā hi arūpiyena parassa rūpiyaṃ cetāpeyya, attano vā rūpiyena parassa arūpiyaṃ, ubhayathāpi rūpiyaṃvohāro katoyeva hoti, tasmā Pāliyaṃ ekantena rūpiyapakkhe ekoyeva tiko vuttoti.

Dukkaṭavatthunā pana nissaggiyavatthum cetāpentassa mūlaggaḥaṇe purimasikkhāpadena dukkaṭaṃ, pacchā parivattane iminā nissaggiyaṃ pācittiyaṃ, garukassa cetāpitattā. Dukkaṭavatthunā dukkaṭavatthumeva, kappiyavatthum vā cetāpentassa mūlaggaḥaṇe purimasikkhāpadena dukkaṭaṃ, pacchā parivattanepi iminā dukkaṭameva. Kasmā? Akappiyavatthunā cetāpitattā. **Andhakatṭhakathāyaṃ** pana “sace kayavikkayaṃ samāpajjeyya, nissaggiyaṃ pācittiyaṃ”ti bhāsitaṃ, taṃ dubbhāsitaṃ. Kasmā? Na hi dānaggahaṇato añño kayavikkayo nāma atthi, kayavikkayasikkhāpadañca kappiyavatthunā kappiyavattuparivattanameva sandhāya vuttaṃ, tañca kho aññatra sahadhammikehi. Idaṃ sikkhāpadaṃ rūpiyena ca rūpiyārūpiyacetāpanaṃ, arūpiyena ca rūpiyacetāpanaṃ. Dukkaṭavatthunā pana dukkaṭavatthuno cetāpanaṃ neva idha, na tattha Pāliyaṃ vuttaṃ, na cettha anāpatti bhavituṃ arahati. Tasmā yatheva dukkaṭavatthuno paṭiggahaṇe dukkaṭaṃ, tatheva tassa vā tena vā cetāpanepi dukkaṭaṃ yuttanti Bhagavato adhippāyaññūhi vuttaṃ.

---

1. Aparāparaṃ parivattane (Sī, Syā)

Kappiyavatthunā pana nissaggiyavatthum cetāpentassa mūlaggaḥaṇe purimasikkhāpadena anāpatti, pacchā parivattane iminā nissaggiyaṃ pācittiyaṃ. Vuttañhetam “arūpiye arūpiyasaññī rūpiyaṃ cetāpeti, nissaggiyaṃ pācittiyaṃ”ti. Teneva kappiyavatthunā dukkaṭavattum cetāpentassa mūlapaṭiggahaṇe tatheva anāpatti, pacchā parivattane iminā dukkaṭam. Kasmā? Akappiyassa cetāpitattā. Kappiyavatthunā pana kappiyavatthum aññatra sahadhammikehi cetāpentassa mūlaggaḥaṇe purimasikkhāpadena anāpatti, pacchā parivattane upari kayavikkayasikkhāpadena nissaggiyaṃ pācittiyaṃ. Kayavikkayaṃ mocetvā gaṇhantassa uparisikkhāpadenapi anāpatti. Vaddhim payojentassa dukkaṭam.

Imassa ca rūpiyaṃvohārassa garukabhāvadīpakaṃ idaṃ pattacatuḅkaṃ veditabbaṃ—yo hi rūpiyaṃ uggaṇhitvā tena ayabjāṃ samuṭṭhāpeti, taṃ koṭṭāpetvā tena lohena pattaṃ kāreti, ayaṃ patto mahā-akappiyo nāma, na sakkā kenaci upāyena kappiyo kātum. Sacepi taṃ vināsetvā thālakam kāreti, tampi akappiyaṃ. Vāsiṃ kāreti, tāya chinnaṃ dantakaṭṭhampi akappiyaṃ. Baḷisaṃ kāreti, tena māritā macchāpi akappiyā. Vāsiphalaṃ tāpetvā udakaṃ vā khīraṃ vā uṇhāpeti, tampi akappiyameva.

Yo pana rūpiyaṃ uggaṇhitvā tena pattaṃ kiṇāti, ayampi patto akappiyo. “Pañcannampi sahadhammikānaṃ na kappatī”ti **Mahāpaccariyaṃ** vuttaṃ. Sakkā pana kappiyo kātum, so hi mūle mūlasāmikānaṃ, patte ca pattasāmikānaṃ dinne kappiyo hoti. Kappiyabhaṇḍaṃ datvā gahetvā paribhuñjituṃ vaṭṭati.

Yopi rūpiyaṃ uggaṇhāpetvā kappiyakārakena saddhim kammārakulaṃ gantvā pattaṃ disvā “ayaṃ mayhaṃ ruccatī”ti vadati. Kappiyakārako ca taṃ rūpiyaṃ datvā kammāraṃ saññāpeti, ayampi patto kappiyavohārena gahitopi dutiyapattasadisoyeva, mūlassa sampaṭicchitattā akappiyo. Kasmā sesānaṃ na kappatīti? Mūlassa anissaṭṭhattā.

Yo pana rūpiyaṃ asampaṭicchitvā “therassa pattaṃ kiṇitvā dehi”ti pahitakappiyakārakena saddhim kammārakulaṃ gantvā pattaṃ disvā “ime

kahāpaṇe gahetvā imaṃ dehi”ti kahāpaṇe dāpetvā gahito, ayaṃ patto etasseva bhikkhuno na vaṭṭati dubbicāritattā, aññesaṃ pana vaṭṭati mūlassa asampaṭicchitattā.

**Mahāsumattherassa** kira upajjhāyo **Anuruddhatthero** nāma ahosi. So attano evarūpaṃ pattam sappissa pūretvā saṃghassa nissajji.

**Tipiṭakacūlanāgattatherassapi** saddhivihārikānaṃ evarūpo patto ahosi. Tam theropi sappissa pūrāpetvā saṃghassa nissajjāpesīti. Idam akappiyapattacatukkam.

Sace pana rūpiyaṃ asampaṭicchitvā “therassa pattam kiṇitvā dehi”ti pahitakappiyakārakena saddhim kammārakulam gantvā pattam disvā “ayaṃ mayham rucati”ti vā “imāham gahessāmī”ti vā vadati, kappiyakārako ca tam rūpiyaṃ datvā kammāraṃ saññāpeti, ayaṃ patto sabbakappiyo Buddhānampi paribhogārahoti.

591. **Arūpiye rūpiyasaññīti** kharapattādīsu suvaṇṇādisaññī. **Āpatti dukkaṭassāti** sace tena arūpiyaṃ cetāpeti, dukkaṭāpatti hoti. Esa nayo vematike. Arūpiyasaññissa pana pañcahi sahadhammikehi saddhim “imaṃ gahetvā imaṃ dethā”ti kayavikkayaṃ karontassāpi anāpatti. Sesam uttānameva.

Chasamuṭṭhānaṃ, kiriyaṃ, nosaññāvimokkham, acittakam, paṇṇattivajjam, kāyakammavacīkammaṃ, ticittaṃ, tivedananti.

Rūpiyasamvohārasikkhāpadavaṇṇanā niṭṭhitā.

## 10. Kayavikkayasikkhāpadavaṇṇanā

593. **Tena samayenāti** Kayavikkayasikkhāpadaṃ. Tattha **kati hipi tyāyanti** kati te ayaṃ, **hikāro** panettha padapūraṇo, **pikāro** garahāyaṃ, ayaṃ dubbalasaṅghāṭi tava kati divasāni bhavissatīti attho. Atha vā **katihampi tyāyantipi** pāṭho. Tattha **katihanti** kati ahāni, kati divasānīti vuttam hoti. Sesam vuttanayameva. **Katihipi myāyanti**

idampi eteneva nayena veditabbaṃ. **Gihīpi naṃ gihissāti** ettha **nanti** nāmatthe nipāto, gihīpi nāma gihissāti vuttam hoti.

594. **Nānappakārakanti** cīvarādīnaṃ kappiyabhaṇḍānaṃ vasena anekavidhaṃ. Tenevassa padabhājane cīvaraṃ ādim katvā dasikasuttapariyosānaṃ kappiyabhaṇḍameva dassitaṃ. Akappiyabhaṇḍaparivattanaṃ hi kayavikkayaśaṅgahaṃ na gacchati. **Kayavikkayanti** kayañceva vikkayañca. “Iminā imaṃ dehī”ti-ādinā hi nayena parassa kappiyabhaṇḍaṃ gaṇhanto kayam samāpajjati, attano kappiyabhaṇḍaṃ dento vikkayaṃ.

595. **Ajjhācaratīti** abhibhavitvā<sup>1</sup> carati, vītikkamavācaṃ bhāsati attho. **Yato kayitañca hoti vikkayitañcāti** yadā kayitañca hoti parabhaṇḍaṃ attano hatthagataṃ karontena, vikkītañca attano bhaṇḍaṃ parahatthagataṃ karontena. “Iminā iman”ti-ādivacanānurūpato pana pāṭhe pāṭhamaṃ attano bhaṇḍaṃ dassitaṃ.

**Nissajjitabbanti** evaṃ parassa hatthato kayavasena<sup>2</sup> gahitakappiyabhaṇḍaṃ nissajjitabbaṃ. Ayaṃ hi kayavikkayo ṭhapetvā pañca sahadhammike avasesehi ghipabbajjitehi antamaso mātāpitūhipi saddhim na vaṭṭati.

Tatrāyaṃ vinicchayo—vatthena vā vatthaṃ hotu, bhattena vā bhattaṃ, yaṃkiñci kappiyaṃ “iminā imaṃ dehī”ti vadati, dukkaṭaṃ. Evaṃ vatvā mātuyāpi attano bhaṇḍaṃ deti, dukkaṭaṃ. “Iminā imaṃ dehī”ti vutto vā “imaṃ dehi, imaṃ te dassāmi”ti vatvā vā mātuyāpi bhaṇḍaṃ attanā gaṇhāti, dukkaṭaṃ. Attano bhaṇḍe parahatthaṃ, parabhaṇḍe ca attano hatthaṃ sampatte nissaggiyaṃ. Mātaraṃ, pana pitaraṃ vā “imaṃ dehī”ti vadato viññatti na hoti. “Imaṃ gaṇhāhi”ti vadato saddhādeyyavinipātanaṃ na hoti. Aññātaṃ “imaṃ dehī”ti vadato viññatti hoti. “Imaṃ gaṇhāhi”ti vadato saddhādeyyavinipātanaṃ hoti. “Iminā imaṃ dehī”ti kayavikkayaṃ āpajjato nissaggiyaṃ. Tasmā kappiyabhaṇḍaṃ parivattentena mātāpitūhipi saddhim kayavikkayaṃ aññātakehi saddhim tisso āpattiyo mocentena parivattetabbaṃ.

1. Adhibhavitvā (Sī)

2. Kayavikkayavasena (Sī, Syā)

Tatrāyaṃ parivattanavidhi—bhikkhussa pātheyyataṇḍulā honti, so antarāmagge bhattachattham purisaṃ disvā “amhākaṃ taṇḍulā atthi, na ca no imehi attho, bhattena pana attho”ti vadati. Puriso taṇḍule gahetvā bhattacham deti, vaṭṭati, tissopi āpattiyo na honti. Antamaso nimittakammamattampi na hoti. Kasmā? Mūlassa atthitāya. Parato ca vuttameva “idaṃ amhākaṃ atthi, amhākaṃca iminā ca iminā ca atthoti bhaṇati”ti. Yo pana evaṃ akatvā “iminā imaṃ dehī”ti parivatteti, yathāvatthukameva. Vighāsādaṃ disvā “imaṃ odanaṃ bhuñjivā rajanaṃ vā dārūni vā āharā”ti vadati, rajanachalligaṇanāya, dārugaṇanāya ca nissaggiyāni honti. “Imaṃ odanaṃ bhuñjivā imaṃ nāma karoṭhā”ti dantakārādīhi sippikehi dhamakaraṇādīsutaṃ taṃ parikkhāraṃ kāreti, rajakehi vā vattham dhovāpeti, yathāvatthukameva. Nhāpitenā kese chindāpeti, kammakārehi navakammaṃ kāreti, yathāvatthukameva. Sace pana “imaṃ bhattacham bhuñjivā imaṃ karoṭhā”ti na vadati, “imaṃ bhattacham bhuñja, bhuttosi, bhuñjissasi, imaṃ nāma karoṭhī”ti vadati, vaṭṭati. Ettha ca kiñcāpi vatthadhovane vā kesacchedane vā bhūmisodhanādinavakamme vā parabhaṇḍaṃ attano hatthagataṃ nissajjitabbaṃ nāma natthi. **Mahā-atthakathāyaṃ** pana daḷhaṃ katvā vuttattā na sakkā taṃ paṭikkhipituṃ. Tasmā yathā nissaggiyavatthumhi paribhutte vā naṭṭhe vā pācittiyam deseti, evamidhāpi desetabbaṃ.

596. **Kayavikkaye kayavikkayasaññī**ti-ādimhi yo kayavikkayaṃ samāpajjati, so tasmim kayavikkayasaññī vā bhavatu, vematiko vā na kayavikkayasaññī vā, nissaggiyapācittiyameva. **Cūlattike** dvīsu padesu dukkaṭamevāti evamattho daṭṭhabbo.

597. **Agghaṃ pucchati**ti “ayaṃ tava patto kim agghati”ti pucchati. “Imaṃ nāmā”ti vutte pana sace tassa kappiyabhaṇḍaṃ mahagghaṃ hoti, evañca naṃ paṭivadati “upāsaka mama idaṃ vatthu mahagghaṃ, tava pattaṃ aññassa dehī”ti. Taṃ sutvā itaro “aññaṃ thālakampi dassāmi”ti vadati, gaṇhituṃ vaṭṭati, “idaṃ amhākaṃ atthī”ti vuttalakkhaṇe patati. Sace so patto mahaggho, bhikkhuno vatthu appagghaṃ, pattasāmiko cassa appagghabhāvaṃ na jānāti, patto na gahetabbo, “mama vatthu appagghaṃ”ti ācikkhitabbaṃ. Mahagghabhāvaṃ

ñatvā vañcetvā gaṇhanto hi gahitabhaṇḍam agghāpetvā kāretabbatam āpajjati. Sace pattasāmiko “hotu bhante, sesam mama puññam bhavissati”ti deti, vaṭṭati.

**Kappiyakārakassa ācikkhatī**ti yassa hatthato bhaṇḍam gaṇhāti, tam ṭhapetvā aññam antamaso tassa puttabhātikampi kappiyakārakam katvā “iminā imam nāma gahetvā dehi”ti ācikkhati. So ce cheko hoti, punappunam apantvā vivaditvā gaṇhāti, tuṇhībhūtena ṭhātabbam. No ce cheko hoti, na jānāti gahetum, vāṇijako tam vañceti, “mā gaṇhā”ti vattabbo.

**Idam amhākanti** ādimhi “idam paṭiggahitam telam vā sappi vā amhākam atthi, amhākañca aññena appaṭiggahitakena attho”ti bhaṇati. Sace so tam gahetvā aññam deti, paṭhamam attano telam na mināpetabbam. Kasmā? Nāḷiyañhi avasiṭṭhatelam hoti, tam pacchā minantassa appaṭiggahitakam dūseyyāti. Sesam uttānameva.

Chasamuṭṭhānam, kiriyaṃ, nosaññāvimokkham, acittakam, paṇṇattivajjam, kāyakammavacīkammaṃ, ticittam, tivedananti.

Kayavikkayasikkhāpadavaṇṇanā niṭṭhitā.

Niṭṭhito kosiyavaggo dutiyo.

### 3. Pattavagga 1. Pattasikkhāpadavaṇṇanā

598. **Tena samayenāti** Pattasikkhāpadam. Tattha **pattavāṇijjanti** gāmanigamādīsu vicarantā pattavāṇijjam vā karissanti. **Āmattikāpaṇam vāti** amattāni<sup>1</sup> vuccanti bhājanāni, tāni yesam bhaṇḍam<sup>2</sup>, te āmattikā, tesam<sup>3</sup> āmattikānam āpaṇam āmattikāpaṇam, kulālabhaṇḍavāṇijakāpaṇanti attho.

602. **Tayo pattassa vaṇṇāti** tīṇi pattassa pamāṇāni. **Aḍḍhāḷhakodanam gaṇhātī**ti Magadhanāḷiyā dvinnam taṇḍulanāḷīnam odanam gaṇhāti.

1. Āmattāni (Syā, Ka)

2. Bhaṇḍāni (Ka)

3. Idam padam Sī-potthake natthi.

Magadhanāḷi nāma aḍḍhaterasapalā hotīti **Andhakaṭṭhakathāyaṃ** vuttaṃ. Sihaḷadīpe pakatināḷi mahantā, damiḷanāḷi khuddakā, Magadhanāḷi pamāṇayuttā, tāya Magadhanāḷiyā diyadḍhanāḷi ekā Sihaḷanāḷi hotīti **Mahā-aṭṭhakathāyaṃ** vuttaṃ. **Catubhāgaṃ khādananti** odanassa catutthabhāgappamāṇaṃ khādanam, taṃ hatthahāriyassa muggasūpassa vasena veditabbarṃ. **Tadupiyaṃ byañjananti** tassa odanassa anurūpaṃ macchamaṃsasākaphalakaḷīrādibyañjanam.

Tatrāyaṃ vinicchayo—anupahatapurāṇasālitaṇḍulānaṃ sukoṭṭitaparissuddhānaṃ dve Magadhanāḷiyo gahetvā tehi taṇḍulehi anuttaṇḍulam akilinnam apiṇḍitam suvisadam kundamakuḷarāsisadisam avassāvitodanam pacitvā niravasesam patte pakkhipitvā tassa odanassa catutthabhāgappamāṇo nātighano nātitanuko hatthahāriyo sabbasambhārasaṅkhato muggasūpo pakkhipitabbo, tato ālopassa ālopassa anurūpaṃ yāvacarimālopappahonakam macchamaṃsādibyañjanam pakkhipitabbarṃ, sappitelatakkarasakaṅjikādīni pana gaṇanūpagāni na honti, tāni hi odanagatikāneva, neva hāpetum, na vaḍḍhetum sakkonti. Evametaṃ sabbampi pakkhittam sace pattassa mukhavaṭṭiyā heṭṭhimarājisamaṃ tiṭṭhati, suttana vā hīrena vā chindantassa suttassa vā hīrassa vā heṭṭhimantaṃ phusati, ayam ukkaṭṭho nāma patto. Sace taṃ rājīm atikkamma thūpīkataṃ tiṭṭhati, ayam ukkaṭṭhomako nāma patto. Sace taṃ rājīm na sampāpuṇāti, antogatameva hoti, ayam ukkaṭṭhukkaṭṭho nāma patto.

**Nāḷikodananti** Magadhanāḷiyā ekāya taṇḍulanāḷiyā odanam. **Patthodananti** Magadhanāḷiyā upaḍḍhanāḷikodanam. Sesaṃ vuttanayeneva veditabbarṃ. Ayam pana nāmamate viseso—sace nāḷikodanādi sabbampi pakkhittam vuttanayeneva heṭṭhimarājisamaṃ tiṭṭhati, ayam majjhimo nāma patto. Sace taṃ rājīm atikkamma thūpīkataṃ tiṭṭhati, ayam majjhimomako nāma patto. Sace taṃ rājīm na sampāpuṇāti antogatameva hoti, ayam majjhimukkaṭṭho nāma patto. Sace patthodanādi sabbampi pakkhittam heṭṭhimarājisamaṃ tiṭṭhati, ayam omako nāma patto. Sace taṃ rājīm atikkamma thūpīkataṃ tiṭṭhati. Ayam omakomako nāma patto. Sace taṃ rājīm na pāpuṇāti, antogatameva hoti, ayam omakukkaṭṭho nāma pattoti evamete nava pattā. Tesu dve apattā



ukkaṭṭhukkaṭṭho ca omakomako ca. “Tato ukkaṭṭho apatto omako apatto”ti idaṃ hi ete sandhāya vuttaṃ. Ukkaṭṭhukkaṭṭho hi ettha ukkaṭṭhato ukkaṭṭhattā “tato ukkaṭṭho apatto”ti vutto. Omakomako ca omakato omakattā “tato omako apatto”ti vutto. Tasmā ete bhājanaparibhogena paribhuñjitabbā, na adhiṭṭhānupagā na vikappanupagā. Itare pana satta adhiṭṭhahitvā vā vikappetvā vā paribhuñjitabbā, evaṃ akatvā taṃ dasāhaṃ atikkāmayato nissaggiyaṃ pācittiyanti taṃ sattavidhampi pattamā dasāhaparamaṃ kālaṃ atikkāmayato nissaggiyaṃ pācittiyam.

607. **Nissaggiyaṃ pattamā anissajjitvā paribhuñjati**ti yāgum pivitvā dhote dukkaṭam, khajjakaṃ khādītva bhattaṃ bhuñjitvā dhote dukkaṭanti evaṃ payoge payoge dukkaṭam.

608. **Anāpatti antodasāhaṃ adhiṭṭheti vikappeti**ti ettha pana pamāṇayuttassapi adhiṭṭhānavikappanupagattaṃ evaṃ vedittabbaṃ— ayopatto pañcahi pākehi, mattikāpato dvīhi pākehi pakko adhiṭṭhānupago, ubhopi yaṃ mūlaṃ dātabbaṃ, tasmīṃ dinneyeva. Sace ekopi pāko ūno hoti, kākaṇikamattampi vā mūlaṃ adinnaṃ, na adhiṭṭhānupago. Sacepi pattasāmiko vadati “yadā tumhākaṃ mūlaṃ bhavissati, tadā dassatha, adhiṭṭhahitvā paribhuñjathā”ti, neva adhiṭṭhānupago hoti, pākassa hi ūnattā pattasaṅkhaṃ na gacchati, mūlassa sakalassa vā ekadesassa vā adinnattā sakabhāvaṃ na upeti, aññasseva santako hoti. Tasmā pāke ca mūle ca niṭṭhiteyeva adhiṭṭhānupago hoti. Yo adhiṭṭhānupago, sveva vikappanupago. So hatthaṃ āgatopi anāgatopi adhiṭṭhātabbo, vikappetabbo vā. Yadi hi pattakārako mūlaṃ labhitvā sayam vā dātukāmo hutvā “ahaṃ bhante tumhākaṃ pattam katvā asukadivase nāma pacitvā ṭhapessāmī”ti vadati, bhikkhu ca tena paricchinnadivasato dasāhaṃ atikkāmeti, nissaggiyaṃ pācittiyam. Sace pana pattakārako “ahaṃ tumhākaṃ pattam katvā pacitvā sāsanaṃ pesessāmī”ti vatvā tatheva karoti, tena pesitabhikkhu pana tassa bhikkhuno na āroceti, añño disvā vā sutvā vā “tumhākaṃ bhante patto niṭṭhito”ti āroceti, etassa ārocanaṃ na pamāṇam. Yadā pana tena

pesitoyeva āroceti, tassa vacanaṃ sutadivasato paṭṭhāya dasāhaṃ atikkāmayato nissaggiyaṃ pācittiyaṃ. Sace pattakāraḥko “ahaṃ tumhākaṃ pattam katvā pacitvā kassaci hatthe paṇiṇissāmi”ti vatvā tatheva karoti, pattam gahetvā āgatabhikkhu pana attano pariveṇe ṭhapetvā tassa na āroceti, añño koci bhaṇati “api bhante adhunā ābhato patto sundaro”ti. Kuhiṃ āvuso pattoti. Itthannāmassa hatthe pesitoti. Etassapi vacanaṃ na pamāṇaṃ. Yadā pana so bhikkhu pattam deti, laddhadivasato paṭṭhāya dasāhaṃ atikkāmayato nissaggiyaṃ pācittiyaṃ. Tasmā dasāhaṃ anatikkāmetvāva adhiṭṭhātabbo, vikappetabbo vā.

Tattha dve pattassa **adhiṭṭhānā** kāyena vā adhiṭṭhāti, vācāya vā adhiṭṭhāti. Tesam vasena adhiṭṭhahantena ca “imaṃ pattam paccuddharāmi”ti vā “etaṃ pattam paccuddharāmi”ti vā evaṃ sammukhe vā parammukhe vā ṭhitam purāṇapattam paccuddharitvā aññassa vā datvā navam pattam yattha katthaci ṭhitam hatthena parāmasitvā “imaṃ pattam adhiṭṭhāmi”ti cittena ābhogaṃ katvā kāyavikāraṃ karontena kāyena vā adhiṭṭhātabbo. Vacībhedaṃ katvā vācāya vā adhiṭṭhātabbo. Tatra duvidham adhiṭṭhānam—sace hatthapāse hoti “imaṃ pattam adhiṭṭhāmi”ti vācā bhinditabbā. Atha antogabbhe vā uparipāsāde vā sāmantavihāre vā hoti, ṭhapitaṭṭhānam sallakkhetvā “etaṃ pattam adhiṭṭhāmi”ti vācā bhinditabbā.

Adhiṭṭhahantena pana ekakena adhiṭṭhātumpi vaṭṭati. Aññassa santike adhiṭṭhātumpi vaṭṭati. Aññassa santike ayamānisaṃso—sacassa “adhiṭṭhito nu kho me, no”ti vimati uppajjati, itaro sāretvā vimatiṃ chindissatīti. Sace koci dasa patte labhitvā sabbeva attanāva paribhuñjitukāmo hoti, na sabbe adhiṭṭhātabbā. Ekaṃ pattam adhiṭṭhāya punadivase tam paccuddharitvā añño adhiṭṭhātabbo. Etenupāyena vassasatampi pariharitum sakkā.

Evaṃ appamattassa bhikkhuno siyā adhiṭṭhānavijahananti? Siyā. Sace hi ayam pattam aññassa vā deti, vibbhamati vā, sikkham vā paccakkhāti, kālam vā karoti, liṅgam vāssa parivattati, paccuddharati vā, patte vā chiddam hoti, adhiṭṭhānam vijahati, vuttampi cetam—

“Dinnavibbhantapaccakkhā, kālamkiriyākatena ca.  
Līṅgapaccuddharā ceva, chiddena bhavati sattaman”ti.

Coraharaṇavissāsaggāhehipi vijahatiyeva. Kittakena chiddena adhiṭṭhānam bhijjati? Yena kaṅgusittham nikkhamati ceva pavisati ca. Idam hi sattanam dhaññānam lāmakadhaññasittham. Tasmim ayacuṇṇena vā āṇiyā vā paṭipākatike kate dasāhabbhantare puna adhiṭṭhātabbo. Ayaṁ tāva **antodasāham adhiṭṭheti vikappeti**ti ettha adhiṭṭhāne vinicchayo.

Vikappane pana **dve vikappanā** sammukhāvikappanā ca parammukhāvikappanā ca. Katham **sammukhāvikappanā** hoti? Pattānam ekabahubhāvam, sannihitāsannihitabhāvaṅca ñatvā “imam pattan”ti vā “ime patte”ti vā “etaṁ pattan”ti vā “ete patte”ti vā vatvā “tuyham vikappemi”ti vattabam. Ayamekā sammukhāvikappanā. Ettāvatā nidhetum vaṭṭati, paribhuñjitum vā vissajjetum vā adhiṭṭhātum vā na vaṭṭati. “Mayham santakam paribhuñja vā vissajjehi vā yathāpaccayam vā karohi”ti evam pana vutte paccuddhāro nāma hoti, tato pabhuti paribhogādayopi vaṭṭanti.

Aparo nayo—tatheva pattānam ekabahubhāvam, sannihitāsannihitabhāvaṅca ñatvā tasseva bhikkhuno santike “imam pattan”ti vā “ime patte”ti vā “etaṁ pattan”ti vā “ete patte”ti vā vatvā pañcasu sahadhammikesu aññatarassa attanā abhirucitassa yassa kassaci nāmam gahetvā “tissassa bhikkhuno vikappemi”ti vā “tissāya bhikkhuniyā. Sikkhamānāya. Sāmaṇerassa. Tissāya sāmaṇeriyā vikappemi”ti vā vattabam. Ayaṁ aparāpi sammukhāvikappanā. Ettāvatā nidhetum vaṭṭati, paribhogādīsu pana ekampi na vaṭṭati. Tena pana bhikkhunā “tissassa bhikkhuno santakam -pa- tissāya sāmaṇeriyā santakam paribhuñja vā vissajjehi vā yathāpaccayam vā karohi”ti vutte paccuddhāro nāma hoti. Tato pabhuti paribhogādayopi vaṭṭanti.

Katham **parammukhāvikappanā** hoti? Pattānam theva ekabahubhāvam, sannihitāsannihitabhāvaṅca ñatvā “imam pattan”ti vā “ime patte”ti vā “etaṁ pattan”ti vā “ete patte”ti vā vatvā “tuyham vikappanattāya dammi”ti vattabam. Tena vattabbo “ko te mitto vā sandiṭṭho vā”ti. Tato itarena

purimanayeneva “tisso bhikkhū”ti vā -pa- “tissā sāmaṇerī”ti vā vattabbaṃ. Puna tena bhikkhunā “ahaṃ tissassa bhikkhuno dammi”ti vā -pa- “tissāya sāmaṇeriyā dammi”ti vā vattabbaṃ. Ayaṃ parammukhāvikkappanā. Ettāvataṃ nidhetuṃ vaṭṭati, paribhogādīsu pana ekampi na vaṭṭati. Tena pana bhikkhunā dutiyasammukhāvikkappanāyaṃ vuttanayeneva “itthannāmassa santakaṃ paribhuñja vā vissajjehi vā yathāpaccayaṃ vā karohī”ti vutte paccuddhāro nāma hoti. Tato pabhuti paribhogādayopi vaṭṭanti.

Imāsaṃ pana dvinnāṃ vikappanānaṃ nānākaraṇaṃ, avaseso ca vacanakkamo<sup>1</sup> sabbo Paṭhamakathinasikkhāpadavaṇṇanāyaṃ vuttanayeneva veditabbo saddhiṃ samuṭṭhānādīhīti.

Pattasikkhāpadavaṇṇanā niṭṭhitā.

## 2. Ūnapañcabandhanasikkhāpadavaṇṇanā

609. **Tena samayenāti** Ūnapañcabandhanasikkhāpadaṃ. Tattha **na yāpetīti** so kira yadi ariyasāvako nābhavissā, aññathattampi agamissā, evaṃ tehi ubbāḷho. Sotāpannattā pana kevalaṃ sarīreneva na yāpeti. Tena vuttaṃ “attanāpi na yāpeti, puttadārāpissa kilamantī”ti.

612-3. **Ūnapañcabandhanenāti** ettha ūnāni pañca bandhanāni assāti ūnapañcabandhano, nāssa pañca bandhanāni pūrentīti attho, tena ūnapañcabandhanena. Itthambhūtaṃ lakkhaṇaṃ karaṇavacanaṃ. Tattha yasmā abandhanassapi pañca bandhanāni na pūrenti sabbaso natthitāya, tasmā padabhājanā “abandhano vā”ti-ādi vuttaṃ. “Ūnapañcabandhanenā”ti ca vuttattā yassa pañcabandhano patto hoti, tassa so apatto, tasmā aññaṃ viññāpetuṃ vaṭṭati. Bandhanañca nāmetāṃ yasmā bandhanokāse sati hoti, asati na hoti, tasmā tassa lakkhaṇaṃ dassetuṃ “abandhanokāso nāmā”ti-ādi vuttaṃ.

**Dvaṅgulā rāji na hotīti** mukhavaṭṭito heṭṭhā dvaṅgulappamaṇā ekāpi rāji na hoti. **Yassa dvaṅgulā rāji hotīti** yassa pana tādisā

1. Vaṇṇanākkamo (Sī, Syā)

ekā rāji hoti, so tassā rājiyā heṭṭhimapariyante pattavedhakena vijjhivā pacivā suttarajjuka makacirajjukādīhi vā tipusuttakena vā bandhitabbo. Tam bandhanam āmisassa alagganattam tipupaṭṭakena vā kenaci baddhasilesena vā paṭicchādetabbam. So ca patto adhiṭṭhahitvā paribhuñjitabbo, sukhumam vā chiddam katvā bandhitabbo. Suddhehi pana madhusitthakalākhāsajjulasādīhi bandhitum na vaṭṭati. Phāṇitam jhāpetvā pāsāṇacuṇṇena bandhitum vaṭṭati. Mukhavaṭṭisamīpe pana pattavedhakena vijjhiyamāno kapālassa bahalattā bhijjati. Tasmā heṭṭhā vijjhitabbo. Yassa pana dve rājiyo, ekāyeva vā caturaṅgulā, tassa dve bandhanāni dātabbāni. Yassa tisso, ekāyeva vā chaṅgulā, tassa tīṇi. Yassa catasso, ekāyeva vā aṭṭhaṅgulā, tassa cattāri. Yassa pañca, ekāyeva vā dasaṅgulā, so baddhopi abaddhopi apattoyeva, añño viññāpetabbo. Esa tāva **mattikāpatte** vinicchayo.

**Ayopatte** pana sacepi pañca vā atirekāni vā chiddāni honti, tāni ce ayacuṇṇena vā āṇiyā vā lohamaṇḍalakena vā baddhāni maṭṭhāni honti, sveva patto paribhuñjitabbo, na añño viññāpetabbo. Atha pana ekampi chiddam mahantam hoti, lohamaṇḍalakena baddhampi maṭṭham na hoti, patte āmisam laggati, akappiyo hoti ayam apatto. Añño viññāpetabbo.

615. **Thero vattabboti** patte ānisaṃsam dassetvā “ayam bhante patto pamāṇayutto sundaro therānurūpo, tam gaṇhathā”ti vattabbo. **Yo na gaṇheyyāti** anukampāya na gaṇhantassa dukkaṭam. Yo pana santuṭṭhiyā “kim me aññena pattenā”ti na gaṇhāti, tassa anāpatti. **Pattapariyantoti** evam parivattetvā pariyanthe ṭhitapatto.

**Na adeseti** mañcapīṭhachattanāgadantakādike adese na nikkhipitabbo. Yattha purimam sundaram pattam ṭhapeti, tattheva ṭhapetabbo. Pattassa hi nikkhipanadeso “anujānāmi bhikkhave ādhāraṇaṃ”ti<sup>1</sup> ādinā nayena **Khandhake** vuttoyeva.

---

1. Pattādhāraṇanti (Vi 4. 249 piṭṭhe.)

**Na abhogenā**ti yāgurandhanarajanapacanādinā aparibhogena na paṛibhuñjitabbo. Antarāmagge pana byādhimhi uppanne aññasmim bhājane asati mattikāya limpētvā yāguṃ vā pacitum, udakaṃ vā tāpetum vaṭṭati.

**Na vissajjetabboti** aññassa na dātabbo. Sace pana saddhivihāriko vā antevāsiko vā aññaṃ varapattam ṭhapētvā “ayaṃ mayhaṃ sāruppo, ayaṃ therassā”ti gaṇhāti, vaṭṭati. Añño vā taṃ gaheṭvā attano pattam deti, vaṭṭati. “Mayhameva pattam āharā”ti vattabbakiccaṃ natthi.

617. **Pavāritānanti** ettha saṃghavasena pavāritaṭṭhāne pañcabandhaneneva vaṭṭati. Puggalavasena pavāritaṭṭhāne ūnapañcabandhanenāpi vaṭṭatīti **Kurundiyaṃ** vuttam. Sesametta uttānatthameva.

Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, tivedananti.

Ūnapañcabandhanasikkhāpadavaṇṇanā niṭṭhitā.

### 3. Bhesajjasikkhāpadavaṇṇanā

618. **Tena samayenā**ti Bhesajjasikkhāpadaṃ. Tattha **attho bhanteti** rājā bhikkhū uyyuttappayutte therassa leṇatthāya pabbhāraṃ sodhente disvā ārāmikaṃ dātukāmo pucchi.

619-21. **Paṭiyekkoti** visum eko. **Mālākiteti** katamāle mālādhare<sup>1</sup> kusumamālāpaṭimaṇḍiteti attho. **Tiṇaṇḍupakanti** tiṇacumbaṭakaṃ. **Paṭimuñcīti** ṭhapesi. **Sā ahosi suvaṇṇamālāti** dārikāya sīse ṭhapitamattāyeva therassa adhiṭṭhānavasena suvaṇṇapadumamālā ahosi. Tañhi tiṇaṇḍupakaṃ sīse ṭhapitamattameva “suvaṇṇamālā hotū”ti thero adhiṭṭhāsi. **Dutiyampi kho -pa- tenupasaṅkamīti** dutiyadivaseyeva upasaṅkami.

1. Mālādhāre (Syā)

**Suvaṇṇanti adhimuccīti** “sovaṇṇamayo hotū”ti adhiṭṭhāsi. **Pañcannaṃ bhesajjānanti** sappi-ādīnaṃ. **Bāhulikāti** paccayabahulatāya paṭipannā. **Kolambepi ghaṭepīti**-ettha kolambā<sup>1</sup> nāma mahāmukhacāṭiyo vuccanti. **Olīnavilīnānīti** heṭṭhā ca ubhatopassesu ca gaḷitāni. **Okiṇṇavikiṇṇāti** sappi-ādīnaṃ gandhena bhūmiṃ khanantehi okiṇṇā, bhittiyo khanantehi upari sañcarantehi ca vikiṇṇā. **Antokotṭhāgārikāti** abbhantare samvhitakotṭhāgārā.

622. **Paṭisāyanīyānīti** paṭisāyitabbāni, paribhuñjitabbānīti attho. **Bhesajjānīti** bhesajjakiccaṃ karontu vā mā vā, evaṃ laddhavohārāni. **“Gosappi”**ti-ādīhi loke pākaṭaṃ dassetvā **“yesaṃ maṃsaṃ kappati”**ti iminā aññesampi migarohitasasādīnaṃ sappiṃ saṅgahetvā dassesi. Yesañhi khīraṃ atthi, sappipi tesaṃ atthiyeva. Taṃ pana sulabhaṃ vā hotu dullabhaṃ vā, asammoḥatthaṃ vuttaṃ. Evaṃ **navanītampi**.

**Sannidhikāraṃ paribhuñjitabbānīti** sannidhiṃ katvā nidahitvā paribhuñjitabbāni. Kathaṃ? Pāḷiyā āgatasappi-ādīsu sappi tāva purebhattaṃ paṭiggahitaṃ tadahupurebhattaṃ sāmisaṃpi nirāmisampi paribhuñjituṃ vaṭṭati, pacchābhattato paṭṭhāya sattāhaṃ nirāmisam paribhuñjitabbaṃ. Sattāhātikkame sace ekabhājane ṭhapitaṃ, ekaṃ nissaggiyaṃ. Sace bahūsu, vatthugaṇanāya nissaggiyāni. Pacchābhattaṃ paṭiggahitaṃ sattāhaṃ nirāmisameva vaṭṭati. Purebhattaṃ vā pacchābhattaṃ vā uggahitakaṃ katvā nikkhittaṃ ajjhoharituṃ na vaṭṭati, abbhāñjanādīsu upanetabbaṃ. Sattāhātikkamepi anāpatti, anajjhoharaṇīyataṃ āpannattā. **“Paṭisāyanīyānī”**ti hi vuttaṃ. Sace anupasampanno purebhattaṃ paṭiggahitanavanītena sappiṃ katvā deti, purebhattaṃ sāmisaṃ vaṭṭati. Sace sayam karoti, sattāhampi nirāmisameva vaṭṭati. Pacchābhattaṃ paṭiggahitanavanītena pana yena kenaci katasappi sattāhampi nirāmisameva vaṭṭati. Uggahitakena kate pubbe vuttasuddhasappinayeneva vinicchayo veditabbo.

Purebhattaṃ paṭiggahitakhīrena vā dadhinā vā katasappi anupasampanna kataṃ sāmisaṃpi tadahupurebhattaṃ vaṭṭati. Sayamkataṃ nirāmisameva

---

1. Koḷumbā (Syā, Ka)

vaṭṭati. Navanītaṃ tāpentassa hi sāmānpāko na hoti. Sāmānpakkena pana tena saddhiṃ āmisaṃ na vaṭṭati. Pacchābhattato paṭṭhāya ca na vaṭṭatiyeva. Sattāhātikkamepi anāpatti, savatthukassa paṭiggahitattā. “Tāni paṭiggahetvā”ti hi vuttaṃ. Pacchābhattaṃ paṭiggahitehi kataṃ pana abbhāñjanādīsu upanetabbaṃ. Purebhattampi ca uggahitakehi kataṃ ubhayesampi sattāhātikkame anāpatti. Eseva nayo akappiyamaṃsasappimhi. Ayamā pana viseso—yattha Pāḷiyāṃ āgatasappinā nissaggiyam, tattha iminā dukkaṭaṃ. **Andhakatṭhakathāyam** kāraṇapatirūpakaṃ vatvā manussasappi ca navanītaṃca paṭikkhittaṃ, taṃ duppaṭikkhittaṃ, sabba-aṭṭhakathāsu anuññātattā. Parato cassa vinicchayopi āgacchissati.

Pāḷiyāṃ āgataṃ navanītampi purebhattaṃ paṭiggahitaṃ tadahupurebhattaṃ sāmisaṃ vaṭṭati, pacchābhattato paṭṭhāya nirāmisameva. Sattāhātikkame nānābhājanesu ṭhapite bhājanagaṇanāya, ekabhājanepi amissetvā piṇḍapiṇḍavasena ṭhapite piṇḍagaṇanāya nissaggiyāni. Pacchābhattaṃ paṭiggahitaṃ sappinayeneva vedītabbaṃ. Ettha pana dadhigulīkāyopi takkabindūnipi honti. Tasmā taṃ dhotam<sup>1</sup> vaṭṭatīti<sup>2</sup> **Upaḍḍhattherā** āhaṃsu. **Mahāsivatthero** pana “Bhagavatā anuññātakālato paṭṭhāya takkato uddhaṭamattameva khādīmsū”ti āha. Tasmā navanītaṃ paribhuñjantena dhovivā dadhitakkamakkhikākīpillikādīni apanetvā paribhuñjitabbaṃ. Pacitvā sappim katvā paribhuñjitukāmena adhotampi pacitum vaṭṭati. Yam tattha dadhigataṃ vā takkagataṃ vā, taṃ khayam gamissati. Ettāvata hi savatthukapaṭiggahitaṃ nāma na hotīti ayamettha adhippāyo. Āmisena saddhiṃ pakkattā pana tasmimpi kukkuccāyanti kukkuccakā. Idāni uggahetvā ṭhapitanavanīte ca purebhattaṃ khīradadhīni paṭiggahetvā katanavanīte ca pacchābhattaṃ tāni paṭiggahetvā katanavanīte ca uggahitehi katanavanīte ca akappiyamaṃsanavanīte ca sabbo āpattānāpattiparibhogāparibhoganayo sappimhi vuttakkameneva gahetabbo.

Telabhikkhāya pavīṭṭhānaṃ pana bhikkhūnaṃ tattheva<sup>3</sup> sappimpi navanītampi pakkatelampi apakkatelampi ākiranti, tattha takkadadhībindūnipi bhattasitthānipi taṇḍulakaṇāpi makkhikādayopi honti. Ādiccapākam

1. Tasmā dhotam (Sī, Syā)

2. Vaṭṭissatīti (Syā)

3. Patteva (Ka)



katvā parissāvetvā gahitaṃ sattāhakālikaṃ hoti, paṭiggahetvā ṭhapitabhesajjehi saddhiṃ pacitvā natthupānampi kātuṃ vaṭṭati. Sace vaddalisamaye lajjī sāmaṇero yathā tattha patitataṇḍulakaṇḍayo na paccanti, evaṃ sāmisaṃpākaṃ mocento aggimhi vilīyāpetvā parissāvetvā puna pacitvā deti, purimanayeneva sattāhaṃ vaṭṭati.

Telesu tilatelaṃ tāva purebhattaṃ paṭiggahitaṃ purebhattaṃ sāmisaṃpi vaṭṭati, pacchābhattato paṭṭhāya nirāmisameva. Sattāhātikkame paṇassa bhājanagaṇanāya nissaggiyabhāvo veditabbo. Pacchābhattaṃ paṭiggahitaṃ sattāhaṃ nirāmisameva vaṭṭati. Uggahitakaṃ katvā nikkhittaṃ ajjhoharitaṃ na vaṭṭati, sīsamakkhanaḍḍisu upanetabbaṃ, sattāhātikkamepi anāpatti. Purebhattaṃ tile paṭiggahetvā katatelaṃ purebhattaṃ sāmisaṃpi vaṭṭati, pacchābhattato paṭṭhāya anajjhoharaṇīyaṃ hoti, sīsamakkhanaḍḍisu upanetabbaṃ, sattāhātikkamepi anāpatti. Pacchābhattaṃ tile paṭiggahetvā katatelaṃ anajjhoharaṇīyameva savatthukapaṭiggahitattā, sattāhātikkamepi anāpatti, sīsamakkhanaḍḍisu upanetabbaṃ. Purebhattaṃ vā pacchābhattaṃ vā uggahitakatilehi katatelepi eseva nayo.

Purebhattaṃ paṭiggahitakatile bhajjitvā vā tilapiṭṭhaṃ vā sedetvā uṇhodakena vā temetvā katatelaṃ sace anupasampannaṃ kataṃ purebhattaṃ sāmisaṃpi vaṭṭati. Attanā katatelaṃ pana nibbaṭṭitattā purebhattaṃ nirāmisameva vaṭṭati. Sāmaṃpakkattā sāmisaṃ na vaṭṭati, savatthukapaṭiggahitattā pana pacchābhattato paṭṭhāya ubhayampi anajjhoharaṇīyaṃ, sīsamakkhanaḍḍisu upanetabbaṃ, sattāhātikkamepi anāpatti. Yadi pana appaṃ uṇhodakaṃ hoti, abbhukkiraṇamattaṃ, abbohārikaṃ hoti sāmaṃpākagaṇanaṃ na gacchati. Sāsapatelāḍḍisupi avatthukapaṭiggahitesu avatthukatilatele vuttasadisova vinicchayo.

Sace pana purebhattaṃ paṭiggahitānaṃ sāsapādīnaṃ cuṇṇehi ādiccapākena sakkā telaṃ kātuṃ, taṃ purebhattaṃ sāmisaṃpi vaṭṭati, pacchābhattato paṭṭhāya nirāmisameva, sattāhātikkame nissaggiyaṃ. Yasmā pana sāsapamadhuḥacuṇṇāḍḍīni sedetvā, eraṇḍakaṭṭhīni ca bhajjitvā eva telaṃ karonti, tasmā tesāṃ telaṃ anupasampannehi kataṃ purebhattaṃ sāmisaṃpi vaṭṭati. Vatthūnaṃ yāvajjivikattā pana savatthukapaṭiggahaṇe doso natthīti. Attanā

kataṃ sattāhaṃ nirāmisaparibhogeneva paribhuñjitabbaṃ, uggahitakehi kataṃ anajjhoharaṇīyaṃ bātiraparibhoge vaṭṭati, sattāhātikkamepi anāpatti.

Telakaraṇatthāya sāsapamadhuka-eraṇḍakaṭṭhīni paṭiggahetvā kataṃ telam̐ sattāhakālikam̐. Dutiyadivase kataṃ chāham̐ vaṭṭati. Tatiyadivase kataṃ pañcāham̐ vaṭṭati. Catuttha, pañcama, chaṭṭha, sattamadivase kataṃ tadaheva vaṭṭati. Sace yāva aruṇassa uggamanā tiṭṭhati, nissaggiyam̐. Aṭṭhame divase kataṃ anajjhoharaṇīyaṃ. Anissaggiyattā pana bāhiraparibhoge vaṭṭati. Sacepi na karoti, telatthāya gahitasāsapādīnam̐ sattāhātikkamane dukkaṭameva. Pāḷiyam̐ pana anāgatāni aññānīpi nāḷikeranimba kosambaka karamanda atasī-ādīnam̐ telāni atthi, tāni paṭiggahetvā sattāham̐ atikkāmayato dukkaṭam̐ hoti. Ayametesu viseso. Sesam̐ yāvakālikavatthum̐, yāvajīvikavatthuñca sallakkhetvā sāmānpākasavatthuka purebhatta pacchābhattapaṭiggahita uggahitakavatthuvidhānam̐ sabbam̐ vuttanayeneva veditabbaṃ.

623. **Vasātelanti** “anujānāmi bhikkhave vasāni bhesajjāni<sup>1</sup> acchavasam̐ macchavasam̐ susukāvasam̐ sūkaravasam̐ gadrabhavasam̐”<sup>2</sup> evam̐ anuññātavasānam̐ telam̐. Ettha ca “acchavasam̐”<sup>2</sup>ti vacanena ṭhapetvā manussavasam̐ sabbesam̐ akappiyamaṃsānam̐ vasā anuññātā. Macchaggahaṇena ca susukāpi gahitā honti, vāḷamacchattā pana visum̐ vuttam̐. Macchādiggahaṇena cettha sabbesampi kappiyamaṃsānam̐ vasā anuññātā. Maṃsesu hi dasa manussahatthi-assasunakha-ahisīhabyagghadīpi-acchataracchānam̐ maṃsāni akappiyāni. Vasāsu ekā manussavasāva. Khīrādīsu akappiyam̐ nāma natthi.

Anupasampannehi katanibbaṭṭitavasātelam̐ purebhattam̐ paṭiggahitam̐ purebhattam̐ sāmīsampi vaṭṭati, pacchābhattato paṭṭhāya sattāham̐ nirāmisameva vaṭṭati. Yam̐ pana tattha sukhumarajasadisam̐ maṃsam̐ vā nhāru vā aṭṭhi vā lohitaṃ vā hoti, tam̐ abbohārikam̐. Sace pana vasam̐ paṭiggahetvā sayam̐ karoti, purebhattam̐ paṭiggahetvā pacitvā parissāvetvā sattāham̐ nirāmisaparibhogena paribhuñjitabbaṃ. Nirāmisaparibhogam̐ hi sandhāya idam̐ vuttam̐

1. Pañcavasāni (Sī, Syā, Ka)

2. Vi 3. 291 piṭṭhe.

“kāle paṭiggahitaṃ kāle nippakkaṃ kāle saṃsaṭṭhaṃ telaparibhogena paribhuñjitun”<sup>1</sup>. Tatrāpi abbohārikaṃ abbohārikameva. Pacchābhattaṃ pana paṭiggahitum vā kātum vā na vaṭṭatiyeva. Vuttañhetam—

“Vikāle ca bhikkhave paṭiggahitaṃ vikāle nippakkaṃ vikāle saṃsaṭṭhaṃ, taṃ ce paribhuñjeyya, āpatti tiṇṇaṃ dukkaṭānaṃ. Kāle ce bhikkhave paṭiggahitaṃ vikāle nippakkaṃ vikāle saṃsaṭṭhaṃ, taṃ ce paribhuñjeyya, āpatti dvinnānaṃ dukkaṭānaṃ. Kāle ca bhikkhave paṭiggahitaṃ kāle nippakkaṃ vikāle saṃsaṭṭhaṃ, taṃ ce paribhuñjeyya, āpatti dukkaṭassa. Kāle ce bhikkhave paṭiggahitaṃ kāle nippakkaṃ kāle saṃsaṭṭhaṃ, taṃ ce paribhuñjeyya, anāpatti”<sup>2</sup>.

**Upatisattheraṃ** pana antevāsikā pucchimsu “bhante sappinavanītasāni ekato pacitvā nibbaṭṭitāni vaṭṭanti, na vaṭṭanti”<sup>3</sup>. “Na vaṭṭanti āvuso”<sup>3</sup>. Thero kirettha pakkatelakasaṭe viya kukkucāyati. Tato nam uttari pucchimsu “bhante navanīte dadhiguḷikā vā takkabindu vā hoti, etaṃ vaṭṭati”<sup>3</sup>. “Etampi āvuso na vaṭṭati”<sup>3</sup>. Tato nam āhaṃsu “bhante ekato pacitvā saṃsaṭṭhāni tejavantāni honti, rogaṃ niggaṇhanti”<sup>3</sup>. “Sādhāvuso”<sup>3</sup> ti thero sampaṭicchi.

**Mahāsumatthero** panāha “kappiyamaṃsavasā sāmisa-paribhoge vaṭṭati, itarā nirāmisaparibhoge vaṭṭati”<sup>3</sup>. **Mahāpadumatthero** pana “idaṃ kin”<sup>3</sup> ti paṭikkhipitvā “nanu vātābādhikā bhikkhū pañcamūlakasāvayāguyam<sup>3</sup> acchasūkaratelādīni pakkhipitvā yāguṃ pivanti, sā tejjasadattā rogaṃ niggaṇhātī”<sup>3</sup> ti vatvā “vaṭṭati”<sup>3</sup> ti āha.

**Madhu nāma makkhikāmadhūti** madhukarīhi nāma madhumakkhikāhi, khuddakamakkhikāhi, bhamaramakkhikāhi ca kataṃ madhu. Taṃ purehattaṃ paṭiggahitaṃ purehattaṃ sāmisa-paribhogampi vaṭṭati, pacchābhattato paṭṭhāya sattāhaṃ nirāmisaparibhogameva vaṭṭati. Sattāhātikkame sace silesasadisaṃ mahāmadhu khaṇḍaṃ khaṇḍaṃ katvā ṭhapitaṃ, itaraṃ vā nānābhājanesu, vatthugaṇanāya nissaggiyāni. Sace ekameva khaṇḍaṃ, ekabhājane vā itaraṃ, ekameva nissaggiyam. Uggahitakaṃ vuttanayeneva veditabbaṃ, arumakkhanādīsu upanetaḥḥam.

1-2. Vi 3. 292 piṭṭhe.

3. Pañcamūlakasāvayāguyam (Sī)

Madhupaṭalaṃ vā madhusitthakaṃ vā sace madhunā amakkhitaṃ parisuddhaṃ, yāvajjivikaṃ. Madhumakkhitaṃ pana madhugatikameva. **Cīrikā** nāma sapakkhā dīghamakkhikā<sup>1</sup>, tumbalanāmikā ca atṭhipakkhā<sup>2</sup> kāḷamahābhamarā honti, tesam āsayesu niyyāsasadisam madhu hoti, tam yāvajjivikaṃ.

**Phāṇitaṃ nāma ucchumhā nibbattanti** ucchurasam upādāya apakkā vā avatthukapakkā vā sabbāpi avatthukā ucchuvikati “phāṇitaṃ”ti veditabbā. Tam phāṇitaṃ purehattaṃ paṭiggahitaṃ purehattaṃ sāmisaṃpi vaṭṭati, pacchābhataṃ paṭṭhāya sattāhaṃ nirāmisameva vaṭṭati. Sattāhātikkame vatthugaṇanāya nissaggiyaṃ. Bahū piṇḍā<sup>3</sup> cuṇṇetvā ekabhājane pakkhittā honti ghanasannivesā, ekameva nissaggiyaṃ. Uggahitakaṃ vuttanayenava veditabbaṃ, gharadhūpanādīsu upanetabbaṃ. Purehattaṃ paṭiggahitena aparissāvita-ucchurasena kataphāṇitaṃ sace anupasampanna kataṃ, sāmisaṃpi vaṭṭati. Sayamkataṃ nirāmisameva vaṭṭati. Pacchābhataṃ paṭṭhāya pana savatthukapaṭiggahitattā anajjhoharaṇīyaṃ, sattāhātikkamepi anāpatti. Pacchābhataṃ aparissāvitapaṭiggahitena katampi anajjhoharaṇīyameva, sattāhātikkamepi anāpatti. Esa nayo ucchum paṭiggahetvā kataphāṇitepi. Purehattaṃ pana parissāvitapaṭiggahitena kataṃ sace anupasampanna kataṃ, purehattaṃ sāmisaṃpi vaṭṭati, pacchābhataṃ paṭṭhāya sattāhaṃ nirāmisameva. Sayamkataṃ purehattampi nirāmisameva. Pacchābhataṃ parissāvitapaṭiggahitena kataṃ pana nirāmisameva sattāhaṃ vaṭṭati. Uggahitakakataṃ<sup>4</sup> vuttanayameva. “Jhāma-ucchuphāṇitaṃ vā koṭṭita-ucchuphāṇitaṃ vā purehattameva vaṭṭati”ti **Mahā-atṭhakathāyaṃ** vuttaṃ.

**Mahāpaccariyaṃ** pana “etaṃ savatthukapakkam vaṭṭati, no vaṭṭati”ti puccham katvā “ucchuphāṇitaṃ pacchābhataṃ novaṭṭanakam nāma natthi”ti vuttaṃ. Tam yuttaṃ. Sītudakena kataṃ madhukapupphaphāṇitaṃ purehattaṃ sāmisaṃ vaṭṭati, pacchābhataṃ paṭṭhāya sattāhaṃ nirāmisameva. Sattāhātikkame vatthugaṇanāya dukkaṭam. Khīraṃ pakkhipitvā kataṃ madhukaphāṇitaṃ yāvakālikam. Khaṇḍasakkharam pana khīrajallikam apantevā sodhenti, tasmā vaṭṭati. Madhukapupphaṃ pana purehattaṃ allam vaṭṭati, bhajjitampi vaṭṭati. Bhajjitvā tilādīhi missam

1. Dīghapakkhikā (Ka)

3. Bahi piṇḍā (Ka)

2. Atṭhipakkhikā (Sī)

4. Uggahitakaṃ (Syā)

vā amissaṃ vā katvā koṭṭitampi vaṭṭati. Yadi pana taṃ gahetvā merayatthāya yojenti, yojitaṃ bījato paṭṭhāya na vaṭṭati. Kadalīkhajjūrī-ambalabujapanasaciñcādināṃ sabbesaṃ yāvakālikaphalānaṃ phāṇitaṃ yāvakālikameva. Maricapakkehi phāṇitaṃ karonti, taṃ yāvajjivikaṃ.

**Tāni paṭiggahetvā**ti sacepi sabbānipi paṭiggahetvā ekaghaṭe avinibbhogaṇi katvā nikkhipati, sattāhātikkame ekameva nissaggiyaṃ. Vinibhutesu pañca nissaggiyāni. Sattāhaṃ pana anatikkāmetvā gilānenapi agilānenapi vuttanayeneva yathāsukhaṃ paribhuñjitabbaṃ. Sattavidhaṃ hi **odissaṃ** nāma byādhi-odissaṃ puggalodissaṃ kālodissaṃ samayodissaṃ desodissaṃ vasodissaṃ bhesajjodissanti.

Tattha **byādhi-odissaṃ** nāma “anujānāmi bhikkhave amanussikābādhe āmakamaṃsaṃ āmakalohitaṃ”<sup>1</sup>ti evaṃ byādhiṃ uddissa anuññātaṃ, taṃ teneva ābādheṇa ābādhi-kassa vaṭṭati, na aññassa. Tañca kho kālepi vikālepi kappiyampi akappiyampi vaṭṭatiyeva.

**Puggalodissaṃ** nāma “anujānāmi bhikkhave romanthakassa romanthanāṃ<sup>2</sup>, na ca bhikkhave bahimukhadvāraṃ nīharitvā ajjhoharitaṃ”<sup>3</sup>ti evaṃ puggalaṃ uddissa anuññātaṃ, taṃ tasseva vaṭṭati, na aññassa.

**Kālodissaṃ** nāma “anujānāmi bhikkhave cattāri mahāvikaṭāni dātuṃ gūṭhaṃ mutthaṃ chārikaṃ mattikaṃ”<sup>4</sup>ti evaṃ ahinā daṭṭhakālaṃ uddissa anuññātaṃ, taṃ tasmimyeva kāle appaṭiggahitakampi vaṭṭati, na aññasmiṃ.

**Samayodissaṃ** nāma “gaṇabhojane aññatra samayā”<sup>5</sup>ti-ādinā<sup>5</sup> nayena taṃ taṃ samayaṃ uddissa anuññātā anāpattiyo, tā tasmim tasmimyeva samaye anāpattiyo honti, na aññadā.

**Desodissaṃ** nāma “anujānāmi bhikkhave evarūpesu paccantimesu janapadesu vinayadharapañcamena gaṇena upasampadan”<sup>6</sup>ti evaṃ paccantadese<sup>7</sup> uddissa anuññātāni upasampadādāni, tāni tattheva vaṭṭanti, na majjhimadese.

1. Vi 3. 294 piṭṭhe.      2. Romanthanā (Sī, Ka), romaṭṭhanā (Syā)      3. Vi 4. 272 piṭṭhe.

4. Vi 3. 298 piṭṭhe.      5. Vi 2. 101 piṭṭhe.

6. Vi 3. 288 piṭṭhe.

7. Pacchantimadesaṃ (Ka)



āpatti. Kasmā? Yena paṭiggahitaṃ, tena vissajjitattā, itarassa appaṭiggahitattā.

**Vinassatīti** aparibhogam hoti. **Cattenāti**-ādīsu yena cittena bhesajjam cattañca vantañca muttañca hoti, taṃ cittaṃ cattaṃ vantaṃ muttanti vuccati. Tena cittena puggalo anapekkhoti vuccati, evaṃ anapekkho sāmaṇerassa datvāti attho. Idaṃ kasmā vuttaṃ. “Evaṃ antosattāhe datvā pacchā labhitvā paribhuñjantassa anāpattidassanattān”ti **Mahāsumatthero** āha.

**Mahāpadumatthero** panāha “nayidaṃ yācitabbaṃ, antosattāhe dinnassa hi puna paribhoge āpattiyeva natthi. Sattāhātikkantassa pana paribhoge anāpattidassanattāmidam vuttaṃ”ti. Tasmā evaṃ dinnam bhesajjam sace sāmaṇero abhisankharitvā vā anabhisankharitvā vā tassa bhikkhuno natthukammattam dadeyya, gahetvā natthukammaṃ kātabbam. Sace bālo hoti dātuṃ na jānāti, aññena bhikkhunā vattabbo “atthi te sāmaṇera telan”ti. Āma bhante atthīti. Āhara therassa bhesajjam karissāmāti. Evampi vaṭṭati. Sesaṃ uttānatthameva.

Kathinasamuṭṭhānaṃ, akiriyaṃ, nosaññāvimokkham, acittakam, paṇṇattivajjam, kāyakammavacīkammaṃ, ticittaṃ, tivedananti.

Bhesajjasikkhāpadavaṇṇanā niṭṭhitā.

#### 4. Vassikasāṭīkasikkhāpadavaṇṇanā

626. **Tena samayenāti** Vassikasāṭīkasikkhāpadaṃ. Tattha **vassikasāṭīkā anuññātāti** Cīvarakkhandhake Visākhavatthusmim<sup>1</sup> anuññātā. **Paṭikaccevāti** pureyeva.

627. **Māso seso gimhānanti** catunnam gimhamāsānaṃ eko pacchimaṃ seso. **Katvāti** sibbanarajanakappariyosānena niṭṭhapetvā. Karontena ca ekameva katvā samaye adhiṭṭhātabbam, dve adhiṭṭhātuṃ na vaṭṭati.

**Atirekamāse sese gimhāneti** gimhānanāmake atirekamāse sese.

---

1. Vi 3. 408 piṭṭhe.

628. **Atirekaddhamāse sese gimhāne katvā nivāsetūti** ettha pana ṭhatvā vassikasāṭikāya pariyesanakkhettaṃ karaṇakkhettaṃ nivāsanakkhettaṃ adhiṭṭhānakkhettaṃ catubbidhaṃ khettaṃ, kucchisamayo piṭṭhisamayoti duvidho samayo, piṭṭhisamayacatukkaṃ kucchisamayacatukkanti dve catukkāni ca veditabbāni.

Tattha jeṭṭhamūlapuṇṇamāsiyā pacchimapāṭipadadivasato paṭṭhāya yāva kāḷapakkhuposathā ayameko addhamāso pariyesanakkhettañceva karaṇakkhettañca. Etasmim hi antare vassikasāṭikāya aladdhaṃ pariyesituṃ, laddhaṃ kātuñca vaṭṭati, nivāsetuṃ, adhiṭṭhātuñca na vaṭṭati. Kāḷapakkhuposathassa pacchimapāṭipadadivasato paṭṭhāya yāva āsāḷhīpuṇṇamā ayameko addhamāso pariyesanakaraṇanivāsanānaṃ tiṇṇampi khettaṃ. Etasmim hi antare pariyesituṃ, kātuṃ, nivāsetuñca vaṭṭati, adhiṭṭhātuṃyeva na vaṭṭati. Āsāḷhīpuṇṇamāsiyā pacchimapāṭipadadivasato paṭṭhāya yāva kattikapuṇṇamā ime cattāro māsā pariyesanakaraṇanivāsanādhiṭṭhānānaṃ catunnaṃ khettaṃ. Etasmim hi antare aladdhaṃ pariyesituṃ, laddhaṃ kātuṃ, nivāsetuṃ, adhiṭṭhātuñca vaṭṭati. Idaṃ tāva **catubbidhaṃ khettaṃ** veditabbam.

Kattikapuṇṇamāsiyā pana pacchimapāṭipadadivasato paṭṭhāya yāva jeṭṭhamūlapuṇṇamā ime satta māsā **piṭṭhisamayo** nāma. Etasmim hi antare “kālo vassikasāṭikāyā”ti-ādinā nayena satuppādaṃ katvā aññātaka-appavāritaṭṭhānato vassikasāṭikacīvaraṃ nipphādentassa iminā sikkhāpadena nissaggiyaṃ pācittiyaṃ. “Detha me vassikasāṭikacīvaran”ti-ādinā nayena viññattim katvā nipphādentassa aññātakaviññattisikkhāpadena nissaggiyaṃ pācittiyaṃ. Vuttanayeneva satuppādaṃ katvā ñātakapavāritaṭṭhānato nipphādentassa imināva sikkhāpadena nissaggiyaṃ pācittiyaṃ. Viññattim katvā nipphādentassa Aññātakaviññattisikkhāpadena anāpatti.

Vuttañhetam **Parivāre**—

“Mātaraṃ cīvaraṃ yāce, no ca saṃghe pariṇatam.

Kenassa hoti āpatti, anāpatti ca ñātake.

Pañhā mesā kusalehi cintitā”ti<sup>1</sup>.

1. Vi 5. 378 piṭṭhe.



Ayañhi pañho imamatham sandhāya vuttoti. Evaṃ **piṭṭhisamayacatukkam** veditabbam.

Jeṭṭhamūlapuṇṇamāsiyā pana pacchimapāṭipadadivasato paṭṭhāya yāva kattikapuṇṇamā ime pañca māsā **kucchisamayo** nāma. Etasmim hi antare vuttanayena satuppādam katvā aññātaka-appavāritaṭṭhānato vassikasāṭikacīvaram nipphādentassa vattabhede dukkaṭam. Ye manussā pubbepi vassikasāṭikacīvaram denti, ime pana sacepi attano aññātaka-appavāritā honti, vattabhedo natthi, tesu satuppādakaraṇassa anuññātattā. Viññattim katvā nipphādentassa aññātakaviññattisikkhāpadena nissaggiyam pācittiyam. Idam pana pakatiyā vassikasāṭikadāyakesupi hotiyeva. Vuttanayeneva satuppādam katvā nītakapavāritaṭṭhānato nipphādentassa iminā sikkhāpadena anāpatti. Viññattim katvā nipphādentassa Aññātakaviññattisikkhāpadena anāpatti. **Na vattabbā “detha me”**ti idañhi pariyesanakāle aññātaka-appavāriteyeva sandhāya vuttam. Evaṃ **kucchisamayacatukkam** veditabbam.

629. **Naggo kāyam ovassāpeti, āpatti dukkaṭassāti** ettha udakaphusitagaṇanāya akatvā nhānapariyosānavasena payoge payoge dukkaṭena kāretabbo. So ca kho vivaṭaṅgaṇe ākāsato patita-udakeneva nhāyanto. Nhānakoṭṭhakavāpi-ādīsu ghaṭehi āsitta-udakena vā nhāyantassa anāpatti.

630. **Vassam ukkadḍhīyatīti** ettha sace katapariyesitāya<sup>1</sup> vassikasāṭikāya gimhānam pacchimarim māsam khepetvā puna vassānassa paṭhamamāsam ukkadḍhitvā gimhānam pacchimamāsameva karonti, vassikasāṭikā dhovivā nikkhipitabbā. Anadhiṭṭhitā avikappitā dve māsē parihāram labhati, vassūpanāyikadivase adhiṭṭhātabbā. Sace satisammosena vā appahonakabhāvena vā akatā hoti, te ca dve māsē, vassānassa ca cātumāsanti cha māsē parihāram labhati. Sace pana kattikamāsē kathinam atthariyati, aparepi cattāro māsē labhati, evam dasa māsā honti. Tato parampi satiṃ paccāsāya mūlacīvaram katvā ṭhapentassa

---

1. Katapariyositāya (Syā, Ka)

ekamāsanti evaṃ ekādasa māse parihāraṃ labhati. Sace pana ekāhadvīhādivasena yāva dasāhānāgatāya vassūpanāyikāya, antovasse vā laddhā ceva niṭṭhitā ca, kadā adhiṭṭhātabbāti etaṃ **Atṭhakathāsu** na vicāritam. Laddhadivasato paṭṭhāya antodasāhe, niṭṭhitā pana tasmimyeva antodasāhe adhiṭṭhātabbā. Dasāhātikkame niṭṭhitā tadaheva adhiṭṭhātabbā. Dasāhe appahonte cīvarakālaṃ nātikkametabbāti ayam no attanomati. Kasmā? “Anujānāmi bhikkhave ticīvaraṃ adhiṭṭhātum, na vikappetum. Vassikasāṭikam vassānaṃ cātumāsaṃ adhiṭṭhātum, tato param vikappetun”<sup>1</sup> ti hi vuttam. Tasmā vassūpanāyikato pubbe dasāhātikkamepi anāpatti. “Dasāhaparamaṃ atirekacīvaraṃ dhāretabban”<sup>2</sup> ti ca vuttam. Tasmā ekāhadvīhādivasena yāva dasāhānāgatāya vassūpanāyikāya antovasse vā laddhā ceva niṭṭhitā ca vuttanayeneva antodasāhe vā tadahu vā adhiṭṭhātabbā, dasāhe appahonte cīvarakālaṃ nātikkametabbā.

Tattha siyā “vassānaṃ cātumāsaṃ adhiṭṭhātunti vacanato cātumāsabbhantare yadā vā tadā vā<sup>3</sup> adhiṭṭhātum vaṭṭati”<sup>3</sup> ti. Yadi evaṃ “kaṇḍuppaṭicchādīm yāva ābādā adhiṭṭhātun”<sup>3</sup> ti vuttam. Sāpi ca dasāhaṃ atikkāmetabbā siyā, evaṃca sati dasāhaparamaṃ atirekacīvaraṃ dhāretabbanti idaṃ virujjhati, tasmā yathāvuttameva gahetabban, aññaṃ vā acalaṃ kāraṇaṃ labhitvā chaḍḍetabban. Apica **Kurundiyaṃpi** nissaggiyāvasāne vuttam “kadā adhiṭṭhātabbā? Laddhadivasato paṭṭhāya antodasāhe, niṭṭhitā pana tasmimyeva antodasāhe adhiṭṭhātabbā. Yadi nappahoti, yāva kattikapuṇṇamā parihāraṃ labhati”<sup>3</sup> ti.

**Acchinnacīvarassāti** etaṃ vassikasāṭikameva sandhāya vuttam. Tesam hi naggānaṃ kāyovassāpane anāpatti. Ettha ca mahagghavassikasāṭikam nivāsetvā nhāyantassa corupaddavo **āpadā** nāma. Sesamettha uttānameva.

---

1. Vi 3. 411 piṭṭhe.

2. Vi 1. 295 piṭṭhe.

3. Yadā tadā vā (Sī), yadā tadā (Ka)

Chasamuṭṭhānaṃ, kiriyaṃ, nosaññāvimokkhaṃ, acittakaṃ,  
paṇṇattivajjaṃ, kāyakammavacīkammaṃ, ticittaṃ, tivedananti.

Vassikasāṭīkasikkhāpadavaṇṇanā niṭṭhitā.

### 5. Cīvara-acchindanasikkhāpadavaṇṇanā

631. **Tena samayenāti** Cīvara-acchindanasikkhāpadaṃ. Tattha **yampi tyāhanti** yampi te ahaṃ. So kira “mama patta-cīvara-upāhanapaccattharaṇāni vahanto mayā saddhiṃ cārikaṃ pakkamissatī”ti adāsi. Tenevamāha. **Acchindīti** balakkārena aggahesi, sakasaññāya gahitattā panassa pārājikaṃ natthi, kilametvā gahitattā āpatti paññattā.

633. **Sayaṃ acchindati, nissaggiyaṃ pācittiyanti** ekaṃ cīvaraṃ ekābaddhāni ca bahūni acchindato ekā āpatti. Ekato abaddhāni visuṃ visuṃ ṭhitāni bahūni acchindato, “saṅghāṭim āhara, uttarāsaṅgaṃ āharā”ti evaṃ āharāpayato ca vatthugaṇanāya āpattiyo. “Mayā dinnāni sabbāni āharā”ti vadatopi ekavacaneneva sambahulā āpattiyo.

**Aññaṃ āṇāpeti, āpatti dukkaṭassāti** “cīvaraṃ gaṇhā”ti āṇāpeti, ekaṃ dukkaṭaṃ. Āṇatto bahūni gaṇhāti, ekaṃ pācittiyaṃ. “Saṅghāṭim gaṇha, uttarāsaṅgaṃ gaṇhā”ti vadato vācāya vācāya dukkaṭaṃ. “Mayā dinnāni sabbāni gaṇhā”ti vadato ekavācāya sambahulā āpattiyo.

634. **Aññaṃ parikkhāranti** vikappanupagapacchimacīvaraṃ ṭhapetvā yaṃkiñci antamaso sūcimpī. Veṭhetvā ṭhapitasūcīsupi vatthugaṇanāya dukkaṭāni. Sithilaveṭhitāsu evaṃ. Gāḷhaṃ katvā baddhāsu pana ekameva dukkaṭanti **Mahāpaccariyaṃ** vuttaṃ. Sūcihare pakkhittāsupi eseva nayo. Thavikāya pakkhipitvā sithilabaddha gāḷhabaddhesu tikaṭukādīsu bhesajjesupi eseva nayo.

635. **So vā detī**ti “bhante tumhākaṃyeva idaṃ sāruppan”ti evaṃ vā deti, atha vā pana “āvuso mayaṃ tuyhaṃ ‘vattapaṭipattiṃ karissati, amhākaṃ santike upajjhaṃ gaṇhissati, dhammaṃ pariyāpuṇissatī”ti cīvaraṃ adamha, so dāni tvaṃ na vattaṃ karosi, na upajjhaṃ gaṇhāsi, na dhammaṃ pariyāpuṇāsī”ti evamādīni vutto “bhante cīvaratthāya maññe bhaṇatha, idaṃ vo cīvaran”ti deti, evampi so vā deti. Disāpakkantaṃ vā pana daharaṃ “nivattetha nan”ti bhaṇati, so na nivattati. Cīvaraṃ gahetvā rundhathāti, evaṃ ce nivattati, sādhu. Sace “pattacīvaratthāya maññe tumhe bhaṇatha, gaṇhatha, nan”ti deti. Evampi so vā deti, vibbhantaṃ vā disvā “mayaṃ tuyhaṃ ‘vattaṃ karissatī”ti pattacīvaraṃ adamha, so dāni tvaṃ vibbhamitvā carasī”ti vadati. Itaro “gaṇhatha tumhākaṃ pattacīvaran”ti deti. Evampi so vā deti. “Mama santike upajjhaṃ gaṇhantasseva demi, aññattha gaṇhantassa na demi. Vattaṃ karontasseva demi, akarontassa na demi. Dhammaṃ pariyāpuṇantasseva demi, apariyāpuṇantassa na demi. Avibbhamantasseva demi, vibbhamantassa na demi”ti evaṃ pana dātum na vaṭṭati, dadato dukkaṭaṃ. Āharāpetum pana vaṭṭati. Cajitvā dinnam acchinditvā gaṇhanto bhaṇḍagghena kāretabbo. Sesamettha uttānamevāti.

Tisamuṭṭhānaṃ—kāyacittato, vācācittato, kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammavacīkammaṃ, akusalacittaṃ, dukkhavedananti.

Cīvara-acchindanasikkhāpadavaṇṇanā niṭṭhitā.

## 6. Suttaviññattisikkhāpadavaṇṇanā

636-38. **Tena samayenāti** Suttaviññattisikkhāpadaṃ. Tattha **khomanti** khomavākehi Katasuttaṃ. **Kappāsikanti** kappāsato nibbattaṃ. **Koseyyanti** kosiyamsūhi kantivā Katasuttaṃ. **Kambalanti** Eḷakalomasuttaṃ. **Sāṇanti** Sāṇavākasuttaṃ. **Bhaṅganti** pāṭekkaṃ Vākasuttamevāti eke. Etehi pañcahi missetvā katasuttaṃ pana “bhaṅgan”ti veditabbaṃ.

**Vāyāpeti, payoge payoge dukkaṭanti** sace tantavāyassa turivemādīni natthi, tāni “araññato āharissāmī”ti vāsīm vā pharasum

vā niseti, tato paṭṭhāya yaṃ yaṃ upakaraṇatthāya vā cīvaravāyanatthāya<sup>1</sup> vā karoti, sabbattha tantavāyassa payoge payoge bhikkhussa dukkaṭaṃ. Dīghato vidatthimatte, tiriyaṅca hatthamatte vīte nissaggiyaṃ pācittiyaṃ. **Mahāpaccariyaṃ** pana “yāva pariyoṣānaṃ vāyāpentassa phalake phalake nissaggiyaṃ pācittiyaṃ”ti vuttaṃ. Tampi idameva pamāṇaṃ sandhāya vuttanti veditabbaṃ. Vikappanupagapacchimaṃ hi<sup>2</sup> cīvarasaṅkhyāṃ gacchatīti.

Apicettha evaṃ vinicchayo veditabbo—suttaṃ tāva sāmaṃ viññāpitaṃ akappiyaṃ, sesaṃ nātakādivasena uppannaṃ kappiyaṃ. Tantavāyopi aññātaka-appavārito viññattiyā laddho akappiyo, seso kappiyo. Tattha akappiyasuttaṃ akappiyatantavāyena vāyāpentassa pubbe vuttanayena nissaggiyaṃ. Teneva pana kappiyasuttaṃ vāyāpentassa yathā pubbe nissaggiyaṃ, evaṃ dukkaṭaṃ. Teneva kappiyaṃ akappiyaṅca suttaṃ vāyāpentassa yadi pacchimaṃcīvarappamāṇena eko paricchedo suddhakappiyasuttamayo, eko akappiyasuttamayoti evaṃ kedārabaddhaṃ viya cīvaraṃ hoti, akappiyasuttamaye paricchede pācittiyaṃ, itarasmim tatheva dukkaṭaṃ. Yadi tato ūnāparicchedā honti antamaso acchimaṇḍalappamāṇāpi, sabbāparicchedesu paricchedagaṇānāya dukkaṭaṃ. Atha ekantarikena vā suttana, dīghato vā kappiyaṃ tiriyaṃ akappiyaṃ katvā vītaṃ hoti, phalake phalake dukkaṭaṃ. Kappiyatantavāyenāpi akappiyasuttaṃ vāyāpentassa yathā pubbe nissaggiyaṃ, evaṃ dukkaṭaṃ. Teneva kappiyaṅca akappiyaṅca suttaṃ vāyāpentassa sace pacchimaṃcīvarappamāṇā, ūnakā vā akappiyasuttāparicchedā honti, tesu paricchedagaṇānāya dukkaṭaṃ. Kappiyasuttāparicchedesu anāpatti. Atha ekantarikena vā suttana, dīghato vā kappiyaṃ tiriyaṃ akappiyaṃ katvā vītaṃ hoti, phalake phalake dukkaṭaṃ.

Yadi pana dve tantavāyā honti eko kappiyo, eko akappiyo, suttaṅca akappiyaṃ, te ce vārena vinanti, akappiyatantavāyena vīte phalake phalake pācittiyaṃ, ūnatare dukkaṭaṃ. Itarena vīte ubhayattha dukkaṭaṃ. Sace dvepi vemaṃ gahetvā ekato vinanti, phalake phalake pācittiyaṃ<sup>3</sup>. Atha suttaṃ kappiyaṃ, cīvaraṅca kedārabaddhādīhi sapaṛicchedaṃ, akappiyatantavāyena vīte paricchede paricchede dukkaṭaṃ, itarena vīte anāpatti. Sace

1. Cīvaravāyāpanatthāya (Sī)

2. Vikappanupagaṃ hi pacchimaṃ cīvaraṃ (Sī)

3. Dukkaṭaṃ (Syā, Ka)

dvepi vemaṃ gahetvā ekato vinanti, phalake phalake dukkaṭaṃ. Atha suttampi kappiyañca akappiyañca, te ce vārena vinanti, akappiyatantavāyena akappiyasuttamayesu pacchimacīvarappamāṇesu paricchedesu vītesu paricchedagaṇanāya pācittiyam. Ūnakataresu kappiyasuttamayesu ca dukkaṭaṃ. Kappiyatantavāyena akappiyasuttamayesu pamāṇayuttesu vā ūnakesu vā dukkaṭameva. Kappiyasuttamayesu anāpatti.

Atha ekantarikena vā suttana, dīghato vā akappiyam tiriyam kappiyam katvā vinanti. Ubhopi vā te vemaṃ gahetvā ekato vinanti. Aparicchede cīvare phalake phalake dukkaṭaṃ, saparicchede paricchedavasena dukkaṭānīti. Ayaṃ pana attho **Mahā-aṭṭhakathāyam** apākaṭo, **Mahāpaccariyā**disu pākaṭo. Idha sabbākāreneva pākaṭo.

Sace suttampi kappiyam, tantavāyopi kappiyo, nātakappavārito vā mūlena vā payojito, vāyāpanapaccayā anāpatti. Dasāhātikkamanapaccayā pana āpattim rakkhantena vikappanupagappamāṇamatte vīte tante ṭhitamyeva adhiṭṭhātabbam. Dasāhātikkamena niṭṭhāpiyamānañhi nissaggiyam bhaveyyāti. Nātakādīhi tantam āropetvā “tumahākam bhante imam cīvaram gaṇheyyāthā”ti niyyātitepi eseva nayo.

Sace tantavāyo evam payojito vā sayam dātukāmo vā hutvā “aham bhante tumhākam cīvaram asukadivase nāma vāyitvā ṭhapessāmī”ti vadati, bhikkhu ca tena paricchinnadivasato dasāham atikkāmeti, nissaggiyam pācittiyam.

Sace pana tantavāyo “aham tumhākam cīvaram vāyitvā sāsanam pesessāmī”ti vatvā tatheva karoti, tena pesitabhikkhu pana tassa bhikkhuno na āroceti, añño disvā vā sutvā vā “tumahākam bhante cīvaram niṭṭhitan”ti āroceti, etassa ārocanam na pamāṇam. Yadā pana tena pesitoyeva āroceti, tassa vacanam sutadivasato paṭṭhāya dasāham atikkāmayato nissaggiyam pācittiyam.

Sace tantavāyo “aham tumhākam cīvaram vāyitvā kassaci hatthe pahīṇissāmī”ti vatvā tatheva karoti, cīvaram gahetvā gatabhikkhu pana attano pariveṇe ṭhapetvā tassa na āroceti, añño koci

bhaṇati “api bhante adhunā ābhataṃ cīvaraṃ sundaran”ti. Kuhiṃ āvuso cīvaranti. Itthannāmassa hatthe pesitanti. Etassapi vacanaṃ na pamāṇaṃ. Yadā pana so bhikkhu cīvaraṃ deti, laddhadivasato paṭṭhāya dasāhaṃ atikkāmayato nissaggiyaṃ pācittiyaṃ. Sace pana vāyāpanamūlaṃ adinnaṃ hoti, yāva kākaṇikamattampi avasiṭṭhaṃ tāva rakkhati.

640. **Anāpatti cīvaraṃ sibbetunti** cīvarasibbanatthāya suttaṃ viññāpentassa anāpattīti attho. **Āyogeti-ādīsupi** nimittatthe bhummavacanaṃ, āyogādinimittaṃ viññāpentassa anāpattīti vuttaṃ hoti. Sesamettha uttānatthamevāti.

Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Suttaviññattisikkhāpadavaṇṇanā niṭṭhitā.

## 7. Mahāpesakārasikkhāpadavaṇṇanā

641. **Tena samayenāti** Mahāpesakārasikkhāpadaṃ. Tattha **suttaṃ dhārayitvāti** suttaṃ tuletva palaparicchedaṃ katvā. **Appitanti** ghaṇaṃ. **Suvītanti** suṭṭhu vītaṃ sabbaṭṭhānesu samaṃ katvā vītaṃ. **Suppavāyitanti** suṭṭhu pavāyitaṃ sabbaṭṭhānesu samaṃ katvā tante pasāritaṃ. **Suvilekhitanti** lekhanīyā suṭṭhu vilikhitaṃ. **Suvitacchitanti** kocchena suṭṭhu vitacchitaṃ, suniddhotanti attho. **Paṭibaddhanti** vekallaṃ. **Tanteti** tante dīghato pasāraṇeyeva upanetvāti attho.

642. **Tatra ce so bhikkhūti** yatra gāme vā nigame vā te tantavāyā, tatra. **Vikappaṃ āpajjeyyāti** visitṭhaṃ kappaṃ adhikavidhānaṃ āpajjeyya. Pāḷiyaṃ pana yenākārena vikappaṃ āpanno hoti, taṃ dassetuṃ “adaṃ kho āvuso”ti-ādi vuttaṃ.

**Dhammampi bhaṇatīti** dhammakathampi katheti, “tassa vacanena āyataṃ vā vitthataṃ vā appitaṃ vā”ti suttavaḍḍhana-ākārameva dasseti.

**Pubbe appavāritoti** cīvarasāmikehi pubbe apparivāto hutvā. Sesam uttānatthamevāti.

Chasamuṭṭhānam, kiriyaṃ, nosaññāvimokkham, acittakam, paṇṇattivajjam, kāyakammavacīkammaṃ, ticittam, tivedananti.

Mahāpesakārasikkhāpadavaṇṇanā niṭṭhitā.

### 8. Accekacīvarasikkhāpadavaṇṇanā

646-9. **Tena samayenāti** Accekacīvarasikkhāpadam. Tattha **dasāhānāgatanti** dasa ahāni dasāham, tena dasāhena anāgatā dasāhānāgatā, dasāhena asampattāti attho, tam dasāhānāgataṃ, accantasamyogavasena bhummatthe upayogavacanam, tenevassa padabhājane “dasāhānāgatāyā”ti vuttam. **Pavāraṇāyāti** idam pana yā sā “dasāhānāgatā”ti vuttā, tam sarūpato dassetuṃ asammohattham anupayogavacanam.

**Kattikatemāsikapuṇṇamanti** paṭhamakattikatemāsikapuṇṇamam. Idhāpi paṭhamapadassa anupayogattā purimanayeneva bhummatthe upayogavacanam. Idam vuttam hoti “yato paṭṭhāya paṭhamamahāpavāraṇā dasāhānāgatāti vuccati, sacepi tāni divasāni accantameva bhikkhuno accekacīvaram uppajjeyya. ‘Accekam idan’ti jānamānena bhikkhunā sabbampi paṭiggahetabban”ti. Tena pavāraṇāmāsassa juṇhapakkhapañcamito paṭṭhāya uppannassa cīvarassa nidhānakālo dassito hoti. Kāmañcesa “dasāhaparamam atirekacīvaram dhāretabban”ti imināva siddho, aṭṭhuppattivāsena pana apubbam viya attham dassetvā sikkhāpadam ṭhapitam.

**Accekacīvaranti** accāyikacīvaram vuccati, tassa pana accāyikabhāvam dassetuṃ “**senāya vā gantukāmo hoti**”ti-ādi vuttam. Tattha **saddhāti** iminā saddhāmetakameva dassitam. **Pasādoti** iminā suppasannā balavasaddhā. **Etam accekacīvaram nāmāti** etam imehi kāraṇehi dātukāmena dūtam vā pesetvā, sayam vā āgantvā “vassāvāsikam dassāmī”ti evam ārocitam cīvaram accekacīvaram nāma hoti. Chaṭṭhito



paṭṭhāya pana uppannaṃ anaccekacīvarampi paccuddharitvā  
ṭhapitacīvarampi etaṃ parihāraṃ labhatiyeva.

**Saññānaṃ katvā nikkhipitabbanti** kiñci nimittaṃ katvā ṭhapetabbaṃ.  
Kasmā etaṃ vuttaṃ. Yadi hi taṃ pure pavāraṇāya vibhajanti. Yena gahitaṃ,  
tena chinnavassena na bhavitabbaṃ. Sace pana hoti, taṃ cīvaram  
saṃghikameva hoti. Tato sallakkhetvā sukhaṃ dātuṃ bhavissatīti.

650. **Accekacīvare accekacīvarasaññīti** evamādi vibhajitvā gahitameva  
sandhāya vuttaṃ. Sace pana avibhattaṃ hoti, saṃghassa vā bhaṇḍāgāre,  
cīvarasamayātikkamepi anāpatti. Iti atirekacīvarassa dasāhaṃ parihāro.  
Akatassa vassikasāṭṭhikācīvarassa anattate kathine pañca māsā, vasse  
ukkaḍḍhite cha māsā, atthate kathine apare cattāro māsā. Hemantassa  
pacchime divase mūlacīvarādhiṭṭhānavasena aparopi eko māsoti ekādasā  
māsā parihāro. Satiyā paccāsāya mūlacīvarassa eko māsō, accekacīvarassa  
anattate kathine ekādasadivasādhiko māsō, atthate kathine  
ekādasadivasādhikā pañca māsā, tato paraṃ ekadivasampi parihāro natthīti  
veditabbaṃ.

**Anaccekacīvareti** accekacīvarasadise aññasmiṃ. Sesamettha  
uttānatthamevāti.

Kathinasamuṭṭhānaṃ, akiriyaṃ, nosaññāvimokkhaṃ, acittakaṃ,  
paṇṇattivajjaṃ, kāyakammavacīkammaṃ, ticittaṃ, tivedananti.

Accekacīvarasikkhāpadavaṇṇanā niṭṭhitā.

## 9. Sāsaṅkasikkhāpadavaṇṇanā

652. **Tena samayenāti** Sāsaṅkasikkhāpadaṃ. Tattha **vutthavassā**  
**āraññakesūti** te pubbepi araññeyeva vihariṃsu, dubbalacīvarattā pana  
paccayavasena gāmantasenāsane vassaṃ vasitvā niṭṭhitacīvarā hutvā “idāni  
nippalibodhā samaṇadhammaṃ karissāmā”ti āraññakesu

senāsanesu viharanti. **Kattikacorakā**ti kattikamāse corā. **Paripātentī**ti upaddavanti, tattha tattha ādhāvitvā uttāsenti palāpenti. **Antaraghare nikkhipituntī** antogāme nikkhipitum. Bhagavā yasmā paccayā nāma dhammena samena dullabhā, sallekhavā hi bhikkhu mātarampi viññāpetum na sakkoti. Tasmā cīvaraguttattham antaraghare nikkhipitum anujānāti. Bhikkhūnam pana anurūpattā araññavāsam na paṭikkhipi.

653-4. **Upavassam kho panā**ti ettha **upavassanti** upavassa, upavasitvāti vuttam hoti. “Upasampajjan”ti-ādīsu viya hi ettha anunāsiko daṭṭhabbo. Vassam upagantvā vasitvā cāti attho. Imassa ca padassa “tathārūpesu bhikkhu senāsanesu viharanto”ti iminā sambandho. Kim vuttam hoti—vassam upagantvā vasitvā ca tato param pacchimakattikapuṇṇamapariyosānakālam yāni kho pana tāni āraññakāni senāsanāni sāsaṅkasammatāni sappāṭibhayāni, tathārūpesu bhikkhu senāsanesu viharanto ākaṅkhamāno tiṇṇam cīvarānam aññataram cīvaram antaraghare nikkhipēyyāti. Yasmā pana yo vassam upagantvā yāva paṭhamakattikapuṇṇamam vasati, so vutthavassānam abbhantaro hoti, tasmā imam atigahanam byañjanavicāraṇam akatvā padabhājane kevalam cīvaranikkhepārahānam puggalam dassetum “vutthavassānam”ti vuttam. Tassāpi “**bhikkhu senāsanesu viharanto**”ti iminā sambandho. Ayañhi ettha attho “vutthavassānam bhikkhu senāsanesu viharanto”ti, evarūpānam bhikkhūnam abbhantare yo koci bhikkhūti vuttam hoti.

Araññalakkhaṇam **adinnādānavañṇanāyam** vuttam. Ayam pana viseso, sace vihāro parikkhitto hoti, parikkhittassa gāmassa indakhīlato, aparikkhittassa parikkhepārahaṭṭhānato paṭṭhāya yāva vihāraparikkhepā minitabbam. Sace vihāro aparikkhitto hoti, yam sabbapaṭhamam senāsanam vā bhattasālā vā dhuvasannipātaṭṭhānam vā bodhi vā cetiyam vā dūre cepi senāsanato hoti, tam paricchedam katvā minitabbam. Sacepi āsanne gāmo hoti, vihāre ṭhitehi gharamānusakānam saddo sūyati, pabbatanadī-ādīhi pana antaritattā na sakkā ujum gantum, yo cassa pakatimaggio hoti, sacepi nāvāya sañcaritabbo, tena maggena

gāmato pañcadhanusatikaṃ gahetabbaṃ. Yo pana āsannagāmassa aṅgasampādanatthaṃ tato tato maggaṃ pidahati, ayaṃ “dhutaṅgacoro”ti veditabbo.

**Sāsaṅkasammatānī** “sāsaṅkānī”ti sammatāni, evaṃ saññātānīti attho. Padabhājane pana yena kāraṇena tāni sāsaṅkasammatāni, taṃ dassetuṃ “ārāme ārāmūpacāre”ti-ādi vuttaṃ.

Saha paṭibhayena **sappaṭibhayāni**, sannihitabalavabhayānīti attho. Padabhājane pana yena kāraṇena tāni sappaṭibhayāni, taṃ dassetuṃ “ārāme ārāmūpacāre”ti-ādi vuttaṃ.

**Samantā gocaragāme nikkhipeyyāti** āraññakassa senāsanassa samantā sabbadisābhāgesu attanā abhirucite gocaragāme satiyā aṅgasampattiyaṃ nikkhipeyya.

Tatrāyaṃ aṅgasampatti, purimikāya upagantvā mahāpavāraṇāya pavārito hoti, idamekaṃ aṅgaṃ. Sace pacchimikāya vā upagato hoti chinnavasso vā, nikkhipituṃ na labhati. Kattikamāsoyeva hoti, idaṃ dutiyaṃ aṅgaṃ. Kattikamāsato paraṃ na labhati. Pañcadhanusatikaṃ pacchimameva pamāṇayuttaṃ senāsanam hoti, idaṃ tatiyaṃ aṅgaṃ. Ūnappamāṇe vā gāvutato atirekappamāṇe vā na labhati, yatra hi piṇḍāya caritvā puna vihāraṃ bhattavelāyaṃ sakkā āgantuṃ, tadeva idha adhippetam. Nimantito pana addhayanampi yojanampi gantvā vasituṃ pacceti, idamappamāṇam. Sāsaṅkasappaṭibhayameva hoti, idaṃ catuttham aṅgaṃ. Anāsaṅka-appaṭibhaye hi aṅgayuttepi senāsane vasanto nikkhipituṃ na labhatīti.

**Aññatra bhikkhusammutiyāti** yā Udositasikkhāpade kosambakasammuti<sup>1</sup> anuññātā, tassā sammutiyā aññatra. Sace sā laddhā hoti, chārattātirekampi vipavasituṃ vaṭṭati.

656. **Puna gāmasīmaṃ okkamitvāti** ettha sace gocaragāmato puratthimāya disāya senāsanam, ayañca pacchimadisaṃ gato hoti, senāsanam āgantvā sattamaṃ aruṇam uṭṭhāpetuṃ asakkontena gāmasīmampi

okkamitvā sabhāyaṃ vā yattha katthaci vā vasitvā cīvarappavattim̃ ñatvā pakkamituṃ vaṭṭatīti attho. Evaṃ asakkontena tattheva ʔhitena paccuddharitabbaṃ. Atirekacīvaraṭṭhāne ʔhassatīti. Sesam̃ uttānameva.

Kathinasamuṭṭhānaṃ—kāyavācato, kāyavācācittato ca samuṭṭhāti, akiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammavacīkammaṃ, ticittaṃ, tivedananti.

Sāsankasikkhāpadavaṇṇanā niṭṭhitā.

### 10. Pariṇatasikkhāpadavaṇṇanā

657. **Tena samayenāti** Pariṇatasikkhāpadaṃ. Tattha **pūgassāti** samūhassa, dhammagāṇassāti attho. **Paṭiyattanti** paṭiyāditaṃ. **Bahū saṃghassa bhaddāti**<sup>1</sup> saṃghassa bahūni bhaddāni<sup>2</sup> anekāni lābhamukhāni, na saṃghassa kenaci parihānīti dīpentī. **Oṇojethāti** detha. Kim̃ panevaṃ vattuṃ vaṭṭatīti. Kasmā na vaṭṭati. Ayañhi abhihaṭabhikkhā, abhiharitvā ekasmiṃ okāse saṃghassatthāya paṭiyattā, abhihaṭapaṭiyatte ca uddissa ʔhapitabhāge ca payuttavācā nāma natthi.

658. **Saṃghikanti** saṃghassa santakaṃ. So hi saṃghassa pariṇatattā hattham̃ anārūḥhopi ekena pariyaṃyena saṃghassa santako hoti. Padabhājane pana “saṃghikaṃ nāma saṃghassa dinnam̃ hoti pariccattan”ti evaṃ atthuddhāravasena nippariyaṃyatova saṃghikaṃ dassitaṃ. **Lābhanti** paṭilabhitabbavatthuṃ āha. Tenevassa niddese “cīvarampī”ti-ādi vuttaṃ. **Pariṇatanti** saṃghassa ninnam̃ saṃghassa poṇam̃ saṃghassa pabbhāram̃ hutvā ʔhitaṃ. Yena pana kāraṇena so pariṇato hoti, tam̃ dassetuṃ “dassāma karissāmāti vācā bhinnā hoti”ti padabhājanaṃ vuttaṃ.

1. Bhaddāti

2. Bhadrāni (Sī, Ka) Pāḷiyaṃ hi “saṃghassa sacīvarabhattaṃ paṭiyattan”ti ca, “bhojetvācīvarena acchādessāmā”ti ca āgataṃ. Tena ñāyati “cīvarena saha dātābbambhattaṃ cīvaralābhassa mukham̃ kāraṇam̃”ti. Tenevetta bhaddāti padaṃ bhaddānīti vaṇṇetvā “lābhamukhāni”ti puna vaṇṇitaṃ.

659. **Payoge dukkaṭanti** pariṇatalābhassa attano pariṇāmanapayoge dukkaṭam, paṭilābhena tasmim hattham ārulhe nissaggiyam. Sace pana saṅghassa dinnam hoti, tam gahetum na vaṭṭati, saṅghasseva dātabbam. Yopi ārāmihehi saddhim ekato khādati, bhaṇḍam agghāpetvā kāretabbo. Pariṇatam pana sahadhammikānam vā gihīnam vā antamaso mātusantakampi “imam mayham dehi”ti saṅghassa pariṇatabhāvam ṇatvā attano pariṇāmetvā gaṇhantassa nissaggiyam pācittiyam. “Imassa bhikkhuno dehi”ti evam aññassa pariṇāmentassa suddhikapācittiyam. Ekam pattam vā cīvaram vā attano, ekam aññassa pariṇāmeti, nissaggiyam pācittiyañceva suddhikapācittiyañca. Eseva nayo bahūsu. Vuttampi cetam—

“Nissaggiyena āpattim, suddhikena pācittiyam.  
 Āpajjeyya ekato,  
 Pañhā mesā kusalehi cintitā”ti<sup>1</sup>.

Ayañhi pariṇāmanam sandhāya vutto. Yopi vassikasāṭṭikasamaye mātugharepi saṅghassa pariṇatam vassikasāṭṭikam ṇatvā attano pariṇāmeti, nissaggiyam pācittiyam. Parassa pariṇāmeti, suddhikapācittiyam. Manussā “saṅghabhataṃ karissāmā”ti sappitelādini āharanti, gilāno cepi bhikkhu saṅghassa pariṇatabhāvam ṇatvā kiñci yācati, nissaggiyam pācittiyameva. Sace pana so “tumbhākam sappi-ādini ābhaṭāni atthi”ti pucchitvā “āma atthi”ti vutte “mayhampi dethā”ti vadati, vaṭṭati. Athāpi nam kukkucāyantam upāsakā vadanti “saṅghopi amhehi dinnameva labhati, gaṇhatha bhante”ti, evampi vaṭṭati.

660. **Saṅghassa pariṇatam aññasaṅghassāti** ekasmim vihāre saṅghassa pariṇatam aññam vihāram uddisitvā “asukasmim nāma mahāvihāre saṅghassa dethā”ti pariṇāmeti.

**Cetiyaassa vāti** “kim saṅghassa dinnena, cetiyassa pūjam karoṭhā”ti evam cetiyassa vā pariṇāmeti.

---

1. Vi 5. 375 piṭṭhe.

**Cetiyassa pariṇatanti** ettha niyametvā aññacetiyaṣatthāya ropitamālāvachchato aññacetiyaṃhi pupphampi āropetum na vaṭṭati. Ekassa cetiyassa pana chattaṃ vā paṭākam vā āropetvā ṭhitam disvā sesaṃ aññassa cetiyassa dāpetum vaṭṭati.

**Puggalassa pariṇatanti** antamaso sunakhassāpi pariṇatam “imassa sunakhassa mā dehi, etassa dehi”ti evaṃ aññapuggalassa pariṇāmeti, dukkaṭam. Sace pana dāyakā “mayam saṃghassa bhattam dātukāmā, cetiyassa pūjam kātukāmā, ekassa bhikkhuno parikkhāram dātukāmā, tumhākam ruciyaṃ dassāma, bhaṇatha, kattha demā”ti vadanti, evaṃ vutte tena bhikkhunā “yattha icchatha, tattha dethā”ti vattabbā. Sace pana kevalam “kattha demā”ti pucchanti, Pāḷiyam āgatanayeneva vattabbam. Sesamettha uttānatthameva.

Tisamuṭṭhānam—kāyacittato, vācācittato, kāyavācācittato ca samuṭṭhāti, kiriyam, saññāvimokkham, sacittakam, lokavajjam, kāyakammavacīkammaṃ, akusalacittam, tivedananti.

Samantapāsādikāya Vinayasamvaṇṇanāya

Pariṇatasikkhāpadavaṇṇanā niṭṭhitā.

Niṭṭhito Pattavaggo tatiyo.

Nissaggiyavaṇṇanā niṭṭhitā.

**Pārājikakaṇḍa-aṭṭhakathā niṭṭhitā.**

## Pārājīkakaṇḍa-aṭṭhakathāya dutiyabhāge

### Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Akatakibbisso	36	Aññathā	78
Akatapāpo	36	Aññabhāgiyaṃ	184
Akataluddo	36	Aññassatthāya	158, 248
Akāṃā	212	Aññātakassa gahapatissa	250
Akālamegho	10	Aṭṭako	62
Akusale	10	Aṭṭiyanti	5
Akkhamo	198	Aṭṭassaraṃ	97
Akkharikāya	205	Aṭṭo	235
Akkhena	205	Aṭṭhapadepi	204
Agāmake araṇṇe	236	Aṭṭhikasaṅkhalikaṃ	97
Aggakārikaṃ	62	Aḍḍhacandako	204
Aggo mahācoro	77	Aḍḍhāḷhakodanaṃ	281
Agghaṃ pucchati	280	Atiṇṇe	7
Accantavirāgo	35	Atiyācakosi	152
Accekacivaraṃ	306	Atirekacivaraṃ	221
Acchādessāmi	251	Atirekamāse sese	297
Acchindi	301	Attakāmapāricariyāya	137
Acchindimsu	245	Attano dahati	76
Acchissanti	164	Attānaṃ	63
Acchodako	101	Attuddesaṃ	153
Ajjaṇho bhante āgamehi	252	Attuddesikāyo	148
Ajjhattaṃ upādinne	110	Attupanāyikaṃ	80
Ajjhācarati	279	Atthi	102, 106
Aññaṃ byākarimsu	79	Adadamappiyo	152-3
Aññatarā	7	Adiṭṭhaṃ	170, 189
Aññatra	4, 107	Adiṭṭhassa	180

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Adiṭṭhe diṭṭhasaññino	79	Anuddhamṣito	178
Addhānamaggam	245	Anuddhamseti	76, 105
Adhakkhakam	135	Anuddhamseyya	172
Adhikaraṇam	184, 192-3	Anupatitvā anupatitvā	97
Adhiṭṭhahitvā	44	Anuparigantum	156
Adhiṭṭhema	73	Anupādinne	110
Adhippāyo	42	Anubhoti	254
Adhimānena	79, 92	Anuyuñjatha	168
Adho jānumaṇḍalam	135	Anuyuñjāhi	245
Anaṭṭhe naṭṭhasaññī	225	Anuyuñjiyamānā	245
Anattamano	170	Anuyuttā	5
Anadhigate	79	Anuvattakā	196
Anabhijānam	80	Anekapariyāyena	2
Anabbhito	213	Anekākāravokāram	5
Anabhirati	105	Antamaso	141
Anabhirato	105	Antaraghare	308
Anabhiraddho	170	Antaradhāpeti	10
Analasā	139	Antarā	154
Anassāsako	69	Antimaṃ	243
Anāgate	157	Ante ādiyitvā	263
Anācāram	199	Antokoṭṭhāgarikā	289
Anācāram ācarati	196	Antochāyāyam	236
Anārambham	155	Apacito	75
Aniccam	35	Aparikkamanam	155
Aniccatā	35	Aparisaṅkitam	170, 189
Aniccānupassanā	35	Apassenam	56
Aniccānupassī	35	Apānam	9
Animittam katvā	272	Apāham	152
Animittāsi	134	Api meyya	250
Animitto	85	Apuṭṭho	59



Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Appagghaṃ	251	Amhākampetaṃ khamati	196
Appaṭivekkhitvā	61	Ayogulo	78
Appaṇihito	80	Araññagato vā	13
Appatīto	175	Araho	50
Appatte	79	Alaṃkammaniye	214
Appadakkhiṇaggāhī	198	Alajjino	198
Appamaṇikāyo	148	Alamariyañāṇadassanaṃ	81
Aparisuddho	120	Alābhā vata me	7
Appitaṃ	305	Alohitā	134
Appeva	178	Avalittā	153
Abalabalo viya	206	Avippavāsasammutiṃ	233
Abbohārikaṃ	79	Avivadamāno	193
Abbohārikā	106	Avissajjite	225
Abbhāghātāṃ	156	Asacchikate	79
Abbhutamakaṃsu	140	Asaṅcicca	60, 128
Abbhetaḅbho	212	Asaṅcicco	61
Abyāvaṭena	139	Asaññatā	78
Abrahmacariyena	76	Asatiyā	128
Abhikkantena	205	Asantaṃ	77
Abhiniggaṇhāya	123	Asappāyāni	37
Abhinippīlanāya	123	Asamanubhāsantassa	194
Abhinetaḅbā	155	Asuciṃ moceti	105
Abhippamodayaṃ	34	Asutaṃ	170
Abhimaṅgalasammata	214	Asubhakathaṃ	2
Abhivitaritvā	37, 106	Asubhabhāvanāya vaṇṇaṃ	
Abhisāṅkhārikaṃ	165	bhāsati	2
Abhisamito	197	Asubhāya vaṇṇaṃ	2, 4
Abhisametāvini	215	Asecanako ca	10
Abhihaṭṭhuṃ	248	Assa	41
Amūlakena	76, 170	Assāmikāyo	148

Padānukkamo	Piṭṭhaṅko	Padānukkamo	Piṭṭhaṅko
[ A ]		[ Ā ]	
Assasanto	14	Āmattikāpaṇaṃ vā	281
Assāso	14	Āmasanā	121
Ahaṃ kho nāma	196	Āyasmā	105, 251
Ahirikāyo	132	Ārammaṇaṃ	250
Ahudeva	6	Ārādhanīyo	94
Ahu vipphaṇṣāro	6	Ārāmo	236
[ Ā ]		Ālokitena	205
Ākaḍḍhanāyapi	122	Āvaṭā	95
Ākārehi	42	Āvāsikā	198
Ākāsepi	204	Āvāho	139
Ākiṇṇalomamaṃ	136	Āvudham	45
Āgataphalā	215	Āveḷā	201
Āghātanamaṃ	156	Āsayo	155
Āṇattiko	39	Āsumbhi	266
Āṇāpeti	44	Āhatacitto	170
Ādātābbā	263	Āhārūpahāro	139
Ādikammikassa	195	Āḷavakā	147
Ādiyitvā	263	[ I ]	
Ādissa	132, 239	Icchāpakato	83
Ādissa ādissa	4	Iti cittaṃmano	42
Ādhāvanti	205	Itthipaṇḍakā	134
Ānaṃ	9	Idha	11, 75
Ānāpānassati	9	Imehi pañcahi vatthūhi	191
Āneñjaṃ samādhim	101	Iriyāpathasampanno	206
Āpatti dukkaṭṭassa	48, 278	Iriyāpatho	45
Āpattinikāyassa	110	Issariyaṃ kāreti	141
Āpatti saṃghādisesassa	112	[ U ]	
Ābhatamaṃ	252	Upakkamitvā	105
Ābhujitvā	13	Ukkheṭito	90

Padānukkamo	Piṭṭhaṅko	Padānukkamo	Piṭṭhaṅko
[ U ]		[ U ]	
Uggaṇheyya	269	Upasaṃharati	58
Uccāliṅgapāṇakadaṭṭhū- patthambhe	111	Upādāya	251
Uccāvacehi	42	Uppakkam	100
Ujūm	13	Uppaṇḍenti	133
Ujjagghanti	133	Uppaṇḍesum	266
Uttanto	69	Uppannaṃ	37
Uttarattharaṇaṃ	247	Uppannuppanne	10
Uttarimanussadhammaṃ	80	Ubbāḷho	152
Uttarimanussadhammassa	73	Ubbijjantipi	151
Uttasantipi	151	Ubbhakkhakaṃ	135
Udakaṃ maññe	166	Ubbhajāṇumaṇḍalaṃ	135
Udaggo	191	Ubhatobyañjanā	135
Udañjalaṃ	119	Ubhatovaṇṭikaṃ	201
Udosito	235	Ubhato saṃghe	241
Uddiṭṭhaṃ hoti	165	Ummasanaṇyapi	122
Uddissa	52, 250	Uracchado	201
Uddesapariyāpannesu	198	Ullaṅghanāyapi	122
Upakkamati	112	Ullapanti	133
Upakkamitvā	105	Ullittā	153
Upakkhaṭaṃ hoti	251	Ussavesu	214
Upacārabhūmi	30	Ussāpetvā	238
Upaṭṭhapetvā	13	Ussāreyya	197
Upaṭṭhānasālāyaṃ	9	Uhasanti	133
Upatiṭṭhitvā	165	Uḷāraṃ	152
Upaddutā	151	Uḷāratatā	119
Upanikkhipanaṃ	57		
Upanisinno	215	[ Ū ]	
Upapajjare	78	Ūhadantipi ummihantipi	264
Upalāpeti	77	Ūnapañcabandhanena	286
Upavassam	308	Ūhataṃ	10

Padānukkamo	Piṭṭhaṅko	Padānukkamo	Piṭṭhaṅko
[ E ]		[ O ]	
Ekakulassa gāmo	233	Omasantopi	122
Ekato ussārito	197	Orena ce channaṃ vassānaṃ	264
Ekatovaṇṭikam	201	Olaṅghanāyapi	122
Ekamantaṃ	151	Olīnavilīnāni	289
Ekādase aruṇuggamana	222	Ovarakā	235
Ekindriyaṃ	160	Ohīyako	243
Ekuddeso	193	[ Ka ]	
Ekena	4	Kakkasalomaṃ	136
Etadaggaṃ	138	Kaccittha	104
Evam bhāvito	35	Kacci bhikkhave khamanīyaṃ	74
Evam hoti	75	Kacci yāpanīyaṃ	74
Evamassa vacanīyo	155, 193	Kaṇḍajakam	165
Evameva kho	11	Kaṇḍakitāni	232
Evarūpaṃ	199	Katakammā	243
Ehisvāgatavādino	206	Katakalyāṇo	36
[ O ]		Katakusalo	36
Okāso	45	Katabhīruttāṇo	36
Okiṇṇavikiṇṇā	289	Katame te kilesā	
Okiliniṃ	100	pahīnā	82
Okkhittacakkhu	205	Kati hipi tyāyaṃ	278
Okkamantānaṃ	105	Kattikacorakā	308
Ogayha	101	Kattikatemāsikapuṇṇamaṃ	306
Oṇojetha	310	Kattha	82
Otiṇṇo	120	Katvā	297
Ottharivā	69	Kathaṃ	11
Odanena pucchanti	165	Kadā	82
Odapattakinī	142	Kapparaṃ upādāya	120
Obhaṭacumbaṭā	142	Kappāsikaṃ	302
Obhāseyya	133	Kappeti	181

Padānukkamo	Piṭṭhaṅko	Padānukkamo	Piṭṭhaṅko
[ Ka ]		[ Ka ]	
Kambalaṃ	302	Kismiṃ viya	139, 245
Kammakārī	142	Kuto ca tvaṃ bhikkhu	
Kammaniyāṃ	111	āgacchasi	152, 207
Kayavikkayaṃ	279	Kuthitā	101
Kalambako	204	Kudāssu nāmāhaṃ	75
Kalalarūpaṃ	37	Kupito	170
Kalyāṇakamyataṃ	251	Kulakumāriyo	120
Kalyāṇabhattiko	165	Kuladūsako	209
Kassāhaṃ kena hāyāmi	137	Kuladhītarō	119
Kahāpaṇo	269	Kulasuṇhā	120
Kāmaguṇehi	37	Kulitthīhi	119
Kānavitakkaṃ	117	Kulūpako	136
Kāyaṃ	13	Kusalaṃ	193, 253
Kāyadaḷhībahulā	164	Kūṭāgārasālāyaṃ	1
Kāyapaṭibaddhena	43	Kenaci	4
Kāyasaṅkhāraṃ	17	Koṇcaṃ	101
Kāyena	43, 50	Kolambepi ghaṭepi	289
Kāraṇiko	99	Koseyyaṃ	302
Kārayamānena	153	Kvāyaṃ	206
Kālayuttaṃ samullapanto	214		
Kālena kappiyaṃ	253	[ Kha ]	
Kālo	45	Khamati	196
Kāsāvakaṇṭhā	78	Khayavirāgo	35
Kiṃ nu kho	8	Kharalomaṃ	136
Kiṃ nu kho nāma	196	Khalikāya	204
Kiñci atthaṃ anubhoti	254	Khiḍḍādhippāyo	111
Kitavasseva	78	Khīlajāto	170
Kipillikānaṃ	155	Khumseti	133
Kimaṅgaṃ pana	152	Khomaṃ	302
Kiriyāviseso	45		

Padānukkamo	Piṭṭhaṅko	Padānukkamo	Piṭṭhaṅko
[ Ga-Gha ]		[ Ca ]	
Gaṇanā	23	Cīvarapiṇḍapāta -pa-	
Gabbhapātanam	64	parikkhāram	137
Garahati	133	Cuṇṇena	211
Garukato	75	Cecca	37, 106
Garubhaṇḍāni	76	Cetiyarukkham	160
Gāmaṃ vā	209	Ceteti	192
Gāmakūṭo	99	Codāpeti	172
Gāmapūjitaṃ	160	Corakantāro	70
Gijjhāpi kulalāpi	97	Coragāmaṇiko	243
Gimhānaṃ pacchime māse	10	[ Cha ]	
Gihīpi naṃ gihissa	279	Chakkhattuparamaṃ	253
Goghātako	98	Chaḍḍeti	271
Gocariyānaṃ	263	Chaṇesu	214
Gopeti	141	Chandagāmino	212
Ghaṭikāya	204	Chandavāsini	142
[ Ca ]		Channaṃ cīvarānaṃ	
Cakkabhedāya	192	aññataram	221
Cakkamattāni	101	Channā	139
Cakkhubhūtā	97	Chimbhitattaṃ	8
Catukkabhattaṃ	165	Chārattaṃ	212
Catubhāgaṃ khādanaṃ	282	Chinnikā	132
Cattena	297	Chupanaṃ	121
Catto	90	[ Ja ]	
Ciṅgulakena	205	Jaṅghapesaniyaṃ	211
Cittasaṅkappo	42	Jatumāsako	269
Cittasaṅkhāro	33	Janapado	160
Cittānurūpaṃ	166	Jātarūparajataṃ	269
Cīrikā	294	Jānanto	37, 106
Cīvaracetāpannaṃ	250	Jāyattane	140
		Jārattane	140

Padānukkamo	Piṭṭhaṅko	Padānukkamo	Piṭṭhaṅko
[ Ja ]		[ Ta ]	
Jigīse	152	Tikoṭiparisuddhaṃ	189
Jigucchanti	6	Ticivaraṃ	219
Jīnosi	252	Ticivarena	233
Jīvasaññino	160	Tiṭṭheyya	193
Jīvitā	38	Tiṇakaṭṭhapaṇṇasaṭaṃ	197
Je	166	Tiṇaṇḍupakaṃ	288
[ Tha ]		Tiriyāṃ	154
Ṭhānaṃ	253	Tirokkhā	212
Ṭhānaso	10	Tirogāmo	139
[ Ta ]		Tisso vijjā	85
Taṃ	48, 133	Tīhākārehi	88
Taṃ kissa hetu	78	Tucchaṃ	84
Taṃ khaṇaṃ taṃ layaṃ	178	Tuvaṭṭenti	204
Taṅkhaṇikaṃ	140	Te	36, 62, 152
Taṅkhaṇikāya	141	[ Tha ]	
Taṅkhaṇo	140	Thambhentaṣṣa	118
Tante	305	Theyyāya	78
Tatridaṃ	153	Thometi	133
Tattha	254	[ Da ]	
Tatthāyasmante	104	Dakkhā	139
Tathāgatappaveditaṃ	76	Daḍḍhaṃ	220
Tadahujātā	120	Davāya	63
Tadupiyaṃ	282	Dasāhānāgataṃ	306
Tanubhūto	8	Dasāhaparamaṃ	221
Tayo pattassa vaṇṇā	281	Daharo	6
Tasseva kammaṣṣa	98	Daho	101
Tāresi	7	Dānapathāni	207
Tāvatihaṃ	212	Dāni	9

Padānukkamo	Piṭṭhaṅko	Padānukkamo	Piṭṭhaṅko
[ Da ]		[ Na ]	
Dāyaṃ ālimpesuṃ	71	Nam	122, 178, 188, 279
Dārumāsako	269	Naccantiyāpi gāyanti	204
Dāsī ca	142	Naccantiyāpi naccanti	204
Diṭṭhaṃ	171	Naṭṭhaṃ	220
Dīghalomaṃ	136	Nandī carati	101
Duggatā	139	Na lomaṃ pātentī	208
Duṭṭho doso	169	Namaraṇādhippāyassa	60
Dubbacajātiko	197	Namhi kenaci	4
Dubbaco	197	Narako	42
Dulladdhaṃ vata	7	Nalāṭikampi denti	205
Dussamharāni	153	Na vata me lābhā	7
Dūtena	47	Na vata me suladdhaṃ	7
Dūteyyaṃ	73	Nāgānaṃ	101
Deso	184	Nādiyi	214
Dovacassakaraṇehi	197	Nānappakāraṅgaṃ	275, 279
Dvaṅgulā	286	Nānākulassa gāmo	234
Dvinnāṃ saṃghādisesena	158	Nābhijānāmi -pa- paṭisevitā	167
[ Dha ]		Nālaṃvacanīyā	147
Dhajāhaṭā	142	Nāssudha	5
Dhaññakaraṇaṃ	236	Nāṭikodanaṃ	282
Dhanakkītā	141	Nikacca	78
Dhanukena	205	Nigamo	209
Dhammampi bhaṇati	305	Niṭṭhitacīvarasmim	220
Dhammo	59, 175	Niṭṭhitacīvarasmim bhikkhunā	220, 233
Dhāvanti pi	205	Niṭṭhubhitvā	137
Dhutā	192	Nippīliyamānā	243
Dhuttā	140	Nibbujjhanti	205
Dhuttikā	132	Nimittamattāsī	134
Dhuvacoḷā	134	Nirayaṃ	78
Dhuvalohitā	134		



Padānukkamo	Piṭṭhaṅko	Padānukkamo	Piṭṭhaṅko
[ Na ]		[ Pa ]	
Nisajjāṃ kappeyya	214	Paṭibaddhacittā	36
Nissaggiyaṃ pācittiyaṃ	222	Paṭibaddhacitto	120
Nissaggiyena	43	Paṭimuñci	288
Nissaṭṭhaṃ	268	Paṭiyattaṃ	310
Netthāraṃ vattanti	208	Paṭilābhabhūmi	30
Nerayikassa	59	Paṭilābhena	244
No	6, 105, 196	Paṭiviso	268
No kappeti	181	Paṭivuttaṃ	136
No cassa pāripūrī	239	Paṭisallānā	8
[ Pa ]		Paṭisallīnassa	162
Pageva jāgaro	120, 167	Paṭisallīyitum	4
Paggayha	193	Paṭisāyaṇīyaṇi	289
Paggharantī	134	Paṭṭo	245
Paṅgacīrena	205	Paṭṭhamaṃ cittaṃ	37
Paccassosi	163	Paṭṭhamaṃ viññāṇaṃ	
Paccāgacchati	49	pātubhūtaṃ	37
Paccāharati	143-4	Paṭṭhamāpattikā	212
Pajjhāyantā	166	Paṇako	197
Pañcannaṃ bhesajjānaṃ	289	Paṇidhāya	13, 92
Paññāyissati	265	Paṇīto ca	10
Paññāsabandho	252	Paṇḍitā	139
Paṭavāsini	142	Paṭikaḍḍhanāyapi	122
Paṭikacceva	297	Paticayo	162
Paṭikkantena	205	Pattakallaṃ	155
Paṭiggaṇhāti	48, 142	Pattakkhandhā	166
Paṭiggahetabbaṃ	253	Pattapariyanto	287
Paṭinissaggānupassī	35	Pattāḷhakena	205
Paṭinissatṭho	90	Patthodanaṃ	282
Paṭibaddhaṃ	305	Padhānaṃ	26
		Papāto	42
		Pabbateyyā	197

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pabhaggo	101	Passāso	14
Pamaṇikā	153	Pahiṇeyya	252
Pamuṭṭho	181	Pācittiyam	222
Payogo	26	Pāṭiyekko	288
Parāmasantopi	122	Pāṇātipātī	39
Parāmasi	252	Pāṇātipāto	39
Pari	13	Pāṇo	39
Parikanto	74	Pātetabbaṃ	63
Parikkhāro	137	Pāpake	10
Paricārentā	140	Pāpadhammā	78
Paricāressasi	37	Pāpabhikkhū	100, 198
Pariṇataṃ	310-2	Pāpabhikkhuno	75
Parittena vā vipulaṃ	244	Pāpasamācāro	212
Paripātentī	308	Pāpā	78
Paribhāsanti	209	Pāpiccho	83
Parimukhaṃ	13	Pārājikā	103
Pariyāgāro	119	Pāsādikena	205
Pariyeseyya	41	Pāsādo	235
Pariyosāpeti	158	Piṇḍapātanihārakena	4
Parisuddhaṃ	76	Piṇḍapātapaṭikkantā	243
Parihārapathepi	204	Pilandhanaṃ	151
Pallaṅkaṃ	13	Pihentā	266
Pavāreyya	248	Piṇḍindriyā	74
Pavutthapatikā	64	Pītippaṭisaṃvedī	32
Pavedaye	78	Pucchiyamāno	253
Pasannamukhavaṇṇā	74	Puṭṭho	59
Pasādo	306	Pubbaṇṇanissitaṃ	156
Pasāritena	205	Pubbevassa	88
Pasutaṃ	7	Purāṇagaṇakiyā	139
Passambhayaṃ	17, 33	Purime upādāya	42, 84

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Bha ]	
Purisatthakaraṃ	148	Bhaṇitassa	88
Pūgassa	310	Bhayaṃ	8
Pūjito	75	Bhākuṭika bhākuṭiko viya	206
[ Pha ]		Bhāgā	263
Phassapaṭivijānaṇā	125	Bhāvito	9, 11
Phaṇitaṃ nāma	294	Bhikkhu nisinne	215
Phāsu	193	Bhikkhumānattāya	212
[ Ba ]		Bhisicchavi	247
Bahārāmakotṭhake	166	Bhuñjeyya	79
Bahitiyojanaṃ	267	Bhūmattharaṇaṃ	247
Bahiddhā	110	Bhedanasarivattanikaṃ	192-3
Bahunattā	214	Bhogavāsini	142
Bahuputtā	214	[ Ma ]	
Bahulīkato	9	Maṅgulim	100
Bahū saṃghassa bhattā	310	Mañjarikaṃ	201
Bāhirimena	154	Maṇikaṇṭho	151
Bāhulikā	289	Maṇissa	151
Bāhuliko	192	Maṇḍanakajātiko	6
Bāhullāya	192	Mataṃ	36
Bilaṅgadutiyaṃ	165	Madhu nāma makkhikāmadhu	293
Byattā	139	Manāpāni	265
Brahmacariyaṃ	76	Manesikāya	205
Brahmacariyā	178	Mandamando	206
[ Bha ]		Mamannapānaṃ	152
Bhagavato paccassosi	163	Maraṇavaṇṇaṃ	36, 41
Bhaṅgaṃ	302	Maraṇāya vā	41
Bhaṇantassa	88	Mahagghaṃ	251
		Mahallakaṃ	160
		Mahā akālamegho	10

Padānukkamo	Piṭṭhaṅko	Padānukkamo	Piṭṭhaṅko
[ Ma ]		[ Ya ]	
Mahānirayānaṃ	101	Yato nivātaṃ	166
Mahāvane	1	Yatra hi nāma	97
Mātuyā mātupemena	128	Yathā pure tathā pacchā	103
Mānito	75	Yathāyuttena	156
Māyyo	139	Yathāvajjena	205
Mārakāyikā	7	Yadidaṃ	198
Mālākite	288	Yampi tyāhaṃ	301
Mālāmissā	121	Yassa	152
Mālāvaccamaṃ	199	Yassa dāni	9
Mā vo sakaṃ vinassa	254	Yācaṃ	152
Māse	10	Yācanabahulā	148
Māso seso gimhānaṃ	297	Yācamāno	152
Māḷo	235	Yāce	152
Mihitapubbaṅgamā	206	Yāvataṭṭhiyakā	212
Mukhaṃ	13	Yāvatihaṃ jānaṃ	212
Muccati	112	Yāvadatthaṃ	105
Mutto	90	Yāva sattamā pitāmahayugā	240
Mūlaṭṭhassa	48	Yuñjantāyasmanto	254
Methunupasaṃhitena	138	Yuvā	6
Medhāvinī	139	Yena vā	215
Mokkhacikāya	205	[ Ra ]	
Mocanassādo	114	Rakkhati	141
[ Ya ]		Rajojallaṃ	10
Yaṃ cittaṃ taṃ mano	42	Raṭṭhaṃ	160
Yakkhaṃ māresi	69	Rathakena	205
Yaññaṃ yajissāmi	111	Ramaṇiyo	101
Yaññesu	214	Raho	50
Yatassa ābhataṃ	254	Rahogatassa	162
Yatāyaṃ	101	Rāgāya	79

Padānukkamo	Piṭṭhaṅko	Padānukkamo	Piṭṭhaṅko
[ Ra ]		[ Va ]	
Rāgūpatthambhe	111	Vanto	90
Rāgo	105, 125	Vambheti	133
Rājabhoggo	252	Vasaṃ vatteti	141
Riñcanti	207, 268	Vasalaṃ	137
Rukkhamūlagato vā	13	Vassaṃ ukkaḍḍhiyati	299
Rūpiyasamvohāraṃ	275	Vasātelam	292
[ La ]		Vāyamantassa	111
Lābhaṃ	310	Vāreyyaṃ	139
Lāsentī	204	Vāsāgāraṃ	159
Lekhaṃ chindati	51	Vāssa	41
Lepo	154	Vāḷakantāro	70
Leso	184	Vāḷayakkhavihāraṃ	70
Lomahaṃso	8	Vikappaṃ	251, 305
Lohamāsako	269	Vikopeti	38
Lohitakaṃ	6	Viññattibahulā	148
[ Va ]		Viññātasāsanā	215
Vaggavādakā	196	Vituḍenti	97
Vaggumudātīriyā	74	Videssanā	153
Vaggumudā nadī	6	Vidhūtīkā	201
Vaṅkakena	205	Vinaṭṭhaṃ	220
Vacanāya	198	Vinayo	175
Vañjhithī	64	Vinassati	297
Vaṭaṃsako	201	Vinidhāya diṭṭhiṃ	90
Vaṇṇaṃ bhāseyya	137	Vipariṇatena	120
Vaṇṇavā	74	Vipākāvasese	98
Vata	251	Vipulam	152
Vatthu	45, 125	Vippakate	158
Vatthudesanāya	155	Vippavaseyya	233
Vadeyya	84	Vippasannachavivaṇṇā	74
Vanabhaṅgiyaṃ	114	Vibbhamanti	209

Padānukkamo	Piṭṭhaṅko	Padānukkamo	Piṭṭhaṅko
	[ Va ]		[ Sa ]
Vimajjati	238	Sam	37
Vimokkho	85	Samghādiseso	109
Vimocayaṃ	34	Samghikaṃ	310
Virāgānupassī	35	Samvaṇṇema	36
Vilapiṃ	84	Samsaraṇaṃ	156
Vilīvakāraṃ	63	Sakaṃ	254
Vilokitena	205	Sakiṃ nivatthampi	
Vivāho	139	sakiṃ pārutampi	241, 266
Vividhampi	205	Sakkato	75
Visuddhāpekkho	83	Sakkharadhotapāṇi	152
Vissajjetabbo	288	Sakhilā	206
Vissajjeti	231, 296	Saggakathaṃ	59
Vissatṭhi	107	Saṅkhasevālapaṇakaṃ	197
Vihāravatthuṃ	160	Saṅgaṇhāti	77
Vihārena vihāraṃ -pa- vadeti	7	Saṅgamma	152
Vihāro	236	Sajjito	140
Vītikkamo	37	Sañcarittaṃ	140
Vīmaṃsati	143	Sañcicca	37
Vīmaṃsatthāya	111	Sañcetanikā	106
Vīsatiḅaṇo	212	Sañjānanto	37
Vutthavassā āraṇṇakesu	307	Sañṇatto	253
Vūpasameti	10	Sañṇā	125
Veṇi	121	Sañṇācikā	153
Veṇiggāho	121	Sañṇācikāyo	148
Vepurisikā	134	Sañṇāṇaṃ katvā	
Vematiko	181	nikkhipitabbaṃ	307
Veyyāvaccakaro	65, 253	Sañṇāpetvā	252
Vesāliṃ upanissāya	8	Sañṇāpessāma	188
Vo	78	Sati	9, 13
Voropeyya	38	Saṅṭhaheyya	207
		Saṅhā	206

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sattabbhantarā	235	Samādapeyya	41
Sattamāse	239	Samādahaṁ	34
Sattham	41, 56	Samādāya	193, 266
Satthahāraḥaṁ	41	Samādhi	9, 85
Satthā	154	Samānasaṁvāsako	192
Satthusāsaṁaṁ	175	Samānasīmāyaṁ ṭhito	192
Saddhā	306	Samāpajjanti	275
Saddeyyavacaṣā	215	Samāpatti	85
Santaruttaraparamaṁ	249	Samiṅṅitena	205
Santaruttarena	232	Samukkheṭito	90
Santikāyapi	204	Samudācareyya	81
Santike	137	Sametāyasmantānaṁ	196
Santo ceva	10	Sametāyasmā	193
Santo saṁvijjamaṁo	75	Sambhinnā	135
Sannidhikāraḥaṁ	289	Sammata	214
Sannipātetvā	9	Sammodamaṁo	193
Sappaṭibhayāni	309	Sarasi tvaṁ Dabba evarūpaṁ	
Saparikkamaṁaṁ	155	kattā	166
Saparidaṅḍā	141	Salākahatthena	205
Samappito	37	Sallekhavuttino	192
Sappinikāya	101	Sahatthā	267
Sabbakāyappaṭisaṁvedī	16	Sahadhammikaṁ	198
Sabbe	9	Sahadhammena	198
Sabhāgānaṁ	164	Sā	97
Sabhāye vā dvāramūle vā	234	Sāṭakapatto	186
Samaggassa	192	Sāṇaṁ	302
Samaṅgībhūto	37	Sātodako	101
Samaṇakuttako	6	Sāditabbaṁ	249
Samantā	236	Sādhu	6, 251
Samanuggāhiyamāno	178	Sādhu bhante	187
		Sādhu sādhu	7

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sāmantā	266	Suppatittho	101
Sāmīci	213	Suppavāyitaṃ	305
Sārakkhā	141	Sumbhakatatto	186
Sāratto	120, 133	Suvaṇṇanti adhimucci	289
Sārathi	99	Suvaṇṇamālā	288
Sārambhaṃ	155	Suvaṇṇamissā	121
Sāsaṅkasammatāni	309	Suvitacchitaṃ	305
Sikkhati	16	Suvilekhitaṃ	305
Sikharaṇī	134	Suvītaṃ	305
Siṅcanti	199	Susānaṃ	156
Siṅcāpentī	199	Susu	152
Sitaṃ pātvākāsi	96	Sūcako	99
Silā	63	Setako	101
Sītodako	101	Seyyathāpi	10
Sīsaṃnhāto	6	Seyyo	36, 73, 78
Sīsūpagaṃ	276	Selaṃ	152
Sukhappaṭisaṃvedī	33	Sevālo	197
Sukhasambhāsā	206	Sesakaṃ āharissāmi	249
Sugatavidatthiyā	153	So	13, 47, 105, 158
Suññato	85	Sobbho	42
Suññāgāragato vā	11, 13	Svātanāya	165
Suṇisabhogena	139		
Suttaṃ dhārayitvā	305	[ Ha ]	
Suttamissā	121	Haṭṭho	191
Sudaraṃ	97	Hatthagāho	121
Suddhaṃ brahmacāriṃ	76	Hatthismimpi	205
Suddhakāḷakānaṃ	263	Hammiyaṃ	235
Suddhakesā vā	121	Harāyanti	6
Supaññattaṃ	119	Hiraññamissā	121
Supinantā	107	Hotiyeva	8



## Pārājīkakaṇḍa-aṭṭhakathāya dutiyabhāge

### Lakkhitabbānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Akappiyavohārādi-		Abhihāro duvidho	249
pañca vatthūni jānitabbāni	200	Amanussagahitassa	
Aṇḍabhāritavatthu	99	hatthapādādīsu tālapaṇṇaṃ	
Atthasādhakacetanā		vā parittasuttaṃ vā	
maggānantaraphalasadisā	49, 52	bandhitabbaṃ	71
Adhigama-upāyapucchānaṃ		Ariyānaṃ vicāraṇakathā	82
adhippāyo evaṃ		Alajjīniggahatthāya, lajjīpagga-	
veditabbo	81	hatthāya ca sikkhāpadaṃ	
Adhiṭṭhānaṃ duvidhaṃ	226	paññattaṃ	176
Adhiṭṭhānavikappanavidhi	225-6	Asubhabhāvanāya	
Adhiṭṭhitacīvarassa		ānisaṃso	2
vijahanaṃ	227-8	Asubhasamāpattiyā	
Adhiṭṭhitapattassa vajahanaṃ	284	ānisaṃso	4
Adhippāyo anekavidho	182	Assāsapassāsā natthi	
Adhimāna-uppajjanakapuggalo		udake nimuggādīnaṃ	27
evaṃ veditabbo	80	[ Ā ]	
Anāmāsaṃ	129	Āpattānāpattibhedo	
Aniccādīnaṃ adhippāyo evaṃ		saṅho sukhumo, tasmā	
veditabbo	35	suṭṭhu sallakkhetabbo	113
Aniddiṭṭho duvidho	254	Āharaṇūpāyo	27
Anulomapārājīkāni		[ I-U ]	
cattāri	103	Itthī nāma sabbāpi brahmacari-	
Apattā dve	282	yassa pāribandhikāva	128
Appanā	22	Iddhimayo	40
Abhayacoravatthu	68	Uggaho	22
		Upaṭṭhānaṃ	22

Padānukkamo	Piṭṭhaṅko	Padānukkamo	Piṭṭhaṅko
[ U-E ]		[ Ca ]	
Uddissānuddissabhedo		Catukkāni dve	298
duvidho	43	Codanā tividhā	173
Ekameva kammaṭṭhānaṃ saññā-		Codanāya dvemūlāni	177
nānatāya nānato		Codanāya tīṇi vatthūni	177
upaṭṭhāti	29	Codanā catubbidhā	173, 174
Eko alajjī alajjīsatampi		Codanāya pañca bhūmiyo	177
karoti	273	[ Cha-Ja-Ña ]	
Eḷakacatukkaṃ evaṃ		Chabbaggiyavatthu	199
veditabbaṃ	43	Jāticīvarāni cha	221
[ O ]		Jīvitindriyaṃ duvidhaṃ	38
Odissaṃ sattavidhaṃ	295	Ñātiparamparavibhāgo	240
Obhāso	151	[ Ta-Tha ]	
[ Ka ]		Tantavāyā dve	303
Kakacopamā	25	Tayo dhammā ekacittassa	
Kappiyakārako nāma		ārammaṇā na honti	26
saṅkhepato duvidho	254	Tepiṭakacūḷābhayaṭṭhera-	
Kappiyavatthu	269	vinicchayaṭṭhera-	176
Kammaṭṭhānaṃ duvidhaṃ	21	Theyyasaṃvāsakādīnaṃ saggo	
“Kiṃ te adhigataṃ”ti-ādīsu		avārito, maggo	
chasa ṭhānesu sodhanaṭṭhaṃ		pana vārito	103
veditabbaṃ	82	[ Da-Dha ]	
[ Kha-Ga ]		Dukkaṭṭavatthu	269
Khīṇāsavattatheravatthu	215	Deviddhi	40
Khettaṃ catubbidhaṃ	298	Dovārikopamā	25
Gabbaṃ agaṇṇanaka-itthī		Dvinnāṃ vikappanānaṃ	
nāmanatthi	64	nānākaraṇaṃ	231
Gabbho na saṅṭhāti		Dhaññamāpakagaṇanāya	
dvihākārehi	64	gaṇetabbaṃ	23
Gopālagagaṇanāya gaṇetabbaṃ	23	Dhammiyādhhammiyaparibhogo	
		paccayavasena veditabbo	274

Padānukkamo	Piṭṭhaṅko
[ Na ]	
Nadīsotena vuyhamānaṃ mātaraṃ passantena bhikkhunā evaṃ uddharitabbā	128
Na hi sakkā Buddhānaṃ aññathā ārādhetaṃ aññatra vattasampattiyā	265
Nāgiddhi	40
Nāsanā tisso	167
Nāḷibheda	282
Nigamo	209
Niddiṭṭho duvidho	254
Niddiṭṭho sammukhāsammukhavasena catubbidho	255
Nimittakammaṃ	151
Nissaggiyavatthu	269
[ Pa ]	
Paggahā dve	274
Paṅgulopamā	25
Paccuppannaṃ tividhaṃ	39
Pañcasandhikaṃ kammaṭṭhā- naṃ uggahetabbaṃ	22
Paṭinissaggā dve	35
Paṭisanthāro	68
Paṇḍupalāso	65
Pattassa adhiṭṭhāna- vikappanupagattaṃ evaṃ veditabbaṃ	283
Pattassa adhiṭṭhānā dve	284
Pattā nava	282
Pabbajitaparibhogo hi	67

Padānukkamo	Piṭṭhaṅko
[ Pa ]	
Parikathā	151
Paritte evaṃ paṭipajjitabbaṃ	67
Paripucchā	22
Paribhogā cattāro	272-3
Parisaṅkitaṃ tividhaṃ	171
Palālapuñjādivatthūni	44
Pārihāriyakammaṭṭhānaṃ	21
Pāṇātipātassa cha payogā	39
Pārājikāni catuvīsati	103
Piṇḍapāte evaṃ paṭipajjitabbaṃ	67
Pupphavikatiyo cha	202
[ Pha-Bha ]	
Phassassāde duvidho phasso	115
Bhātiyarājakāle Mahāvihāra- vāsī-abhayagirivāsīnaṃ therānaṃ vivādo	168
Bhūtavejjakavatthu	69
Bhūmi nāma anagghā	261
Bhesajjaṃ kātumaṃ vaṭṭati imesaṃ puggalānaṃ	64-6
Bhesajje evaṃ paṭipajjitabbaṃ	67
[ Ma ]	
Maggo	35
Manasikāravidhi	22
Manussaviggahapārājikaṅca nāmetaṃ saṅhaṃ pariyāyakathāya na muccati	70

Padānukkamo	Piṭṭhaṅko
[ Ma ]	
Manussaviggahe pariyāyo nāma natthi	64
Mahācorā cattāro	76, 77
Mahārakkhitattheravatthu	274
Mātugāmo nāma attano phasse anissaro	99
[ Ya ]	
Yakkhaṃ vā Sakkam devarājānaṃ vā māreyya, na pārājīkam	70
Yakkhiddhi	40
[ Ra ]	
Rakkhaṇūpāyo	30
Ratanāni dasa	130
Rāgā ekādasa	114
Rājiddhi	40
Rūpūpahārādīsu ārammaṇesu vinicchayo evaṃ veditabbo	59
[ La ]	
Lakkhaṇaṃ	22
Loṇasovīrakaṃ nāma	72
[ Va ]	
Vālavihāraṃ pesentassa āpattānāpattibhedo veditabbo	70

Padānukkamo	Piṭṭhaṅko
[ Va ]	
Vikappanā dve	230, 285
Vijjāmayo	40
Vipassanā	35
Virāgā dve	35
Veyyāvaccakaro	65
[ Sa ]	
Samayo duvidho	298
Sabbatthakakammaṭṭhānaṃ	21
Sabbesampi gabbhaseyyakānaṃ mātukucchito nikkhamana- kāle paṭhamam abbhantara- vāto bahi nikkhamati	14
Sayanakāle manasikāro evaṃ kātabbo	106
Sāhatthiko	39
Sukkassa ṭhānaṃ tividhaṃ	107
Suddhikanayo	87
Suddhi catubbidhā	272
Supaṇṇiddhi	40
Supinaṃ passanto catūhi kāraṇehi passati	107
Supinaṃ sekkhaputhujjanāva passanti, asekkhā na passanti	108
Sobhitavatthu	102

## Pārājikakaṇḍa-aṭṭhakathāya dutiyabhāge

### Nāmānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[ A ]			[ U ]	
Āṅgamagadha (raṭṭha)	199		Upatissatthera	54, 208, 233-5, 264, 293
Aṭṭhakathā	25-9, 31-8, 40, 88, 126, 179-ādi		Upananda	245
Anāthapiṇḍika	105		Upāli	177
Anumānasutta	197		[ Ka ]	
Anurādhapura	68		Kaṇḍaka (assa)	197
Anuruddhatthera	278		Kadambanadī	68
Andhakaṭṭhakathā	228-9, 276, 282, 290		Karavīkatissatthera	228-9
Andhavana	243		Kalandaka	161
Abhayagiri	168		Kalyāṇabhattika (seṭṭhi)	165
Abhayacora	68		Kāsikosala (raṭṭha)	199
Abhayatthera	68		Kīṭāgiri (janapada)	198-9
Ariṭṭha	195		Kurundaṭṭhakathā	99-118
Asoka (rājā)	40		Kurundī	87, 124, 130-1, 156, 158, 168, 182, 200-4-9, 210, 241, 244, 248, 267, 270, 288, 300
Assajipunabbasuka	198-9, 207-9		Kulumba	40
Aḷanāgarājamahesī	259		Kūṭāgārasālā	1
[ Ā ]			Kokālika	187
Āthabbaṇika	40		Kosambī	160
Ānanda	8, 219, 232		[ Ga ]	
Ānandatthera	220		Gaṅgā	83
Ābhidhammikagodattatthera	31, 72		Gijjhakūṭa	164, 183
Āḷavī (raṭṭha)	147			
[ U ]				
Udāyī	105			
Upaḍḍhatthera	290			

Padānukkamo	Piṭṭhaṅko
[ Ga-Gha ]	
Gotamaka	219
Godattatthera	173
Ghosita (seṭṭhi)	160
Ghositārāma	160
[ Ca ]	
Catunikāyikatissatthera	274
Cittalapabbata	259, 260
Cīnapaṭa	59
Cūlasumanakuṭumbiya	40
Cetiyaḡiri	68
Coranāga	68
[ Cha-Ja ]	
Channa (upaṭṭhāka)	160
Chabbagī (bhikkhū)	198
Jaṭila	96
Jambudīpa	68
Jīvaka	219
Jetavana	105, 119
[ Ta-Da ]	
Tapodā (nadī)	101
Tipiṭakacūlanāgatthera	278
Tepiṭakacūlabhayatthera	176
Dabba	161-7, 172, 183-4
Damiḷa (nāḷi)	282
Dīghabhāṇaka-abhayatthera	18, 30, 68
Dīghakārāyana (brāhmaṇa)	168
Devadatta	187-8, 192-5

Padānukkamo	Piṭṭhaṅko
[ Dha-Na-Pa ]	
Dhammarakkhita	47-8
Nandanavana	41, 59
Paṭisambhidā	9, 13, 14, 25, 33
Paṇḍukalohitaka	199
Padumuttara	162
Pāradārikavatthu	99
Piturājā	40, 68
[ Pha-Ba-Bha ]	
Phussadevatthera	54, 86, 233-4, 264
Buddharakkhita	47-8
Bhātiyarājā	128
[ Ma ]	
Magadha (nāḷi)	286
Majjhimbhāṇaka	18, 30
Maṇikaṇṭha (nāgarājā)	251
Mallaputta	161-2, 172, 183-4
Mallārāmvihāra	215
Mahā-aṭṭhakathā	47, 52, 68, 85, 87, 124, 201, 210, 280, 282, 294, 296, 304
Mahātipiṭakatthera	274
Mahātissatthera	227
Mahādīpirājā	12
Mahānāga (rājā)	68
Mahāpaccarisāṅkhepaṭṭhakathā	87

Padānukkamo	Piṭṭhaṅko	Padānukkamo	Piṭṭhaṅko
[ Ma ]		[ La ]	
Mahāpaccarī	52, 61, 85, 115, 124, 126, 130-1, 140, 200, 210, 217, 226, 244, 256, 270, 274, 294, 296, 301, 303, 304	Lakkhaṇatthera	96
Mahāpadumatthera	66, 71, 123, 125, 130, 143, 173, 194, 226, 233, 262, 293, 297	Lāḷudāyī	105
Mahāpetaloka	101	Licchavī	101
Mahārakkhitatthera	274	Lohapāsāda	176
Mahālohakumbhī (niraya)	101	[ Va ]	
Mahāvana	1	Vaggumudā	79
Mahāvihāra	168	Vijjādhara	40
Mahāsivatthera	290	Visākhā (dāyikā)	297
Mahāsumatthera	71, 123, 125, 143, 173, 181, 194, 228, 233, 262, 278, 293, 297	Visuddhimagga	2, 21, 22, 31
Migalaṇḍika	6, 7	Vebhārapabbata	101
Mettiya (bhikkhunī)	167-8, 183	Vesālī	1, 8, 73, 219
Mettiyabhūmajaka	163, 165-9, 172, 183, 199	Vessavaṇa	40
Moggallāna	96-7, 101-2	Veḷuvana	161, 165, 183
[ Ya-Ra ]		[ Sa ]	
Yamunā	83	Samgharakkhita	47-48
Rājagaha	101	Samyuttabhāṇaka	18
		San̄khepaṭṭhakathā	52, 54, 71, 85-7
		Sāriputta	219, 220
		Sāvatti	105, 199, 245
		Sivaliṅga	209
		Sihalaḍīpa	68, 282
		Suttantikattherā	52
		Seyyasaka	105
		Sobhita	102
		[ Ha ]	
		Himavanta	59

## Pārājīkakaṇḍa-aṭṭhakathāya dutiyabhāge

### Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Inḡalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho, Ṭṭha = Aṭṭhakathā.

### Pārājīkakaṇḍa-aṭṭhakathāya

Nānāpāṭhā

Piṭṭhāṅkā

#### [ A ]

Aññaṃ = Ūnakaṃ aññaṃ (Syā)	228
Aṭṭhamāse = Addhamāse (Saṃ-Ṭṭha 3. 301 piṭṭhe)	10
Aṭṭhipakkhā = Aṭṭhipakkhikā (Sī)	294
Attanā = Attano (Sī)	230
Antarabāhiralittā = Santarabāhiralittāti (Sī, Syā)	153
Atīte nivāsassa = Atītanivāsassa (Syā)	102
Attharaṇakaṃ = Attharaṇakaṃ paccattharaṇaṃ (Sī)	247
Atthasādhikacetanā = Atthasādhakacetanā (Ka)	49
Atthasādhikacetanā = Atthasādhakacetanā (Syā, Ka)	52
Addhānamagganti = Addhānamaggappaṭipannā (Pāḷiyā)	245
Adhikaraṇaṃ = Adhikaraṇaṭṭho (Sī, Syā)	179
Anividdhā = Anibbiṭṭhā (Sī) Aniviṭṭhā (Syā)	120
Anuddissa = Anudissa (Syā)	51
Anuddissa = Anodissa (Ka)	51
Anuddesike = Anuddesike (Syā)	43
Anupubbikathā = Anupubbakathā (Sī)	22
Anupekkhitā = Anupekkhako (Abhi-Ṭṭha 1. 133 piṭṭhe)	40
Anuyuñjantā = Anuyuñjanti (Ka)	74



Nānāpāṭhā

Piṭṭhaṅkā

## [ A ]

Anuvahanā = Anupadahanā (Ka)	23
Apanetabbo = Vattabbo (Ka)	83
Aparāparaparivattane = Aparāparam parivattane (Sī, Syā)	276
Aparisuddhīhi = Aparisuddhāhi (Ka)	189
Apassayanīyatṭhena = Apassanīyatṭhena (Syā)	56
Appathāmo = Appatthāmo (Sī)	188
Apassitvā = Apassanto (Sī, Syā)	80
Api meyya = Api mayya (Syā)	250
Abhibhavitvā = Adhibhavitvā (Sī)	279
Amattāni = Āmattāni (Syā, Ka)	281
Amissā suddhā kesāyeva = Amissānaṃ suddhānaṃ kesānaṃyeva (Sī, Syā)	121
“Araññanti = Araññaṃ nāma (sabbattha)	13
Arena = Ārena (Syā)	58
Allatīṇavanappagumbādayo = Allatīṇavanappatayo (Syā)	71
“Assa = Tassa (Ka)	184
Asammussantena = Apammussantena (Sī) Appamussantena (Syā)	22
Aho vatāyaṃ kucchigato gabbho = Aho vata yaṃ taṃ kucchigataṃ gabbhaṃ (sabbattha)	40

## [ Ā ]

Ādimanasikārato = Ādisamannāhārato (Saṃ-Ṭṭha 3. 301; Vajiraṭī 149 piṭṭhe)	10
Āmukkanti = Āmuttanti (Syā)	151
Āmeḍitaṃ = Āmeḍitaṃ (Sī)	206
Ārakūṭalohampi = Hārakūṭalohampi (Sī)	130
Ārammaṇaṃ = Ārammaṇā (Ka)	25
Ārāmo = Anto-ārāmo (Ka)	8
Āviñjantehi = Āvijjhantehi (Syā) Āviñchantehi (Ka)	119
Āviñjituṃ = Āvijjituṃ (Ka)	156

Nānāpāṭhā

Piṭṭhaṅkā

## [ Ā ]

Āviñjetvā = Āvijhitvā (Syā, Ka)	101
Āsāḥajuṇhapakkhe = Āsaḥijūṇhapakkhe (Ka)	10
Āsāḥamāse = Āsaḥīmāse (Ka)	10

## [ I ]

Īṅgitākāraṃ = Icchitākāraṃ (Ka)	191
Idha pana na evaṃ = Na idha evaṃ (Sī) Idha na evaṃ (Syā)	76
Iminā = Imāni (Syā)	151

## [ U ]

Uggahitakakataṃ = Uggahitakaṃ (Syā)	294
Udakavappe = Udakavappehi (Ka)	136
Uddissa = Odissa (Ka)	51
Udositasikkhāpadaṃ = Uddositasikkhāpadaṃ (Sī, Syā)	232
Ubbāsetvā = Uppātetvā (Sī, Syā)	68
Uhasantīti = Ūhasantīti (Sī) Ohasantīti (Syā)	133

## [ Ū ]

Ūhatam = Uhatam (Ka)	10
Ūhadantipi = Uhadantipi (Ka)	264

## [ E ]

Ekekapade = Ekekapadena (Syā)	112
“Eko = Ekā (Sī, Syā) Ekaṃ (Visuddhimagge)	23
Evaṃ kattabban”ti yaṃ = Evaṃ kātabbanti yaṃ (Sī) Evaṃ iti yaṃ (Syā)	186

## [ O ]

Okkamma = Okkamitvā (Ka)	118
Okāse ṭhatvā = Okāse ṭhatvā dhovāpitaṃ (Sī)	241
Ogayha = Ogāyha (Ka)	101

Nānāpāṭhā

Piṭṭhānkā

## [ O ]

Ogayha = Ogāhaṃ (Sī, Syā) Ogāyha (Ka)	101
Otthatopi = Otthaṭopi (Sī)	71
Oratattā = Oramitattā (Syā)	50
Osānadivase = Osāpanadivase (Sī)	275

## [ Ka ]

Kaṇḍakaṃ = Kaṇṭhakaṃ (Sī, Syā) Kaṇṭakaṃ (Ka)	
(Jāta-Ṭṭha 1. 63; Khu 2. Vimānavatthusmiṃ 110 piṭṭhesu)	197
Kaṇḍuvamānaṃ = Khajjamānaṃ (Ka)	115
Kata-attharaṇaṃ = Katvā attharanti (Ka)	247
Katapariyesitāya = Katapariyositāya (Syā, Ka)	299
Katabhaṇḍanti katabhaṇḍaṃ = Kaṭabhaṇḍanti kataṃ bhaṇḍaṃ (Sī)	268
Kattā cāsi = Kattā vāsi (Sī, Syā)	166
“Kathañca = Kathaṃ (Pāḷiyaṃ)	185
Kadambanadiṃ = Kaḷambanadiṃ (Syā) Kaḷambunadiṃ (Ka)	68
“Kapimiddhapareto = Kapiniddāpareto (Khu 11. 289 Milindapañhe)	109
Kammaniyabhāvāyāti = Kammaniyaṃ assāti (Ka)	214
Kammañca = Kammena (Sī, Syā) Visuddhi 1. 86 piṭṭhe.	21
Kayavasena = Kayavikkayavasena (Sī, Syā)	279
Karissasī”ti = Kārāpehīti (Ka)	231
Karissāmi = Karissāma (Sī)	219
Karontehi = Karonto hi (Sī)	150
“Kalandakanivāpanti = Kalandakanivāpoti (Sī, Syā, Ka)	161
Kāretā = Kāretārā (Ka) Kāretvā (Sī, Syā)	148
Kālaṅkato = Kālakato (Sī, Syā)	41
Kipillikānantipi pāṭho = Kapīlakānantipi pāṭho (Sī, Syā)	155
Kiriyāṃ = Kiriyā (Sī, Syā)	60
Kītamattā eva = Dhanakkītamattāyeva bhariyā (Syā)	
Kītamattā eva bhariyā (Ka)	141

Nānāpāṭhā

Piṭṭhaṅkā

## [ Ka ]

Kuñcikapāṇālimattameva = Kuñciyapaṇālimattameva (Sī)	
Kuñcikapāṇālimattameva (Ka)	134
Kuladhītarō = Kuladhītā (Ka)	119
Kenāpi = Tenāpi (Ka)	197
Ko nāma passati = Na nāma passati (Sī, Syā) Na supinaṃ nāma passati (Abhi-Ṭṭha 2. 390 piṭṭhe)	108
Kolambā = Koḷumbā (Syā, Ka)	289

## [ Ga ]

Gajjati = Gacchati (Sī) Tajjati (Syā)	47
Gaṇentena = Gaṇayantena (Sī)	23
Gatattā = Gahitattā (Ka)	274
Gantvā = Āgantvā (?)	171
Gāvaṃ = Gāvimaṃ (Sī, Syā)	23
Gihisaṅgaṇhanako = Gihīnaṃ saṅgaṇhako (Ka)	77
Gihimaṃ = Gihī (Sī, Syā)	77
Gehe kātukāmo”ti = Gahetukāmoti (Syā, Ka)	144
Gomaṃsapesiyo = Maṃsapesiyo (Sī, Syā)	98

## [ Gha ]

Ghaṭayati = Ghaṭiyati (Ka)	157
Ghanamaṭṭhaṃ = Ghanabaddhaṃ (Sī)	243

## [ Ca ]

Cārabhūmi = Cāribhūmi (Ka)	155
Carissasi vicarissasi, abhiramissasi vāti = Vicarissasi viharissasi abhiramissasi cāti (Sī)	
Carissasi viharissasi abhiramissasi vāti (Syā)	37
Cittasaddassa = Cittassa (Sī, Syā)	42
Cittuppādo = Vikkhittacittuppādo (Ka)	23

Nānāpāṭhā

Piṭṭhaṅkā

## [ Ca ]

Cināti = Mināti (Syā) 156

Cīvaravāyanatthāya = Cīvaravāyāpanatthāya (Sī) 303

...cetiyanāṃ vā = ...cetiādīnaṃ vā (Syā) 269

## [ Cha ]

Chagalakam̐ = Chakalakam̐ (Sī, Syā) 183

## [ Ja ]

Jaṭitalomaṃ = Jaṭilalomaṃ (Ka) 136

Jātapathaviyā = Jātapathaviṃ (Syā, Ka) 52

Jātapathavī = Jātapathavī vā (Sī) 54

Jānato ca = Jānatova (Ka) Khu 9. 169 piṭṭhe. 25

Jīvikam̐ = Jīvitam̐ (Syā, Ka) 4

## [ Tha ]

Ṭhapemī'ti = Ṭhaphēti (Sī, Ka) 234

## [ Ta ]

Taṇhāya dāsabyam̐ = Taṇhādāsabyam̐ (Syā) 273

Tatruppādampi = Tatruppādam̐ (Ka) 260

Tattheva = Patteva (Ka) 290

Tadanurūpañca = Tadanurūpikañca (Sī) 151

Tasmā = Kasmā (Ka) 148

Tasmā = So kira (Sī) 151

Tassā = Tassa (Sī, Syā) 184

Tālarukkham̐ = Rukkham̐ (Ka) 51

Tikhiṇatarādikaraṇena = Tikhiṇadhārādikaraṇena (Ka) 56

Tilakkhaṇasampannañca = Lakkhaṇasampannañca (167 piṭṭhe

Paṭisambhidāmagge) 3

Nānāpāṭhā

Piṭṭhaṅkā

## [ Ta ]

Tividhattagataṃ = Tivattagataṃ (167 piṭṭhe Paṭisambhidāmagge)	3
Timsāni = Timsādhikāni (Sī, Syā)	174
Te āgatā = Te āgate (Ka)	239
“Tesaṃ = Tesaṃyeva (Sī, Syā)	44
Taṃ dhotam = Tasmā dhotam (Sī, Syā)	290

## [ Tha ]

Thalavappe = Thūlavappe (Ka)	136
------------------------------	-----

## [ Da ]

Daṇḍakaṃ = Daṇḍakā (Ka) Daṇḍako (Syā) Daṇḍake (?)	203
Dassetvā = Dasante (Syā) Dassetto (Ka)	263
Daḷhībhāvakaṇḍabahulā = Daḷhabhāvakaṇḍabahulā (Sī)	164
Diṭṭhādīni = Adīṭṭhādīni (Sī, Syā)	180
Dīghamakkhikā = Dīghapakkhikā (Ka)	294
Dukkaṭṭhullaccayā = Dukkaṭṭhullaccayapārājikā (Syā)	51
Dujjīvitena” = Dukkheṇa jīvitena (Syā, Ka)	36
Dussante = Dasante (Sī)	275

## [ Dha ]

“Dhamakaraṇaṃ = Dhamakaraṇaṃ (Sī, Syā)	150
Dhārāvacchedavasena = Dhārūpacchedavasena (Sī)	
Dhāropacchedavasena (Syā)	202

## [ Na ]

Nacirasseva = Nacirassaṃ (Ka)	162
Nandī = Nandiṃ (Ka)	101
Navam saṅghāṭim = Navā saṅghāṭi (Sī)	226

Nānāpāṭhā

Piṭṭhānkā

## [ Na ]

Navutāni = Navutādhikāni (Sī, Syā)	174
Nāgadantakantarehi = Nāgadantakantarehi vā (Sī)	203
Nānāvajjanena = Nānāvajjanehi (Sī)	102
Nāmetvā = Onāmetvā (Syā)	122
Nipphattivasena = Nibbattivasena (Ka)	219
Nibbaṭṭitalokuttarattā = Nibbattitalokuttarattā (Ka)	86
Nibbisan”ti = Nibbiriyaṅti (Sī, Syā)	57
Nisīdantassa = Nisinnassa (Ka)	56

## [ Pa ]

Pakkāmi = Pakkami (Ka)	191
Paccantadese = Paccantimadesaṃ (Ka)	295
Paccayādīnaṃ = Paccayānaṃ (Sī)	267
Pañcamūlakasāvayāguyāṃ = Pañcamūlakasāvayāguyāṃ (Sī)	293
Paccuddharitūṃ = Paccuddharitvā (Ka)	231
Paññattasamucchindanaṃ = Paññattisamucchindanaṃ (Ka)	
Paññattasikkhāpadasamucchindanaṃ (Syā)	266
Paṭikacceva = Paṭigacceva (Sī)	61
Paṭikkūlā ca = Paṭikūlā ca (Ka)	2
Paṭiggahaṇe = Paṭiggahaṇaṃ (Sī)	259
Paṭipisanaṃ = Paṭipiṃsanaṃ (Sī, Syā)	162
Paṭibaddhaṃ = Paṭibandhaṃ paṭibuddhaṃ (Sī, Syā)	61
Paṭivisoti = Paṭivimsoti (Sī, I)	268
Paṭisanthāro = Paṭisandhāro (Ka)	68
Paṭisevittha = Paṭisevi (Sī, Syā)	174
Paṭhamajjhānādīhi = Paṭhamajjhānena (Ka)	87
Paṇamakāṃsu = Paṇitakamakāṃsu (Syā, Ka)	140
Pattajjhānassa = Paṭhamajjhānassa (Ka)	20
Patikaraṇatthena = Rogassa paṭi-ayanatthena (Visuddhimagge	
Sīlaniddese) Pītikaraṇatthena (Ka)	137

Nānāpāṭhā

Piṭṭhaṅkā

## [ Pa ]

Parakkamanasseva, na appaṭinissajjanassa = Parakkamantoyeva,	
	Na appaṭinissajjanto (Ka) 195
Parikattotipi = Kucchi parikatthotipi (Syā)	74
“Pariggahitaniyyānaṃ satim̐ = Pariggahitaniyyānasatim̐ (Ka)	13
Pariggahetvā = Pariggaṇhetvā (Sī)	71
Parimocesīti = Parimocesi (?)	7
Pariyosāpeti = Pariyosāvāpeti (Ka)	158
...parisaṅkā = Parisaṅkita... (Ka)	170
Parisaṅkitena = Parisaṅkāya (Sī, Syā)	174
Parisati = Parisatim̐ (Sī)	274
Pavāḷaṃ = Pavālaṃ (Ka)	130
Paharivā paharivā = Paharivā (Ka)	117
Pācinam̐ = Pācīram̐ (Sī, Syā)	156
Pācittiyam̐ = Dukkaṭam̐ (Syā, Ka)	303
Pāripanthikato = Pāribandhakato (Ka)	3
Pāripanthikāva = Paribandhikāva (Ka)	128
Puñjo puñjo = Puñjapuñjo (Sī, Syā)	23
Punappunam̐ = Punappuna (Sī)	4
Pupphaguḷadāmameva = Pupphadāmameva (Sī)	
	Pupphaguḷapupphadāmameva (Ka) 204
Purimanayoyevettha = Purimanayova cettha (Sī) Purimanayo	
	cettha (Syā) 124
Pesanavasena = Phusanavasena (Syā)	122

## [ Pha ]

Phusissāmīti = Phusāmīti (Sī)	128
-------------------------------	-----

## [ Ba ]

Balavabhāve = Balavabhāvena (Syā, Ka)	111
Bahulatāya = Bāhullatthāya (Syā, Ka)	192
Bahū piṇḍā = Bahi piṇḍā (Ka)	294



Nānāpāṭhā

Piṭṭhaṅkā

## [ Ba ]

Bāhāsu ca = Pādesu ca (Sī, Syā)	194
Bāhuliko = Bāhulliko (Syā, Ka)	192

## [ Bha ]

Bhaṇḍaṃ = Bhaṇḍāni (Ka)	281
Bhattāti = Bhaddāti (Sī, Ka)	310
Bhattāni = Bhadrāni (Sī, Ka)	310
Bhava gati yoni ṭhiti nivāse = Bhava gati ṭhiti nivāse (Syā)	97
Bhāsanto = Bhāsento (Syā)	138
Bhikkhū = Bhikkhuṃ (Sī, Syā)	148
Bhūmantaraṃ = Bhummantaraṃ (Sī, Syā)	86

## [ Ma ]

Magomagaṃ = Mūgomūgaṃ (Sī, Syā)	105
Mañcapīṭhabhisitaṭṭikādiṃ = Mañcapīṭhataṭṭikādi (Sī)	242
Mañjaṭṭhiyā = Mañjīṭṭhiyā (Sī, Syā)	205
Maṭṭhasātakassa = Paṭṭasātakassa (Sī)	28
Maṇimayena = Ramaṇīyena (Ka)	101
Matepi = Matepi pārājikameva (Ka)	54
Maraṇatthāya = Maraṇatthāya vā (Sī)	41
Mahantataraṃ vā = Mahantataraṃ (Sī) Mahantaṃ (Syā)	56
Mahākaṇikārapupphādisadisena = Kaṇikārapupphādisadisena (Sī, Syā)	74
Mātāpitu-ādīnaṃ = Mātāpitūnaṃ (Sī)	227
Mālādhare = Mālādhāre (Syā)	288
Migamaṃsādisadisāni = Migamaṃsasadisāni (Ka)	191
Mīḷhasukhena = Mīḷhaphusena (Ka)	99
Mukhavevaṭṭika = Sammukhavevaṭṭika (Ka)	254
Muccane = Muccamāne (Ka)	114

Nānāpāṭhā

Piṭṭhāṅkā

## [ Ya ]

Yadā vā tadā vā = Yadā tadā vā (Sī) Yadā tadā (Ka)	300
Yathāsamādiṭṭhāya = Yathāsamādhiṭṭhāya (Syā, Ka)	159
Yathānusandhināva = Yathānusandhinā ca (Sī, Syā)	61
Yathā hi = Yathāpi (Sī, Ka)	12
Yamokāsaṃ = Yamanokāsaṃ (Ka)	183
Yāya kāyaci = Yassā kissāci (Syā) Yassā kassāci (Ka)	175
Yāva vā = Yāvatā (Sī, Syā)	39
Yuganaddham = Yuganandham (Ka)	158
Yuttappayuttā = Yuttapayuttā (Ka) Yuttā payuttā (Syā)	5
Yutto = Sutto (Sī, Ka)	109
Yehi kehici vā = Kehici vā (Sī, Syā)	247
Yo = So (Sī)	61
Yopi = Yo hi (Sī)	224
Yobbanathāvariyaḍikālo ca = Yobbanathāmaviriyaḍikālo ca (Sī, Syā)	45

## [ Ra ]

Rakkhaṇattham = Vaṇṇarakkhaṇattham (Sī)	247
Romanthanam = Romantham (Sī, Ka) Romaṭṭham (Syā)	295

## [ La ]

Laguḷe = Sūlalaguḷesu (Syā)	58
Leso nāma = Lesoti (sabbattha)	186
Lokuttaracittameva = Saha samāpattiyā	
lokuttaracittameva (Syā)	85
...loṇatikaṭukādīni = ...loṇakaṭukādīni (Sī)	72
Lohitaṅko = Lohitaṅgo (Ka) Lohitako (Syā)	130

Nānāpāṭhā

Piṭṭhānkā

## [ Va ]

Vacanakkamo = Vaṇṇanākkamo (Sī, Syā)	286
Vaṭṭatīti = Vaṭṭissatīti (Syā)	290
Vaṭṭamsakoti vataṃsako = Vataṃsakoti vaṭṭamsako (Ka)	201
Vattapaṭipattim = Vattapaṭivattam (Sī, Syā)	75
Vatīyā vā = Vatīyā vā sākḥāya vā (Ka)	234
“Vadantu tāva therā = Vadantu therā (Sī, Syā)	168
Vadhati = Vadheti (Sī, Syā)	49
Vanatthāya = Vatathāya (Vajiraṭī 207 piṭṭhe)	200
Vasāni bhesajjāni = Pañca vasāni (Sī, Syā, Ka)	292
Vassānam = Vassānassa (Syā, Ka)	225
Vāsacuṇṇādīni = Vāsacuṇṇādīm (Sī) Vāsacuṇṇādīnam (Syā)	2
Vikappanupagapacchimaṃ hi = Vikappanupagam hi pacchimaṃ cīvaraṃ (Sī)	303
Vijayabherī = Vijayabherim (Ka)	101
Vijjhivā = Nibbijjhivā (Sī)	98
Vituddentīti = Vituddentīti (Sī) Vitudentīti (Syā)	
Vituddentīti (Ka)	97
Vitthārassa vasena = Vitthāranayavasena (Ka)	87
Vimaṭṭham nāma na hoti = Vimaṭṭhameva hoti (Sī, Syā)	143
Virajjhitaṃ = Virujjhitaṃ (Ka)	70
Vissaggo = Visaggo (Sī, Syā)	107
Visaṅketo = Visaṅketoti (Ka)	47
Vīsatisaṅgho = Vīsatisaṅkho (Sī)	212
Vīsavassasatāyukassa = Vīsamvassasatāyukassa (Sī)	38
Vuttasadisameva = Vuttadivasameva (Sī, Syā)	220
Vegena vegena = Vegavegena (Sī, Syā)	23
Vesālim upanissāya = Vesāliyam upanissāya (Sam-Ṭṭha 3. 300 piṭṭhe)	8

## [ Sa ]

Sakkātabbo = Sakkāro kātabbo (Ka)	82
Saggo nāma = Saggo nāma na dullabho (Ka)	60

Nānāpāṭhā

Piṭṭhāṅkā

## [ Sa ]

Saṅgharivā = Saṃharivā (Sī)	228
Sattatimattā vā = Satamattā vā (Ka)	145
Sattibheṇḍisu = Sattibhindisu (Syā)	58
Satthakanisānādi-atthāya = Satthakanisadādi-atthāya (Syā, Ka)	130
Sandiṭṭho vā”ti = Sandiṭṭho vā sambhatto vāti (Syā, Ka)	230
Sandissantīti = Santīti (Sī)	81
Sandississatīti = Sandissatīti (Sī, Syā, Ka)	265
Sanniṭṭhāpikacetanaṃ = Sanniṭṭhāpakacetanaṃ (Syā)	52
Sannipatito = Sannipātito (Sī)	9
Sanissaggiyavinayakammaṃ = Sahanissaggiyavinayakammaṃ (Ka)	222
Sampajānamusāvādena = Sampajānamusāvāde (Sī, Syā)	169
Sampatto = Sampattosi (Sī, Syā)	68
Sabba-aṭṭhakathāsuyeva = Sabbaṃ Aṭṭhakathāsuyeva (Sī)	229
Sabbampetaṃ = Sabbametaṃ (Ka)	56
Sabbākārena vepullaṃ = Sabbākārato vepullataṃ (Ka)	
Sabbākāravepullataṃ (Syā) (Saṃ-Ṭṭha 3. 296)	1
Sabbākārenapi = Sabbādarenapi (Sī, Syā)	2
Samathanimittaṃ = Samādhinimittaṃ (Sī, Syā, Ka)	3
Samayena = Aparena samayena (Ka)	173
Samullapesi = Sallapesi (Sī)	66
Sayameva = Tameva (Ka)	199
Savātanti = Pavātanti (Sī, Syā)	166
Sasnehe = Sinehe (Syā, Ka)	77
Saha gacchanti = Samāgacchanti (Sī, Syā)	246
Sahubbhārā”ti = Sa-ubbhārāti (Syā, Ka)	221
Sākhalyena = Sākhallena (Sī, Syā)	206
Sādiyati = Sādayati (Ka)	244
Sāmikā paṭicchāpetabbā = Sāmikānaṃ paṭicchāpetabbaṃ (Sī, Syā)	150
Sāraddhāya = Sārambhāya (Sī, Syā)	24
Sāhatthiko ca = Sāhatthiyo ca (Ka)	43

Nānāpāṭhā

Piṭṭhaṅkā

## [ Sa ]

Sikharaṇīti = Sikhariṇīti (Sī)	134
Sikharaṇīsi = Sikhariṇīsi (Sī)	134
“Sithilo = Sathilo (Sī)	84
Sipāṭikāya = Sipāṭiyam (Sī, Ka)	268
Sīgham sīgham = Sīghasīgham (Sī)	23
Sukkavissatṭhi = Sukkavisaṭṭhi (Sī, Syā)	106
Sukkhasotā = Sukkhasoṇitā (Ka)	134
Sukhumatarasukhumatamanimittārammaṇam = Sukhumatarasukhuma- taranimittārammaṇam (Syā, Ka)	27
Su-uddharā = Su-uddhārā (?)	54
Suṇisabhogenāti = Suṇisābhogenāti (Sī, Syā)	139
Sutamutaparisaṅkitānipi = Sutamutaparisaṅkitāni (Sī, Syā)	172
Suddhakesā vāti = Suddhakesānaṃ vāti (Sī, Syā)	121
Setakoti = Setodakoti (Syā, Ka)	101
Sesaṃ = Yesam (Syā, Ka)	78
Samghādisesoyeva = Samghādiseseyeva (Sī, Syā)	194
Samsaraṇanti = Saṅcaraṇanti (Sī)	156

## [ Ha ]

Haṃsavaṭṭakacchadanena = Haṃsavaṭṭakacchannena (Ka)	2
---	---

## Pārājīkakaṇḍa-aṭṭhakathāya dutiyabhāge

### Gāthāsūci

Paṭhamapādā	Piṭṭhāṅkā		Paṭhamapādā	Piṭṭhāṅkā
<b>[ A ]</b>			<b>[ Pa ]</b>	
Akappakataṃ napi rajanāya rattaṃ	246		Padavītiḥāramattena vācāya	145
Aniruddhamhi paṭhame	89		Pamāṇaṃ pubbhāgova	89
<b>[ Ā ]</b>			<b>[ Ba ]</b>	
Ānāpānassati yassa	26		Buddhena dhammo vinayo ca	201
Āvāso ca kulaṃ lābho	21		<b>[ Bha ]</b>	
<b>[ E ]</b>			Bhikkhu saññācīkāya kuṭim	159
Ekasmiṃ bhāsamānasmiṃ	165		<b>[ Ma ]</b>	
<b>[ Ga ]</b>			Mātaraṃ cīvaraṃ yāce	298
Gaṇanā anubandhanā	22		<b>[ Ya ]</b>	
<b>[ Ca ]</b>			Yaṃ pārājīkakaṇḍassa	105
Catusaccavidū Saṭṭhā	73		Yathā thambhe nibandheyya	12
<b>[ Ta ]</b>			Yathāpi dīpiko nāma	12
Tatiyaṃ tīhi suddhena	1		Yasmā tasmā suviññeyyaṃ	1, 73
Tasmā hi yaṃ Aṭṭhakathāsu vuttaṃ	201		<b>[ Va ]</b>	
Tiṃsa nissaggiyā dhammā	219		Vatthum kālaṅca okāsaṃ	45
Tilatelassa yathā bindu	38		Vatthu kālo ca okāso	45
<b>[ Da ]</b>			Vatthu saññā ca rāgo ca	125
Dinnavibbhantapaccakkhā	285		<b>[ Sa ]</b>	
Dīgho rasso ca assāso	16		Samghādisesoti yaṃ vuttaṃ	109
<b>[ Na ]</b>			Saññāya virāgitamhi	125
Nimittaṃ assāsapassāsā	25, 29		Sallekham accajantena	261
Nimittaṃ rakkhato laddha	30		Sāraddhe kāye citte ca	17
Nimitte ṭhapaṃ cittaṃ	30			
Nissaggiyena āpattiṃ	311			